

R E G V L Æ
 E T
 C O N S T I T V T I O N E S
C L E R I C O R V M
 I N C O N G R E G A T I O N E
 V I V E N T I V M

Fratrum vitæ communis, Theatinorum, Paulinorum seu Barnabitarum, Societatis Iesu, S. Majoli Papiensis seu Somaſcę, Oratorij, Oblatorum S. Ambroſij, Miniſtrantium infirmis, Clericorum Minorum, B. Mariæ, Doctrinæ Chriſtianæ, Scholarum piarum, & aliarum religioſarum familiarum,

*Studio A V B E R T I M I R Æ I Bruxellensis,
 S. Theologiae Licentiati & Decani Antuerpiensis,
 unum in corpus collectæ, Notisq; illustratæ.*



A N T V E R P I Æ
 A P V D C Æ S A R E M I O A C H. T R O G N Æ S I V M.
 A N N O M. D C. X X X V I I I

RELIGIOSISSIMIS
CLERICORVM
IN CONGREGATIONE VIVENTIVM
FAMILIIS.

SVperiore saculo Lutherus, Menno, Muncerus, Zuinglius, Calvinus, & alij partim monachi excucullati, partim clerici apostata, à Satana incitati, priscas hareses pænè uniuersas, summo Ecclesia catholica damno, velut ab inferis renocarant. Inuidissimus nimirum humani generis hostis paucos quosdā è monachorum ac clericorum numero blandè seduxerat, quorum ministerio per uniuersum orbem sua venena diffunderet, & tantò certius de Religione, caremonijs, deq; clericali ac monastica vita, ut confidebat, subacta triumpharet, quantò nequiores; longq; usu cœnobij & vana doctrina ostentatione ad perniciem inferendam instructiores satellites suscitasset. Sed ne sua Deus Ecclesia deesse videretur, nouis diaboli machinationibus ac technis noua artes & remedia, nouis impiorum phalangibus noua religiosorum hominum legiones opponenda fuerunt. Primi itaque velut signum anno M. D. XXIV. 1524. sustulerunt B. Caietanus Thienæus & Ioannes Petrus Carafa, viri Apostolico spiritu pleni: qui ut Clericorum deprauatos mores non solum monitis, sed & exemplo suo corrigerent, Clericorum regularium familiam cognomento Theatinam fundarunt. Secuti deinde Hieronymus Æmylianus, Somaſcena congregationis parens; Antonius Maria Zacharias, Bartholomæus Ferrarius & Iacobus Antonius Morigius, Barnabitarum seu Paulinarum sodalium antesignani; S. Ignatius Loyola, Societatis Iesu conditor; & S. Philip-

pus Nerijs, Oratorij institutor. Hos exceperunt S. Carolus Borromeus, qui Oblatos S. Ambrosij; Camillus Lellius, qui Ministrantes infirmis; Ioannes Augustinus Adornus, qui Clericos regulares Minores; Ioannes Leonardus, qui Congregationem B. Mariae; Cæsar Bussi, & Ioannes Baptista Romillonius, qui sodales Doctrina Christiana in Gallia; Iosephus Calafantius, qui Scholas pias in Italia; Petrus Berullius, qui Oratorium Iesu Christi in Gallia, magno quisque zelo, instituerunt. Harum omnium piarum Congregationum Regulas & Constitutiones unum in corpus cum hætenus nemo collegerit, rem Ecclesiae utilem & religiosis familijs gratam me facturum existimaui, si provinciam istam alijs intactam amplecterer, amplexam pro virili illustrarem. Præstiti itaque, apud extremos hominum Morinos constitutus, quod pro tenuitate mea potui: & doleo non omnia me documenta, qua argumentum istud tangunt, ex Urbe alijsq; locis hætenus adsequi aut nancisci potuisse. Et verò cæpisse, in tanta rerum varietate, satis mihi fuerit: alios excitasse, viamq; patefecisse, fructus erit, ut spero, in Ecclesia aliquando non exiguus. Eant ergo, qui seculum istud effectum falsò clament; qui Antiquitatem tantummodò scrutantur, admirantur, prædicant; qui sui nostri exempla negligunt, aut stolidè contemnunt. Habemus Petros, Paulos, Antonios, Augustinos, Hieronymos, Ignatios: quos etsi cum priscis illis heroibus comparare non ausim, nostra tamen ætatis hominibus in exemplum dare ac proponere liceat. Numeramus multa & magna nomina, Carolos, Philippos, Cafares, Camillos, & id genus alios carnis, mundi, demonum victores ac triumphatores. Sunt itè ad manum istorum illustrium virorum illustres præcones, quos suis infra locis nominabimus ac producemus. At vero cum vitio conditionis humanæ (Taciti verba sunt) datum sit, ut præsentia des-

piciat-

piciamus, & suspiciamus antiqua; erunt, scio, qui vulgare illud, Hesterni sunt, nobis obijcient. Illis ego cum Arnobio breuiter respondeo, Auctoritatem non tempore æstimandam esse, sed numero; nec qua die, sed quid coeperis cogitandum. Addo & illud Gregorij Nysseni, Deum iā inde a Noëmi diluuiō singulares viros singulis ætatibus, & ceterorum piorum hominum duces & antesignanos, extulisse. Quin imō ea est Maiestatis Diuina erga Ecclesiam benignitas ac prouidentia, ut pro necessitate temporū novas in ea familias, nouos Ordines suscitet, & tamquam non contenta veteribus, alias ei copias suppeditet, alia denuō præsidia subministret. Testatissima sunt hæc vel ex ipso sæculorum decursu, si quis singularum ætatum hæreses & religiosas familias eis à Deo oppositas in memoriam reuocet. Quòd si porro cuiusque vires, munia ac functiones seriò quis expendere, nullam temerè aut fortuito, sed celesti omnes prouidentia ac cōsilio institutas, singulas verò dotibus ad destinatos usus necessarijs abundè locupletatas intelliget. Ceterum inscitia tollenda, & Clericorū moribus (qui lapsu atque iniuriā temporū, ut nihil est stabile in rebus humanis, pessum ierant, emendandis remedium à Pontif. Romanis, ineunte sæculo superiore, quærebatur. Eximiam hac in re operam Hadrianus VI. præstare cœperat: sed mors inuida laudatissimos eius cœnatos abruptit. In pontificatu & sanctissimo illo studio Clemens VII. successit: quo viuente, benignissimus Deus tres pijsimas Clericorum familias, Theatinam, Somaſcenam & Paulinam, ad veterem Cleri disciplinam in usum reuocandam, oportunissimè excitauit. Secuta sunt alia postea, suo ordine à nobis. infra laudanda: sed hic stilum nunc sisto, & Deum venerans precor, ut singulis salutare det incrementum.

Antuerpiæ VIII. Kalendas Nouembris, M. DC. XXXVII.

ALBERTVS MIRÆVS.

(:) 3

INDEX

INDEX ARGVMENTORVM

SERIE TEMPORVM

DISTRIBVTVS.

- **C**ongregatio Fratrum vite communis, à Gerardo Magno Dauentriensi, eiusq; discipulo Florentio Raduinio circa annum 1379. instituta: pagina 1.

Constitutiones seu Statuta FF. Dauentriensium, Colonien-
sium & aliorum habentur pag. 3. & 144.

Constitutiones Clericorum regularium (quos vulgò Thea-
tinos vocant) à B. Caietano Thienao Vicentino, Ioanne
Petro Carafa Neapolitano (tunc Episcopo Theatino, post Car-
dinale, & demùm Papa) ac socijs 1524. institutorum: pag. 23.

Congregatio Somaſcenorum seu S. Majoli Papiensis, ab
Hieronymo Æmiliano, patricio Veneto, Somaſca 1528.
incobata: pag. 71.

Excerpta ex Constitutionibus dictæ Congregationis Somaſ-
cena & Doctrina Christiana in Gallia, exstant pag. 137.

Congregatio Barnabitarum seu Clericorum regularium
S. Pauli, ab Antonio Maria Zacharia Cremonensi, Bartho-
lomæo Ferrario & Iacobo Antonio Morigio, patricijs Me-
diolanensibus, anno 1533. incobata, & à Clemente VII. an-
no eodem approbata: pag. 53.

Societas IESV, à S. Ignatio Loyola Cantabro condi-
ta, & 1540. à Paulo III. est approbata. pag. 58. Regule
communes eiusdem habentur pag. 67.

Congregatio Clericorum Boni IESV, à duobus pijs Sa-
cerdotibus Rauennatibus Leone & Hieronymo est instituta;
hortante Margarita virgine Rauennate, quæ magna san-
ctitatis opinione anno 1505. decessit. pag. 70.

Congregatio Presbyterorum Oratorij, à S. Philippo Ne-
rio

rio Florentino circa annum 1550. Roma incohata, & 1595. à Gregorio XIII. confirmata. Instituta dicta Congregationis Oratorij, 1612. à Paulo V. approbata, exstant pag. 78.

Congregatio Oblatorum S. Ambrosij, à S. Carolo Borromeo, Mediolanensi Archiepiscopo, 1578. instituta; probante Gregorio XIII. Pontifice: pag. 98.

Congregatio Clericorum regularium Ministrantium infirmis, à Camillo Lellio, Theatina diœcesis Presbytero, S. Philippi Neri discipulo, condita, & 1586. à Sixto V. approbata: pag. 101. Regula eorum seu Formula viuendi, 1591. à Gregorio XIV. approbata, exstat pag. 103.

Congregatio Clericorum regularium Minorum, à Ioanne Augustino Adorno, Genuensi, anno 1588. Neapoli incohata, & anno eodem à Sixto V. tabulis firmata. Excerpta ex eorundem Constitutionibus, 1605. à Paulo V. probatis reperies pag. 109.

Congregatio Clericorum B. Maria, in urbe Lucensi 1574. à Ioanne Leonadio, Lucensis diœcesis Sacerdote, incohata, & 1596. à Clemente VIII. approbata: pag. 111.

Congregatio Clericorum Doctrina Christiana, in Gallia 1592. à Casare Busio & Ioanne Baptista Romillonio excitata: cuius quidem Congregationis domicilia anno 1616. partim Somascenis, partim Presbyteris Oratorij in Gallia aggregata fuerunt: pag. 75. 137. & 143.

Congregatio Presbyterorum Oratorij Iesu Christi Domini nostri, anno 1611. à Petro Berullio Parisiensi, S. R. E. Cardinale incohata, & 1613. à Paulo V. approbata: pag. 117.

Congregatio Clericorum Doctrina Christiana in urbe Roma 1607. à Paulo V. instituta, & ab alijs deinde Pontificibus stabilita: pag. 116.

Congregatio Clericorum pauperum Matris Dei Scholarum piarum, Clementis VIII. auctoritate, à Ioanne Calasan-

laſantio Aragonio inſtituta; à Paulo V. Gregorio XV. & alijs deinde Pontificibus ſtabilita: pag. 111.

Elenchus veterum Regularum & Conſtitutionum aſceticarum; ducto initio à S. Pachomij aſco: pag. 127.

Posteriorum ſeculorum Familia religioſa, & à quibus Pontificibus ſint approbata: pag. 152.

Clericorum in congregatione viuentium dua ſunt hodie claſſes: una eorum, qui non adſtricti votis ſolemnibus viuunt in communi domo & menſa, ut olim Canonici ſuis in clauſtris vixerunt: altera eorum, qui vota ſolemnia emittunt, & proprietatem omnium rerum à ſe abdicant. Prioris claſſis ſunt Patres Oratorij in Italia, Gallia & alibi; item Oblati S. Ambroſij in diœceſi Mediolanenſi. Posterioris ſunt Clerici regulares Theatini, Somaſceni, Paulini, Societatis Jeſu, Miniſtrantes infirmis, Clerici Minores, B. Maria, & Scholarum piarum: pag. 77.

APPROBATIO CENSORIS.

Regulæ & Conſtitutiones Clericorum in congregatione viuentium, à Reuerendo admodum & Clariffimo Viro Domino Auberto Miræo, Decano Antuerpienſi, collectæ, & varijs modis illuſtræ, vtiliter excudentur, ad plurimorum inſtructionem. Datum Antuerpiæ die 26. Octobris 1637.

Gaspar Eſtrix. Pleb. & lib. Cenſor.

CONGREGATIO
CLERICORVM SEV FRATRVM
VITÆ COMMVNIS

A Gerardo Magno Dauentriensi, eiusquē discipulo Florentio Radevinio circa annum 1379. instituta.

CAPVT I.

*Excerptum ex Ioannis Buschij Chronico
Windefimensi.*



Diuina prouidentia senescentem mundum, iamquē ad inferos descendentem oculo pietatis & clementiæ suæ respiciens, in extremis penē terrę finibus lumen valdē cælicum, mentium illuminatiuum, dignata est accendere, quod corda tenebrosa, callo malæ consuetudinis plurimum obdurata, & multis peccatis valdē infrigidata intus illustraret, calorequē caritatis vehementer accenderet; venerabilem videlicet virum, magistrum GERARDVM MAGNVM, opidi Dauentriensis incolam, Traiectensis diocesis diaconum, vita, scientia, ætate & gratia Deo & hominibus spectabilem. Hic zelo diuini amoris vehementer accensus, in spiritali vita & sancta conuersatione benē exercitatus, omnes homines saluos fieri, & ad agnitionem veritatis venire desiderans, de internæ pacis & quietis suæ solitudine, vbi soli Deo cognitus vacabat, mundi huius Oceanum ingressus, verbum Dei omnibus palam prædicare cupiebat. Fecit ergo se in ecclesia Traiectensi per gradus Ecclesiasticos inferiores in Diaconum promoueri, vt sanam doctrinam & Evangelicam veritatem, absque alicuius contradictione, ex officio publicē posset prædicare. Ad gradum verdē Sacerdotij, propter excellentissimam eius dignitatem, & profundissimam sui ipsius humilitatem, nunquam voluit promoueri, in humili magis statu obsequium Deo gratum eligens exhibere; nisi in quantum animarum, verbo & exemplo suo, Christo lucrandarum salus requirebat. Plurimorum autem animos in vicinorum suorum reprehensione præuidens perturbandos, & humani generis inimicum salutaris doctrinæ prædicationem per eos posse impedire, nisi legitima & ordinaria fuisset auctoritatē debitē fulcitus, dominum Florentium Traiectensis ecclesie Antistitem adiit, petitionis suæ intentionem, sanctumquē propositum ipsi insinaturus. A quo gratiosē susceptus plenam litteratoriē obtinuit auctoritatem, verbum Dei, sanamquē doctrinam per vniuersam diocesim suam publicē prædicandi: ita vt in ciuitatibus, opidis & villis suis nullus Curatus seu alia cuiuscumque dignitatis persona ipsum à diuini verbi prædicatione vniquam amouere, non admittere, aut aliquatenus præsumeret impedire, si Dei omnipotentis indignationem, suamquē acrimoniam, iudiciariamquē vindictam vellet euadere.

Vorch.

Venerabilis ergo pater Gerardus Magnus huiusmodi auctoritate pontificali roboratus, verbum Dei, sanctum Christi Euangelium, canonicamquē Scripturam in diuersis ecclesijs præfate diocesis publicē & priuatim vbique prædicare, & euangelizare non cessauit; vbique ponens Euangelium non quæstus causa, sed sincerē propter Christum solum, & animarum salutem, proprijs suis stipendijs militans Deo.

1. Cor. 9.

Multis igitur ciuitatibus, opidis & villis, clericis & populis instanter euangelizatis, in Traiecto videlicet, Dauentria, Zuollis, Campi, Amerisfordia, Amsterdams, Harlema, Gouda,

A

CONGREGATIO FRATRVM

da, Leidijs, Delft, Zimphania, ceterisque similibus, ubi animarum salutem sua ex prædicatione sperabat adfuturam, multos avertit ab iniquitate. Omnis ergo populus in nuncupatissimo permaximo ad audiendum sermones eius frequenter convenit: ita ut in ecclesijs, seu etiam coemiterijs se capere vix sufficerent. Zelo etenim conversionis omnium vehementer accensus, vno die plures sæpe sermones ad eundem populum fecit, quos in secundam vel tertiam horam aliquando refertur protraxisse.

Commovit igitur sua prædicatione ferventissima, sancta vita & bona conversatione omnem Clerum & populum, divites & pauperes, senes & iuvenes, virgines & viduas, vtriusque sexus homines, etiam in matrimonio constitutos, eosque ad agendam poenitentiam, ad mundi contemptum, peccati odium, melioris vitæ desiderium, extremi iudicii pavorem, æterni ignis infernalis horrorem, patriæ cælestis amorem, ad Dei beatificam visionem, & Angelorum perpetuam societatem appetendam & acquirendam, verbis & exemplis, necdum omnibus quibus potuit, inducere curavit. Plures ergo sacerdotes, honesti viri & femine diversis in locis, ad eius prædicationem corde compuncti, totisque præcordiorum suorum affectibus mundum relinquere, & mundanam conversationem desere, & Deo creatori suo in vera patientia, fide, spe & caritate, & æternorum amore fideliter deservire ferventissime desiderabant.

Venerabilis porro Christi leuita Gerardus, zelo fraternæ caritatis accensus, ut sibi ipsi, cunctis per orbem devotis presbyteris & clericis occasionem daret, & normam recte vivendi, ac verbum Dei in sancta Ecclesia catholice prædicandi, post canonicam Scripturam omnibus Christianis iure amplectendam, etiam SS. Patrū orthodoxorum scripta, dicta & opera, eorumque exemplaria vera de diversis monasterijs & collegijs vendicunque recollectit. *DAVENTRIÆ* igitur cum in diebus suis particulare studium plurimorum suppositorum in pleno esset vigore, ubi iuvenes & adolescentes, maiores & minores, de diversis mundi partibus accumulatae confluentes, in suis fundamentalibus optime imbuebantur, venerabilis pater magister Gerardus plures huiusmodi clericos, scriptores meliores, in votum recollectos, libros SS. Patrum in forma meliore (salvo pretio condigno) per eos exscribi fecit & excipiari: erat enim cuius Daventriensis substantiæ non mediocri, sed pinguiori. Quibus aliquanto tempore necessaria victus & vestitus de pretio sic acquisito studiose conquirentibus, pius tandem & devotus pater dominus Florentius Radenimius, Daventriensis Vicarius, per magistrum Gerardum conversus, eidem Gerardo proposuit dicens: *Prædilecte magister. quid noceres, quid ego & clerici qsi scriptores bonæ iam voluntatis, ea qua septimanatim habemus expendere, in unum reponentes in communi pariter vivemus?* Tunc magister Gerardus parumper intra se deliberans, ait: *In nomine Domini. Incipiat. Ego ero defensor vestester & protektor fidelis adversus omnes, qui contra vos insurgere, vosque in præmissis tentaverint impedire.* Consolatoria igitur huiusmodi promissione eius suscepta, devotus pater dominus Florentius, una cum dictis clericis scriptoribus bonæ voluntatis, pretium laborum manuum suarum, de singulorum scripturis septimanatim exactum, in bursam communem reponentes, communem vitam in Dei nomine hoc modo incohaverunt, quam cum ingenti cordis letitia & temporalium bonorum felici prosperitate tempore non modico devotè continuaverunt.

Considerantes autem præfati clerici huiusmodi communem vitam viam esse perfectionis, in Ecclesia primitiva ab Apostolis institutam, quando cunctis in eandem fidem Christianam concurrentibus erat cor unum & anima una in Deo, nec quisquam aliquid suum esse dicebat, sed erant illi omnia communia, nec quisquam egens erat inter illos; & in Evangelio cuncta relinquentibus & Christum imitantibus censuram & vitam æternam a Christo repromissa; cordis insuper & corporis sui quietem, & pacem bonam in huiusmodi sua communi provisione reperientes, de magistri Gerardi consilio, communi omnium decreto proposuerunt, & firmaverunt deinceps in tali communi vita, sub vera domini Florentij obedientia (quamvis solemniter non promissa) cunctis diebus vitæ suæ remanere; victum & vestitum, ceteraque corporum suorum correquisita de labore manuum suarum in communi, præsertim scripturarum, indefessè procurando.

Pater

Pater itaque devotus dominus *Florentius* praefatus, cum suis presbyteris & clericis, in vita communi pariter commorantibus, de consilio magistri *Gerardi*, formam & modum in communi vivendi, loca & tempora laborandi, vigilandi, dormiendi, orandi, legendi & corpora reficiendi, aliorum quae saluti aliquando insilendi, statui suo optimè convenientia salubriter & compendiosè componentes, cunctis per orbem religiosis, virisque & feminis secularibus Apostolicæ vitæ formam & Evangelicæ perfectionis exemplar formale, & bene imitabile oculata fide se prae buerunt: ut etiam in se oculos, vitam eorum praesentitate collaudantium, redderent attentiores. Huiusmodi igitur occasione omnes ubique Congregationes devotæ presbyterorum & clericorum primitivum suscepisse dignoscuntur exordium, per orbem iam Alemanicum plurimum dilatatae.

Gerardus Magnus Daventriensis anno 1384. & *Florentius Raderimus Leidenhamus* anno 1400 magna sanctitatis opinione in Domino obdormierunt. Virisque vitam, ut & primorum affectuum, scripsit *Thomas Kemperis*, *Florentij* discipulus. Cuius quidem *Thoma* antequam De imitatione Christi libellum in unum esset manibus, praeter alia eiusdem opera *Antuerpia* 1600. in unum edita.

Cap. 11. Qua ratio vivendi, & quis status fuerit Fratrum vitæ communis apud Daventrienses, sub annum Christi millesimum quadringentesimum quinquagesimum septimum. Ex ms. codice Fratrum olim Bruxellensium, infra cap. 5. citato, quem nunc adseruant Clarissa moniales Urbanae in eadem urbe.

IN nomine Domini, amen. Anno ratiuitatis eiusdem millesimo quadringentesimo ^{1457.} quinquagesimo septimo, Indictione V. die mensis Iunii sexta, pontificatus S.D.N. *Calisti* Papa tertij anno tertio, in mei Notarii publici, & testium infra scriptorum praesentia personaliter constituti honesti ac devoti viri, *Egbertus* scilicet *Beek*, *Radolphus de Muden*, *Ogervus de Horn*, *Ioannes de Hattem* & *Petrus de Amsterdam*, presbyteri, Prouisores pro tempore Domus clericorum, dictæ vulgariter *Domus domini Florentij in Dauentria*, nec non ceteri presbyteri, clerici ac familiares eiusdem Domus, volentes & omnibus modis providentes, ut in eadem Domo, ex hoc & in futurum, temporibus perpetuis, Domino Deo in humilitate, castitate & caritate, ceterisque virtutibus, sub obedientia sanctæ matris Ecclesiæ, à seruis Dei inibi congregatis vel congregandis fideliter & deuotè seruatur, matura deliberatione præhabita, ad ea quæ sequuntur concorditer & unanimiter se obligauerunt.

In primis, quoniam communis vita semper in promptu fuit ijs, qui Domino Deo irreprehensibiliter militare cupierunt, idcirco Prouisores, presbyteri & clerici, ac familiares antè nominati omnia & singula bona sua, mobilia & immobilia, qualitercumque denominata vel denominanda & ubicumque situata, quæ ad ipsos vel quemlibet ipsorum noscuntur pertinere, & ea quæ in futurum, omni tempore quo in prædicta Domo seu fraternitate aut societate morabuntur, aut incorporati erunt, contingerit obtinere, dederunt, donauerunt & tradiderunt, omnibus melioribus modo & forma, quibus efficacius & melius potuerunt sibi inuicem, de natione inter viuos. Ita videlicet quod omnia & singula bona præmissa, erunt eis indifferenter communia, & manebunt perpetuis temporibus, pro deuotis presbyteris & clericis praesentibus, & per eos & eorum successores, sub ista forma resignationis bonorum suorum, ad communionem suæ societatis siue fraternitatis ac bonorum suorum prædictorum assumendis.

Quam donationem & communionem bonorum suorum, pro se & suis successoribus ratam & firmam esse voluerunt, ac perpetuè valituram: ita quod nullus eorum habere

vel tenere debeat aliquam proprietatem in quibuscumque bonis seu rebus prædictis, sed debeat viuere in communi, de laboribus manuum suarum, prouentibus & bonis à Deo eis collatis & conferendis. Sic quoddam heredes ipsorum Prouisorum, presbyterorum, clericorum ac familiarium antè nominatorum & suorum successorum nullum ius hereditariæ successionis in bonis præmissis, aut quolibet præmissorum quoquomodo poterunt obtinere. Cum protestatione huiusmodi, quoddam si contingeret quemquam ipsorum Prouisorum, presbyterorum, clericorum & familiarium suprà expressorum, quacumque occasione, prædictam habitationem aut societatem siue fraternitatem, sine consensu sanioris ac maioris partis relinquere, & ad alia se transferre, ille penitus amitteret omne ius quod in dictis bonis hæcenus habuisset, nec præter vestimenta sua quotidiana quidquam ei licitum erit secum tollere, nec poterit aliquid iuridicè petere vel exigere, aut super quibuscumque bonis alios Prouisores, presbyteros, clericos & familiares dictæ Domus molestare.

Si verò aliquis eorum, propter excessus enormes, vel malos & incorrigibiles mores suos, à ceteris presbyteris & clericis, vel maiore & saniore parte eorum amouendus decerneretur, ille sine omnium contradictione & rebellionem debet exire & recedere, & ut præmissum est, præter vestimenta sua quotidiana nihil secum tollere vel exigere, nec eos vel aliquem eorum super quibuscumque bonis molestare; nullo subsidio Iuris Canonici vel Civilis sibi penitus suffragante aut suffragium præstituro, omnitus dolo & fraudibus circa præmissa seclusis. Super quibus omnibus & singulis dicti presbyteri & clerici sibi petierunt fieri vnum vel plura Instrumenta. Acta sunt hæc Dauentriæ in Domo domini Florentij, sub anno, Indictione, mense, die, hora & pontificatu, quibus suprà, præsentibus ibidem discretis viris, D. Theoderico ter Poerten presbytero Colonienfis diocesis, Ludolpho Brunonis opidano Dauentrienfis, diocesis Traiectensis, & Timanno Vedelen de Borcken, Monasterienfis diocesis, testibus ad præmissa vocatis. Ego Ioannes de Paruo palatio, clericus Traiectensis diocesis, publicus Notarius, quia præmissis omnibus, vnà cum prænominatis testibus, præsens interfui, ideo hoc publicum Instrumentum per alium fidelem, me alijs occupato negotijs, fideliter scriptum exinde confeci, & in hanc publicam formam redegi, signoque & nomine meis consuetis signaui.

Cap. 111. Dauid à Burgundia, Episcopus Vltraiectensis, Congregationem Clericorum vitæ communis in urbe Dauentriensi confirmat, & priuilegijs auget anno 1457.

DAuid de Burgundia, Dei & Apostolicæ Sedis gratia Episcopus Traiectensis, dilectis nobis in Christo deuotis Rectori, presbyteris & clericis Domus clericorum, dictæ vulgariter Domus domini Florentij in Dauentria, nostræ diocesis, præsentibus & futuris salutem & sinceram in Domino caritatem. Pía nos deuotio, diuinæque inspiratio multipliciter admonent & hortantur, ut illis libenter intendamus votis, per quæ deuotarum personarum Congregationi Altissimo in humilitatis spiritu famulandi sincerior deatur aggressus, ipsarumque deuotio commendabilis firmitus solidetur. Sanè non sine lucida informatione considerantes infra scripta vobis vel vestræ deuotæ Congregationi, ad expressos effectus vestræque deuotionis sinceritatem, plurimum suffragari; hinc deuotis vestris supplicationibus inclinati, omnia & singula in Instrumento foundationis, cui præsentis nostræ litteræ transfiguntur, contenta, grata habentes atque in Domino commendantes, auctoritate nostra ordinaria, tenore præsentium ratificamus, approbamus atque in Dei nomine confirmamus, eisque omnibus & singulis nostrum adhibemus consensum pariter & assensum.

Vt etiam Statuta, Constitutiones seu Consuetudines licitas & honestas, pro exigentia status & Domus vestrorum deseruientes condere, illaque seu illas in parte vel in toto tollere

Iere, & loco sublatorum vel sublatarum huiusmodi alia vel alias edere seu statuere, illisque addere & ab eis demere & excipere; transgressores quoque consuetudinum earundem, iuxta perpetrati delicti exigentiam, nostra auctoritate ordinaria corrigere; Visitatores etiam probos & deuotos viros, qui vos ordinaria visitatione visitare valeant atque in capite & in membris reformare, vnanimiter aut per voces saniores eligere; vosque & quilibet vestrum, nec non continui vestri commensales, familiares, ministrantes, hospites se per Rectorem pro tempore antedictæ Domus, vel per vicem eius gerentem, seu per alium presbyterum idoneum de licentia ipsius; clerici quoque & scholares quicumque Dauentriæ studentes, nec non & deuotæ personæ sorores in dicto opido nostro seu parochijs de Dauentria in communi viuentes, ac eorum familiares, commensales & hospites, singuli quoque in habitatione scholarium, dicta vulgariter Nova domo, sub cura seu regimine vestro habitantes seu moram trahentes, se per Rectorem seu quemuis alium eiusdem Domus presbyterum idoneum, insuper & ceteri vtriusque sexus homines infra dictum opidum nostrum & parochias de Dauentria constituti, qui de speciali super hoc à Pastore siue Superiore suo obtenta licentia ad vos vel ad quemlibet vestrum, gratia confitendi, confugerint, se per Rectorem seu quemuis alium eiusdem Domus pro tempore presbyterum idoneum, Rector vero pro tempore se per quemcumque presbyterum, quem sibi duxerit eligendum, ab omnibus peccatis, quæ confitebimini seu confitebuntur, aut ipse Rector confitebitur, etiam in casibus occultis, nec non censuris Ecclesiasticis, propter læsuram clericis scholaribus antedictis à se mutuo illatam seu inferendam, à Iure inflictis, nostræ ordinariæ potestati de iure, statuto, priuilegio aut consuetudine specialiter reseruatis, iniuncta vobis & eisdem pro modo culpæ penitentia saluari, absolui; Vota etiam minora in alia pietatis opera commutare, ac in locis vestris in portatili seu in portatilibus, in decenti & honesto loco, Missas & alia diuina officia, quoties deuotio exegerit, celebrare ac celebrari facere; necnon clericis & continuis commensalibus, cohabitantibus, ministrantibus, familiaribus ac hospitibus Domus vestræ & Nouæ domus præfatarum, temporibus congruis Eucharistiæ Sacramentum & cetera ecclesiastica Sacramenta ministrare & ministrari facere, etiam tempore Interdicti nostræ aut inferiorum nostrorum auctoritate positi, dum tamen causam Interdicti non dederitis, aut ipsi non dederint, vel id vobis aut ipsis specialiter interdicti non contigerit, aut ipsemet clerus totus interdictus non fuerit, & hoc tunc ianuis clausis, interdictis & excommunicatis exclusis, ac submissa voce; nec non & vos & quilibet vestrum de licentia Rectoris pro tempore vel vicem eius gerentis, dum in *reyla* (id est, in profectu) existiteritis, Confessorem eligere & alia Sacramenta ecclesiastica, toties quoties oportuerit, accipere valeatis.

Clerici vero seu personæ Domus vestræ huiusmodi à quocumque Antistite noto catholico, sacrosæ Romanæ Ecclesiæ subiecto, in nostra diocesi vel extra eam, statutis à Iure temporibus, super bona communia eiusdem Domus, ad omnes sacros Ordines & non sacros, dummodo sufficientes & idonei reperiantur, & aliud canonicum impedimentum non obstitit, se promoueri facere; sigillum etiam commune habere & obtinere; quodque verbum salutis & vobis inuicem, aut clericis, scholaribus ac vulgaribus laicis, infra septa, pro tempore loci vestri, modo piæ admonitionis, instructionis aut collationis gratia, consueto more, proponere possitis ac valeatis; ac commensales, familiares, ministrantes, hospites & aduenientes ac homines antedicti possint & valeant, respectiue vobis & eisdem commensalibus, familiaribus, ministrantibus, hospitibus, aduenientibus, clericis atque hominibus, ac vestrum & eorum cuilibet, respectiue, nostra ordinaria auctoritate tenore præsentium perpetuis temporibus indulgemus, & licentiam impertimur, & auctoritatem. Insuper & vos & quilibet vestrum, coniunctim & diuim, quamdiu dictæ Domui & laudabili Cōgregationi incorporati existiteritis, aut aliquis vestrum existit, nunc & in futurum, nec non & res vestras ac bona, vbicumque existentia, præsentia & futura, sub B. Martini Episcopi & confessoris, patroni nostri, protectione ac nostra speciali defensione & saluaguardia, de speciali dono gratiæ suscipimus per præsentem.

Volentes nihilominus tenore præsentium & auctoritate nostra ordinaria decernentes, vt de cetero & in antea nullus ex vobis Rector, presbyteris & clericis, quamdiu præfata laudabili Congregationi, ac iuxta tenorem foundationis, vitæ communi seu fraternitati dictæ Domus inhaeritis seu incorporati fueritis, testamentum aliquod, codicillumve seu ultimam voluntatem, quocumque etiam casu, de bonis quibuscumque temporalibus condere teneatur. Sed & insuper, vt omnibus & singulis privilegijs, liberatibus & concessionibus prædictis, in locis quibuscumque nostræ diocesis, ad quæ prædictam laudabilem Congregationem vestram, quacumque occasione, transferri contigerit, auctoritate nostra ordinaria, vti & gaudere liberè & licitè possitis & valeatis, nostrarum testimonio litterarum. Datum anno Domini millesimo quadringentesimo quinquagesimo septimo, mensis Iunii die quarta decima.

1457.

Cap. iv. Pius II. Papa foundationem Domus Fratrum vitæ communis in urbe Dauentriensi, & privilegia eis à Davide Episcopo Ultraiectensi data confirmat, anno 1462.

Pius Episcopus, servus servorum Dei, ad perpetuam rei memoriam. Benigna clementia Sedis Apostolicæ, quæ digna dignis consuevit impendere, sic pia loca, in quibus floret honestas, & præclara sanctitatis merita ingiter reuiviscunt, patet hospitalitas gratiosa, & deuotæ laudis frequentia, celebrisque venerationis instantia diuinæ attollitur gloria Maiestatis, gratiosis fauoribus prosequitur; eisque concessa privilegia approbat & confirmat; illa etiam concedendo, per quæ salutem animarum consequi, ac deuotius & quietius Creatori omnium possit famulari, Exhibita siquidem nobis nuper, pro parte dilectorum filiorum Presbyterorum & clericorum secularium (in communi & absque aliqua proprietate bonorum, sine mendicitate, de laboribus manuum suarum, ac bonis eis in communi pia largitione Christi fidelium erogatis, & sub obedientia Prælatorum suorum laudabiliter cum clericis secularibus viuentium) *Domus domini Florentij, in epido Dauentriensi*, Traiectensis diocesis, petitio continebat: quòd dudum venerabilis frater noster *Dauid de Burgundia*, Episcopus Traiectensis, ad humilem supplicationis instantiam Presbyterorum & clericorum prædictorum, erectionem & foundationem Domus prædictæ confirmauit & approbauit, ac insuper Presbyteris & clericis, in illa pro tempore degentibus, diuersas gratias, privilegia & indulta, salubrem statum ipsorum, diuini cultus erectionem, eorum visitationem & correctionem, ac Sacramentorum ecclesiasticorum administrationem concernentia concessit; prout in litteris autenticis desuper confectis, ipsius Episcopi sigillo munitis, quarum tenorem de verbo ad verbum præsentibus annotari fecimus, plenius continetur.

Quare pro parte Presbyterorum & clericorum Domus huiusmodi nobis fuit humiliter supplicatum, vt omnibus & singulis per præfatum Episcopum gestis, confirmatis & approbatis, ac eiusdem Domus Presbyteris & clericis concessis & indultis privilegijs ac gratijs huiusmodi, pro illorum subsistentia firmiore, robur Apostolicæ confirmationis adijcere, aliisque in præmissis ac etiam saluti animarum Presbyterorum & clericorum eorumdem oportunè providere de benignitate Apostolica dignaremur. Nos igitur qui diuinum cultum vbique vigere & augeri, nostris potissimum temporibus, supremis desiderijs affectamus, huiusmodi supplicationibus inclinati, omnia & singula privilegia, gratias & indulta dictis Presbyteris & clericis concessa, ac inde secuta quæcumque, auctoritate Apostolica, tenore præsentium confirmamus & approbamus, ac præsentis scripti patrocinio communimus; suppletes omnes defectus, si qui forsan interuenerint in eisdem.

Ac insuper eisdem Presbyteris & clericis, quòd ipsi in portatilibus eorum, in locis congruentibus & honestis, etiam tempore Interdicti, siue à Sede Apostolica aut quocumque

que alio positi, siue aliàs etiam ante diem, ianuis clausis, per se vel quemcumque alium sacerdotem (ex communicationis tamen & interdictis exclusis) in præsentia domesticorum & commensalium, Missas & alia diuina officia celebrare, & celebrari facere, ac eisdem Eucharistiæ & alia Sacramenta ecclesiastica ministrare & ministrari facere, & in eisdem locis siue portatilibus consecratis ipsum Eucharistiæ sacramentum decenter reservare & reservari facere; nec non personarum, quarum confessiones, secundum indultum præfati Episcopi, audierint, illas à quibuscumque earum peccatis, criminibus & excessibus, nec non excommunicationis, suspensionis & interdicti, aliisque Ecclesiasticis sententijs, censuris & poenis (Sedi Apostolicæ reservatis casibus dumtaxat exceptis) plenarie absolvere, nec non peregrinationis & alia quæ emiserint vota (ultramarino & beatorum Petri & Pauli Apostolorum de Vrbe ac S. Iacobi in Compositionella votis exceptis) in alia pietatis opera commutare, iniuncta eis poenitentia salutari, & si contingat ipsam Congregationem transferri ad alium locum siue ciuitatem, personæ sic translatæ & eorum posteri omnibus & singulis præminuentijs, priuilegijs, prærogatiuis, concessionibus, indultis & gratijs, in omnibus & per omnia, ac si specialiter eis concessa fuissent, prout ipsi de dicta Domo Dauentriensi videntur & gaudent, vti & gaudere & scholares & alias personas ad confessionem & absolutiorem, in omnibus & per omnia, sicut per præfatum Episcopum ipsi Demui Dauentriensi concessum existit, admittere possint & valeant, eadem auctoritate concedimus pariter & indulgemus: non obstantibus constitutionibus & ordinationibus Apostolicis ceterisque contrarijs quibuscumque.

Tenor verò litterarum prædictarum talis est: *In nomine Domini, amen. Anno natiuitatis eiusdem millesimo quadringentesimo quinquagesimo septimo, Indictione V. Ecce. David de Burgundia &c. vs. superiori capite.* Nulli ergò omnino hominum liceat, hanc paginam nostræ confirmationis, approbationis, communionis, suppletionis & concessionis infringere, vel ei ausu temerario contraire. Si quis autem hoc attentare præsumperit, indignationem omnipotentis Dei & beatorum Petri & Pauli Apostolorum eius se noverit incursurum. Datum Romæ apud S. Petrum, anno incarnationis Dominicæ millesimo quadringentesimo sexagesimo secundo, XV. Kalendas Februarij, pontificatus nostri anno V.

1462.

Cap. v. Excerptum ex Chronicis Christiani Massai, qui de Congregatione Clericorum seu Fratrum vita communis fuit, & anno 1540. floruit.

ANNO 1379. multi per orbem floruerunt viri virtutum, *Petrus ab Aliaco Camera-* 1379.
acensis Episcopus Cardinalis, *GERARDVS* cognomento *MAGNVS*, & alij. Quo-
rum Gerardus cum esset Parisijs doctissimus, relicta Sorbona, *Dauentriam* redijt, vnde *Dauentz.*
fuerat oriundus. Verbum Dei seruentissime diaconus tantum prædicabat. *FRATRES*
illic instituit, qui scholas tenerent, & non tantum litteras, sed mores quoque discipulos
suos & bene viuere edocerent. Et ipse quidem presbyteri gradum non audebat suscipere,
indignum sese vociferans. Qui sæpe dicere solebat, *Pro toto anno Arabia nollem habere cu-*
vam animarum vel spatium unius noctis. Vnum verb ex omnibus ad sacerdotiū promouit
FLORENTIUM: à quo hodieque Domus illa Fratrum, *Domus domini Florentij* nunc-
cupatur. Defunctus est autem venerabilis pater Gerardus anno salutis 1384. ipso die B.
Bernardi, quem & S. Augustinum præcipua veneratione coluerat. Post cuius excessum,
pater Florentius quosdam e fratribus presbyteros ordinari fecit. E quibus *Gerardus* iu-
nior, natione *Zuthemiensis*, duos De spiritali exercitio libros edidit certè vel vtilissimos.
Obijt hic anno Domini 1398. ætatis suæ 31. *FLORENTIUS* autem defunctus est an-
no 1400. Vitas eorum scripsit dominus Thomas à Kenpis, quondam ipsorum discipulus,
& deinde apud Montem S. Agnetis regularem S. Augustini ordinem professus. Ex his fuit
& magister *Gabriel Biel*, puper Tubingensis scholæ celeberrimus Doctor. Cuius scripta
super

super Canonem Missæ, & alia opera eius nunc in maximo pretio sunt. Vivunt autem in communi, secundum instituta primitivæ Ecclesiæ, sine proprio, sine mendicitate, Dixeruntque suis simpliciter subditi. Quod autem tunc sincerius sese gesserunt, et violentius antiquus hostis se illis opposuit. Sulcavit illis detractores multos: quorum vnus in generali Concilio Constantiæ celebrato ausus est dicere, eos esse ex illis, quos dudum Romani Pontifices Bonifacius, Clemens & Ioannes exterminaverant. Cuius calumniæ viriliter restitit magister *Ioannes Gerson*, Cancellarius Parisiensis, tunc in ipso Concilio præfens; eoque perpulit hominem, ut ipse cum libello famoso, quem Senatui legerat, igni adiudicaretur. Tunc Fratres qui aderant, prouoluti iudicum pedibus, precabantur veniam reo; ut liber tantum incenderetur, non auctor. Annutum precibus supplicantium, & incenso volumine, iussus est auctor exire provincia, nec amplius innocentes infamare. Pro quibus in eodem Concilio præfatus Gerson pulcherrimum tractatum edidit, ostendens eos non minus esse Religiosos alios, qui Religionis nomine nuncupantur. Quos dictum Concilium, præfidente Martino V. plurimum corroboravit, modumque vivendi comprobans, hortabatur viriliter agere, scholas erigere, ad pietatem discipulos infligare, quibus Ecclesia Dei fulciretur, quibusque vel maxime tunc indigebat. Vidiego ante annos multos, præter dictum volumen Gersonis, in Buscoducis, etiam apud Bruxellam multas Eugenij IV. & Pij II. litteras, perpulchra privilegia ipsis Fratribus indulta continentes: ut Pater Domus per se & per suos deputatos possit audire confessiones scholasticorum, & absolvere ab omnibus casibus, Sedi Apostolicæ minime reservatis, Eucharistiæ quoque Sacramentum idoneis ministrare, nonnulla etiam vota in alia pietatis opera commutare, ubi & quando expedire videretur.

1457.

Cap. vi. Domus Fratrum vita communis apud Monasterienses in Westfalia ab Henrico Abuso anno 1424. fundatur.

MARTINVS Episcopus, servus servorum Dei, dilecto filio *Henrico de Abues*, perpetuo Vicario in ecclesia Monasteriensi, salutem & Apostolicam benedictionem. Nuper siquidem pro tua parte nobis inter alia exposito, quod olim tu intendens animarum providere salutem, ad individuum Trinitatis, gloriosæque Mariæ Virginis, nec non omnium Sanctorum laudem & gloriam, qualdam domum & aream, alias *Ter-Wijck*, nunc vero ad *Fontem salientem* appellatas, & infra limites parochiæ ecclesiæ eiusdem gloriosæ Virginis Monasteriensis consistentes, ad te quoque legitime spectantes, ut in Domo ipsa nonnulli Presbyteri, cum quibusdam clericis, sine mendicitate conuiverent, pure sub diuine retributionis spe, primo; & deinde recensens tu communem, qua unicuique, prout est opus, distribui debeat, vitam sine temporalium subsidio bonorum diu persistere non posse, Presbyteris & clericis tunc in Domo ipsa habitantibus pro te & eorum successoribus, qui in illa residerent pro tempore, perpetuos annuosque redditus viginti quinque marcharum denariorum Monasteriensium legalium & datiuorum, pro titulis quinque clericorum eorundem, ut illi, quos ex ipsis Paterfamilias dictæ Domus pro tempore existentes præsentare vellet, ad omnes sacros Ordines promoveri possent, donationem irrevocabili dederas & assignaras. Nos per alias nostras litteras dilecto filio Priori monasterij S. Mariæ in Windesheim, Traiectensis diocesis, inter cetera dedimus in mandatis, ut si & postquam sibi de donatione & assignatione prædictis legitime constaret, ipse illas & quæcumque inde secuta auctoritate nostra approbaret & confirmaret, supplendo omnes defectus, si qui forsitan intervenerant in eisdem; prout in ipsis litteris plenius continetur.

Nos igitur, ut ipsorum Presbyterorum & clericorum animarum salutem fructuosius consulatur, tuis in hac parte supplicationibus inclinatus, ut liceat eisdem Presbyteris & clericis, in loco ad hoc congruo & honesto, infra prædictam Domum altare habere portatile,

tile, cum debitis reverentia & honore, super quo per se aliosque idoneos sacerdotes Missas & alia diuina Officia celebrare & celebrari facere; nec non ipsi quemcumque idoneum, qui eorum ac singularum de familia dictæ Domus pro tempore existentium personarum, quoties ipsis videbitur, confessiones audire, illisque pro commissis per eos pro tempore peccatis, criminibus & excessibus (nisi talia sint, propter quæ Sedes Apostolica merito consulenda fuerit) cum absolutione debita poenitentiam salutarem iniungere, nec non Eucharistiæ ac quævis ecclesiastica Sacramenta & sacramentalia ministrare liberè & licitè valeat, presbyterum eligere possint (felicis recordationis Clementis Papæ VI. prædecessoris nostri & alijs quibuscumque Apostolicis constitutionibus contrarijs nequaquam obstantibus) tibi & illis auctoritate præsentium indulgemus; iure ecclesiæ eiusdem & alterius cuiuscumque in omnibus semper saluo. Datum Romæ apud SS. Apostolos, Nonis Ianuarij, Pontificatus nostri anno octauo.

1431

Cap. VII. Henricus Abusus domum aliam, in urbe Monasteriensi sitam, anno 1431. donat Clericis in communi viuentibus, Eugenio IV. Papa approbante.

EUGENIVS Episcopus, seruus seruorum Dei, dilecto filio, Priori monasterij Nemonis B. Mariæ, Monasteriensis diocesis, salutem & Apostolicam benedictionem. Exhibita nobis nuper pro parte dilecti filij *Henrici de Abnes* perpetui Vicarij in ecclesia Monasteriensis petitio continebat, quòd aliàs postquam ipse quasdam domum & arcem, infra limites parochialis ecclesiæ B. Mariæ virginis Monasteriensis consistentes, & quasdam annuos redditus (vt in ipsa domo plerique presbyteri, cum aliquibus clericis, sine mendicitate in communi viuerent) dederat & assignarat, nec non datio & assignatio huiusmodi auctoritate Apostolica confirmatæ fuerant, idem Henricus quamdam aliam ipsi domui contiguam, & *Langenhors* vulgariter nuncupatam domum, ad opus aliquorum presbyterorum & clericorum, etiam ibidem in communi viuentium, liberè donauit. Quare pro parte sua nobis fuit humiliter supplicatum, vt donationi huiusmodi robur Apostolicæ confirmationis adijcere, dictisque presbyteris & clericis, qui in ipsis Domibus pro tempore residebunt, vt diuinis Officijs seruetur vacare possint, in alia domo præfata capellam, pro Missis & alijs officijs inibi celebrandis fundandi & erigendi licentiam concedere dignaremur.

Nos itaque huiusmodi supplicationibus inclinati, discretionis tuæ mandamus, quatenus si & postquam tibi de dicta donatione legitimè consulerit, illam auctoritate nostra approbes, & si huiusmodi approbationem per te vigore præsentium fieri contigerit, postquam Rector ipsius ecclesiæ in his consenserit, eisdem presbyteris, vt in ipsa alia domo capellam de nouo fundare & eligere valeant, eadem auctoritate licentiam largiaris. Nos etiam, si illam dicto vigore concesseris eisdem presbyteris, vt in alia domo præfata in loco ad hoc congruo & honesto, altare habere portatile, super quo, donec ipsa capella consecrata fuerit, nec non interim & etiam post huiusmodi consecrationem, si opidum ipsum ecclesiastico supponi contigerit Interdicto, in eadem capella clausis ianuis, ac excommunicatis & interdictis exclusis, non pulsatis campanis & submissa voce, in eorum & suorum familiarium domesticorum præsentia, dummodo presbyteri, clerici & familiares huiusmodi causam non dederint Interdicto, nec illius occasione id ipsis specialiter interdicti contigerit, Missas & Officia prædicta, etiam secundum ritum & Ordinarium monasterij de Windefem. ordinis S. Augustini, Canonicorum regularium, Traiectensis diocesis, celebrare, necnon sibi inuicem dictisque clericis & familiaribus singula ecclesiastica Sacramenta & sacramentalia ministrare licitè possint, auctoritate Apostolica, tenore præsentium indulgemus; iure tamen ecclesiæ prædictæ & alterius cuiuscumque in omnibus semper saluo. Datum Romæ apud S. Petrum anno Incarnationis Do-

B

minico

minicæ millesimo quadringentesimo tricesimo primo, VIII. Kalend. Nouembriis, Pontificatus nostri anno primo.

NOTATIO. Henricus Ahufius, sacerdos pius ac diues, non solum Clericos vitæ cōmunis Dauentria Monasterium (quæ est Westfalix metropolis) ad se euocauit ac dotauit, sed eisdem se adiunxit, & suis eadem in vrbe Rector datus, summa cum laude præfuit. Idem cum Ioanne Vossio Heulldano, Priore generali Congregationis Windeslæmis, quæ est Canoniarum regularium, circa annum 1418. Constantiam ad Concilium generale profectus (vt Ioannes Buschius in suo Chronico Windeslæmensi lib. 1. cap. 12. tradit) causam Clericorum seu Fratrum vitæ communis fortissimè egit ac defendit; adiutante Ioanne Gersone, Cancellario Parisiensi: vt suprà cap. 5. ex Massæo docui.

Cap. VIII. Eugenius IV. Papa Dauentriensem, Suollensem, Hulsbergensem seu Hattemiensem, & alias Clericorum seu Fratrum vitæ communis Decretis anno 1431. beneficijs afficit.

Eugenius Episcopus, seruus seruorum Dei, dilectis filijs, Præposito B. Mariæ ad Gradus, Colonienfis, & B. Mariæ Traiectensis, ac S. Ludgeri Monasterienfis, ecclesijs Decanis salutē & Apostolicā benedictionem. Dudum intelleximus, quod licet in prouincia Colonienfi, & præsertim in Leodiensi, Traiectensi & Monasterienfi ciuitatibus & diocesis, nonnulli viri ad diuinę laudis obsequiū, per laudabilis conuersationis & cōmendabilis vitæ studia, sæcularibus abiectis desiderijs ac mundi contemptis concupiscentijs, feruenter aspirent, & vt in ordine clericali Altissimo cōgruentius sua vota exsoluere valeant, in certis domibus & collegijs, sub Euangelicis & SS. Patrū præceptis & institutis, nec non Ordinariorū & suorū Superiorum ecclesiasticorū subiectione, protectione & obediētia, simul sub vnus vel pluriū approbatę vitæ sacerdotum regimine & gubernatione degentes, ac illis humiliter obediētes, & in cōmuni viuētes, absque rerum proprietate, etiā de manuum suarū laboribus necessaria cōquirentes, nullis erroribus aut superstitionibus, seu illicitis aut prohibitis moribus vel ritibus quomodolibet inuoluti, residere delegerint; ex quorum vita & actibus exemplaribus plurimum partium illarum monasteria & loca ecclesiastica felicia incrementa multipliciter susceperunt, & alia varia, pro Christi fidelium deuotione excitanda, bona successerunt: prout nonnulli presbyteri & clerici in Florentijs in Dauentria, & in clericorum in Suollis & Montis S. Hieronymi prope Hattem, eiusdem Traiectensis diocesis, & alijs Domibus aliquamdiu honestè & laudabiliter permanserunt: tamen nonnulli, in quibus tepescit caritas, ad minus licita cogitationes & animum reflectentes, ac vitam & ritus prædictos, varijs confictis & captatis occasionebus, modis & medijs, redarguere & reprimere molientes, presbyteros & clericos prædictos à tam commendabili vita, quam minus virtuosam reputant, detractionis sermonibus retrahere multipliciter præsumplerunt hætenus & præsumunt, in non modicam diuinę Maiestatis offensam, ac perniciosum exemplum & scandalum plurimorum.

Nos igitur super præmissis oportunè providere cupientes, discretioni vestræ per Apostolica scripta mandamus, quatenus vos vel duo aut vnus vestrum, per vos vel alium seu alios, presbyteris & clericis prædictis in præmissis & quibuscumque alijs Domibus, in dicta prouincia, in communi laudabiliter & sub mandatis Ecclesię viuētibz, auctoritate nostra, efficacis defensionis auxilio assistentes, non permitatis eos aut ipsorum aliquos à quoquam, cuiuscumque status, gradus vel conditionis fuerit, & quamvis etiam pontificali dignitate præfulgeat, super præmissis aut eorum aliquo, seu rebus & bonis quæ ad ipsos quomodolibet spectant, aut spectare poterunt in futurum, seu alijs quæ ipsorum deuotionem concernunt, quomodolibet impeti seu indebitè molestari; ac molestatores prædictos per censuram Ecclesiasticam, & alia iuris remedia, vt à quibuscumque molestati-
bus

bus deficiant, eadem auctoritate compellatis, inuocato ad hoc, si opus fuerit, auxilio brachij secularis. Nos igitur clericis prædictis, qui in dictis Domibus pro tempore resederint, præsentit us & futuris, vt ad sacerdotium & quoscumque alios ordines se promoueri, alio nec non obfistente canonico impedimento, ritè ac libère facere valeant, etiam licet titulos beneficiales, seu alia ecclesiastica seu patrimonialia bona non habeant, auctoritate Apostolica, tenore præsentium indulgemus. Non obstantibus felicitis recordationis Bonifacij Papæ Octauij, prædecessoris nostri, & alijs Apostolicis Constitutionibus, ceterisque contrarijs quibuscumque, &c. Datum Romæ apud S. Petrum anno Incarnationis Dominicæ millesimo quadringentesimo tricesimo primo, VIII. Idus Decembris, Pontificatus nostri anno primo.

Cap. ix. Idem Eugenius IV. Papa Monasteriensem in Westfalia, Coloniensem & Vesaliensem Fratrum vitam communis Domos anno 1439. varijs priuilegijs donat.

EUGENIUS Episcopus, seruus seruorum Dei, venerabili fratri Antonia Episcopo Ostiensis salutem & Apostolicam benedictionem. Dudum fel. recordationis Martini Papæ V. prædecessori nostro, pro parte dilecti filij Henrici de Aknes, perpetui Vicarij in ecclesia Monasteriensis, inter cetera exposito, quod ipse quasdam domum & aream ad *Fontem salientem*, aliàs *Ter-Wijck* nuncupatas, infra limites parochialis ecclesiæ eiusdem gloriolæ Virginis Monasteriensis consistentes, vt in domo ipsa nonnulli presbyteri, cum quibusdam clericis, sine mendicitate conuenirent primo, & deinde presbyteris & clericis in ipsa domo tunc commorantibus, pro ipsis & eorum successoribus inibi residentibus, certos pecuniarum annuos redditus donatione irrevocabili dederat & assignauerat; idem tunc prædecessor donationem & alia in desuper confectis ac sigillo curiæ Episcopalis Monasteriensis munitis litteris contenta, per suas, & successivè nos qui dicto prædecessori rebus humanis exempto, divina fauente clementia, ad summum Apostolatus apicem assumpti fuimus, quandam aliam donationem de certa alia domo *Langhenkors* nuncupata, eidem primæ dictæ domui contigua, per ipsum Henricum tunc factam, per alias nostras litteras confirmari mandauimus. Verum, sicut pro parte Henrici præfati & nonnullorum aliorum presbyterorum & clericorum, in domibus ipsis presentialiter degentium, petitio continebat, licet ipsi à pluribus annis citrà, tam litterarum Apostolicarum auctoritate, quàm ex diuersis Ordinarij ac Metropolitici loci concessionibus, in domibus præfatis, in communi sub humili & seculari habitu, ac honesta & laudabili vita, Missas & alia Officia in capella inibi continuò celebrando, eorum quæque vitæ necessaria ex laboribus manuum suarum pro maiori parte quærendo permanerint, prout etiam de præfenti permanent; tamen ad euitandum molestias & impedimenta, quæ ipsis per nonnullos, eorum status huiusmodi forsan inuidos, inferri possent, & vt ipsi pacis & consolationis dulcedine gaudere, ac ad laudem & gloriam diuini nominis, populi quæ deuotionis augmentum, se sub vita prædicta non solum conseruare, sed in numero adaugere, ac in vinea Domini vberiores fructus adferre valeant, prædictam, ac in *Ad latum vinum*, aliàs *120 Wijdenbach*, infra S. Mauritij Coloniensis, aliam constructam, capellas in collegiatis ecclesijs erigi, nec non in de *Wesalia*; infra loci de Wesalia, Coloniensis diocesis, parochialium ecclesiarum metas consistentibus. Domibus (in quibus singulis etiam nonnulli alij presbyteri & clerici in communi, sub simili vita laudabiliter permanent) vnâ ecclesiam construere, illam quæ tunc constructam etiam in collegiatam erigi, & alia pro presbyterorum & clericorum prædictorum & successorum eorundem conseruatione, directione, statuque salubri vitia & necessaria fieri, & eis ac suis successoribus concessi seruentiùs concupiscunt. Quare pro parte Henrici & aliorum exponentiū prædictorum nobis fuit humiliter supplicatum, vt eorundem desiderio annuere, & aliàs super hoc oportune providere dignemur.

Nos igitur desiderium presbyterorum & clericorum exponentium huiusmodi commendis in Domino laudibus plurimum recommerdantes, circumspicienti tua communitas, quatenus de premissis auctoritate nostra te diligenter informes, & si cetera vera reppereris, tibi que petita concedenda videantur; auctoritate Apostolica prestatam in *Ad Fontem salientem* & *Ad Latum vinum* constructas capellas in collegiatis ecclesias, nec non construendam in Domo de *Wesalia* ecclesiam etiam in collegiatam, cum campanis & campanilibus, ac claustris & alijs necessarijs officinis erigas, ipsasque omnes & earum singulas collegialibus titulis & insignijs ornes pariter & decoret, ac eas sic erectas perpetuo insimul vnias, incorpores & annexas; nec non statuas, ordines & declares, quod Henricus & alij omnes presbyteri ac clerici, in Domibus degentes huiusmodi, eorumque successores de collegio *Canonicorum Fontis salientis* nuncupentur, & dictam erigendam ecclesiarum Canonici ab omni subiectione omnium parochialium ecclesiarum predictarum, nec non Rectorum earundem (ita quod si quilibet parochialibus ecclesijs prefatis congrua recompensa fiat) penitus liberi & exempti, ac immediate locorum Ordinarijs subiecti existant; quodque in ipsis ecclesijs Missas & alia diuina diurna ac nocturna Officia, iuxta Romanę curię consuetudinem, continuo celebrare, dicere & recitare, & dum eis videbitur, cantare, ac in communi dumtaxat, absque tamen mendicantia, viuere teneatur; & quod nullus ex Canonicis huiusmodi collegij aliquid proprium habere possit, sed omnia & singula bona Canoniceorum, tam ex hereditate aut hereditatibus quam per labores manuum suarum vel alijs quomodolibet acquisita vel acquirenda, illi vel illis ecclesijs, in qua seu quibus eos tempore acquisitionis huiusmodi iectidare contigerit, ex tunc perpetuo applicata esse censentur, & ad eam vel ad eas, etiam si Canonici seu Canonici huiusmodi a consortio Canoniceorum recesserint vel recesserint, seu alijs quomodolibet ipsius collegij esse desierint vel desierint, perpetuo pertinere debeant; quodque singule ecclesie predictę per singulos Prepositos, qui de numero Canoniceorum huiusmodi collegij existant, per illius generale Capitulum eligi valeant, per eius futuris temporibus regantur; & quod quilibet Prepositorum sic electus per generale Capitulum, quoties eis videbitur, a gubernatione ecclesie, ad quam sic electus extiterit, arceueri, & loco ipsius alius eligi valeat, &c. Datū Florentię anno Incarnationis Dominicę millesimo quadringentesimo tricesimo nono, XIV. Kalendas Maij, Pontificatus nostri anno nono.

UNIVERSA & singulis Antonium miseratione diuina Episcopus Ostiensis, S. R. E. Cardinalis Bononiensis vulgariter nuncupatus, Executor & Commissarius vnicus ad infra scripta a Sede Apostolica deputatus, salutem in Domino sempiternam. Litteras sanctissimi in Christo patris & domini nostri D. Eugenij diuina providentia Papę quartę sanas & integras, pro parte honorabilium virorum *Henrici de Altes*, ac aliorum Presbyterorum & clericorum Domorum *Fontis salientis* & *Langhenkerst*, Monastericis, *Ad Latum vinum*, alijs 120 *Widenbach*, & in *Wesalia*, Colonienfis, ciuitatum & diocesis presentatas, nos cum ea quę decuit reuerentia noueritis recepisse. Pro quarum quidem litterarum & contentorum in eisdem verificatione, testis us hodie dignis coram nobis productis, tandem suimus pro parte dictorum *Henrici* & aliorum presbyterorum requisiti, quatenus ad executionem dictarum litterarum & in eis contentorum procedere dignaremur. Nos igitur Antonius Episcopus, Cardinalis, Commissarius & Executor prefatus, auctoritate Apostolica nobis commissa, in *Langhenkerst* & ad *Fontem salientem*, infra parochiam B. Marię Virginis trans aquas, prope *Bischopinck hoff* Monasterienfis, nec non *Ad Latum vinum*, alijs 120 *Widenbach* infra parochialis ecclesie S. Mauritij limites, apud S. Pantaleonem, Colonienfis, diocesim, constructas Domibus & earum quamlibet capellas in collegiatis ecclesias, nec non construendam in Domo de *Wesalia* ecclesiam etiam in collegiatam, cum campanis & campanilibus, ac claustris & alijs necessarijs officinis erexit; ipsasque omnes & earum singulas collegialibus titulis & insignijs ornauimus & decorauimus, ac eas sic erectas perpetuo insimul vniuimus nec non statuimus quod dictus dominus Henricus & alij omnes presbyteri & clerici in Domibus

degen-

degentes huiusmodi, eorumque successores, De collegio Canoniorum Formis-salientis nuncupentur; & quod nullus ex Canonicis huiusmodi collegij aliquid proprii habere possit &c. Actum Florentiæ in monasterio omnium Sanctorum, ordinis Humiliorum, anno 1439. millesimo quadringentesimo tricesimo nono, Indictione II. die 29. mensis Aprilis.

ANTONIUS, miseratione diuina Episcopus Ostiensis, S. R. E. Cardinalis Bononiensis vulgariter nuncupatus, dilectis nobis in Christo Canonicis vniuersis De collegio Canoniorum Formis-salientis, vnicuique consistenubus, presentibus & futuris salutem in Domino sempiternam. Deuotionis vestre sinceritas, qua Sedem Apostolicam & Romanam Ecclesiam reueremini, nec non honesta & laudabilis vita sub qua, mundanis abiectionis illecebris, deuotum & sedulum exhibetis Altissimo famulatum, aliaque probitatis & multiplicium virtutum vestrarum merita, super quibus apud Sedem ipsam fide dignorum testimonij commendamini, merentur, vt petitiones vestre, ille præsertim, quæ ex deuotionis seruire proueniunt, ad exauditionis gratiam admittantur. Hinc est quod de mandato sanctissimi in Christo patris & domini nostri D. Eugenij diuina prouidentia Papæ quarti, nobis super hoc oraculo viuæ vocis factæ, vobis & cuiuslibet vestrum, quod nullum quauis excommunicationis sententia pro tempore irritum, nisi publicè excommunicatus denuntiatus existerit, in ecclesijs vestris evitare teneamini; insuper quod omnes & singuli ex vobis verè tunc penitentibus & confessis, omnes & singulas Indulgentias, per Sedem Apostolicam fidelibus, tam intra quàm extra Urbem consistentes ecclesias (in quibus statim nes per Ecclesiam sunt institutæ) deuotè annuatim, visitantibus, videlicet illis diebus quibus Stationes huiusmodi in illis existunt, cõcessas, singulis videlicet diebus eidem habere & gaudere possitis, etiã perinde ac si personaliter dictas tunc ecclesias visitaretis, auctoritate Apostolica, tenore præsentium concedimus & indulgemus; presentibus & perpetuis futuris temporibus valueris. Datam Florentiæ anno millesimo quadringentesimo tricesimo nono, die 4. mensis Maij.

Cap. x. Idem Eugenius IV. & Pius II. Gandauensem Fratrum vitæ communis Domum beneficijs afficiunt, anno 1444. & 1462.

EUGENIUS Episcopus, seruus seruorum Dei, ad futuram rei memoriam. Cum sit ut accepimus, SS. Apostolorum & Hieronymi in Gandauo, Tornacensis diocesis, provincie Remensis, & diuersæ aliæ in eadem provincia Picenis consistent, in quibus & earum singulis nonnullæ personæ deuotæ, sub vnius vel plurium regimine sacerdotum, ac debita Ordinariorum & aliorum superiorum suorum obedientia, sobriè, piè, castè & iuxta salutaria SS. Patrum monita, nec non Evangelica insinuita, ex laboribus manuum suarum, mundi spectis vanitatibus, in communi viuentes, sub vna congregatione cohabitant & in futurum cohabitabunt, duce Detino, ac gratum Altissimo acceptumque deuotionis fidelium reddunt & reddent famularum: nos vt personæ prædictæ, cum earum seruitutibus, eò facilius laboribus solitis irascere, & quietius virtutum Domino famulari valeant, ipsi & earum singulis, in locis & Domibus nunc erectis dumtaxat, atque quauis diu in contrarij, sub Episcopi ac loci Ordinarij atque aliorum suorum superiorum huiusmodi fidelium vixerint, personis cuiuslibet odi atque ipsarum seruitutibus presentibus & futuris, vt præfatos vel aliq. quoscumque idoneos & discretos sacerdotes seculares & regulares, seu ex eis aliquem in suum vel suos eligere Confessorem seu Confessores; quodque singulæ personæ prædictæ, cuiuscumque diocesis fuerint, etiam si beneficia ecclesiastica non obtineant, nec patrimonialia ad id sufficientia bona habeant, dummodo alias ad id idoneæ repetæ fuerint, aliæque non obstante canonico impedimento, ad omnes etiam sacros Ordines, statutis à iure temporibus, promoueri, ipsique Ordines eis ab Ordinarijs prædictis conferri liberè & licuè valeant (sel. recordationis Clementis

tis Papæ V. prædecessoris nostri, & alijs quibuscumque Constitutionibus contrarijs nequaquam obstantibus) auctoritate Apostolica, tenore præsentium indulgemus, Datum Romæ apud S. Petrum, anno Incarnationis Dominicæ millesimo quadringentesimo quadragésimo quarto, Idibus Septembris, Pontificatus nostri anno quarto decimo.

1444.

P I V S Episcopus, servus servorum Dei, ad futuram rei memoriam. Dudum per felicis recordationis Eugenium Papam IV. prædecessorem nostrum accepto, quod SS. Apostolorum & Hieronymi in Gandauo, Tornacensis diocesis, provincie Remensis, & diuersæ aliæ in eadem provincia Domus consistebant, in quibus & earum singulis nonnullæ personæ deuotæ sub vnius vel plurium regimine sacerdotum, &c. *vt supra hoc dicto capite.* Nos igitur, vt personæ ipsæ, quæ de laboribus manuum suarum, utpote scriptura & ligatione librorum, ac instructione scholarum, & his similibus viuunt, cõseruentiùs Altissimo famulari studeant, quò magis prædictæ eis concessæ gratiæ per eandem Sedem Apostolicam fuerint ampliatae, eisdem personis, vt Confessor seu Confessoribus, ab ipsis personis electus seu electi, non solum dictarum personarum, sed etiam scholarum confessiones audire, & pro commissis (dummodo talia non sint propter quæ sit meritò Sedes Apostolica consulenda) debitam absolutionem impendere, & salutarem poenitentiam iniungere, & etiam quoties expedierit, Eucharistiæ Sacramentum ministrare; nec non vt dictæ personæ in eisdem oratorijs seu capellis Eucharistiæ Sacramentum habere & retinere, Missas & alia diuina Officia, etiam cantu, cum eis placuerit, celebrari facere, diuinisq; Officijs completis, ibidem cum dictis scholaribus studio sacræ Scripturæ aut alijs virtuosis exercitijs intenti, etiam absque parochialis ecclesiæ frequentatione, exceptis quatuor principalioribus anni festiuitatibus, remanere libere & licite valeant, auctoritate Apostolica, tenore præsentium indulgemus; iure parochialis ecclesiæ & cuiuslibet alterius in præmissis omnibus semper saluo. Datum Romæ apud S. Petrum anno millesimo quadringentesimo sexagesimo secundo, VI. Idus Februarij, Pontificatus nostri anno quinto.

1462.

Cap. XI. Calistus III. Papa Vefalensem S. Martini Donum suo diplomate firmat, anno 1455.

C Alistus Episcopus, servus servorum Dei, ad perpetuam rei memoriam. Pro parte dilectorum filiorum vniuersorumq; presbyterorum & clericorum ecclesiæ S. Martini in opido *Vefalensi*, Colonienfis diocesis, nobis nuper exhibita petitio continebat, quòd licet ecclesia ipsa, in vim litterarum fel. recordationis Eugenij Papæ IV. prædecessoris nostri, in collegiatam ecclesiam erecta fuerit, ita quòd in ea presbyteri & clerici in comuni, absque tamen mendicitate, viuere tenerentur, quòdque ecclesia ipsa sub vocabulo *Fontis-salienti* nuncuparetur, & presbyter principalis ipsius ecclesiæ Præpositus vocaretur, ac presbyteri & clerici prædicti Officium secundum Romanæ curiæ consuetudinem celebrare deberent, nihilominus presbyteri & clerici prædicti desiderant erectionem huiusmodi Apostolico munimine reborari. Quare pro parte ipsorum nobis fuit humiliter supplicatum, vt, erectioni ac omnibus & singulis in eis contentis robur Apostolicæ confirmationis adjicere, ac statuere, quòd ipsa ecclesia, vt præfertur erecta, ecclesia S. Martini perpetuo nuncupetur, præfatisque presbyteris & clericis, quòd omnibus & singulis priuilegijs & immunitatibus, eis per ipsum Eugenium prædecessorem concessis, vti & gaudere possint, ac Officium ipsum non secundum Romanæ curiæ, sed secundum ecclesiæ Colonienfis, cui subesse noscuntur, consuetudinem dicere debeant, concedere dignemur. Nos igitur erectionem & secuta huiusmodi rata & grata habentes, illa omnia & singula (salua limitatione infrascripta) auctoritate Apostolica, tenore præsentium approbamus; suppletentes omnes defectus, si qui forsan interuenerint in iisdem. Et nihilominus decernimus, quòd ipsa ecclesia sic erecta ecclesia S. Martini perpetuo nuncupetur; quòdque presbyteri & clerici prædicti, præsentēs & futuri, Officiū prædictum non ad vsum Roma-

Vefal.

Romanę curię, sed secundum consuetudinem dię ecclesię Colonienſis dicere debeant, ac ſingulis privilegijs, gratijs & libertatibus, per eundem Eugenium prædeceſſorem eis conceſſis, in omnit us, ac ſi prædicta eccleſia Fontis-ſalientis, & non S. Martini vocaretur, ipſique præſbyteri & clerici prædictum Officium ſecundum uſum Romanę curię, & non ſecundum conſuetudinem dię eccleſię Colonienſis dicerent, viſui & gaudere liberè & licitè poſſint & valeant. Datum Romę apud S. Petrum, anno Incarnationis Dominicę milleſimo quadringenteſimo quinquageſimo quinto, Idibus Decembris, 1455. Pontificatus noſtri anno primo.

Cap. xii. Idem Caliſtus Papa Amersfordienſem S. Ioannis Domum ſuis tabulis firmat, anno 1456.

Caliſtus Epiſcopus, ſeruus ſeruorum Dei, dilectis filijs, Abbatibus & cenſerij S. Pauli ac Præpoſito eccleſię S. Petri Traiectenſis, ſalutem & Apoſtolicam benedictionem. Pro parte dilectorum filiorum, vniuerſorum præſbyterorum & clericorum in Deo S. Ioannis in *Amersfordia*. Traiectenſis diœceſis, dependentium, ne bis exhibita petitio contineret, quod dudum ex conceſſione ſcl. recordationis Martini V. & Eugenij IV. Romanorum Pontificum, prædeceſſorum noſtrorum, quædam Domus congregationis ſecularium præſbyterorum & clericorum, in comuni, abſque vlla proprietate bonorum, ſine mendicite, de laboribus manuum ſuarum, ac bonis ſuis in comuni, pia Chriſti fidelium largitione, erogatis, & ſub obedientia Ordinariorum ſuorum, laudabiliter & honeſtè, abſque etiam quacumque reprehenſione, in ſincera caritate cum clero ſeculari viuentium, in preſentia Colonienſi ſtabilit, & earumdem Domorum capellæ, videlicet *Fontis-ſalientis*, Monafterienſis, & *Ad latum riuum*, Colonienſis, diœceſium, vigore litterarum dicti Eugenij, in collegiatis eccleſiis erectæ fuerunt, ac dicti prædeceſſores diuerſa eis privilegia conceſſerunt. Et deinde, ſicut eadem petitio ſubiungebat, ex erectione Domorum & capellarum, ac vita piſſima præſbyterorum & clericorum congregationis huiusmodi, plures ſucceſſerunt fructus ſalutis animarum, cum multiplici diuini cultus augmento, & populi, reduci ſunt ad frugem vite melioris. Propter quod bonæ memorię *Rodolphus*, Epiſcopus Traiectenſis, erectionem & fundationem præfatę Domus S. Ioannis in *Amersfordia*, ex Chriſti fidelium donatione tunc factam, ordinaria auctoritate approbavit, ac præſbyteris & clericis in illa degentibus diuerſa priuilegia, ſalubrem ſtatum ipſorum, & debitam in eorum capellis diuini cultus directionem, ipſorum viſitationem, correctionem & fundationem, adminiſtrationemque eccleſiaſticorum Sacramentorum ſine præiudicio faciendam concernentia, conceſſit. Quare pro parte ipſorum præſbyterorum & clericorum in ipſa Domo S. Ioannis degentium, nobis fuit humiliter ſupplicatum, vt fundationem & Epiſcopi litteras prædictas, nec non omnia & ſingula, quæ in fauorè & vtilitatem Domus Amersfordię emanarunt, approbare, ipſamque Domum S. Ioannis Amersfordienſis, ad inſtar aliarum ſimilium Domorum per præſatos prædeceſſores erectarum, in collegiatam eccleſiam erigere dignemur. Nos igitur diſcretionis veſtrę mandamus, quatenus vos vel alter veſtrum de præmiſſis omnibus vos diligenter informetis, & ſi ita eſſe reppereritis, fundationem, erectionem, conceſſionem & Epiſcopi litteras prædictas auctoritate noſtra approbetis, & ipſam Domum S. Ioannis Amersfordienſis, ad inſtar aliarum ſimilium, in collegiatam eccleſiam erigatis; nec non omnia Domibus *Fontis-ſalientis* & *Ad latum riuum*, per eodem prædeceſſores conceſſa, ad Domum Amersfordiæ, nec non præſbyteros & clericos eiſdem extendatis. Datum Romę anno milleſimo quadringenteſimo quinquageſimo ſexto, Vi Nonas Martij, Pontificatus noſtri anno ſecundo.

WALTERVS de Gouda, Præpoſitus & Archidiaconus eccleſię S. Petri Traiectenſis, Iudex, Cômiffarius & Executor, fundationem & erectionem Domus S. Ioannis Amersfordienſis, nec non conceſſionem & litteras Epiſcopi, de quibus in litteris Apoſtolicis

stolicis mentionatur, auctoritate Apostolica nobis cōmissa approbauimus, & ipsam Domum S. Ioannis Amersfordienfis in collegiatam ecclesiam ereximus, omniaque & singula Domibus *Fontis-salientis*, Monasteriensis, & *Ad latum riuum*, Colonienfis, diocesium, per Romanos Pontifices concessa, ad Domum Amersfordiæ, nec non presbyteros & clericos eiusdem extendimus. Actum Traiecti anno millesimo quadringentesimo sexagesimo primo, Indi&ione IX. die 27. Aprilis.

Cap. XIII. Honofrius Legatus Apostolicus Amersfordienfis, Bruxellens, Geraldimontens, Gandauensis & Buscoducensis Domibus varia beneficia & honores impertitur, anno 1469.

HONOFRIUS, Dei & Apostolicę Sedis gratia Episcopus Tricaricensis, S.D.N. Papę Referędarius, ac ipsius di&ęque Sedis Apostolicę in certis Germanię & Galliarum partibus, & pręsertim Colonienfi, Treuerfi, Leodiensi, Tornacęfi, Traiectęfi ciuitatibus & diocęsibus, cum plena potestate Legati de latere, Legatus, reuerendo in Christo patri domino D. Episcopo Dagnęfi, Bruxellę Cameracensis diocęsis residenti, & venerabilibus nobis in Christo dilectis, Abbati monasterij S. Pauli, ordinis S. Benedicti, ac Pręposito ecclesię S. Petri Traiectęfis salutem. Pro parte dilectorum nobis in Christo vniuersorum presbyterorum & clericorum, in Domibus SS. Ioannis Baptistę & Euangelistę in *Amersfordia*, Traiectęfis, Gregorij Papę in *Busco-Ducis*, Leodiensis, Hieronymi in *Gandauo*, Tornacensis, Annuntiationis B. Marię Virginis, vulgariter Nazareth in *Bruxella*, & Gregorij, vulgariter S. Ioannis in *Geraldimonte*, Cameracensis, diocęsum, congregatorum, absque vlla rerum seu bonorum suorum proprietate, sine mendicitate, in communi & sub obedientia Ordinariorum aliorumque suorum Pręlatorum viuentium, nobis oblate petitionis series continebat, quod ipsi a pluribus annis citrā, ex diuersis summorum Pontificum ac Ordinariorum locorum respectu cuiuslibet Domus concessionibus in Domibus pręfatis & alijs in communi, sub humili & seculari habitu, iuxta antiquorum Patrum decreta, Missas alięque diuina Officia, in portatilibus, honestę & decenter continuę celebrando, eorum quoque vitę necessaria ex laboribus manuum suarum pro maiori parte querendo, permanferint, prout etiam de presenti permanent; ita quod nullus eorum, quamdiu inibi maneat, de annuis redditibus alijsque ad eum spectantibus bonis testamentum condere vel aliquid legare seu donare possit, sed omnia inter eos indiuisa remanent, ac alijs Domino concedente, varijs hactenus multiplicauerint virtutum meritis.

Et sicut eadem petitio subiungebat, dudum fel. recordationis Martino V. Eugenio IV. Nicolao V. Calisto III. & Pio II. summis Pontificibus, pro parte diuersarum Domorum, pręsertim presbyterorum & clericorum in *Langhenborst*, & *Fontem-salientem* infra parochiam B. Marię Virginis trans aquas, Monasteriensis, nec non *Ad latum riuum*, infra parochiam ecclesię S. Mauritij, Colonienfis, diocęsum, tunc commorantium exposito, quod ipsi prędictas in *Langhenborst* & *Ad latum riuum* capellas in collegiatas ecclesias erigi, nec non in *Wesalia*, Colonienfis diocęsis, ecclesiam construere, illamque etiam in collegiatam erigi, & nonnulla alia pro eorundem presbyterorum & clericorum directione salubri concedi obtinuerint, &c. *ut supra cap. 6. & 8.*

Vnde pro parte pręlatorum exponendum nobis fuit humiliter supplicatum, vt capellas in de *Amersfordia* & *Bruxella* ac *Geraldimonte* constructas, nec non in de *Gandauo* & *Busco-Ducis*, Domibus, construendas, in similes collegiatas ecclesias erigi, & omnes alias concessiones Apostolicas, per summos Pontifices quibuscumque alijs paribus Domibus siue Congregationibus factas, quod ad exponentes ampliari & extendere dignemur. Nos igitur circumspectioni tuę, auctoritate legationis nostrę, committimus, quatenus

MUS VOS, vel vnus vestrū de præmissis omnibus vos diligenter informetis, & si per informationem exposita fore vera reppereritis, eorundem Eugenij & aliorum Pontificum concessionem & gratias ad exponentes ipsos extendatis, &c. Datum Bruxellæ, Cameracensis diocesis, nobis illie causa tractandę pacis residentibus, anno millesimo quadringentesimo sexagesimo nono, Indictione II. die 10. Ianuarij, pontificatus S. D. N. Pauli Papę II. anno quinto. 1469.

VNIERSIS & singulis GODEFRIDVS, Dei & Apostolicę Sedis gratia Episcopus Dagnensis, Iudex, Commissarius & Executor, &c. Quia per informationem nostram comperimus, narrata & petita, in domini Legati litteris contenta, veritate fulciri, ac præfatas concessiones, gratias & exemptiones prælibatis Domorum in *Amersfordia*, *Busco-Ducis*, *Gandano*, *Bruxella* & *Geraldi-monte* presbyteris & clericis fore & esse, exigentibus eorum meritis & vitę integritate, concedendas; idcirco auctoritate dicti domini Legati nobis commissa, omnes & singulas concessiones & gratias, alijs similis vitę presbyterorum & clericorum Domibus per Eugenium & alios Pontifices concessas, extendimus ad constructas in de *Amersfordia*, *Bruxella* ac *Geraldi-monte*, nec non ad construendas in de *Gandano*, & *Busco-Ducis* Domos; eorumque ecclesias constructas seu construendas in collegiatis ecclesiis, cum campanis, campanilibus, claustris & alijs necessarijs officinis, ereximus &c. Adum Bruxellæ, Cameracensis diocesis, anno millesimo quadringentesimo sexagesimo nono, Indictione II. die 22. mensis Martij, pontificatus S. N. D. Pauli Papę II. anno quinto. 1469.

Ex his & alijs liquet, Clericos seu Fratres vitę communis in primis adlaborasse, vt suo exemplo priscam communiter viuendi rationem in usum apud Canonicos ceterosque clericos reuocarent.

Cap. XIV. Origo Domus Widenbacensis in vrbe Coloniensi; qua etiamnum floret, cum alijs aliquot Domibus in diocesi Coloniensi sitis.

Ecclesia hæc in parochia S. Maurij, ex opposito monasterij S. Pantaleonis sita, anno 1490. sumptibus FRATRVM, quos scribendo sacros codices sibi acquisierant, Consule D. *Henrico Haisio* plurimum fabricam promouente, erecta, & anno sequenti B. Michaeli Archangelo consecrata est. In ea diuinum Officium & Horę canonicę quotidie deuotē sine notis musicis, festiuis verd diebus cum cantu persoluantur. *Widenbacenses* communiter appellantur. à domo salicibus vtrimque, iuxta præterlabentem riuulum, septa. Auctor huius instituti primus fuit *Gerardus Magnus* Dauentriensis; cuius prædicationi, multi supernę caritatis zelo accensi, obsecundantes, soli Deo adherere cęperunt, factaque sunt, illo preueniente, diuersę Congregationes, Apostolico more & instar nascentis Ecclesię, fraterna simul dilectione coadunatę, vitam humilem in communi sub Prælati (quem Rectorem vocant) obedientia, ducentes, legi diuinę & Euangelio conformes. Inter alios illius instituti viros egregios eminuit D. *Henricus Abas*. Hic cū religiosę suę cohorti sedem *Monasterij* in *Wesalia* contulisset, multaquę à Martino V. Pontifice priuilegia, cum a; probatione suę Congregationis, consecutus esset; vir propē incomparabilis, qui talento suo multifarios quęstus facere semper satagebat, non contentus illud institutum *Monasterij* plantasse, voluit & *Wesalia* ac tandem *Colonia* idipsum præstare. Obiit itaque ad manendū loco *Widenbach*, mox in protectionem Archiepiscopi Coloniensis Theoderici suscepti sunt: ex quibus deinde Canonici regulares in *Bidingen* prodierunt.

Ceterum cū præfata Clericorum seu Fratrum vitę communis Congregatio, eiusque viuendi ratio ab Vniuersitate Coloniensi (qui anno 1417. instituti sui regulā exhibuit) scriptis multis sigillisque nobilitata esset, pro maiori deinceps informatione *Petrus de*

1441.

Alia Cameracensis Episcopus, Apostolicæ Sedis Legatus, præfatæ Vniuersitatis, scripto ratificauit, & dictam Congregationem à se confirmatam multis priuilegijs ornauit. Sed & anno 1441. Fredericus Imperator, cum Widenbaccensium in conuersione bonum odorem non solum aliunde accepisset, sed & propria experientia veritatem didicisset, eos ac posteros omnes in sacri Romani Imperij Vicarios & Capellanos perpetuos, ecclesiam verò in S. R. Imperij collegium assumpsit: ut in litteris ipsius adhuc superstitibus videre est. Sic ferè Erardus Winhemius in suo Saccario Agrippinæ, quod 1607. ea in rebe typis euulgandum curauit.

Cap. xv. Scriptores illustiores ex Congregatione Clericorum seu Fratrum vitæ communis.

GERARDVS MAGNVS Dauentriensis, Lutetiæ in Sorbona sacris litteris ac pietate instructus, æqualibus vitæ ac doctrinæ exemplum, mirificum dedit. Sorbonæ relicta, ad suos reuersus, Vltraiechi & Aquisgran Canonici est: creatus. His beneficijs ecclesiasticis demum abdicatis, Fratres vitæ communis seu bonæ voluntatis Dauentriæ in patria instituit, qui scholas Latinas iuuentuti vndique confluenti aperirent, & non bonis tantum litteris, sed & bonè viuendi moribus discipulos instruerent. Scriptit *Protellationem* de veridica prædicatione; *Conclusa & Proposita*; item *De studio in sacris libris*: quæ tria opuscula leguntur typis edita cum operibus Thomæ Kempensis. Reliqua eius opera in bibliothecis varierum apud Belgas concubiorum exstant manuscripta: videlicet *De Cōsuetudinibus & Usuris*; *De institutione Nouitiorum*; *De locutione contra pascualis*; *De incommoditatibus matrimonij*; *De forarijs*; *Contra Turrim Traiectensem*; *De paupertate*; *De quatuor generibus Meditabilium*; *De vicio detractionis*; *Sermones de Natiuitate Christi, de die Palmarum & alij*; *Epistola de schismate*. & alia ad diuersos. De Simonia; *De beneficijs curatis*; *De exaltatione & exercitijs Denotorum*; *Concordia Euangelistarum de Passione Domini*; *Commentarium in Lectiones officij ecclesiastici de desinendi*; *De compendioso & eruditione scholarum*, & alia. Ex quibus non pauca hodieque exstant Louanij ad S. Martinum, in Rubra & Viridi Valle prope Bruxellam, Huij apud Crucigeros, Coloniæ & Lierdæ apud Carustianos, & alibi. Idem Gerardus Ioannus *Rusbrockij Ornatum spiritualis dispensationis & librum De XII. virtutibus*, aliæque eiusdem scripta ex Teutopico in Latine transposita quæ versiones in Viridi Valle & Namurci apud Crucigeros manuscriptæ leguntur. Ad meliorem vitam anno 1384. die 20. Augusti, ætatis suæ 44. transijt; à Thomæ Kempensij, Ioanne Buschio, Iudoco Badio alijsque eximie laudatus.

CHRISTIANVS MASSÆVS, Wastenæ ad Lisam fl. in Flandria anno 1469. natus, primum Gandauj, dein Cameraci (à Iacobo de Croy illius vrbis Episcopo anno 1509. euocatus) iuuentutē optimis & disciplinis & moribus imbuit. Scriptit *Grammaticas præceptiones*, regulas generales carmine complexus; *Contra Merlinum librum vnum*; *De palmatorum vitijs & auctoribus tractatum* à Trithemio laudatum, *Chronicorum libros XX.* ab eibde condito vsque ad Christi 1540. annum, ab exteris auidè expetitos & lectos; *Kalendaria quattuor, Aegyptium, Hebraicum, Macedonicum, Romanum*, cum Chronicijs anno 1540. Antuerpiæ excusa; *vitam S. Hieronymi*, & *Chronicon breue Cameracense*, quod manuscriptum exstat Cameraci in Abbazia S. Sepulcri. Vita docendique munerē in eadem vrbe Cameracensi (vnde & Cameracensis cognomen tum ipsi adhaesit) desinens est anno 1546. apud suos conditus.

GABRIEL BIEL, S. Theologiæ Licentiatus ac Professor publicus apud Germanos in Academia Tubingensi (quam & anno 1477. plantauit) Lectiones in Canonico Missæ discipulis suis à se dictatas publicauit: extantque typis excusæ Lugduni, Basileæ, Parisijs, Brixie 1580. & additis Annotationibus 1576. Venetijs. In libris IV. Magistris sententiarum scripsit commentaria, Tubingæ, Lugduni, Parisijs, Basileæ, & 1574. Brixie edita. Scripsit item Sermones de tempore & Sanctis, cum alijs adiunctis, Brixie in 4. postre-

postremò typis publicatos; item libellum De potestate & vtilitate monetarum, Norimbergæ 1542. & Coloniz 1574. cum eiusdem argumenti libris, luce donatum. Viuere desijt anno 1495.

Ceterum quod ad Academiam (seu Vniuersitatem studiorum, vt vulgò loquuntur) Tubingensem attinet; eam anno 1477. Euerardus Comes Wirtembergensis Hierosolymis reuersus fundauit; Gabriele Biel Theologo, Ioanne Nauclero Iuris Pontificij Doctore, alijsq; viris præstantissimis illuc ad publicas scientiarum ac disciplinarum professiones euocatis. Nauclerus Chronica sua vsque ad annum 1500. deduxit, oue postea Laurentius Surius excepit ac continuauit. Euerardus porro ex Comite Dux Wirtembergensis anno 1495. à Maximiliano I. Cæsare, & Eques Velleris aurei anno 1491. à Philippo Pulchro, Maximiliani filio, creatus, anno demum 1496. è vita decessit.

GERARDVS SVTFANIVS, ab vrbe patria sic dictus; ex primis Clericis seu Fratribus vitæ cõmunis apud Dauentrienses, scripsit pios duos libellos, *De reformatione vitium animæ*, & *De spiritalibus ascensionibus*, Lutetiz & Coloniz 1539. typis editos. De quibus præclarum istud dat testimonium, in eius vita, Thomas Kempelîs: *Licet breui vixerit tempore, gratissima tamen nobis reliquit doctrina monumenta. Erat enim studiosus valde in scripturis sanctis, trahens etiam ex abdijs sententijs Doctorum varias atomatum species contra vitiorum morbos, ad sanandum animarum languores: sicut præcipue patet in duobus libellis ab eo editis, quorum vnus incipit, Homo quidam, & alius, Beatus vir, intitulatur. Obijt ætatis 31, Christi anno 1398. De his & alijs istius instituti Scriptoribus plura qui volent, Trithemium & Valerium Andream in Bibliotheca Belgica consulat.*

Cap. XVI. Collegia seu Domus olim primaria Fratrum vitæ communis.

DAVENTRIA in Transsalaria, Germaniæ inferioris prouincia, Domus domini Florentij, antiquitate prima, procurante Florentio Radeuinio. & fauentibus ciuitatis Dauentriensis Scabini pro Congregatione clericorum deuotorum fundata (seu edificata) est anno Domini millesimo trecentesimo nonagesimo primo: vt Thomas Kempensis in vita Luberti Berneri (qui fuit vnus ex primis eiusdem Florentij discipulis) loquitur. Vide suprà cap. 2. & sequentia. Ex gymnasio Dauentriensi, præter primos patres ac conditores cœnobij ac Congregationis Windesimensis, Montis S. Agnetis, & aliorum illius instituti monasteriorum, prodierunt *Thomas Kempensis, Ioannes Buschius, Alexander Hegius, Erasmus Rotterodamus, Guilielmus Hermannus, Ioannes Murrælius, Conradus Goclenius, & alij*, quorum scripta exstant.

SVOLLIS in Transsalaria, Domus Fratrum vitæ communis.

SWolle.

HVLBERGÆ in Valauia, Domus Montis S. Hieronymi, prope Hattemum. *Hulfs-
bergen inde Veluwe.*

DVSBRUGI, Domus Fratrum.

Doerburg.

GRONINGÆ apud Frisios, Domus Fratrum.

Groningen.

NOONA in Hollandia, Domus S. Hieronymi. In hac schola institutus fuit *Iacobus Ceratinus* Professor linguæ Græcæ Louanij.

Horn.

GAUDE in Hollandia, Domus Fratrum.

Gonde.

MOYOMAGI in Gelsia, Domus ad Vaholim fl. in diocesi nunc Ruræmondensi. Ex hac schola *Petrus Canisius*, Soc. Iesu Theologus, *Bosai* fratres & *Henricus Vrenus* Gelsiæ Cancellarius prodierunt.

Nimwegen.

VLTRAIECTI, Domus S. Hieronymi an. 1474. incohata. Huic gymnasio debemus *Henricum Cucquium* Episcopum Ruræmondensem, *Corn. Valerium*, *Henricum Sedulium* & *Franciscum Haram.*

Virecht.

AMERSFORDIÆ in diocesi Vltraiectensi, Domus SS. Ioannis Baptistæ & Euangelistæ. *Amersfort.*

DILINGÆ in Ducatu Wirtembergensi, Domus Fratrum (nisi fallor) incohata fuit

eo tempore quo in illa Academia Theologiam profiteri cepit *Gabriel Biel*, superiore capite laudatus; hoc est circa annum 1477.

Münster. MONASTERII in Westfalia, Domus Fontis-salientis, ab *Henrico Akuso* 1424. fundata ac dotata: suprâ cap. 6. & seqq.

Vvesel. VERALIÆ in diocesi Colonienſi, ad Rhenum, Domus S. Martini, eodem *Akuso* procurante instituta: suprâ pag. 9. & 11.

Colem. COLONIÆ AGRIPIINÆ, Domus Widenbacenſis, eodem *Akuso* agente, inchoata, & anno 1490. est ædificata: suprâ cap. 9. & 14.

Emmerick. EMBRICÆ in Cluvia. Huic gymnasio debentur *Matthæum Bredenbachius*, eiusque filius *Tilmannus*.

Bruxell. BRUXELLÆ, Domus Nazarethana seu Annuntiationis B. Mariæ, circa annum 1460. prope templum parochiale S. Gaugerici, ad Sennam fl. fundata, Caluinianis Belgis tunc antibus circa annum 1580. desijt à Fratribus excoli. Itaque anno 1585. tradita est Clarissis monialibus, quas Vrbianas seu Divites nuncupant, auctoritate Ioannis Hauchini Archiepiscopi Mechlinienſis. Ex schola Fratrum Bruxellensium Ioannes Mierus Episcopus Antuerpienſis prodijt. Vide suprâ pag. 13.

Malines. MECHLINIÆ, Domus Fratrum ad Ditham fl. desijt ab eisdem circa annum iam dictum 1585. inhabitari; estque nunc Seminarium Archiepiscopatus Mechlinienſis.

Boisus. SILVÆ-DVCIS in Brabantia, Domus S. Gregorij Papæ. Ex hoc ludo literario *Franciscus Sennius* Antuerpienſis, *Martinus Rithemius* Ipienſis, Episcopi, *Ioannes Gero-pim-Becanus*, *Chrysostomus Vladeracius*, *Simon Verepau*, & alij scriptis illustres emerſerunt.

Gand. GANDAVI in Flandria, Domus S. Hieronymi ad fl. Scaldim an. 1429. constructa fuit in veteri arce Gerardi Villani cognomento diaboli, ex Castellanis Gandensibus oriundi: quam arcem Meyerus in gestis anni 1342. Petram Gerardi diaboli nuncupat. Ex gymnasio Gandensi *Iudocus Badius* & *Daniel Lindanus* prodierunt. Fratrum porro census anni Seminario Episcopatus Gandenſis attributi fuerunt.

Geerberg. IN GERALDI-MONTE, in Flandria & diocesi Mechlinienſi, Domus S. Gregorij, vulgò S. Ioannis ad fl. Teneram, annexum habuit ludum literarium, à Iacobo Marchantio in Flandriæ descriptione laudatum. Deficiente Fratrum numero, illius Domus possessiones Seminario Episcopatus Gandenſis cesserunt.

VVINOCCI-BERGIS in Flandria, Domus Fratrum.

Wimox-Berghen.

Cambray. CAMBRACI, Domus Fratrum anno 1505. fundati cepta, ac dotata à Iacobo de Cray Cameracenſi Episcopo, quem Maximilianus I. Imp. Ducem primum Cameracenſem 1509. creavit.

Liege. LEODICI, Domus Fratrum ad fl. Mosam sita, auctoritate Ernesti Bavarj Episcopi Leodienſis, Societati Iesu (à Gerardo Grousbequio, eisdem Antistite, in urbem 1566. admissæ) tradita fuit an. 1581. diè 10. Nouembris.

Ceterum singulis ferè Domibus gymnasia seu scholæ olim fuerunt annexæ: in quibus ipsi FRATRES seu Clerici vitæ communis iuventutem vndique confluentem omnibus & moribus & litteris imbuebant. Harum scholarum à se visarum (cum in Belgio 1542. & 1556. versaretur) cū laude meminit Petrus Ribadeneira, in vita S. Ignatij, Societatis Iesu conditoris, lib. 3. cap. 24. In Belgio, inquit, usque adhuc nonnulli sacrorum hominum communis videmus, in quibus viget scholarum puerilium disciplina. FRATRES porro exemplo Societatis Iesu hodie per orbem ferè vniuersum Christianum; *Eremira Augustiniani*, *Dominicani*, *Præmonstratenses*, & *Canonici regulares* in Belgio; Clerici *Paulini* seu *Barnabæ*, *Somasceni* in Italia & Gallia, & alij alibi scholas aperiunt, atque in ijs ad pietatem ac doctrinam adolēcentes conformant.

Ex his *Augustiniani* anno 1601. Bruxellæ, 1607. Antuerpiæ, 1609. Gandam, 1611. Lovanii, 1614. Herentalæ, Distemij & Hasseti, 1615. Huis, in agro Leodienſi, 1617. Thenis in Brabantia, 1622. Insulis in Gallo-Flandria, 1622. Angiæ in Hannoveria, 1623. Brugis, 1624. Ipris, 1626. Teneremonde, 1628. Bassæ in diocesi Antuerpienſi, 1630. Bouinij ad Mosam, & Hascbroucæ in Flandria scholas litterarias aperuerunt;

runt; magno sui Ordinis & vniuersi Belgij commodo. Quas quidem scholas Gregorius XV. Papa suo diplomate firmavit, & vt in ijs fortiter pergerent, prudenter & serid admonuit; vt ex sequentibus tabulis liquet.

GREGORIUS Papa XV. dilecto filio fratri Georgio Maigretio, S. Theologi Decretori Louanensi, Provinciali prouinciæ Colonienfis, ordinis Fratrum Eremitarum S. P. Augustini. Dilecte fili salutem & Apostolicam benedictionem. Cùm, sicut accepimus, in nonnullis istius prouinciæ Colonienfis Domitus regularibus, tui ordinis S. Augustini, studiorum Collegia erecta sint, tuque pro fidei Catholicæ exaltatione, ac S. Theologiæ & bonarum litterarum studijs promouendis, alia huiusmodi Collegia in eadem prouincia erigere proposueris; nos tuum huiusmodi laudabile propositum plurimum in Domino commendantes, etsi opus non esse cernimus, pro nostro tamen pastoralis munere, te ad alacrit & constanter exequendum, quod proposuisti, in Domino hortamur; quem vt suo tibi auxilio præsto sit & tam pium opus promoueat, precamur. Remicerte Deo maxime acceptam, & nobis pergratam, tuo autem Ordini utilissimam & decoram feceris. Datum Romæ apud S. Petrum sub annulo Piscatoris, die 14. Ianuarij, 1623. pontificatus nostri anno secundo.

Scipio Card. S. Sufanna.

DOMINICANI Antuerpiæ, Liège, Vilfordiæ & Braniæ Comitibus; *Præmonstratenses* Furnis & Diemuda; *Canonici regulares* Tungris & in Burgo Domini Isaci prope Hallas Hannoniæ opidij, iuventutem in varias classes distinctam erudiunt. *Benedictini* Academias Hiracensem & Ouerensem in Hispania, & Salisburgensem in Germania regunt; Duaci item Philosophiam in publico gymnasio & in Geraldij monte litteras humaniores proficiuntur. Clerici regulares *Paulini* seu *Barnabæ* Mediolani, in Laude Pompei, Pisis, Asti apud Italos; *Ancessiaci* & *Tononici* apud Sabaudos; *Agois* Sexiis, Lascarij, Montargij & Stampis apud Francos publica scientiarum gymnasia habent. *Sensenses* collegijs Clementino & Græcanico in Vrbe fundatis, & alijs in Italia ac Gallia gymnasijs cum laude præstant.

Presbyteri Congregationis ORATORII, à Petro Berullo S. R. E. Cardinale anno 1611. inchoatæ, & à Paulo V. anno 1631. confirmatæ, plurima habent in Francia & Belgio Collegia seu Gymnasia litteraria, & Seminaria suis Oratorijs annexa. Huius generis Collegia sunt, Trecentense, Montbrisonense, Massiliense, Toloniense, Pezenatense, Diepenense, Peronenense, Belnense, Condomense, Andegauense, Namnetense, Salmuriense, Cenomanense, Riomenense, & Mechlinese; Seminaria verò, Parisiense ad ædem S. Maglorij in suburbano, Lingonense, Lugdunense, Lucionense, Cenomanense & alia.

Vt de antiquis monachorum Basilianorum in Oriente, & Benedictinorum in Occidente palæstris litterarijs nihil dicam; in Canonicorum ecclesijs ferè singulis olim scholæ publicæ, ad iuventutem erudiendam, existerunt. Vnde eximia in Ecclesiam ac Rempublicam Christianam vtilitas emanauit: & ipsi Canonici varijs in locis, ac præsertim in Germania, magnis atque ingentibus diuitijs creuerunt; omnibus certatim pios eorum cenatus adiuuantibus re, opera, consilio. Ex ijs gymnasijs, velut ex arce sapientiæ, laudatissimi Antistites, alijsque præstantissimi viri prodierunt, diuinæ atque humanæ Philosophiæ cognitione clarissimi: vt libri innumerabiles ab ijs editi fidem faciunt. Et verò non vnus scientiæ, sed diuersarum artium ac linguarum disciplinæ ab ijs explicabantur: vt ex Canonicorum Regula, à Patribus Concilij Aquigranensis anno 816. edita constat. In qua hæc inter alia leguntur: *Singuli, iuxta capacitatem suam, diuersarum artium erudiantur disciplinis, vt nullus in collegio canonico inutilis appareat, nec vota fidelium otiosum comedat. Tales quippe esse, imò & saliter conuersari decet omnes, qui diuinis officijs se mancipauerunt.*

Carolus Magnus Imperator, Episcopatum Osnaburgensem in Westphalia anno 804. fundans ac dotans, in illo loco Græcæ & Latiniæ scholæ in perpetuum manere, nec unquam

clericos virisque lingua gnaros desse ordinavit. De Episcopis & alijs viris illustribus, qui ex Noigeti & Erachij Leodicensium Anstium, item que ex Lieberti Cameracensis Episcopi scholis prodierunt, Anselmus, Baldericus & alij illarum ecclesiarum Chronographi consuli poterunt. Hoc certe sibi maiores nostri in primis proposuerunt, ut magistros moribus atque eruditione spectatos scholis præficerent. Idem que in cathedralibus & alijs ecclesijs *Scholasticis* nomen & dignitas est instituta: & huc spectant Seminaris, quæ novissime Concilium Tridentinum in singulis diocesis institui iussit.

Scilicet.
can. 18-j

Itaque videmus cum ex reliquis religiosorum hominum ministerijs multa & magna in Ecclesiam ac Republicam circumfusa redundare, tum verò ex scholarum istarum usu longè plurima & maxima; in ijs præsertim provincijs, quas hæresis Lutheriana aut Calviniana infecit. Siquidem eorum, qui in Catholicis adhuc castris perseverant, filij, laque veteris & Apostolicæ doctrinæ à sacris viris enutriti, & ipsi veram religionem retinent, & parentes suos, ne ab ea discedant, suo exemplo confirmant; innumerabiles denique sectariorum ac deviorum filij hac eadem ratione, perque filios ipsi parentes quotidie ab erroribus revocantur. Quæ obrem laudandos in primis eos existimo, qui etsi ætate grandiores & sublimioribus disciplinis sint instructi, adeoque ad eminentiora munera idonei, ad hanc tamen pueros docendi instituendique palæstram libenter se dimitunt, & operam suam atque industriam utilissimè hac in re collocare sese existimant. Non ignari *Gregorium Magnum*, Pontificem laudatissimum, ad instaurandum tantum ecclesiasticum, duas Romæ scholas, unam ad D. Petri in Vaticano, alteram ad D. Ioannis basilicam in Laterano excitasse; in quibus puerorum cantantium cœtus ipse regebat, virgulamque manu tenens atque errantes corrigens, veluti præsidebat; ut Ioannes Diaconus in eius vita fuisse commemorat. Quem igitur ad id genus munia obeunda non excitet hoc tam rarum atque inauditum exemplum? quem, etsi ætate aut dignitate fortassis eminentem, ad emulandum non moueat aut instiguet? In quo quidem exemplo (ut de Cassiodoro Consule olim Romano, alijsque summis viris nihil dicam) finio, & Deum precor, ut similem mentem ijs inspiret, ad quos scholarum cura, ex veteri Ecclesiæ instituto, in primis pertinet.

F I N I S.

CON-

CONSTITVTIONES
CLERICORVM
 REGVLARIVM

Quorum Congregationem Ioannes Petrus Carafa, (Episcopus tunc Theatinus, postea Paulus IV. Papa,) Caietanus Thienæus, Bonifacius à Colle, & Paulus Consiliarius anno 1524. instituerunt.

Iuxta exemplar Romæ anno 1610. typis editum, cum Notis Antonij Caraccioli: quas utpote prolixiores visum fuit hic omittere.

CLEMENTIS PAPÆ VII. DIPLOMA,

Quo Clericorum regularium, quos hodie Theatinos vocant, institutionem approbat, anno 1524.



Clementis Papa VII. Ioanni Petro Carasæ Episcopo Theatino, & Caietano Thienæo presbytero Vicentino, atque eorum socijs & successoribus, Venerabilis frater, & dilecti filij, salutem & Apostolicam benedictionem. Exponi nuper fecistis, quod vos & nonnulli alij eiusdem propositi, socij vestri, diuina, vt creditur, inspiratione ducti, cupientes cum maiore animi quiete Deo seruire, & illi magis pro desiderio conhaerere posse, cetera substantialia religiosæ vitæ, Paupertatis scilicet, Castitatis, & Obedientiæ vota emittere, & sub solito & communi habitu clericali in vnum habitantes, & in communem, ac de communibus viuentes, ac Deo humiliter & deuotè, quantum ipse dederit, seruientes, sub nostra & Apostolicæ Sedis humili & immediata subiectione, & speciali protectione, clericalem vitam ducere decreuistis, supplicareque nobis fecistis, vt de nostræ atque huius sanctæ Sedis plenitudine potestatis, solitaque clementia in premissis benignè annueres; de ijs, quæ ad huius vitæ propositum conducere, aut quomodolibet expedire videntur, vobis, socijs, successoribusque vestris providere dignamur. Nos, qui omnium Christi fidelium pijs & honestis desiderijs libenter annuimus, vestrum in hac parte laudabile desiderium plurimum in Domino commendantes, vestrisque huiusmodi supplicationibus inclinati, vobis, & cuilibet vestrum, vt quando-cumque visum fuerit, possitis tria substantialia religiosæ vitæ (vt petitis) Paupertatis, Castitatis, & Obedientiæ vota publicè emittere, & in manibus cuiusque presbyteri secularis, vel cuiusque ordinis regularis, solemniter profiteri; ac sub solito & communi habitu clericali, subque nomine & nuncupatione Clericorum regularium, in communi viuentes, in locis religiosæ aut secularibus, prout vobis ab illis, quorum loca ipsa concessum fuerit, seu expedire videbitur, sub nostra & sanctæ huius Sedis Apostolicæ immediata subiectione, & speciali protectione, in vnum habitare, atque ex vobis, inter vos, singulis annis Superiorem eligere, Prepositum nuncupandum, qui vsque ad triennium, & non ultra, confirmari possit, aliosque quoscumque seculares clericos, quauis dignitate fulgen-

fulgentes, seu laicos, qui Deo inspirante ad huiusmodi vitæ propositum, & communem viuendi modum sese conferre voluerint, recipere & post annum probationem, ad talem votorum professionem, in manibus Superioris seu Prepositi emittendam, ad huiusmodi communem viuendi modum admittere, necnon Statuta quæcumq; Ordinationes & Constitutiones de omnibus & singulis, quæ ad huiusmodi vitæ propositum conducere, morisque & institutum honeste & deuotè clericaliter viuendi concernere videbuntur, de Missis præcipuè & alijs diuinis Officijs, seu Horis canonicis, prout vobis melius videbitur, celebrandis & recitandis, licita tamen & honesta, rationabilia & bonis moribus & sacris Canonibus non contraria facere, edere, & pro tempore facta edere, corrigere, reformare, & in parte vel in totum immutare, ac de nouo alia, prout vobis expedire videbitur, instituere & ordinare, & iuxta illa viuere, quæ postquam à vobis condita, edita & reformata, instituta aut immutata, & ordinata, ac nobis seu successoribus nostris exhibita fuerint, Apostolica auctoritate approbata & confirmata sint & esse censeantur: & vt omnibus & singulis priuilegijs, exemptionibus, immunitatibus, indulgentijs, facultatibus, libertatibus, auctoritatibus, indultis, fauoribus, concessionibus, & gratijs spiritualibus & temporalibus, quibus potiuntur & gaudent, aut in futurum potientur & gaudebunt Canonici regulares Lateranenses, Congregationes, personæ, & loca eorum, vos, personæ & loca vestra vti, potiri & gaudere possitis, quorum tenores presentibus pro sufficienter expressis, ac de verbo ad verbum insertis haberi volumus. Ita vt litteræ Apostolicæ super eisdem priuilegijs, exemptionibus, immunitatibus, concessionibus & gratijs eisdem concessis, vel pro tempore concedendis, mutatis dumtaxat nominibus, cognominibus, innocationibus & diebus, ad libitum expediri possint, perinde ac si illa omnia & singula, non solum per clausulas generales, sed per eorum tenorem, de verbo ad verbum expressentem & insertionem fuissent vobis per has nostras litteras sub hac ipsa die expressa & specialiter concessa, tenore presentium ex certa nostra scientia, & ex Apostolicæ plenitudine potestatis, vobis ac socijs & successoribus vestris in perpetuum concedimus pariter & indulgemus, & ad præmissa omnia & singula, quibuscumque impedimentis & contradicentibus motis, liberam plenamque auctoritatem & facultatem elargimur: non obstantibus nomine, dignitate & officio Episcopali, quæ Ioanni Petro supradicto per alias nostras litteras reservauimus, Apostolicisque & generalibus aut specialibus constitutionibus, ordinationibus, etiam iuramento aut quouis alia firmitate roboratis, etiam si quæ specialiter, seu de verbo ad verbum exprimenda essent, quæ pro expressis haberi, & quibus quæ ad effectum presentium dumtaxat specialiter & expressè decernamus, alijsque contrarijs non obstantibus quibuscumque. Datum Romæ apud sanctum Petrum sub annulo Piscatoris, die vigesima quarta Iunii, M.D.XXIII. pontificatus nostri anno primo.

Iacobus Sadoletus.

Clemens VIII. Papa Constitutiones Clericorum regularium approbat, anno 1604.

Clemens Papa VIII. ad perpetuam rei memoriam. Etsi ex debito Pastoralis officij singulos Religiosos, qui spretis huius mundi vanitatibus, iugum religionis, vt Altissimo liberiori inseruirent, sunt amplexi, paterna dilectione prosequimur; tamen dilectorum filiorum Congregationis Clericorum regularium præcipuus in Dei seruitio seruior, regularis disciplinæ obseruantia, & vberes in Ecclesia Dei fructus, quos assidue verbi Dei prædicatione, frequenti Sacramentorum administratione, probatæ vitæ exemplo, & bonæ famæ odore assidue producant, à nobis exigunt, vt laudabile eorum institutum specialibus fauoribus & gratijs atque Apostolica protectione foueamus. Sanè cum Constitutiones & Statuta prædictæ Congregationis Clericorum regularium à dilecto filio

filio nostro Pompeio Arrigonio, tit. sanctæ Balbinæ, S. R. E. Cardinale, de ordine nostro diligenter visa, recognita & examinata typis cudere, & ad communem dictæ Congregationis utilitatem & commoditatem in lucem emittere expediat; Nobis propterea ex parte dictorum Clericorum fuit humiliter supplicatum, ut Constitutiones & Statuta huiusmodi Apostolicæ auctoritatis robore confirmare, aliasque in præmissis oportune providere de benignitate Apostolica dignemur. Nos igitur Congregationem prædictam specialibus favoribus & gratijs prosequi volentes, ac singulos dictæ Congregationis Clericos à quibuscumque excommunicationis, suspensionis & interdicti alijsque Ecclesiasticis sententijs, censuris & penis à iure vel ab homine, quavis occasione vel causa latis, si quibus quomodolibet innodati existant, ad effectum præsentium dumtaxat consequendum, harum serie absolventes, & absolutos fore censentes; motu proprio & ex certa scientia ac de Apostolicæ potestatis plenitudine, huiusmodi laudabile prædictæ Congregationis institutum, & prædictas omnes & singulas Constitutiones, Ordinationes & Statuta, quæcumque à prædicto Pompeio Cardinale, ut præfertur, visa & examinata, quarum & quorum tenores, ac si de verbo ad verbum infererentur præsentibus, pro expressis haberi volumus, auctoritate Apostolica tenore præsentium perpetuo confirmamus & approbamus: illisque perpetuè & inviolabilis Apostolicæ firmitatis robur adijcimus: ac omnes & singulos tam iuris quàm facti defectus, si qui in eisdem intervenierint, supplemus: illasque & illa perpetuò valida, firma & efficacia fore & esse, ac per Clericos prædictos, & alios ad quos spectat, & pro tempore spectabit, perpetuò inviolabiliter observari debere, ac in lucem edi, & typis mandari posse decernimus & declaramus. Non obstantibus Constitutionibus & Ordinationibus Apostolicis, ac dictæ Congregationis, etiam iuramento, confirmatione Apostolica vel quavis firmitate alia roboratis, Statutis & Consuetudinibus, ceterisque contrarijs quibuscumque. Datum Romæ apud sanctum Marcum sub annulo Piscatoris, die 28. Iulij 1664. pontificatus nostri anno decimotertio.

M. Vesprius Barbani.

P R Æ F A T I O AD C O N S T I T U T I O N E S.

QVam nos religiose vivendi rationem ex Apostolorum Actis excerptam, Clementis VII. aliorumque Summorum Pontificum auctoritate firmatam, Patrum nostrorum usu & consuetudine tot annos receptam, in Generalibus Capitulis sæpius roboratam, Congregatione, Deo favente, in dies aucta, Constitutionum more, calamo scriptam hæcenus servavimus, eam nunc accuratè recognitam typis mandare visum est; ut quæ vitanda aut sequenda sunt, præ oculis quisque habeat. In his scribendis, edendisve ca mens nostra est, tum ut quæ naturali, Evangelica & sacrorum Canonum lege sanciuntur, probè servemus; tum verò ut trium sacrorum Votorum nexu, hisque religiosis Constitutionibus communiti, aditum nobis ad perfectæ caritatis adeptationem, Deo iuvante, faciamus. Ceterum ut animarum consulamus tranquillitati, declaramus nullas Constitutiones aut Regulas nostras obligare nos ad culpam, sed ad poenam tantum, nisi propter præceptum aut continentium: præceptum autem apud nos nullum aliud haberi, quàm quod naturali aut divina, aut Ecclesiastica lege, aut trium Votorum ratione continetur. Quamvis autem ad culpam obligandi, etiam peccati mortalis, Superioribus nostræ Congregationis non defuit auctoritas, maxime in rebus gravibus, & si præceptum his verbis exprimit, *Præcipimus in virtute sanctæ obedientiæ*, aut horum similibus: caueant tamen, ne quid unquam præcipiant temerè, & à multitudine præceptorum abstineant, ne laqueum subditorum animis iniiciant. Excommunicandi etiam quamvis habeant facultatem, so-

D

briè

bricé tamen, & cum consilio vrantur hoc gladio. Nemo autem, excepto Generali Capitulo (penes quod per Summorum Pontificum privilegia est auctoritas nouas condendi leges, & veteres obrogandi) audeat his nostris Constitutionibus aliquid immutare, addere vel minuire. Hę in tres præcipuas partes sunt distributę: in quarum prima agitur de ijs, quę ad diuinum cultum pertinent; in secunda, de obleruantijs quibusdam nostrę Congregationis; in tertia, de vniuersi ordinis administratione.

CONSTITVTIONVM PARS I.

Caput 1. De Horis canonicis.

Diuiui preces Officij, nocturnas quidem horis matutinis, diurnas verò interdiu, statis horis, tum sacerdotes, tum clerici omnes, ex præscripto riuque Romani Breuiarij, in choro deuotè alacriterque persequantur. Integrum tamen nobis erit pro consuetudine locorum, Patroni tantum, vel præcipui alicuius Sancti, eius loci vbi degimus, diem festum officiumque celebrare.

Missä solemnis diebus festis celebretur: quibus manè, Prima; proximè ante Missam, Tertia; ea peracta, statim Sexta recitetur, Ceteris diebus Prima, Tertia, Sexta simul dicantur; Nona, si quidem ieiunandum sit, ante cœnam; sin minus, statim à prandio. Vespertinę preces, siue festus dies, siue profestus sit, hora congruente vnà cum Completorio. In ieiunijs Quadragesimę, Vesperę ante cœnam; Completorium, vigesima secunda hora; nisi ob sacras conciones aliter quandoque fieri necessitas aut populi commoditas postulauerit.

Officium paruum B. Virginis, Officium Mortuorum, Septem Psalmi Pœnitentiales, & quindecim Graduales, quibus diebus in Breuiarij Rubricis præscribitur, ijs in choro recitentur. Liberum tamen Præpositis erit ex rationabili causa permittere quandoque, vt Matutinum B. Virginis in choro omittatur. Quo autem tempore, siue ex Breuiarij Rubricis, siue ex Superioris facultate omittitur Officium B. Virginis in choro, faciet quisque vt apud se priuatim dicat: id enim postulat, quę præcipua nostra debet esse, in tantam Virginem pietas.

Psalmos Pœnitentiales genibus flexis; Graduales & pro Defunctis sedentes; reliquos, stantes in choro recitent. Dum quis in choro medio stans, de more, ad Matutinas preces, Lectiones, vel ad Primam Martyrologium legit, ceteri sedētes audiant, & Responsoria ad singulas Lectiones respondeant. In Missis solemnibus sacerdos & ministri ne sedēant.

Nulla nos Musica vel cantus modulatione, nec in Missis, quantumuis solēnibus celebrandis, nec in quibusvis Horis canonicis recitandis, in ecclesijs nostris vitetur. Sæcularibus tamen seorsum cū indicitur oratio publica, id bis in anno concedi poterit. *Conemur autem (vt inquit S. Bernardus) parè semper ac strenuè diuinis interesse laudibus; non pigri, non somnolenti, non parcentes vocibus, non præcidentes verba dimidia, non integra transientes, non fracti, nec remisso vocibus, muliebre quiddam balba de nare sonantes, sed virili (vt dignum est) sonitu & affluctu voces Spiritus sancti depyementes.* Hęc ille. Simul incipiamus, simul desistamus: commodam in versibus pausam faciamus; in penultima vel antepenultima pro syllabarum quantitate immoremur: in vltima semper moram cauebimus.

Præpositi, quā maxime poterunt, domestica negotia in aliud tempus differant, quo singulis Horis canonicis cum alijs in choro interfint. Idem seruent Vocales, sacerdotes, clerici. Neut sibi quis remissionem quampiam à diuinis Officijs assumere audeat, nisi cui, vt studij aut lectioni, aut prædicationi operam det, sit aliqua concessa potestas. Qui tamen, si actu ipso non amplius legat aut prædicet, aut lectionibus non interfint, vnà cum ceteris conuenire in chorum teneatur. Clerici, quibus à matutinis Horis, studiorum causa datur aliqua immunitas, ad ecclesiam prius veniant; ante altare sanctissimi Sacramenti

ora-

orationes fundant, benedictionem in choro à Superiore petant; tum in suis quisque cellulis sedulo studiis vacent.

Laici ad Matutinas preces vnà cum alijs surgant: benedictionem in choro post Inuitatorium simul petant: preces in ecclesia fundant; tum ad sua se opera recipiant. De precibus, quas laici debent persolvere, dicetur infra.

Si quis ad Horas canonicas, postquam fuerint inceptæ, veniat, ad suum locum ne accedat, nisi prius genu flexo à suo Superiore benedictionem acceperit. Quòd si iam Inuitatorium & Hymnus in Matutinis precibus, primus Psalmus in Vesperis, Hymnus & Antiphona in singulis Horis sint recitati, genus flexus in choro medio permaneat, donec Superior surgendi fecerit signum; & benedictione accepta ad suum locum se conferat. Post Officium, negligentia suæ culpam in medio fateatur. Qui iusta de causa detentus, ad Officium tandem venerit, Superiorem in choro adeat, causam aperiat, benedictionem petat. Quæ item vel in diuinis laudibus recitandis, vel in celebrandis Missis, vel in præstandis Ecclesiasticis functionibus, vel omnino in his, quæ ad diuinum cultum pertinent, errata commissa fuerint. Statim ac diuinum Officium in choro fuerit absolutum, sponte proferantur. Pœnas Præpositus, aut qui Præpositi eo loco vices gerit, unicuique debitas imponat.

Cap. 11. De Ritibus & Cæremonijs.

Ritus & Cæremoniæ aptè, compositis & decorè exerceantur: hoc enim clericorum est munus, & maxime conspicuum. Itaque Præcisi per se, aut si occupati fuerint, per idoneum sacerdotem curent diligentissime vt Missalis & Breuiarij Romani Rubricæ accuratè obseruentur. Quando quæ clericos & sacerdotes conuocent, curentque ne in solemnibus priuativè Missis aut Officijs, processionibus, sacrivè functionibus, quæ Maiore hebdomada, præcipuisque solemnitatibus per annum solent celebrari, error aliquis aut varietas sacerdotibus vel clericis nostris obrepit. Nihil denique in eiusmodi Ecclesiasticis rebus seruandis prætermittatur: sed omnia studiose, exquisitè, maturè, cum silentio, modestia, dignitate & decorè fiant. Si quid tamè est, cuius formula ex Rubricis peti non possit, à peculiari nostro de Cæremonijs libello petatur: vel si ex eo planè sumi non possit, pristino Congregationis nostræ more stetur.

Cap. 111. De munditie & nitore ecclesia, & sacra supellectilis.

Ecclesiæ munda sint, & omni religionis cultu ornate. Sacerdotum vestes, altarium Cornatus, sacra vasa & cetera, quæ ad diuinum cultum pertinent, splendida, munda, nitida, & suo quaque loco, vt par est, collocata & distributa asseruentur. Fit enim, vt ex diligentia & cura, quæ his rebus adhibetur, Religiosorum spectentur animi. Ne quid quod ad sacram supellectilem pertineat, alienis faciliè detur vtendum: nam ita sordes & maculas sepe contrahunt.

Ne permittatur vt in sacris indumentis familiarum ponantur Insignia. In ecclesijs nostris, in quibus nulla habentur familiarum Insignia, ne sine P. Generalis auctoritate fiant: at vbi adsunt, rursus alia vt apponantur, ne faciliè concedatur. Sacella secularibus edificanda vel exornanda concedi poterunt, etiamsi familiarum Insignia & Inscriptiones, modestas tamen & à nobis antè probatas, velint apponere: ea tamen lege & conditione, vt nequa lex aut conditio onerosa & à nostro instituto aliena nobis vnà imponatur: vt sunt Missæ & Officia in perpetuum dicenda, quæ nulla vnquam ratione in Congregationem admittantur.

Cap. IV. De Ministris altaris, & Ordinibus conferendis.

Sacerdotes & Clerici nostri, tum ubique, tum maximè in ecclesijs, ubi omnium in se sciunt oculos conjici, ita mores habeant vultu, gestu, incessu, sermone compositos, ut nihil nisi grave, moderatum, religionis plenum præ se ferant.

Nouitios in Clericorum ordinem admissos prima tantum Tonsura initiari licebit, ut diuinum Officium in Choro dicere, sacerdoti ad Missæ sacrificium administrare, ceterisque Ecclesiasticis functionibus deservire possint. Cum professionem emiserint, eis quatuor minores Ordines conferri poterunt, si Præposito, n. aiori quæ parti Vocalium loci, ita visum fuerit. Pro sacris Ordinibus, P. Generalis licentia erit impetranda. In his conferendis cunctanter agatur. Ad Subdiaconatum nemo nisi tribus minimùm annis; ad Diaconatum nisi quatuor; ad Sacerdotium nisi quinque post emissam professionem, admittatur. Non quod tum demum placere debeant admitti, ac non possint in tempus quamvis longinquum à Superioribus reijci; sed ne quo pacto admittantur antè, nisi aut necessitas aut magnæ personæ alicuius ratio postulare videatur.

Cap. V. De administrandis Sacramentis.

Qui ad ecclesias nostras adierint ad suscipienda Sacramenta, ipsi sacerdotes Confessarii præcipuam exhibeant caritatem: rem suam priuatam aut commodum ne spectent, animarum saluti magnopere studeant.

Qui in lectis graviter agrotant, domi visitari de Superioris licentia poterunt, & Sacramentum eis penitentiae ministrari, ipsique monitis instrui, ac demum ad bene moriendum ut se disponant, hortari. Caveant autem ne ad res temporales, ad faciendâ testamentâ, ad electiōnes erogandas, maximè si Religiosi nostræ velint relinquere, se admittant, ut avaritiæ non culpa tantum, sed etiam peritus suspitione careant.

Sacerdotum qui confessoribus secularium audiendis expectantur, defectus habeatur: & quamvis penitus quis fuerit, & ad iustam ætatem pervenerit, maturè satis agatur, ne ad id munus admittantur, nisi qui idonei sint reperi, nec nisi de licentia P. Generalis; qui, si iam annus post Sacerdotium fuerit expletus, licentiam, si ei videbitur, poterit concedere: antè concedat nulli, nisi aut sacerdotis alicuius præcipua virtus & doctrina, aut loci necessitas requirat. Antequam mittatur quis pro licentia obtinenda à locorum Ordinarijs, siue ad recipiendos Ordines, siue ad confessiones audiendas, domi prius à Præposito & patribus ad id electis diligentissimè examinetur. Qui ita ad confessiones audiendas admissi fuerint, ne prius accedant, quàm potestas à suo Præposito facta illis fuerit. Curent Præpositi, ut admittendis ad confessionem secularibus definiatur modus: ne confessorij nimis occupati sibi ipsis vacandi tempus non habeant.

Ad mulierum confessiones audiendas ne facillè sacerdotes iuniores expectantur: sed qui ætate & moribus sunt maturi. Domus mulierum nostri ne sine rationabili causa adeant. Qui earum confessionibus audiendis nondum sunt expectati, ab earum visitatione abstineant. Permitti tamen à Superiore possit, ut æqua de causa quandoque, sed raro visitentur. Qui earum confessiones audire solent, possint quidem de Superioris licentia illas quandoque visitare, sed id raro admodum & consideratè fiat. Confessiones earum nisi in ecclesijs ne audiantur; dū ne vel gravis egrotatio, vel calamitas aliqua, vel alia quovis causa vehemens postulaverit. Quæ si acciderit, ne solus cum sola sit, caveat: sed comes ibi maneat ubi possit conspici. Sedula pro mulierum confessionibus audiendis ita in ecclesijs sint collocata, ut & mulier & sacerdos facillè videri possint. Dum earum confessiones audiunt, ne longius a quo fern ones producant, ne de ijs rebus agant, quæ ad penitentiae Sacramentum pertinere minime videantur. Virorum confessiones aut in ecclesijs, aut in locis ad id assignatis audiantur.

Cap.

Cap. VI. De regendis Monialibus.

AD Monialium, aliarumque mulierum in Congregatione viuentium confessiones audiendas ne quis nostrum mittatur. Liberum tamen sit Præpositis id bis in anno aut ter, vt præscribit Concilium Tridentinum, pro confessionibus extraordinarijs concedere.

Moniales monasterij sanctæ Mariæ de Sapientia Neapoli, quod à sorore Pauli III. Congregationis nostræ Institutoris extructum sit, solas sub nostro regimine retinemus. P. Generalis, de Consultorij consilio, sacerdotem Confessarium pro illis audiendis eligat, aliumque ex Patribus aliquem, loco ordinarij, qui eas regat & moderetur, ac de ceteris rebus curam habeat: tamen vt is eodem tempore ne sit Præpositus. Ordinarius & Confessarius quotannis, si videbitur, iidem in eodem munere resiciantur. Verum ultra triennium prorogari, aut sibi inter se alter alteri succedere non possint.

Visitatores pro Romana & Neapolitana provincia, cum domos nostras quotannis visitabunt, Sanctimoniales iam dicti monasterij eodem quo fratres modo & ordine visitent. Priuata munuscula neque ab ijs, neque à quibuscumque alijs monialibus recipiantur. Nulli nostrum regere Seminaria, aut curam illorum habere permittatur.

Cap. VII. De Concionatoribus.

AD munus concionandi deputentur qui bonæ indolis sint, virtutisque specimen dederint. Ij primùm Superioris consensu priuatis declamationibus inter communem predicationem se exercitent, deinde palam prædicent. Facultatem solos Præpositus Generalis tribuat; & non nisi qui Philosophiæ prius operam dederint, & sacræ Theologiæ studium absoluerint, vel eius Lectiones saltim per triennium audierint, & Conclusiones Philosophiæ & Theologiæ defenderint; & præter virtutis & morum testimonium, à duobus aut tribus patribus, ad id à P. Generali deputatis, accurate prius de Philosophiæ, Theologiæ, & Conscientiæ casibus examinati & approbati fuerint. Illis qui id nimis auidè, & non ex proximæ caritate appetere videbuntur, ne facillè concedatur. Qui prædicare non valebunt, quin eibis Quadragesimali ieiunij septius utantur, & censentur idengi ad concionandum; nisi forte morbus casu acciderit.

In concionando ei rei potissimum opera detur, vt Auditorum mores probè informantur, & ad Dei amorem excitentur animi, atque inflamentur. Ab inutilibus rerum & verborum lenocinijs abstinere. Qui contrà fecerint, eis prædicandi facultas ne detur. Quod si eam habeant, & à Superioribus sæpè moniti non se correxerint, à Generali Præposito prædicandi facultate priuentur.

In ciuitatibus, vbi nos habitare contigerit, & in ecclesijs nostris, quoad eius fieri potest, nostri prædicent. Quod si iusta causa nata fuerit, de Præpositi Generalis licentia aliò ad prædicandum mitti poterunt; socium tamen quisque habeat virum probum & modestum, à suo Præposito datum, qui in itinere, & dum prædicat, concionatorem committetur; quique ei tanquam sup. Præposito in rebus omnibus obediat. A domibus assignatis, prope tempus prædicandi, rectè proficiantur, nec desistant à via. Viaticum à Patribus loci, vbi prædicauerit, persoluetur.

Nemo nostrum elemosynas quasi suæ prædicationis stipendium petat, aut etiam eo nomine oblatas accipiat, sed eas tantum quæ à fidelibus spontè datæ fuerint. Quæ omnes, exceptis sui itineris impensis, illius domus esse, cessentur, in cuius ecclesia siue ciuitate prædicauerit, nisi forte à secularibus nominatim alicui domui fuerint destinatæ. Qui quotidie orationem habuerint, Chori omnino sint immunes. Qui solis Dominicis & festis, ij semel saltem in diebus singulis à Choro exemptionem habeant, nisi Præposito æqua de causa videatur crebrius exemptio concedenda. Quæd moniales, vel in Oratorijs sermones habent, Superioris arbitratu exemptionem aliquam obtineant.

Cap. VIII. De Oratione mentali.

Semper quidem, ut ipsa Veritas pronuntiat, oportet orare: præcipue tamen his in singulos dies, signo dato ad communem orationem, magno tam animi quam corporis silentio & quiete, per horæ dimidiæ spatium, nixi genibus oremus: idque fiat, primum quidem statim post perfolutas preces Matutinas; deinde verò si sit hiems, prima nocte; si æstas, statim post meridianam quietem. Oremus autem sive in choro vel in ecclesia, quoad eius fieri poterit. Bis etiam in die, semel ante prandium, iterum antequam eatur cubitum, rationem dicti, facti, cogitati nobiscum putemus. Quotidie post cenam & gratias de more actas, lotis cum silentio manibus, abeant in ecclesiam, Deum pro benefactoribus, præsertim quos in mensa recitatos audierint, oraturi.

Cap. IX. De suscipiendis Sacramentis.

Vñ cum orationis assiduitate coniungendus etiam nobis est frequens Sacramentorum usus. Quare clerici & laici, etsi mortiferi peccati sibi conscij non sint, tamen ad sacrosanctum Eucharistiæ Sacramentum ne ante accedant, quam se per confessionem, quo æquum est pii animi studio, reddiderint puriores. Sacerdotes qui quotidie celebrant, si non singulis diebus, saltem id sæpius in hebdomada faciant. Confitebitur autem quisque nostrum suo Præposito, aut cui volet ex confessorijs, quos Præpositus deputaverit. Sacerdotes quotidie Missam celebrent; si impediti fuerint, re Superiori significata, ab eo licentiam impetrent. Clerici & laici diebus Dominicis & præcipuis festis, videlicet Christi Domini, B. Mariæ Virginis, & SS. Apostolorum in hebdomada incidentibus, simul communicent. Missam audiant clerici & laici quotidie; sacerdotes, quibus diebus sacrum non fecerint.

Qui in lectulis diuturno morbo detinentur, ad eos semel in mense sacratissimum Domini Corpus deferatur. Vbi morbus ingrauescet, curabit Præpositus, ut non modò Sacramenta Pœnitentiæ, Eucharistiæ & Vñctionis extremæ opportunè ministrantur, verum etiam ut aliqui præsto sint, qui eos moneant, consolentur, & ad cœlestem patriam disponant & instruant. Cum vicinam mortem intelligunt, signo dato, omnes vñ fratres in decumbentis cellulam conveniant, egredientemque animam psalmis atque orationibus comitentur.

Cap. X. De Orationibus pro defunctis.

Cum iam quis defunctus fuerit, siue is professus, siue novitius, siue hospes fuerit, deducantibus omnibus, corpus in ecclesiam deferatur. Deinde opportuno tempore totum Officium defunctorum in choro dicatur. Fiat officium sepulture, & celebretur Missa sollemnis: atque si professus fuerit, sacerdotes per triginta dies pro eius anima sacrificent. Clerici diebus totidem dicant Vesperas defunctorum; laici trices B. Virginis coronâ. Ceteris Domibus res significetur quamprimum: vbi pariter in choro dicatur Officium defunctorum, & celebretur Missa sollemnis; à sacerdotibus dicatur Missa privata; à clericis semel Vesperæ; à laicis corona B. Virginis. Quod si quis à Domo sua ad aliam profectus, prædicandi aut alia Congregationis negotia pertractandi gratia, diem suum obierit, utraq; Domus par ei perfoluat officium, ac si utrique fuisset assignatus. In obitu P. Generalis idem fiat in omnibus Domibus. In obitu Summi Pontificis totum Officium defunctorum, & Missa sollemnis cum Responsorijs ad tumulum ubiq; dicatur. Idem in obitu Episcopi ex nobis assumpti. Episcopo civitatis defuncto, dicatur ibi Missa sollemnis, & ad tumulum Responsorija. Die post fidelium defunctorum Commemorationem dicatur Missa sollemnis; & Responsorija ad tumulum pro defunctis fratribus nostræ Congregationis.

Cap.

CONSTITVTIONVM PARS II.

Cap. 1. De tribus Religionis Votis.

TRia Religionis Vota, quæ summo Deo polliciti sumus, & sanctè reddere, & firma tueri fide debemus. Proinde illorum consuetudinem valde probamus, qui Patrum nostrorum exempla secuti, antequam cubitum se recipiant, flexis coram Deo genibus professionem iterare consueverunt.

Obedientiam accuratè seruare, & in ea magnopere excellere quisque studeat. In his, quæ Superiores iusserint, ne externè tantum eis obediant, verum etiam magno eos amore & intima reuerentia prosequantur. Nostrarum actionum regula sit Superioris voluntas; quam, dabimus operam, ut perspectam habeamus, sequamur, exequamur. Quem cuius rei Superior præfecerit, ei perinde ac Superiori sine querimonia obtemperetur.

Ad Castitatem seruandam adhortari, minime opus esse arbitramur. Religiosis enim viris non tam præclarum est eam virtutem colere, quam turpe, non colere. Itaque nihil hoc loco adijciendum, nisi ut aspectu, incessu, sermone & totius corporis forma Angelicam quodam modo in terris puritatem imitemur.

Paupertas, expedita ad Deum via, & religiosæ Christi familiæ magnum certumque vestigal, publicè privatumque exercenda est. Nemo igitur omnino aliquid possideat proprium, sed omnes in comuni & de communi vivant. Eleemosynæ ac bona omnia, siue Confessarijs, siue Prædicatoribus, siue quibusvis alijs à quibuscumque siue consanguineis siue extraneis, quocumque nomine data sint, ad Superiorem delatæ in communi reponantur: diuidantur autem à Superiore, prout cuique opus fuerit. Ne quis vestem, liberum aut quodvis aliud munusculum, absque sui Superioris licentia & benedictione, utendum accipiat. Apud externos ne quis horum aliquod depositum, quod Præpositus non probet, retineat: id enim proprietatis habet speciem. Quæ cuiuspiam à Superiore concessa sunt, ea ne dentur alijs ex fratribus aut secularibus absque Superioris licentia.

Eti neque per professionem, neque per sacros Canones prohibeamur annuos redditus in cõmuni possidere; per Concilium autè Tridentinum id nobis sit concessum; nihilominus (voluntariè tamen, ut nullo unquam vinculo adstringamur) ab illis abstinemus, quòd à secularibus negotijs liberiores paupertatem Christi Domini, Apostolorum, & multitudinis illorum, quibus cor vnum & anima vna fuisse legitur, imitemur; illud habentes in memoria: *Nolite solliciti esse quid manducetis, aut quid bibatis; scis enim Pater vester, Matth. 6. quia omnibus indigetis.* Nouitijs nostris, dum bonis suis ante professionem renuntiant, annuos redditus, quoad ipsi vixerint, nostræ Congregationi ut relinquunt, ne permittatur. Ne procuret item aliquis ex nostris, siue Professus sit siue Novitius, ut sibi, quoad vixerit, annui redditus à parentibus, consanguineis, aliisque relinquuntur. Ne procuret aut permittat aliquis, ut pecuniarum quidquam secretò ab eis erogandum relinquatur: sed quamprimum Superiori suo rem omnem aperiat.

De altari & Evangelio vivere nos clericos oportet, & de ijs, quæ sponte à fidelibus offeruntur, itaque neque per nos ipsos, neque per alios petantur à secularibus eleemosynæ, sed tota spes nostra in Christi Domini verbis posita sit, qui ait: *Primum querite regnum Dei & iustitiam eius, & hæc omnia adjicientur vobis.* Secularibus ne permittatur, ut tamquam quaestores petant pro nobis eleemosynas: Quòd si nobis inscijs id facere sint aggressi, cum primum ad nos perlata res fuerit, prohibeantur. Nec item alicui ex nostris, aut pro suis propinquis, aut pro extraneis liceat eleemosynas petere; Si forte pecuniarum aliquid sponte traditum fuerit, ut pauperibus erogetur, id neque apud se habere, neque alicui erogare quis audeat sine Superioris licentia.

Paupertas item priuatim eniteat in cellulis, vestibus ac reliqua supellectile singulorũ. Nemo apud se habeat horologia cuiusvis metalli specie fabricata, nec aureas vel argen-

teas

teas reliquiarum, sacrarum quæ rerum capsulas, aut libros auro vel sericis coopertos, aut magno pretio sculptas vel pictas Sanctorum imagines. Neque item armarijs ita ornatis, ut scriptoria (quæ vulgò vocant) videri possint: aut tabulis vel oratorijs nuceis vtantur. Nemo nostrum avaritia vel arcas clauibus obseratas absque Superioris expressa licentia habeat, exceptis ijs, qui res communes asseruant. Visitentur quandoque à Præposito cubacula singulorum, ne in ijs curiosa, pretiosa & nostra Congregationi minimè conuenientia, vel plura quàm concessa sint penes se retineant, & in proprietatis (quod absit) vitium quis incidat; nec quid sordidum, incompositum, aut ineptius ornatum apud se quisquam habeat.

Cap. 11. De Vestibus.

Vestitus noster niger sit & simplex: videlicet qui honestos deceat clericos, sacris Canonibus non repugnet, & in quo munditia cum paupertate sit coniuncta. Vestis interior ne sit aperta, sed conclusa undique: clericorum talaris, laicorum paulò infra suram pertineat, hoc est a tamen & religiosis viris cetergens. Einctis vtantur clerici in crucem formati, laici roturdis: qui cum de more egrediuntur, fileo vti poterunt. Clericis tam domi quàm foris eiusdem qualitatis, pretij & modi inter se erit vestitus: itidem inter se laicis. Lectuli sint lati palmos non amplius quattuor, sine conopæo aut vlla re consimili, sine ornatu, vna culcitra, vno vel ad summum duobus pulvinaribus. Ne quid vnumquam reperiat sericum in vestris lectis aut indumentis, vel à nostra professione alienum aut indecorum. Vestes omnes tam laneæ quàm lineæ in communem vestiario reponantur, exceptis ijs, quæ cuique Superioris arbitratu vtendæ distribuuntur. Ne quis rem suam propriam nominare vel habere audeat. Capillum & barbam omnes tondeant: ne nutrijant, nec radant.

Cap. 111. De Mensa atque Ieiunijs.

Clorum parsimoniam & sobrietatem (quod paupertatis proprium est) diligenter Cleruemus. Ieiunia ab Ecclesia indicta accuratè custodiamus. Addimus ieiunium Aduentus Domini & ob præcipuam reuerentiam erga Saluatoris nostri sacratissimam passionem, ieiunium sextæ cuiusque feriæ, nisi festum, pro quo pridie sit ieiunatum, aut festum titularis ecclesiæ, S. Stephani, S. Ioannis Euangelistæ, & Circumcisionis Domini in eam incidat. Ieiunamus præterea in Vigilia Epiphaniæ, Ascensionis, Pentecostes & sanctissimi Corporis Christi; in Vigilia Exaltationis S. Crucis, quod ea die nostra Congregatio sumplerit initium; in Vigilia Natiuitatis & Purificationis sanctissimæ Virginis: in secunda & tertia feria ante Cineres, Quarta quaque feria, quia tum Dominus à Iuda proditus esse perhibetur, à carnibus abstinemus, nisi festum fuerit primæ Classis.

Primæ communi mensæ omnes studeant interesse: nec sine rationabili causa, aut sine Superioris licentia ad eam venire quis prætermittat. Qui ad primam venire non poterunt, ad alteram statim veniant: ne tertiam cogamur struere. Communis omnium mensa, communis cibis, idem omnibus ferculorum numerus, eadem qualitas. Primæ & secundæ mensæ nullum sit discrimen, nullum personarum.

Communi mensæ numquam desit sacra lectio, vel ex sacra Scriptura, vel ex SS. Patribus, vel ex auctoribus alijs valdè probatis: ut anima æquè cælesti, ac terreno corpus cibo nutriatur. Lectio neminem ex nes aufcultent cum silentio. Eius errata corrigere, aut de ea verba facere, præter Superiorem, audeat nemo.

Culpræ, quæ in alijs domesticis operibus, vel quibusvis alijs rebus non ecclesiasticis, commissæ fuerint, hæc in principio mensæ, flexis in Refectorio genibus, dicantur. Poenas Præpositus, aut qui Præpositi vices in eo loco gesserit, cuique debitas imponat.

Post prandium & gratias de more actas, cum silentio, lotis manibus, in chorum abeant, & No-

& Nonam dicant. Post cornam pari ratione abeant in ecclesiam, Deum pro benefactoribus, præsertim quos in mensa recitatos audierint, oraturi.

Ieiuniorum tempore ad serotinam cornulam simul accedant: cibum sedentes sumant; spiritualis lectionis cibo reficiantur. Quibus ad primam non est visum venire, ij non nisi ad secundam, post horæ dimidium à primo signo dato, conveniant; deinde Refectorij fores claudantur. Cibis, qui in cornam uni mensa apponuntur, quisque contentus sit; nec aliquid amplius requirere, aut extra mensam sumere sine speciali Superioris facultate liceat.

Cap. IV. De curandis Infirmis.

Magnopere curandum est, ut cum in morbum quis nostrum incidet, ei necessaria ministrantur accuratè, ne consanguineorum benevolentiam aut domus sue commoda desiderare pesse videatur. Qui febrî vel gravi alio quouis morbo laborant, eis in cellam deferatur cibus. Lecti latiores cum duobus culcitrâ, & pluribus pulvinaribus concedi poterunt. Præpositus virum sedulum & cum ceteris virtutibus, tum caritate & patientia præditum ægrotis curandis præficiat. Is det operam, ut medicorum mandata & omnia quæ fuerint factu necessaria, consiciantur rem pœre. Præpositus & ceteri (si modò fieri poterit) quotidie, aut saltem alternis diebus ægros visitent, eosque ad patientiam diuinam: quæ rerum desiderium cohortentur. Multi autem ne commorentur simul in eorum cellulis; res friuolas ne tractent; submissa voce loquantur; nec sermonem equo longius producant.

Senum, & qui inbecilla sunt corporis valetudine, ratio habeatur. Si Præposito visum fuerit, ieiunandi eos lege soluat; illisquæ, si necessitas postulare videatur, fratrem laicum ministrare iubeat. Si pro sua quis tuenda valetudine loci aut cœli mutatione indigere arbitretur, ad orationem primum confugiat, rem deinde totam P. Generali notam faciat. Demum quæ ille decreverit, tamquam omnium optima, summa animi quiete & tranquillitate recipiat, neque amplius urgeat aut requirat.

Communis medicus pro infirmis omnibus curandis à Superiore deligatur, neque alius à quoquam sine eius licentia adhibeatur.

Cap. V. De recipiendis & instituendis Nouitijs.

Ad diuinum cultum & totius Religionis progressum plurimum interest, ut ijs tantum qui à Spiritu sancto ducuntur, & spectatæ vitæ sunt, quique vlti Religioni esse possunt, pateat aditus. Quare priusquam quis recipiatur, precatiori se totum tradere Patres iubeant. Probetur deinde eius spiritus, & accuratè ac diligenter examinetur de Fide catholica, de vita, de moribus, de fama, de eruditione, de ætate; sine ex legitimo matrimonio natus, & vtrum in aliam Congregationem, vel etiam an alibi in nostram dederit operam ut adscisceretur, aut sit aliquando adscitus: habeant sorores collocandas, an parentes egentes aut infirmos; sine ære alieno gravatus, & si qua horum sunt similia. Quod si diligentissimè & per plures hebdomadas examinatus, nihil impedimento fuerit, quominus idoneus videatur, qui admittatur, de consensu maioris partis Vocalium loci, modò ne Præpositus dissentiat, recipi poterit. Quod si fortè in aliqua Domo non adsit nisi Præpositus, atque alter tantum Vocalis, si in recipiendis Nouitijs, aut habitu induendis, aut ad professionem admittendis, Vocalis ille cum Præposito non consentiat, res tota deferatur ad P. Generalem.

Qui de hæresi umquam suspectus aut delatus fuerit; qui in alia Religione professionem fecerit, nullo pacto recipiatur. Qui alius Ordinis habitu tantum fuerit indutus, si P. Generali cum Consultoribus videbitur, poterit recipi. Qui in nostram semel admissus postea recesserit; qui à Patribus cuiuspiam Domus repulsam passus ad aliam se contulerit;

E
tulerit;

tulerit; qui ex legitimo matrimonio natus non sit, nulla ratione nisi ex consensu P. Generalis recipiatur. Quod si quis eiusmodi ex rei ignorantia receptus sit, is ne induatur habitu, néve ad professionem admittatur, nisi Præpositi Generalis facultate impetrata. Si quis in aliquam ex nostris Domibus vt admittatur postulauerit, ne recipiatur absque illius Domus Patrum licentia, in quam prius vt ingrederetur petierat: nisi forte in eam ciuitatem ita se contulerit, ibique fuerit commoratus, vt domicilium mutasse censetur.

Vbi primum quis receptus fuerit, tradatur à Præposito instituendus Nouitiorum Magistro: cuius electio à Præposito, maioreque parte Vocalium (modò ne Præpositus dissentiat) singulis fiat annis; idemque per plures, si videbitur, annos refici poterit. Deligatur autem ex sacerdotibus, qui præcipua vitæ integritate, morumque gravitate sit præditus; qui prudentia & discretione polleat; qui mansuetudine & seueritate, pro rerum & personarum qualitate, vii optimè nouerit; qui nostræ Congregationis communes labores libenter & assidue cum alijs subeat; qui rebus diuinis & ecclesiasticis non mediocriter sit eruditus; qui mandata Dei atque consilia, perfectionisque viam verbo & exemplo alios edocere valeat. Is pro facultate sibi à Præposito concessa diligenter & sollicitè informet Nouitios sibi commissos, Deum ex animo amare, mundi huius voluptates & illecebras contemnere; paupertatem & humilitatem in rebus omnibus colere; obedientiam prompto & alacri animo amplecti; puritati & vitæ innocentie magnopere studere; his saltem in die conscientiam examinare, ter in hebdomada confiteri, diebus Dominicis vanà conuenire, ac coram Magistro culpas suas dicere. Hortetur etiam eos, tentationes atque aded cogitationes singulas Magistro suo quàm citissimè & sua sponte detegere; ut rursus in rebus inutilibus non contere; vanas sæculi occupationes deuicare; silentium opportunis locis ac temporibus seruare; orationis feruorem & assiduitatem diligere; rebus diuinis magnopere delectari, atque cetera Religionis nostræ instituta diligentissimè tueri.

Postquam in nostram Congregationem quis admissus fuerit, per aliquot dies suo habitu sæculari, vitæ nostræ rationem contempletur. Tum si perseverandi spem exhibuerit, clericali habitu indutus pro hospite habeatur. Si pro clerico est admissus, per menses quatuor; si pro laico, per annum pro hospite reputetur. Hospites si in sacris sint, ante susceptum habitum ne ministrent in suo ordine. Si sint sacerdotes, pertardò & non nisi diebus festis, de Præpositi licentia, Sacrum faciant. Si sæpius fieri necessitas loci, aut alia ratio postulare videatur, Præpositi Generalis facultas erit impetranda. Nouitij ad nullum Ordinem promoueantur, sed sola clericali tonsura, si eam non habeant, initiandi sunt. Si quis Nouitius sit sacerdos, nulla ratione Confessionibus audiendis exponatur. Ante professionem, nisi aliter P. Generali certa de causa videatur, nemini nec Philosophiæ, nec Theologiæ lectionibus interesse facultas sit; sed diuino cultui, ecclesiasticis cæremonijs, sui ipsius abnegationi, atque deuotis & ad pietatem accommodatis legendis libris vacent.

Professi cum Nouitijs ne versentur, neque vllò pacto colloquantur; ne illi quidem, qui vt ingrederentur operam dederunt, aut eorum confessiones audierunt.

Qui ad functiones Ecclesiasticas inhabilis, aut Religioni oneri futurus esse existimatur, is nulla caritatis aut misericordiæ specie ad professionem admittatur.

Laici scribere aut legere ne discant, sed cum simplicitate domesticis operibus vacent; quæ ita temporibus distribuant, vt ad communem orationem cum alijs veniant. Missæ intersint quotidie. Pro Matutino Oratione Dominicam & Salutationem Angelicam quindecies, pro quaque Hora ter dicant.

Cap. vi. De Studijs & Scholasticis.

Necessè est clericos, utpote verbi Dei sacrorumque ministros, omni quidem bonarum litterarum genere, præcipuè verò Theologiæ eruditione esse conspicuos, ne diuina mysteria per imperitos cum ordinis dedecore exercentur.

Clerici

Clerici dum sunt Nouitij, post spiritualium rerum occupationes, humanioribus litteris, si necesse habeant, diligenter studeant. Ante professionem scientijs ne vacent, nisi à P. Generali obtemperata licentia.

Nemo ad Logicam vel Philosophiam audiendam admittatur, nisi qui Latinam linguam calleat. A Logica ad Philosophiam, à Philosophia ad Theologiam ne transeant, nisi qui à Præposito & Vocalibus suoque Magistro inuenti sint idonei. Vt schola sit frequentior, designentur certæ Dæmæ, ad quas ex alijs studiorum causa demigretur. Tres deputentur anni, quibus Logica & Philosophiæ operam nauare possint: Theologiæ non plures quinque, non pauciores quattuor. Per id totum tempus Lectiones à Magistro assidue audiant, illasque postea repetant, ac dubitationes de ea in orbem quotidie proponant.

Singulis hebdomadis habeantur Disputationes, in quibus vnus Conclusiones propositas defendat; vnus & alter argumenta contraria obijciat. Disputationibus & Repetitionibus huiusmodi intersit quandoque Præpositus & Vocales, quod animum Scholasticis addant. Ne legendis aliarum scientiarum libris distrahantur, dentur singulis à Præposito & Magistro libri, quos solos possint legere. Diebus non festiuis detur Scholasticis professus, si videbitur, alteris vicibus remissio, ne cum alijs in choro pro diuino Officio recitando conueniant. Si qua de causa Magistrum diutius abesse contigerit, mutuis, quas ille præfinierit, lectionibus sese exerceant, ac solita vacationem habeant. Aduertant Præpositi, ne concessum Scholasticis studendi tempus rebus inutilibus aut otio absumant, ne cum alij ad Matutinas preces persoluendas surrexerint, illi in cellulis dormiant, sed primum omnium est curandum, ne qui studijs fuerint destinati, orationis assiduitatem & animi modestiam neglegant. Verum ita eruditionem cum pietatis ardore coniungant, vt alterum alteri emolumentum esse possit. Expleto statim studiorum curriculo, aut si Magistri actu amplius non legant, teneantur rursus Horis omnibus canonicis, vnà cum alijs, interesse.

Cap. vii. De Silentio.

Silentij, quod est custos Religionis, semper habenda est ratio. Seruabitur verò præcipue à prima nocte, Satisfactionis Angelicæ signo dato, vsque ad Solis ortum: quo quidem tempore aut in cellulis aut in ecclesiâ, orationi vel studijs quiete & placide vacandum est. In estate à prandio, signo dato, in cellulam se quisque recipiat: atque donec meridiana meditatio absoluta fuerit, silentium & quietem seruent. Hec toto silentij tempore confabulationes, atque adeo colloquia & congressus omnes deuitent.

In Choro, in ecclesiâ, in Sactario, in communi mensa, in locis communibus, dum ad focum noctu aut silentij tempore adsident, dum ad communes labores conueniunt, aut nihil omnino aut sola verba necessaria submissa voce loquantur, aut interim lectionem spirituales audiant.

In cellam alterius nemo intret, ne Lectoris quidem, neque Cencienateris, sine speciali Superioris licentiâ. Cû secularibus nemo præter Cõfessarios, Superioris iniussu, loquatur. Si quid inter viam quis fuerit rogatus, aut res ita nata fuerit vt Superior adiri non possit, quàm paucissimis se expediat: deinde rem omnem Præposito renuntiet. Cum mulieribus ne Cõfessarij quidem, qui mulierum confessionibus non sunt assignati, loquantur sine licentiâ; neque quis sine ipsa externum quempiam in cellam ducat. Vespere fores obsecantur: clauæ ad Præpositum deferantur, & apud eum mancant totam noctem.

Cap. viii. De recipiendis hospitio.

Vm nostrum aliquis de alia regione aut ciuitate ad nostram peregrè aduenierit, eum in eum humanitatis & beneuolentiæ significationem conetur ostendere. Ante altare sacratissimi Sacramenti primum ducatur. Cum ibi paulisper oratum fuerit, omnes

nes in eius amplexum & pacis osculum ex animo accedant; ad cellam deinde ducant; itineris vestes detrahant; quæ ei necessaria sunt tradant; pedes lauent; lautiore cibo recreent; tum per biduum ad cibos communes, alios adiungant. Caucant tamen, ne caritatis specie destituant Religionis obseruantias; ne silentium horis locisque congruentibus violent; ne de absentibus detrahant; ne post primum diem in cellam ipsius ingrediantur. Is verò post biduum cibis communibus sit contentus; in chorum cum alijs conueniat & seruet Religionis obseruantias reliquas.

Item si quis iteri peregrè, post recitatum ante altare maius clericorum Itinerarium, deducatur ad ianuam Domus, & pacis osculo dato cum beneuolentia dimittatur.

Sæculares Domum ne facîle nec sine vehemènti causa & per paucos dies hospitio recipiantur: nam ex eo Religionis disciplina detrimentum capere solet. At recipi poterunt Ecclesiastici & Religiosi viri, præsertim si restricto viuunt instituto. Præpositus sacerdotem modestia & gravitate præditum deligat, qui eos comitetur & necessaria eis per ministrum idoneum suppeditanda curet: ceteros cum illis versari ne sine causa permittat.

Cap. ix. De domo egredientibus.

Cum erit egrediendum domo, impetrata licentia cum assignato sibi comite, petita fixo in terram genu benedictione, breui oratione facta, & monito Ostiario, quisque egrediatur: ambo modestiam & morum gravitatem præ se ferentes vnà semper incedant. Cum domum redierint, rursus orant, & benedictionem pari modo petant. Quod si quis ex laicis ad negotia familiaria obeunda missus fuerit, cetera, vt clerici, seruet; solus tamen (si ita Præposito visum fuerit) egredi poterit.

Ad quæcumque negotia gerenda quis exeat, ea prius suo Superiori nota faciat: quòd si quid in via noui incidit, cum primùm domum redierit, rem omnem suo Superiori aperiat. Absente Præposito nemini domo egrediendi facultas fiat, nisi prius licentiam à Præposito obtinuerit. Quòd si necessitas aliqua fuerit, egrediatur quidem de licentia eius qui Præpositi locum tenet, restamen tota Præposito domum redeunti nota fiat. Nulli ex nostris liceat in aliam ciuitatem regionemque proficisci, absque Præpositi Generalis facultate. Si necessitas urgeat, de Præpositi & Vocalium & (si Visitationis sit tempus) de Visitatorum licentia, ire poterit. Tum res ad P. Generalem deferatur. Licentiam Superioris manu subscriptam & obsignatam secum deferat, & ad Superiorem eius Domus, in quam deuenierit, statim legendam tradat. Quòd si quis absque sui Præpositi commendatijs litteris venerit, pro admissa culpa puniatur grauiter. Cum quis ab alia ciuitate ad aliam mittitur, ne permittatur, vt solus sit in itinere, sed comes aliquis ex nostris ei adiungatur, aut saltem viro aliquo sæculari probatæ vitæ bene comitatus recta iter faciat, nec deflectat de via.

Cap. x. De honesta remissione animi.

Sanctorum Patrum auctoritate & exemplis, ac quotidiana experientia docemur, ad regularem disciplinam tuendam non obesse, sed prodesse plurimùm, si permittatur quandoque nostris, vt ab assidujs litterarum studijs, ab arctis Religionis obseruantijs, iucundis interdum (honestis tamen) & cum virtute coniunctis remissionibus animum recreent. Præpositi igitur Domorum permittant hieme, vt à prandio per horam colloquantur: tum signo dato ad sua se quisque opera recipiat. In æstate post cœnam colloquendi licentiam permittant: Salutationis Angelicæ signo factò, silentium seruetur. Semel in hebdomada concedant scholasticis, vt æstatis tempore summo transe extra ciuitatem animi causa deambulent & ad prandium se domum recipiant. Hieme paulò post prandium exeant; ante Solis occasum domi sint: ceteris fratribus hoc idem alternis hebdomadis

con-

concedatur. Cum plures iuniores animi caussa foras mittuntur, eos sacerdos aliquis morum grauitate præditus comitetur.

Semel in menses singulos, bis mensibus proximis ante Aduentus & Quadragesimæ ieiunium facultas fiat, vt ab hora prandij vsque ad principium noctis in æstate, vel vsque ad peractam cenam in hieme, domi animum recreent. Quodd si visum fuerit post meridiam horam in æstate, hieme verò post preces Vespertinas incipere, bis in menses singulos id concedi poterit. Hoc tempus præter id, quod infumendum est pro diuino Officio horis consuetis in choro recitando (cui etiam scholastici alioquin in munes intersint) honestis oblectationibus, mutuis colloquijs, spiritualibus vocum, non autem instrumentorum cantilenis, inter se iucundè traducant. Extra Refectorium simul velscantur: & posteaquàm in mensis principio aliquantulum lectum fuerit, sinat Superior silentium solui. Semel aut iterum in anno pro ea animi remissione, quæ dour concedi solet, permitti poterit, vt extra domum in amici alicuius suburbana villula cibum sumant ac totū diem maneant, absque tamen secularium præsentia. Aliàs nulli liceat neque domi neque foris ciborum aliquid absque Superioris sui speciali licentia sumere. Neque item ijs indulgentiæ diebus, neque aliquo vnquam tempore audeat quis in hortis nostris pomum aut fructum aliquem decerpere aut comedere. Ceterum siue foris siue domi se nostri recreent, ita ijs rebus oblectentur, vt Religiosos Deoque dicatos se esse meminerint. Morum grauitatem seruent atque irouestiam; ne vociferentur; scurrilia verba ne proferant; dicacitate & manuum licentia prorsus abstineant. Denique ita spirituales exercitationes tantisper intermittant, vt non dissoluatur animus, sed alacrior & vegetior euadat, promptiorque ad labores, sacrarumque rerum studium.

CONSTITVTIONVM PARS III.

Caput 1. Quinam ex Patribus Capitulo Generali debeant interesse.

AD Regularem obseruantiam, tuendam, & ad totius Religionis progressum plurimum conferunt Generalia Capitula, modo ritè & ordine habeantur. Igitur Præpositi omnes veniant ad Capitulum Generale. Quodd si eorum aliquis fuerit impeditus, suo loco mittere poterit, quem voluerit ex Vocalibus in sua ipsius Domo assignatis. Veniant etiam Visitatores: singuli etiam Vocales à Patribus suæ cuiusque Domus electi. In qua Domo plures sunt Vocales, ijs liberū sit, quem volent, eligere. Vbi vnus est Vocalis, is ne accedat. Electioni Vocalis nec Præpositus nec Visitator se immisceat. Vocalis electio hoc tempore & modo fiat. Secunda die Nouembris, si triennio, vt sit, Capitulum erit celebrandum; vel statim ac Consultores propter P. Generalis obitum, vel eius muneris abdicationem, vel quauis alia ratione Capitulum Generale per literas indixerint, Præpositus cuiusq; Domus vocabit omnes Vocales in sua ipsius Domo præsentés & assignatos, illisque tempus electionis adesse notum faciat: in nulla præterea se re immisceat. Vocales inter se absque Præposito electionem faciant, quam si per quinque dies præter primum non perfecerint, nemo electus abt, amplius eligendus intelligatur.

Patres Consultores pro Vocali eligendo prius cum ceteris S. Siluestri Patribus Vocalibus conueniant, & vnà cum illis adiuam & passiuam habeant, ac more ceterorum suam electionem faciant. Si Vocalis electus ex Consultorum fuerit numero, nulla præterea fiat electio; sin focus, rursus Consultores inter se alium ex suo ipsorum numero eligere poterunt. Ad Vocalem in singulis Domibus eligendum conueniant Vocales ceteri, ac nemo se excuset.

Nulla electio in Congregatione nostra per Procuratorem fiat. Excipimus Præpositum, qui ad Capitulum suo nomine mittere aliquem poterit ex Vocalibus in sua ipsius

Domo assignatis, vt paulò antè dictum est. In nulla vmq̃a electiōe possit quis accedere ad seipsum, augendo numerū, & electiōem perficiendo; nisi prius omnes & singuli Electores id fieri consentiant. Nemo alba schedula in aliqua electiōe vti possit. Quæ si fortè reperiatur aliquando à Scrutatoribus, si quidem maior numerus in aliquem consenserit, bona erit eius electiō: sin secus, rursus ad aures Scrutatorum singuli suffragium voce proferant.

Qui aliquem nominare nolit, de Electorum moueatur numero, & ad reliquos electiō pertineat. Cum primū in singulis Domibus Vocalis electiō facta fuerit, ceteris publicetur fratribus; tum alijs Domibus per litteras significetur.

Si Vocalis aut Consultor electus postea moriatur, aut graui morbo, legitimè impedimento detineatur, alius in eius locum eligatur ab eisdem Electoribus, eodem seruatō ordine & temporis spatio.

A Dominica in Septuagesima, si Paschali tempore Capitulum celebretur, vel statim atque Vocales singuli per Domos fuerint electi, si alio quouis tempore, propter P. Generalis mortem aut eius muneris abdicationem habeatur; vsque dum Capitulum sit, quisque nostrū scribere possit cuilibet ex Patribus, qui Capitulo sunt interfuturi, ac suis Præpositis litteras non ostendere: ij verò respondere etiam possint, in scio Præposito. Idem de Visitatoribus, dum munus suum exequuntur, ac etiam per mensem, postquam Visitationem absoluerint.

Ad ciuitatem in qua Capitulum Generale habetur, ne veniant Patres aut Prædicatores, quibus iure Capitulo interesse non competit, nisi eidem ciuitati sint assignati, & non ampliùs quinquaginta passuum millibus distent.

Cap. II. De modo, loco & tempore celebrandi Capitulum Generale.

Tertio quocūq; anno, & quocūq; P. Generalem mori, vel quauis alia ratione unus eius contingat deficere, Capitulum Generale Romæ in Domo S. Siluestri in monte Quirinali celebretur. Dies constituta pro eo incohando est feria quinta hebdomadæ secundæ post festum sanctissimi Paschatis, si tertio verrente anno fiat: vel quam lenior Consultorum suiue collegæ præscripserint, si mors P. Generalis aut eius muneris acciderit abdicationi. Qui ex Patribus post ceptum Capitulum venerit, ingrediatur quidem cum alijs, firma tamen sint quæcumque in eam diem fuerint sancita.

Modus habendi Capitulum Generale hic erit. Pridie quàm Capitulum incohetur, P. Generalis, vel si is quauis ratione Capitulo non interfuit, senior ex Præpositis vnà reliquos Capituli Patres conuocet, eisq; significet postera die incohandum esse Capitulum, neque longius differri posse. Quare se quisque animi puritate diligenter præparet. Die constituta, manè omnes vnà Patres, ij præcipuè qui Capitulum sunt ingressuri, Missam Spiritus sancti solemnem celebrent: idem fiat in ecclesijs omnibus nostri Ordinis. Quotidie etiam, donec Capitulum habeatur, tum in Domo S. Siluestri, tum etiam in singulis alijs recitetur hymnus Spiritus sancti cum Versiculis & Orationibus designatis: vt Deus ea Patribus suggerat, quæ in suam gloriam & religionis vtilitatem vertant. Post orationem meridianam P. Generalis, vel antiquior Præpositus ad locum designatum conuocabit Patres Capitulum ingressuros; ac Spiritus sancti hymno cum Versiculo & Orationibus, vt moris est, deuotè & genibus flexis (quod semper seruandum est quoties pro qualibet re deliberanda vnà conuenerint) recitatis, antequàm alia pertraherentur, simpliciter & sola rei ætate inspecta, soluant dubitationes, si quæ ortæ fuerint, an quis iure Capitulo debeat interesse cum alijs. Primū admittantur omnes cum protestatione: deinde singuli, cum res sua agitur, foras exeant. Qui competitus fuerit iure Capitulo Generali adesse non posse, admitti à maiori parte non poterit, nisi omnes & singuli Patres Capitulum iure ingressuri consentiant, & nemo omninò dissentiat. Statim post Præses & Secretarius per secreta suffragia eligantur.

Qui

Qui tunc est Generalis, & qui præses Capitulo proximè præterito fuerit, Præses ne eligatur.

Secretario curæ sit litteras undique ad Capitulum scriptas recipere, ac suo loco & tempore, Præsidis primùm, deinde P. Generalis iussu, vel coram omnibus legere, vel rerum proferre capita, & respondere singulis suo tempore.

Gesta quoque omnia & Decreta per Capitulum facta diligenter & accuratè perscribere, atque exemplat omnium, antequàm Capitulum dissoluatur, signo publico obsignatum & singulorum Patrum manu subscriptum relinquere.

Cùm Præses creatus fuerit, in primo collocetur loco. Tum P. Generalis genibus ante eum flexis munere se suo abdicet. Congregationis sigilla statim, scripturas quamprimùm poterit, tradat. Negligentiæ culpas in munere obeundo admittas fateatur. Quam correctionem ei Capitulum imperauerit, spondeat se libenter suscepturum. Annuat Præses, eiusque abdicationem accipiat. Is verò non iam in professionis suæ loco, sed proximè infra Præsidentem sedeat. Tum singuli Præpositi, onere suo quisque in Præsidis manibus deposito & culparum (vt moris est) venia petita, ad professionis suæ locum reuertantur. Præpositus Generalis extra Capitulum exeat, quò liberam de se omnibus dicendi faciat facultatem.

Deputentur duo vel tres Patres idonei caussarum Cognitores: duo item alij, quibus vnà cum Præsidente curæ sit ex ijs rebus, quæ ad Capitulum deferuntur, ea deligere, quæ coram omnibus visa fuerint proponenda.

Præses priusquam ad Præpositum Generalem reficiendum vel de nouo creandum deueniat, de sacerdotibus in Vocalium numerum cooptandis agat. Poterit etiam proponere & pertractare, quæ sibi ad Congregationis progressum vtilia vel necessaria visa fuerint. Deinde Generalis sic eligatur.

Præses habito breui sermone ad rem, de qua agitur, accommodato, & recepta ab eo, qui primùm locum post se obtinet, absolutione, det ipse ceteris omnibus absolutionem generalem à censuris omnibus ad hunc canonicæ electionis effectum.

Tum ad orationem mentalem omnes genu flectant, Deum exorantes, vt in re tam graui suam illis voluntatem aperiat. Hymnum Spiritus sancti cum Versiculis & Orationibus deuotè dicant. Sigillatim postea quisque, professionis seruatò ordine, complicatam schedulam, in qua nomen eius, quèm eligunt, scriptum sit, in urnam supra mensam in medio collocatam iniiciat, & ad suum locum redeat. Duo vel tres probi & fidi fratres ex ijs qui Capitulo non interfunt conuocentur. Eis graui poena imposita prohibeatur, ne quid eorum, quæ in Capitulo fiunt, alijs quoquo pacto dicant. Tum per Præsidentem quid faciant edocti, urnâ aperiant, schedulas effundât, numerent, explicent, submissa voce legant. Si maior pars in cuiusquam electionem consensiat, iubente Præsidente, clara voce electionem esse factam dicant: tum quisnam ille sit publicent. Sin secus, schedulas reuoluant: deinde singuli suo prænotatam signo resumant & rursim in urnam reponant schedulas: atque eadem, quæ superius dicta sunt, iterum ac sæpius repetant, donec maior suffragiorum pars in aliquem conueniat. Simul atque P. Generalis est electus, omnes signo dato ad ecclesiam, tum ad designatū locum vnà se recipiant, & P. Generalis electio coram omnibus publicetur. Duo Patres, qui post Generalem sunt proximè, ad sellam in medio positam Generalem deducant. Te Deum laudamus, cum Versiculis & Orationibus dicant. Singuli ordine, ante eum genua flectant, manum osculentur, obedientiam ac reuerentiam polliceantur. Qui Præses fuerat, ad professionis suæ locum statim reuertatur. Qui fuerat Generalis, sedeat vt antè Præsidentem, ita nunc P. Generali proximus, vel ex aduersum ei ad læuam, nec ad locum professionis redeat, nisi post dimissum Capitulum. P. Generalis electus si non adsit, ad eum vocandum mittatur. Interim Præses & Patres prosequantur Capitulum. Si autem P. Generalis adsit, vnà cum Patribus Capituli pertractabit quæcumque ei ad communem vtilitatem pertinere visa fuerint. Si qua res, de qua in Constitutionibus sit mentio, proponatur, Constitutionum verba à Secretario coram omnibus legantur. Pater Generalis primus rem proponat, primus sententiam dicat, deinde

deinde reliqui omnes professionis ordine subsequantur. Dei cultum & gloriam, totius Ordinis vtilitatem atque progressum priuatis cōmodis anteponant, Patres in Capitulo generali congregati Constitutiones & Decreta per vniuersam Congregationem seruanda facere poterunt, Eligant deinde per secreta suffragia quattuor P. Generalis Consultores: tum etiam ex ijs, qui Capitulo intersunt, octo Definidores; de quorum singulis suo loco dicetur.

Cū iam Præpositi & Visitatores à P. Generali & Definitoribus fuerint creati, & definita cuncta, Patres Capituli vnà cū res signo dato cōueniant. P. Generalis sermonem breuem habeat: Præpositorū & Visitorum necnira prænuntiari iubeat. Tandem recitatis de more Psalmis, Versiculis & Orationibus, Capitulum dimittat.

Quidquid in Capitulis generalibus à maiori parte sancitur, id ratum & firmum apud omnes per vniuersam Congregationem habeatur. Quare postea nemo eorum, qui Capitulo interfuit, contrā sensisse aut disputasse dicat; nec qui absuit, contradicere aut repugnare villo pacto audeat. Qui secus fecerit, puniatur grauiter. Quæcumque item vel à toto Capitulo, vel à solis Definitoribus, vel à Consultoribus, vel à Vocalibus in priuata aliqua domo pertractantur, præsertim si prolata pacem violare posse videantur, sedulò cælentur: ac ne illa quidem, quæ paulò post publicanda sunt, ante tempus indicentur: siue quis cui aduersatus, cui suffragatus sit, significet. Qui contrā fecerit, itidem grauiter puniatur.

Si probetur, quæpiam per se vel per interpositas personas querere, vt Generalis Præpositus ipse eligatur, de Capitulo statim, ne cum alijs intersit, moueatur, & per decennium actiuo & passiuo suffragio careat: neque villo pacto pœna ei per hoc tempus remitti poterit.

Præpositi, Visitatores, aut si quibus alijs Patribus delictorum cognitio commissa sit, ij cū primū suum absoluerint munus, rem totam & scripta omnia contra quoscūque acta fuerint, ad P. Generalem & PP. Definidores referant, nec apud se quispium aliquid retineat: tum in Generali Capitulo decernatur, quænam seruanda sint. Reliqua igni tradantur.

Cap. III. De Sacerdotibus in Vocalium numerum adscribendis.

SAcerdotes in Vocalium numerum adscribere ad solum spectat Generale Capitulum. Ad id munus ij deligantur, qui eruditione, prudentia, vitæ integritate polleant, qui alijs exemplo esse, Religionis obseruantias tueri, atque ad eò augere, valeant. Meminerint autem omnes, peccati adstringi vinculo eum, qui odio, amore aut priuato commodo ductus aut non idoneum eligit, aut idoneum prætermittit. Antequàm de hac electione agatur, Patres à Deo diuinum lumen exposcant: tum quò liberior animo suam quisque sententiam proferat, iureiurando arctissimo se omnes, & quisque singillatim adstringat perpetuo silentio seruaturum, quæ de huiusmodi negotio vel mutuo inter se collocutos, vel à collegis audiuisse contigerit: ita vt nullo vnquam tempore & nulla ratione possit quis dicere, nec de quouis alio collegarum, nec ipsemet de seipso cui refragatus aut suffragatus fuerit. Diligenter deinde inquirent singulorum merita. Et primū quidem Visitatores de sacerdotibus suæ quisque Prouinciæ; tum Vocales electi à Domibus vbi illi adfunt: tum ceteri omnes, suam quisque sententiam palàm absque vlla animi perturbatione dicant ingenuè. Deinde per secreta suffragia singillatim cuiusque, de quo tractari debet, ritè & ordine agitur electio. Quibus à professione duodecim anni elapsi sunt, à maiori parte Capituli ad suffragia ferenda admitti poterunt, si eorum qualitates reliquæ respondeant. Ante id tempus nulli ea facultas concedatur, nisi ob præcipuam viri alicuius eruditionem, aliasque insignes virtutes, atque ætatis maturitatem id concedendum visum fuerit; modò in ea re due partes Vocalium ex tribus eorum qui

Capi-

Capitulo interfunt, consentiant, & sex anni post professionem elapsi sint. Qui nondum sunt Confessarii, qui communia Congregationis onera ferre nequeunt (vt sunt, diu novique chorum frequentare, communi mensa victitare, & si qua horum sunt similia) eligi non poterunt. Qui ex legitimo matrimonio nati non fuerint, quamvis alicui idonei, ius tamen ferendi suffragij, activæ tantum vocis primò, post aliquot verò annos (si visum fuerit) passivæ concedi poterit. Quèd si eisdem simpliciter & sine additione aliqua huiusmodi ius à Generali Capitulo concessum sit, activæ tantum vocis concessum fuisse intelligatur.

Vbi primùm quis ad suffragia ferenda admissus fuerit, ius quidem conveniendi vñà cum ceteris Vocalibus eius Domus, in qua est assignatus, habeat; suffragium tamen atque sententiam suam ne prius dicat, quàm à loci Præposito & Vocalibus facultas ei facta sit. Quæ in quartum à dimissione Capituli mensem, & secundum, posteaquàm Vocales fuerint publicati, differatur.

Cap. IV. De Definitoribus.

Pater Generalis & Definitores à Capitulo electi iurifurandi vinculo se primùm obstringant, nullo se vñquam tempore dicturos, quæ in Definitorio dixisse, vel à collegis audivisse contigerit, quæ prolata pacem turbare vel quoquo pacto minuire posse videantur. Tum diligentissimè perquirant, quinam ex Vocalibus totius Congregationis ad alios regendos sint apti. Per secreta deinde suffragia eligant Præpositos singulorum Domorum, & Visitatores binos in Prouinciis singulas. Hi creentur in annum: reficiantur autem, si P. Generali & Consultoribus visum fuerit, vsque ad annum tertium. Qui Præpositi munere tres continuos annos vel in eadem Domo, vel in eadem ciuitate in diuersis Domibus functus est, is nec in eadem rursus Domo, nec in eadem ciuitate Præpositus creari poterit, nisi post tres alios annos elapsos. At alibi in alijs Domibus poterit is idem eligi Præpositus, modò in singulis Domibus triennium non excedat. Qui inter se sunt primò vel secundo gradu consanguinei, alius alij nullo interiecto anno ne succedat. Qui ex Vocalibus non possunt subire onera communia Religionis, vt pote chori & communis mensæ, Præpositi & Visitatores ne eligantur. Consultoribus ne Visitatoris munus imponatur. Præpositi itidem Visitatores ne fiant. Si quis Visitatoris munus per tres continuos annos iam obiuit, iterum ad eandem Prouinciā creari ante tres alios annos non possit.

Præpositus S. Siluestri Romæ, cùm sit Præpositus Generalis, ac totius Religionis caput, à toto Capitulo (vt dictum est) eligitur. Ceteri Præpositi creantur à P. Generali & Definitoribus, antiquitatis seruato ordine, tum Visitatores bini pro Romana & Neapolitana Prouincia; bini pro Prouincia Gallie Cisalpinæ, ceterarumque Domorum. Absoluta Generalis Capituli Congregatione, statim Definitorum cessat auctoritas.

Caput V. De electione & auctoritate Patrum Consultorum.

Singulis triennijs à Capitulo Generali eligantur quattuor Consultores, vt suprà dictum est, qui P. Generali intra triennium præsidè sint, eique in his, quæ ad regimen Congregationis pertinent, opitulentur. Vnus eorum tantummodò per aliud triennium à Capitulo Generali refici poterit: reliqui tres de nouo creentur. Hi nullum ius habent præcedendi Patres reliquos, sed in professionis suæ loco sint. Quotannis post Pascha vñà cum P. Generali, perspectis rebus quas vel in Actis Visitationis repererint, vel à Visitatoribus aut aliunde renuntiatae fuerint, deliberent quis Præpositus aut Visitator reficiendus, quis amouendus à munere, quis in amoti vel demortui locum sit sufficiendus. Nam licet tota facultas regendæ Congregationis sit penes P. Generalem, tamen in huiusmodi

rebus exequendis & in Constitutionibus pro re graui declarandis, si quæ fortè dubitationes oriantur, ac in pœnis grauioribus imponendis Consultorū consensus adhibeatur.

Si dum P. Generalis autumnali tempore, vt fit, vnà cum consuetis Prouinciæ Visitatoribus, Domum quampiam extra Urbem visitauerint, res grauis aut consultatione digna pro ipsamet Visitatione, aut pro quouis alio negotio nata fuerit, expectare oportebit tantisper, dum Romam reuersus cum suis Consultoribus deliberet. At si celeritate opus sit, & res differri minimè possit, de consensu PP. Visitatorum, qui Consultorum eo casu loco sint, rem totam expediet.

Si Consultorum aliquem diem suum obire, vel munus quauis ratione contingat deponere, P. Generalis conuocet, præter Consultores reliquos, Præpositum S. Andreæ & Vicepræpositum S. Siluestri, & vnà cum illis per secreta suffragia de cōsensu maioris partis in demortui vel abdicati Consultoris locum sufficiat alterum. Quodd si Consultoris defectus intra tres menses ante Capitulum accidat, Consultoris ne fiat electio, nisi fortè quis Præpositus intra illos menses creandus sit. Tunc enim statim Consultor eligatur; deinde qui sufficiendus sit, Præpositus creetur.

Si Consultor ad Generale Capitulum electus intra dictos tres menses ante Capitulum moriatur (si quidem non sit creandus aliquis Præpositus) Consultoris electio ne fiat, sed reliqui Consultores, quinam ex eis Capitulum ingrediatur, eligere poterunt, modò ne Capitulum post meridianam orationem coëptum sit.

Si ad aliud domicilium alicubi collocandum euocabimur, P. Generalis, rem omnibus Præpositis & Vocalibus impertiat: hi re maturè consideratz, quid sibi visum fuerit rescribant. Acceptis litteris, P. Generalis conuocet Consultores & Præpositos, qui vel ibi præsto fuerint, vel longius non abfuerint quàm quinquaginta millibus passuum: tum de sententia maioris partis locum aut recipiat aut respuat. Itidem fiat si qua Domus intra triennium, postquam recepta in Congregationem fuerit, erit repudianda; nam expleto triennio Capitulum expectabitur.

Per P. Generalis obitum, aut eius muneris abdicationem, Vicepræpositi S. Siluestri cessat auctoritas, isque in professionis sup locum statim redit. Ex Consultoribus professione senior Patris Generalis vicem obtineat. Primus omnium Domi suæ sedeat, sed non in Generalis loco, Si P. Generalem diem suum obire, aut quauis alia ratione sedem eius vacare contingat, Patres cuiusque Domus publicis statim litteris faciat certiores. Capitulum, die cum collegis constituta, quàm primùm conuocet; menses tamen Iuniū, Iulium & Augustum ob acres calores intermittat. Vocales de domo in domum ne transferat: quod si id fieri necessitas coëgerit, fiat post electionem Vocalis, qui ad Capitulum veniat. Quæ in Capituli generalis tempus differri poterunt, differat: quæ celeritate opus habent, vnà cum ceteris Consultoribus deliberet & expediat, Generale Capitulum ingrediendi ius ne habeat, nisi à suis Vocalibus vel collegis de more eligatur.

Cap. VI. De Cognitoribus causarum.

EX ijs, qui interfunt Capitulo, duo vel tres Patres eruditi (si videbitur) constituantur, qui de causis ad Capitulum delatis & controuersijs ortis cognoscant. Ij rei cognitæ, totius Capituli iussu, vel apud Definidores vel apud vniuersum Capitulum narrent paucis. Dimisso Capitulo eorum cessat auctoritas.

Cap. VII. De Præposito Generali.

Vniuersi Ordinis administratio Præpositi Generalis est præcipua. Ei igitur, utpote qui nostræ Congregationis caput & pater est, promptè obediant omnes, scilicet Apostolorum verbi memores; *Obedite Præpositis vestris, & subiaccite eî.* Is verò (vt idem Apostolus subdit) pertugiler, quasi rationem pro animabus subditorum redditurus. Quocirca summo studio & fide in rebus spiritualibus & temporalibus Congregatio-

nis

nis regimen gerat : & iuxta Constitutiones à Capitulo factas, aut pro tempore faciendas, illam regendi habeat facultatem.

Præpositus Generalis creatur à Capitulo per triennium : reficitur autem ab eodem, si visum fuerit, usque ad aliud triennium. Eius non cessat auctoritas statim ut triennium est elapsum, sed durat ad Capituli tempus, videlicet donec in commune suum deposuerit. Idemque Generalis creati minimè poterit, etiamsi triennium tantum Generalis munere functus sit, nisi post sex lapsos annos : qui ipse tamen ad quæcumque alia Religio- nis obunda munera idoneus censeri poterit.

P. Generalis, neque etiam de Consultorum sententia, novas Leges aut Constitutiones edere aut editas abrogare, siue in parte aliqua immutare poterit : id enim ad Gene- rale Capitulum solum spectat. Interpretari tamen ex Consultorum consensu poterit, suf- fragium eius simplex sit : at si sententiarum inter se pugnantium par sit numerus, eius suf- fragium duplex erit. Cum transferendi erunt de Domo in Domum fratres laici, clerici sa- cerdotes, aut Vocales, solus Præpositus generalis absque Consultorum consensione, sed, ijs tamen in consilium adhibitis, transferre poterit : prius verò (si commodè fieri potest) certiores faciat Præpositos earum Domorum ad quas & ex quibus sunt transferendi. An- no autem ante Capitulum proximo, nisi consentiant Consultores, Vocales ne transfe- rat. Potest solus P. Generalis concedere facultatem clericis, ut ad sacros Ordines promo- ueantur ; sacerdotibus, ut confessiones secularium virorum ac mulierum audiant : Scho- lasticis item, ut publicè concionentur ; seruatis tamen ijs quæ de Concionatoribus & de sacerdotibus ad confessiones admittendis superius dicta sunt. Potest item solus quem vo- luerit ex Patribus, etiam ex Consultotibus, creare Vicepræpositum S. Siluestri, eiusque auctoritatem augere vel minuire, & ad nutum dimouere. Is verò Vicepræpositus ante quidem Vocales ceteros, sed post Præpositos quoscumque aliarum Domorum, & post Visitatores (Visitationis tempore) sedeat.

Et si plurima sunt, in quibus disponendis P. Generalis Consultorum consensum ha- bere non cogitur ; in istis tamen eorum consilium studeat adhibere, videlicet in distri- buendis Concionatoribus, in transferendis de loco ad locum Vocalibus, ac denique in rebus omnibus quæ consultatione aliqua indigere videbuntur.

Meminerit P. Generalis subditos exemplo magis quam verbo docere. Dum integra est corporis valetudine, regularem disciplinam, communemque labores, quoad eius fieri poterit, vnà cum ceteris subeat ; ad communem mentem assidue se conseruat, communi victu & vestitu sit contentus ; vnā aut ad summum duas habeat cellas, easque nullo ornamento decoratas. Lectum sine conopæo, suppellectilem sine apparatu, sed ad for- mam communem. Ob negotia tamen plurima, quibus serè semper est occupatus, laicū habere poterit vnum, qui vbi ei opus fuerit administret. Si qua de causa (quod Deus prohibeat) amouendus erit P. Generalis à munere, Consultores rem maturè perpendant, nec nisi gravissimis rationibus moueantur : tum de consensu maioris partis eorum, Ca- pitulum generale Romanum vel aliud conuocent. Ibi causa probè cognita, P. Generalis deponi, & alius in eius locum eligi poterit. Causæ autem, ob quas esset amouendus, hæc sunt : Crimen hæresis, carnis incontinentia, bonorum Congregationis dissipatio, siue ea in suum, siue in aliorum conuertat commodum ; si regularis disciplinæ & rerum geren- darum ita fors sit ac negligens, ut destructio nostræ Religionis aut dissolutio timea- tur : si Constitutiones in rebus grauibz non seruet, nec curet ab alijs seruandas : si eas spernat ac reiiciat ; denique si quod crimen commiserit, quod vel per Leges ciuiles pec- na capitæ, vel iuxta factos Canones depositione puniatur.

Cap. VIII. De Visitatoribus.

Visitatores bini pro singulis Prouincijs à Præposito generali & Definitoribus in Congregatione generali per annum eligantur. Deinde singulis annis intra trien- nium à P. generali, & à Consultoribus refici poterunt : ut superius dictum est. Ij non in

eadem, sed in diuersis suæ Prouinciæ ciuitatibus & Domibus habitent. Consultoribus & Præpositis nullo pacto Visitationis munus imponatur. Post eaq; tam se æstatis calores remiserint, singulis annis Visitatores bini suam Prouinciã visitent. In otuendo munere parem auctoritatem habeant, nec sine altero aliter quidquam facere possit: in exequendis tamen rebus professione senior præcedat, cui eadem sit curæ in iurare pecunias ferre, & impensas facere.

Si visitanda sit Domus eius Præpositi, qui alteri ex Visitatoribus in primo vel secundo consanguinitatis gradu coniunctus sit, alter Visitor socium ex Vocalibus eiusdem Domus sibi adiungat. Idem faciendum est, si Visitatorem alterum de altero aliquid cognoscere oporteat. Si quis nostrum ad alterum tantummodò ex Visitatoribus quippiam deferre voluerit, is sua manu subscribat.

Cum primum ad Domum visitandam peruenerint, munus suum aggrediantur, ac quam citissime poterunt se expediant. Vt omnes ad locum designatum conuocent, sermonem breuem de rebus ad Visitationem spectantibus habeant: cunctos moneant, vt quæ correctione indigent, libere sibi aperiant; nèue odio aut amore ducti quæ dicenda sunt taceant: aut e contra emendata iam, siue quæ caritatem violare possint, ea ipsi proferant. Tum Visitationem aggrediantur à rebus diuinis, si commodè fieri poterit. Eant visum, quæ diligentia offerretur sanctissimum Eucharistiæ Sacramentum, Oleum infirmorum & Sanctorum reliquiæ: quàm nitidè & decorè cuscantur sacra vasa, sacerdotum vestes, & quæ ad Ecclesiasticam pertinent suppellectilem. Deinde singulos in senioris Visitoris cellam per ministrum idoneum ordine conuocent: prudenter & vt res postular, cuscitentur, an Præpositus, Patres & ceteri diu nocturque Horis canonicis frequentes inter sint; an pax & concordia custodiantur; an silentium horis locisque congruentibus seruetur; an Nouitij & Professi adolescentiores in Dei timore, maiorum quæ reuerentia educantur; an Scholastici bonis litteris erudiantur; an tempus rebus utilibus, vt par est, infumatur; an nostræ Consuetudines ab vnoquoque seruentur. Visitent etiam singulorum cellas; ne quid fortè vsquam sit ab instituto nostro alienum; tum communes domos, officinas, & suppellectilem: De ratione denum accepti & expensi accurate cognoscant; vbi cognouerint, si videbitur subscribant. Toto Visitationis tempore cuique nostrum liceat peccata confiteri vtri placuerit ex Visitatoribus, absque Præpositi licentia. Visitatores post biduum quàm aduenerint, communi victu vtantur. Nulla recipiant munera, neque à nostris, neque à nostrum consanguineis, ipsorum opera procurata. Impensæ verò itinerum à singulis suæ Prouinciæ Domibus, iuxta præscriptum, eis tribuantur. Antequam ultimam Visitationi manum imponent, de ijs rebus, quæ occulta correctione indigent, aut Præpositum loci, aut ipsosmet qui culpa tenentur, admoneant. Tum palam apud omnes sermunculum habeant: vbi quæ videbitur, vniuersè probent aut improbent. Quæ leuiora sunt, per seipso corrigant, nullarum quæ de rebus leuib; siue apud P. Generalem, siue in Generali Capitulo faciant mentionem. Si quid graue (quod Deus auertat) contigerint, & remedium statim adhibendum esse visum fuerit, suum munus sine mora exequantur: rem tamen (si videbitur) aut cum Vocalibus loci, aut saltem cum Præposito, prout res postulauerit, communicent, post ad P. Generalem omnia scribant aut referant. Quæ notatu digna visa fuerint, manu vtriusque Visitoris subscripta habeantur. De Domibus, quæ visitauerint, narrent benè: errata & incommoda reticeant.

Pater Generalis triennio semel, si ei videbitur, vel Congregationem totam simul, vel partes seorsum visitet. Id si post calores æstiuos fecerit, cum Visitatoribus faciat vnã: sin alio tempore, integrum ei erit vel sine alio quolibet adscito socio, an ipse solus rem omnem exequi. Nec tamen Visitatores à Capitulo constituti suum officium suo tempore intermittant. Atque hos solos Visitationis iure Capitulo ipse esse oportebit; illos alios adscitos nequaquam.

Cap. ix. De Prapósito & Vocalibus cuiusque Domus.

SVo quisque Prapósito prompté, vt par est, obediat : P. verò Prapósitus, vt omnibus se præbeat exemplum discipline, ad chorum & ad communem mensam assidue pro virili conueniat. Silentium horis locisque congruentibus seruet; labores communes vnâ cum alijs subeat; Religionis obseruantias diligentissimè colat; & si interea cum prædicare contingat, Domum nihilominus curet præcipuè; atque in choro & in communi mensa inter sit. Ad alias ciuitates in Quadragesima tantum, nec nisi de causa graui & de P. Generalis licentia, profisciscatur. Post Prapósitos, vnusquisque reuerentiâ præstet atque obediat Vicarijs, tum senioribus, deum fratribus singulis inter se tamquam caritatis vinculo colligatis suis cuique honor mutuus habeatur : ita tamen, vt iuxta Apostoli sententiam, *omnia secundum ordinem fiant* : neque aliquis Superioris, siue alterius officij dignitatem, aut iubendi auctoritatem sibi quoquo pacto vendicet. Nemo quamvis professus & sacris initiatus Vocem habet, neque ad ferendum suffragium poterit conuenire, nisi ij tantum sacerdotes, qui ad id in Capitulo generali sunt admissi. De qua re Nouitij, antequàm Religionis induantur habitu, publicè sunt præmonendi. Licet nullum ius Vocalibus tribuatur antecedendi alios sacerdotes seniores, sed professionis ordo vbique seruandus sit; absente tamen Prapósito, iura Prapósiti, & quæ ad regimen spectant, Vocales tantum exerceant, sacerdotes verò reliqui, absentibus Vocalibus.

1. Cor. 14.

Qui voce caret passiuus, eligi non potest Generalis, Præfex, Prapósitus, Visitator, Vicarius, Consultor, neque vt ad Generale Capitulum veniat. Absente tamen Prapósito & Vicario, in rebus omnibus Prapósiti vicem gerat. Duo saltem Vocales præter Prapósitum in vnaqueque Domo à P. Generali assignentur; imò plures, si ita ei videatur expedire, Vocales in quacumque Domo adsint : si in ea assignati non fuerint, extranei censcantur. Suffragium ibi ferre non poterunt, neque Prapósito absente, in Choro, Refectorio aut alibi iura Prapósiti exercere, nisi omnes & singuli Vocales loci consenserint.

In singulis Domibus singuli Vicarij eligantur. Si duo domicilia in eadem sint ciuitate, duo Vicarij debent eligi. Prapósitus igitur ex ijs sue domus Vocalibus, qui actiuam & passiuam vocem habent, duos vel tres designabit, & ad P. Generalem secretò referet; qui etiam secretò vnum ex designatis eligat. Is tamen Vicarius ad nutum Prapósiti sit amouibilis; post Prapósitum & Visitatores Visitationis tempore sedeat; absente Prapósito eius vices gerat; dum adest, nihil agere aut præcipere, neque in Domus regimine se ingerere audeat, nisi ijs quæ Prapósitus commiserit. Si Vicarius menses aliquot Domo absit, ne cogatur, Prapósitus alium Vicarium eligere. At si Vicarium & Prapósitum abesse contingat, priusquàm abeant, designetur Vicarius. Ad Generale Capitulum ne accedat Vicarius, nisi ab alijs Vocalibus electus fuerit. Vicarius S. Mariæ de Thoro in agro Aqueensi à P. Generali solo designetur & eligatur. Absente Prapósito & Vicario, antiquior ex loci Vocalibus, etiam si actiuam tantum vocem habeat, eius vices gerat. Absente Prapósito Vicarius, vel Vicario absente senior qui Prapósiti vices gerit, ea tantum exequatur, quæ in aduentum Prapósiti commodè differri non poterunt; caueat autem ne in minimum quid agat, quod à Superioris sui voluntate senserit esse alienum.

Si contingat plures adesse Vocales coniunctos inter se primo vel secundo consanguinitatis gradu, duo tantum ex eis, qui antiquiores Vocales fuerint, suffragium ferant, tum in Capitulis generalibus, tum etiam in singulis Domibus. Sacerdotes Vocalibus loco superiores, etiam ipsi Patres nominentur; ab inferioribus Vocalibus benedictionem ne petant; tamen foras ituri & licentiam petant & comitem, & quod sint ituri, & quæ acturi significant.

Prapósitus quandoque omnes vnâ conuocet: nonnulla, vt res postulabit, de quotidianis erratis verba faciat. Idem consulet Patres Vocales, cum aliquis est in Ordinem nostrum accipiendus, cum induendus habitu, cum admittendus ad professionem, cum ad Ordines promouendus, cum ad audiendas confessiones exponendus: item si quis

ante professionem à Religione dimittendus ; de magnis etiam atque extraordinarijs sumptibus faciendis ; denique in rebus omnibus grauioribus : cuiusmodi nob. sunt quæ ad victum & vtenilia pertinent.

Nulla ex nostris Domibus possit ære alieno grauari, etiam de cōsensu Vocalium ; nisi pro necessario victu atque vestitu & pro necessaria fabricæ restitutione, vel tamdem pro euidenti vtilitate in re quæ differri minimè possit, vt puta pro emendis contiguis Domui nostræ locis. In erogandis autem elemosynis iungatur caritati Christiana prudentia. Præpositus plus duos aureos in mensem ne elargiatur, nisi cum Vocalibus rem ante communicet, atque illi assentiantur.

Cùm Vocales convocati aliquid tractant, id fiat quod maior pars Vocalium censuerit esse faciendum. Præpositus quidem liberam Vocalibus dicendi faciat facultatem : ij tamen nec cum Præposito, nec inter se in modestè, morosè, pugnaciter se gerant. Qui secus fecerit, ei pœna Superioris arbitrio imponatur. Quod si interdiceretur ei congressus & facultas conueniendi cum alijs Vocalibus videatur, res à Præposito cum ceteris Vocalibus antè agitata ad Generalem referatur, eiusque sententiæ expectetur. Ne liceat Præposito res nouas inducere, aut veteres nostræ Congregationis consuetudines immutare. Communes litteras et signare, & aliundè datas resignare ac legere solus potest : possit tamen Vocalibus legendas tradere teneatur. Sigillum Congregationis apud solum Præpositum sit ; ac nemini liceat litteras huiusmodi sigillo non signatas alicui mittere. Nemo litteras, munera seu quid aliud cuiusque generis mittere vel recipere audeat, sine Superioris licentia. Qui secus fecerit, Præpositi sui arbitrio puniatur. Ad P. Generalem scribere litteras quisque potest : eas neque Præpositi locorum, neque alius villo pacto legant aut aperiant : exceptis P. Generali vel ad P. Generalem litteris & ad Visitatores circa Visitationis tempus, & ad Vocalem electum. Post Septuagesimam possint Præpositi legere aut aperire quascumque alias, quas siue Vocales siue alij miserint aut receperint. Absente Præposito, nemo scribere alicui litteras, aut aliquid alicuius ponderis innouare audeat. Quod si quid horum statim fieri necessitas coegerit, res tota Præposito, cùm domum reuersus fuerit, aperiatur.

Nemo nostrum suam sententiam in scripto ponat de re quapiam controuersa : nec se cuiuspiam excepisse Confessionem, vel eum à censuris absoluisse fidem faciat, quin antè & viderit Præpositus & probauerit.

Curæ sit Præposito Annalium librum conficere, in quo vt quidque acciderit notatu dignum referat : vtpotè quo quisque die Religionem sit ingressus, habitum susceperit, professionem emisit, ad Ordines & Cōfessiones sit admissus : quicquid denique ortum fuerit, quod ad communem Domus vtilitatem pertinere videatur. Librum etiam conficiat accepti & expensi, vt possit rationem reddere quotannis Visitoribus, & suo tempore Patribus in Capitulo generali congregatis. Et si verò Præpositus accepti & expensi rationem Vocalibus suæ Domus reddere non teneatur, vltro tamen offerat eis libros Visitationis tempore, & antequam ad Generale Capitulum proficiatur. Præpositus, etiam si iam annus elapsus sit, in sua tamen administratione permaneat, quousque alius Præpositi munus adierit.

Si quis Præpositus moriatur, alius statim vel ad summum intra tres menses à P. Generali & Consultoribus sufficiatur. Interim Vicarius, vel eo absente senior ex Vocalibus Præpositi vices suscipiat, eique omnes obediant & præstent reuerentiam : is tamen in Præpositi loco ne sedeat, nec item ius habeat veniendi ad Capitulum generale, nisi à suis Vocalibus de more eligatur.

Cap. x. De ordine & loco cuiusque inter se.

Præpositus in sua quisque Domu optimum locum obtineat. Si plures Præpositi conueniant, omnes post Præpositum, suo quisque professionis loco, collocentur. Post Præpositos Vicarius, tum ceteri sacerdotes, iuxta professionis ordinem, siue ij Vocales

les sint siue non sint; tum Clerici professi pro suo quique ordine; post hos Nouitij; tum hospites; postren ò fratres laici locum habeant. Visitatores cetero quidem anno professionis locum teneant: Visitationis tamen tempore post Præpositos collocentur. Licet ij, qui maioribus Ordinibus initiati sunt, præcedant eos, qui minoribus; his tamen ad eundem Ordinis gradû euectis, non amplius Ordinis sed professionis ratio habeatur; nisi quis sua culpa & pro pœna ad Ordines non fuerit admissus; quod speciatim de vnoquoque erit declarandum.

Qui sua culpa locû professionis amiserint, ijs si pœna post aliquot annos remissa fuerit, in pristinum professionis locû restituti esse ne intelligantur: sed post eos omnes, qui superiores aliquos ordines iuxta constitutum à Capitulo tēpus susceperint, mancant. Eos verò qui ante id tēpus necessitate, aut rationabili causa promoti fuerint, præcedant: nisi iam antea elapsum sit tempus à Capitulo & à Constitutionibus constitutum. F I N I S.

A P P E N D I X

Ex Antonij Caraccioli, Ioannis Bap. Castaldi, Siluestri Maurolici, Augustini Barbosa, aliorumquè scriptis ab AVBERTO MIRÆO concinnata.

Caput 1. Origo & institutio Clericorum regularium, quos vulgò Theatinos nuncupant.

EXortis, auctore Luthero, scedis illis hæresibus, quæ Aquilonares plerasque provincias superiore sæculo infecerunt, in media etiam Italia, atque in ipsa Vrbe Roma (vt malum ex malo feritur) præui mores indies pullulabant; quibus non solum populi, sed etiam clerici ac religiosi homines passim contaminabatur: atque aded qui imperitiæ & infirmæ plebi ad virtutem præire debuissent, suo tam exemplo ad vitia insectabant. Nonnulli igitur, qui Romæ erant, solida probitate viri, vt tantis malis aliqua ratione pro sua virili parte occurrerent, & labantem Ecclesiasticum ordinem ad pristinam vitæ integritatem dignitatemque reuocarent, Leone X. Pontifice, sodalitiū insigne in ipsa Vrbe fundarunt, eiûque à DIVINO AMORE cognomen nobile imposuerunt. Primi & præcipui sodales *Gasspar Comarenus, Iacobus Sadoleius, Mattheus Gibertus, Ioannes Petrus Carassa, Caietanus Thienius, Bonifacius à Colle, Paulus Consiliarius, Aloysius Lippomanus, Latinus Iuuenalis, Tullius Crispoldus & Iulianus Dathius* memorantur. Accesserit postmodum, vt fit, complures alij, ad quinquaginta scilicet Romanæ aulæ proceres. Tanta est in utramque partem vis exemplorum. Locus, quod ad conciones sacrasque preces conveniebant, erat ædícula SS. Silvestri & Dorotheæ in regione Transiberina, cuius procuratio ad *Iulianum Dathium* (qui & presbyteris Pœnitentiarijs in Lateranensi basilica præerat) eo tempore pertinebat. Quocirca cùm, eius hortatu, probi ij proceres statis diebus illò cœderent, reuiuiscere paulatim cœpit pristinus Christianorum servor: ab eoque postmodum sodalitiū alia, in plerisque Italiæ urbibus, eandem rituum morumque formam sumpserunt.

Et verò postquam aliquamdiu pijs sese operibus, vnà cum Divini Amoris sodalibus, *Caietanus* Romæ, *Vicetius* & alibi exercuisset, amplissimo patrimonio in pauperes distributo, atque opulenti sacerdotijs quæ possidebat abdicatis, de nova Clericorum regularium familia instituenda, deque primæua illa atque Apostolica communis vitæ ratione instauranda seriò cogitare cœpit. Excitari scilicet oportebat mortalium animos nouo atque Apostolico spiritu, & clericis, quos ingenti populorum exitio improbitas & inscitia

inficitia corrupissent, Clericos alios suffici, quorum operâ damnû, quod illi prauo exemplo atque ignorantia intulissent, sarciretur. Caietanus igitur ea quæ secum diu, Deo incitâte, agitauerat, cum *Bonifacio à Colle* amicè communicat: probat ille & se tam præclaro facinori socium offert. Hanc rem non multò post olfecit *Ioannes Petrus Carafa*, Episcopus tunc Theatinus; qui diu cupiuerat ex mundi studiis in peritum aliquem emergere. Iurâs itaque amicis his Triumuiro quantum sibi socium adfiscunt, *Paulum* videlicet *Consiliarium*, fidum *Carafæ* amicum, & *Ioannis Bap. Consiliarij* Cardinalis fratrem.

1524.

Igitur anno redempti orbis 1524. festo die Crucis inuentæ, à IV. Viris istis res cœpta est apud Clementem VII. sedulo agitari, nec sine contradictione multorum. Ad rationes, quæ in contrarium obijciebantur, diluendas magnum robur attulit *Matthæus Gibertinus*, laudatissimus Veronæ Episcopus, qui apud Clementem gratia, apud Cardinales auctoritate plurimum valebat. Itaque cum festo die Crucis inuentæ, ut dixi, res agi cœpta esset, in Crucis itidem exaltatæ solemnî luce feliciter confecta est: ut proinde hæc Clericorum regularium familia, ordine prima & antiquissima, non immerito Crucis insigne sibi velut proprium assumpsisse videatur. Clemens igitur Papa *Ioanni Bap. Bonifazio*, *Casertæ* Episcopo & Apostolico Datario mandauit, ut Pontificio nomine dictorum IV. Virorum vota solennia exciperet, atque Apostolica auctoritate roboraret. Ergo die festo quem nœtrinaui, ipsi, unâ cum *Benziano*, ad Vaticanam S. Petri eodem seculo conuenerunt; vniuerso Clero & maxima omnium ordinum multitudinem piosequente. Exinde post celebratam à *Casertanâ* Antistite, ad aram S. Andree, solemnè sacrificium, candidati celestis panis refecti, ad altare S. Petri, quod illius basilicæ est primarium ac sacratissimum, bini processerunt; ibique Clementis Papæ diplomate per Notarium clara voce recitato, prius *Ioannes Petrus*, tum *Caietanus*, deinde alij duo solennia Religionis vota religiosissime nuncuparunt: quorû formulas à singulis signatas *Bonzianus* Pontificis nomine recepit ac probauit. Post hæc, quoniam dicto diplomate ipsis concedebatur, ut Præpositum sibi quem vellent eligerent, nonnihil ab adstantium cœtu secedentes, cum de ea re inter se aliquantisper deliberassent, in *Ioannem Petrum* cunctorum suffragia conuenerunt. Ipsum igitur iam electum primum Clericorum regularium Præpositum *Casertanus* Episcopus, quâ pollebat potestate, confirmauit.

His rebus ingenti ipsorum religione atque adstantium applausu peractis, abeunt IV. Viri in pauperem demumculam, quam *Bonifacius* via Leonina ad Campum Martium possederat. Fam verò inhabitauerunt fermè biennio, in summa, & quidem voluntaria, omnium rerum egestate: illud scilicet Apostolicum institutum religiosè seruantes, ut nullos census possiderent, nihil à quoquam peterent; si quid vltro deferretur, id solum cum gratiarum actione reciperent. Quod quidem eximium paupertatis studium hodieque ipsorum posterî religiosissime seruant; eò magis admirandum, quò rarior ea virtus existere solet.

1525.

Postea verò, anno scilicet eius sæculi vicefimo sexto, è dictâ domo Mariana ad aliam in monte Pincio sitam Patres migrarunt: quam vsque ad anni proximè sequentis mensem Iunium incoluerunt; quando scilicet clade Borbonia dirius vexati, Vrbe relicta, sedem ac domicilium Vcnetias transfulerunt. Et verò licet procul à conspectu hominum, nempe ad Pinciana Urbis trœnia secessissent, ægrotis nihilominus in nosocomio, ut pridem cœperant, assidue inferuire; ijs alijsque noxas suas contentibus aurem præbere; agentibus animam ad vltimum vsque spiritum adesse; languentes egenosque verbis ac rebus, quâ poterant, subleuare; Sacramentorum usum, qui insolens ea ætate erat, modis omnibus instaurare studebant. Perro ut eiusmodi salutaria officia præstare possent commodè, auxit illorum numerum Deus: quippe ijs aggregati fuerunt *Bernardinus Scribitus* Sabinus, *Hieronymus Consiliarius* & *Andreas Vetus* Romani, *Jacobus Ivannius* Hispanus, *Thomas Guercerus* Siculus, *Matæus Pasqualinus* Ver. eius, *Matthæus Seruallensis* & *Petrus Laicus* Perusinus.

Numero ad duodecim iam aucto, dum studijs istis magna sanctitatis opinione incumbant, ecce Urbem *Cæsareus* exercitus, duce *Berbonio*, occupat ac diripit. Erant in ijs
copiæ

copijs non pauci Germani, qui nativam ferociam hæretica immanitate cumulauerant. Reliquarum gentium cohortes Ecclesiastico auro (quod ijs Tolosanum certè exstitit) iamdudum inhiabant. Igitur in Urbem pari furore irrumperentes *Carasam, Caietanum*, eorumque socios omnes comprehenderunt, & in diuerfas custodias abriperunt. Sed extremo demum periculo ereptos Deus ipse, per medias Urbis flammâs, mediolque hostes, quasi nube tectos ad Ostia Tiberina perduxit incolumes. Inde, ductore *Augustino Amulio*, Venetæ classis Præfeco, Venetias nauigant; amantissimè ab Andrea Gritti illius Republicæ tunc Principe, Contarenis, Maurocenis, Venerijs, Beltranis, Bartholinis, alijsque patricijs excepti. Venetijs porò antequam firmè domicilium figerent, primò ad S. Euphemie, mox ad B. Gregorij ædem paulisper subliterunt. Hic verò, die Crucis exaltatæ, anno eodem congregatus grex pusillus sibi Præpositum elegit *Caietanum*, dignum vtiq; Carasæ successorem. Substitit autè Venerijs B. Caietanus annis circiter quinque, & inde cum Ioanne Martinonio Veneto, suo sodale Neapolim anno 1533. 1533. se transfudit; euocante illius Urbis Senatu, & Clemente VII. Papa mandante. Numero 1538. hic mirificè auctis Patribus basilica S. Pauli maioris anno 1538. donata fuit; Petro Tole-tano Prorege in primis agenie.

Sub id tempus *Ioannes Valdesius, Bernardinus Ochinus & Petrus Martyr Vermilius* impia sua dogmata Neapoli spargere cœperant. Caietanus (vt erat perspicaci ingenio atque eximia vir de Atira) prius scelestas istorum Trium virosū fraudes ac nequitias detexit, moxque de ijs veterem suum sodalem *Ioannem Petrum Carasam*, nuper S.R.E Cardinalem creatum (qui tunc Remæ Paulum IV. Pontificem ad insiliendum in Urbe supremum Inquisitionis magistratum vrgebat) certiore fecit; & Neapolitanos interim cum publicè ex luppessu (erat enim sacundissimus ecclesiastes) tum privatim monuit, vt porò sibi cauere. Quo factū est, vt patefactis paulatim promiscuis & pudibundis virorum ac seminarum cœtibus, quos noctu clanculum cohebant, impij homines sibi ab Urbe metuentes, alius aliò aufugerent. Ad fugæ istius nuntium Carasa Cardinalis, missa ad Ochinum epistola longa ac pererudita, quâ denunciendo, quâ increpando, conatus est errantem reducere ad veritatem. Sed frustra id fuit: nam paulò post, relicta Italia, ad Heluetios in pius apostata, vnâ cum suo Plebdomartyre, & inde Geneuam transfugit. Caietanus porò, Martinonius, eorumque socij, fugatis iam hostibus, magnam apud ciues alioque illius regni incolas gratiam inierunt: corrueratque ad S. Pauli ædem ex præcipua Nobilitate ac plebe innumerabilis multitudo, vt hodieque confluit, ad salutaria Pœnitentiæ atque Eucharistiæ Sacramenta percipiendâ, & piâs de rebus diuinis sermocinationes audiendâs.

Cap. 11. Elogia breuia B. Caietani, Marinonij, B. Andreae Auellini, Pauli IV. Papa, Antonij Agellij, & aliorum virorum illustrium ex ordine Theatinorum.

B. CAIETANVS THIENAVS, Vicetiæ sub ditione Veneta anno 1480. natus, parente vtroque generis illustri, dictus est Caietanus, ad memoriam patris maioris Caietani reuocandam, qui summus Philosophus cum esset, eruditus in naturalem Aristotelis Philosophiam commentarijs scripsit. Triennio post Caietanum natus, hoc est, anno 1483. Martinus Lutherus in Saxonia ortus est, humani generis perniciēs ac pestis. Diceret Caietanum cælitus præmissum, vt Lutherianæ hæresi in regnum Neapolitanum, operâ Ioannis Valdesij, Bernardini Ochini & Petri Martyris Vermilij, fraudulenter irrupturæ se obijceret, eamque velut in herba opprimeret ac iugularet. Fuit porò is primus parens ac conditor Clericorum regularium, qui nunc Theatini dicuntur. Romæ primum ad se attraxit *Consiliacium à Colle*, dein *Ioannem Petrum Carasam*. Episcopum Theatinum, ac demum *Paulum Consiliarium*. Nec suo tantum sexui, sed & femineo Thiengus profuit.

Inter alia procurauit, vt *Maria Longa*, n. atrona nobilissima, ex nobium monialium Capucinarum Neapoli edificaret, quod nunc S. Marię in Hierusalem nuncupatur. Etate denum grauis & caritate diffusius, die 7. mensis Augusti, 1547. ad Christum migravit, Neapoli in claustro S. Pauli conditus hoc addito elogio:

B. Caietano Thieneo Vicetino, genere & dignitate præsanti, Apostolici spiritus viro, miraculis claro, sincerioris diuini cultus resurктору, Clerici regulares Congregationis & huiusmodi fundatori inclyto PP.

IOANNES MARINONIVS, origine Bergomensis, 1490. Venetijs natus, eadē in vrbe Caietano, Carafa, eorumque socijs anno 1528. mense Decembri se adiunxit. Inde 1533. cum eodem Caietano Neapolim profectus est, ad nouam ibi Domum sui instituti fundandam. Anno 1556. cum Carafa ex Archiepiscopo Neapolitano creatus esset Pontifex Maximus, vacantem Archiepiscopatum sibi oblatum, stupente vniuersa Italia, vir modestissimus fortissimē recusauit: hos verticulos vsurare solitus, *Spernere mundum, Spernere nulum, Spernere sese, Spernere sperni, quattuor ista beant*. Fuit dilectissimus sui aui in templis orator, obiitque senex admodum Neapoli 1562. die 13. Decembris.

B. ANDREAS AVELLINVS in Castro nouo, regni Neapolitani & provincię Basilicatę n. unicipio, an. 1521. natus, Theatinis 1556. se associauit. In Nouitiatu collegam habuit *Paulum Aretinum*, postea Cardinale & Episcopum Placentinum. Theologię, Philosophię ac literarum studia suos inter sedales mirificē promouit; cum *Dauid* solitus dicere frequenter: *Bonitatem interiorem & disciplinam in cultu diuino, & scientiam doce me*. Denum ad vitam meliorem anno 1608. transiit Neapoli: eumque miraculis clarum *Vrbani VIII.* Papa 1624. die 13. Augusti in numerum Beatorum retulit; Neapolitani verō & Panormitani in suę singuli ciuitatis protectorem postea adoptarunt. Horum trium sanctitatis opinione illustrium virorum vitas Italicę scripsit *Ioannes Baptista Castaldi*, professione iidem Theatinus, & typis Vicentię 1627. publicauit.

IOANNES PETRVS CARAFA, Theatinus Episcopus (qui postea Pōtifex *Paulus IV.* est appellatus) vir nobilitate generis & litterarum eruditione spectatissimus, cum alijs tribus aequē pijs ac nobilibus viris, vt dixi, Ordinem Clericorum regularium 1524. condidit; quibus ab Episcopo ceteris clariore *Theatinorum* nomen apud vulgus mansit. Vnde factum est, vt Societati Iesu & alijs nonnullis Clericorum regularium familijs (quę paucis post annis natę sunt, nec vestium magro discrimine distinguuntur) nomē idem Theatinorum multis in locis adhererit. Ceterum Carafa, in basilica S. Marię supra Minervam, templum maritimum cum statua *Pius V.* posuit, hoc elogio:

Iesu Christo, spei & vitę fidelium. Paulo IV. Carafa, Pontifici Maximo, eloquentia, doctrina, sapientia, liberalitate, animi magnitudine præsanti, scelerum vindici integerrimo Catholica fidei acerrimo propugnatori, Pius V. Pont. Max. grati & pij animi monumentum posuit. Vixit annos 83. mensem unum, dies 20. Obijt 1559. decimo quinto Kalendas Septembris, pontificatus sui anno quinto.

Quod ad duos alios Ordinis Theatinorum conditores attinet, *Bonifacius à Colle* 1558. Venetijs, *Paulus Consiliarius* 1557. Romę viuere deserunt. Thienxi, Bonifacij & Consiliarij vitas Latine scripsit *Antonius Caracciolus*; qui & *Colledanea* historica de vita *Pauli IV.* Colonię Agrippinę 1612. edidit. Idem Romę 1610. Notas pereruditias ad Constitutiones Clericorum regularium Theatinorum publicauit.

ANTONIUS AGELLIVS Episcopus Aceruentis, vir trium linguarum eruditissimus, Hebraicę, Gręcę & Latine peritissimus, in Prophetam *Habacuc* scripsit commentarium typis Plantiniorum publicatum. Idem Romę, iussu Pontificis, pręfuit editioni Gręco-Latinę Conciliorum generalium.

Omitto *Bernardinum Schottum* & *Paulum Aretinum*, S. R. E. Cardinales: sileo *Thomam Goldnehlum* Anplum, Episcopum Asaphensem; qui cum *Reginaldo Polo* in Britanniam missus fortiter ibi rem gessit & ab *Elisabetha Regina* in exilium pulsus, apud Insabres Vicarius S. Caroli Borromęi in administrando Archiepiscopatu fuit. Prętereo *Saluatorum Caracciolum* Complę; *Marcellum Maioranam* priuam Coronę; post Acerne;

THEATINORVM.

§1

Acernæ; Ioannem Bap. Tufum Acernæ; Vincentium Tufum, Ioannis fratrem, Oriæ; Siluestrum Tufum, Ioannis & Vincentij fratrem, Motolæ; Ioannem Vitellium Carinole; Ioannem Bap. Milanum Bergomi; Basilium Pignatellum, Scipionis Marchionis Lauri filium, Aquilæ; Benedictum Mandinam Cafertæ; Vincentium Capesium Gallipoli; Theman Mentium Cotrone; Antonium Vespolum Potentiæ; & alios alibi laudatiffimos Artifices. Vt neco quidem iudicio Congregatio Theatinorum iure merito *Seminarium Episcoporum* dici posse videatur.

Cap. III. *Domus Clericorum regularium Theatinorum.*

PROfitetur hæc familia cum in cōnuntum in particulari suam paupertatem; nec eleemosynas ostiatiū petit, sed viuunt tantum ex siſſente oblatiſ & allatiſ ſibi à fidelibus. Religioſi vtuntur habitu clericali, & in caligiſ tantum ac tunica differunt à Patribus Soc. Ieſu; cum Theatini caligasi inferiores portent albaſ. Per Italiam habent domicilia pluſ minus triginta ſex, eaſque religioſiſſimiſ ac doctiſſimiſ viriſ plena. Habent item Generalem Præpoſitum triennale. De iſſ ex profeſſo tractat Ioannes Baptiſta Tuſus, Epicoſpus Acernenſiſ, in Chronico huiuſ ſui Ordiniſ. Sic ſerè Auguſtinuſ Barboſa lib. 1. Iuriſ eccleſiaſtici cap. 41. Ceterum ex iſſiſ XXXVI. domiciliſ hæc ad noſtram nouitiam peruenerunt.

Venetiiſ, Domuſ ad eſdem S. Nicolai Tolentinatiſ, anno 1527. *Vinegia.*

Neapoliſ { ad eſdem S. Pauli maioris, in urbiſ ſymbolico, 1538. procurante Petro Tole-
tano, Prorege Neapolitano. *Napoli.*
ad SS. Apoſtolorum 1576. beneficio Col-Antonij Caraccioli Marchioniſ
Vicani, eiuſque coniugiſ Mariæ Geſualde.
in regione urbiſ quæ dicitur Ecchia; fundum 1587. donante Conſtantia Car-
retta Doria, Principe Sulmonenſi.

Romæ { ad S. Silueſtri eſdem, in monte Quirinali, 1560. auſtam poſtea beneficio
Gregorij XIII. *Roma.*
ad S. Andreæ de Valle. Conſtantia Picolominea, Dux Amalphiſana, palatium
huiuſ templo vicinum, quod olim Pij II. Papæ fuerat, 1587. donauit. Eſdem
nouam Alſenſuſ Geſualduſ Cardinaliſ incohauit; N. Perettuſ item Cardi-
naliſ auxit.

Mediolani ad S. Antonij 1570. beneficio S. Caroli Borromei Cardinaliſ & Archiepiſ-
copi Mediolanenſiſ. *Milano.*

Cremoneſ ad S. Abundi; procurante eodem S. Carolo apud Pontificem Maximum,
Fuit olim Ordiniſ Humiliatorum. *Cremona.*

Genueſ ad S. Syri eſdem: cuiuſ eſdiſ meminit S. Gregoriuſ lib. 4. Dialog. cap. 53. & Ba-
roniuſ ad Martyrol. Rom. 29. Iunij. *Genoua.*

Placentiæ 1571. euocante Paulo Aretino, Card. & Epicoſpo tunc Placentino, poſt Ar-
chiepiſcopo Neapolitano. *Placentia.*

Florentiæ ad eſdem B. Virginis Annuntiatiæ. *Fiorenza.*

In agro Aequenſi ad eſdem S. Mariæ de Thoro: ſuprà pag. 45.

Patauij, ſub ditione Veneta. *Padoua.*

Vlicetiæ ſeu Vicentiæ, ſub dominio Venetorum. *Vincenza.*

Mefſanæ in Sicilia, ad eſdem B. Virginis Annuntiatiæ, in mediuſſi urbiſ. *Mefſina.*

Palermi in eadem inſula, ad eſdem S. Iosephi. *Palermo.*

Ceterum (quod ſuprà indicare mihi excidit) Caietanum Thienſem, primarium fa-
miliæ Theatiniæ fundatoreſ, Urbanuſ VIII. in Beatoruſ claſſem an. 1629. retulit. Diplo-
ma pontificiuſ apud Cherubinum tomo 4. Bullarij, Romæ 1632. edito, reperiet.

CONGREGATIO CLERICORVM REGVLARIVM S. PAVLI.

Cap. 1. Origo Clericorum regularium S. Pauli; qui & Barnabita nuncupantur, ab ade S. Barnaba, quam Mediolani primam possederunt.



Res fuerunt huius Congregationis conditores *Antonius Maria Zacharias, Bartholomaeus Ferrarius, & Iacobus Antonius Morigius*. A Zacharie regimine & auctoritate pendebant ceteri ante constitutam Praeposituram. Ferrarius magno suis fuit adiumento ad diploma à Clemente VII. Papa facile impetrandum. Morigius etate prouectior, eximia in socios suos magnificentia ac dexteritate in rebus agendis floruit, primulque Praepositus an. 1536. fuit renuntiatus. Hosce tres parentes semper cognouit & coluit Congregatio Paulina; illo ordine, quem diximus, inter ipsos seruato. Primus erat sacerdos & patricius Cremonensis, ex vetusta Zachariarum familia; ceteri duo patricij Mediolanenses: omnes pietate, doctrina, prudentiaque praestantes. Hi Triumviri anno circiter tricesimo supra sesquimillesimum, Mediolani conuenientes, de istius Congregationis institutione saepe ac seridè deliberarunt; auctique duobus socijs, facultatem ritè collegendi alios, ac Statuta condendi ab Apostolica Sede in primis impetrandam censuerunt. Sedebat eo tempore ad B. Petri nauiis clauum Clemens Septimus. Acturis socijs cum Pontifice de re in primis ardua, quae plerumque aut reijci omninò, aut in plures annos differri solet, adfuit egregia oportunitas, diuinitus scilicet parata, spem felicitis adferens euentus. Clementi ab Apostolicis tunc litteris erat *Basilus Ferrarius* Bartholomaei vnus ex primis Triumviris frater germanus; ob ingenium, prudentiam ac solertiam Pontifici apprime carus. Huius opera vtentes socij, votum exponunt, & quamuis absentes, ignoti facie, famaue tantum cogniti, vnico consequuntur rogatu, quod ab alijs religiosarum familiarum conditoribus, vitae sanctimonia etiam conspicuis, vrgente praesentia, & Regum aliorumque Principum implorata auctoritate, vix legimus obtentum. 1533. Diploma autem anno 1533. die 18. Februarij scriptum, sic habet: *Clemens VII. Papa dilectis filijs Bartholomaeo Ferrario & Antonio Maria Zachariae*. Qua inscriptione nihil auctoritati Zachariae detrahitur: id namque profectum esse constat à Ferrarij scriptoris humanitate erga suum germanum. Siquidem in ceteris Pontificum litteris ad eisdem duos socios directis, prior nominationis locus semper Zachariae tribuitur; ipso etiam Basilio mendum suum corrigente.

Paupertatis porro vigor initio summus fuit: nihil omninò nequidè in communi possidebatur, neque tamen ostiatum necessarius victus querebatur, sed à sola Dei prouidentia expectabatur. Ob grauissimas tamen causas, anno 1552. communibus omnium suffragijs in eam itum est sententiam, vt Congregatio redivitis mediocribus & pro tempore sufficientibus in communi vteretur. Quod ad regimen attinet, vniuersae Congregationi praestit Praepositus generalis; singulis item Prouincijs (quae tres haecenus, vsque ad annum 1634. scilicet, constitutae sunt) praeficitur vnus qui suam regit Prouinciam, & Praepositus Prouincialis dicitur; singulis quoque domicilijs praeficitur vnus qui simplici nomine Praepositus appellatur. Quae ad vniuersam Congregationem pertinent, vnà cum Praeposito generali definiunt quattuor alij viri etate prudentiaque graues, qui perpetuò ipsi assistunt, inde Assistentes dicti. Tempus supremæ Praefecturae ad triennium extenditur;

quo

quo exacto comitia habentur generalia, & ordinariè quidem Mediolani, in qua urbe nata est Congregatio. Domicilia verò sua Paulini vocant *Collegia*, non Conuentus, Monasteria aut Domos. In templo simplicem Psalmodiæ cantum adhibent, vtpote seuerioris disciplinæ cultoribus magis consentaneum; secuti priscorum Patrum ritum, qui, referen- Lib. 2. c. 5.
te Cassiano, ab Angelo edocti Psalmorum duodenarium numerum, & simplicem canendi formam, parili semper pronuntiatione ab ipso ostensam deinceps tenuerunt. Ad quem ritum: se quoque magis propensum S. Augustinus asseruit: *Tutus mihi, iniquis, Lib. 10. cap. 13.*
videtur, quod de Alexandrino Episcopo Athanasio sapa mihi dictum cõmemini, qui tam modico flexu vocis faciebat sonare Lectorem, vt pronuntians similior esset quàm canenti. Quamvis autem apud Paulinos simplex in usu sit cantus, non omnis tamen modulatio Musica ab ipsorum ecclesijs est eliminata, sed in quibusdam festiuitatibus & solemnibus pietatis exercitationibus admittitur cum cantoribus externis.

Errant autem, qui scribunt hanc Paulinam & Theatinam Congregationes, ex speciali instituto non ordinari ad actiones Clericatus, quæ in salute proximi procuranda versantur, sed peculiariter ad eas quæ ad diuinum cultum pertinent. Contra quos scribens *Anacletus Siccus*, in sua Synopsi De Congregatione Paulina breui typis Platiniensis edenda, solidè docet Paulinos ex instituto teneri ad Conções, Catecheses, Missiones, Curam animarum, aliasque id genus pias exercitationes. Ad eodẽ quidem, vt totus liber tertius Constitutionum Paulinarum ex professo tractet de procuranda proximorum salute. Ideoque iuxta institutum suum, magna cum laude ac fructu Curam animarum habent & parochijs præfunt Paulini in Italia, Germania & alibi. Quod verò ad Cõstitutiones Paulinas attinet, fuerunt eæ primùm à Congregationis istius conditoribus, Apostolico fauore unitis, descriptæ, postea anno 1552. adfistente *Leonardo Marino* Episcopo Laodice- 1552.
no, Apostolicæ Sedis Delegato, in generalibus comitijs auctæ, ac demum in generali eisdem conuentu Mediolani 1579. habito, ad perfectionem perductæ, S. *Carolo Berromæo* adiutante. Quam postremam editionem Gregorius XIII. eodem illo anno approbauit.

Ceterum nonnulli Congregationem hanc Paulinam sub S. Augustini, alij sub S. Benedicti Regula institutâ scribunt: sed falsò. Nâ ipsa subimet initio *Constitutiones*, benigna Apostolicæ Sedis gratia annuente (vt dixi) condidit, infanti idoneas; incremento dein ætatis & locorum auxit, ac plenè tandem 1579. absoluit, ab eadem Apostolica Sede confirmatas: quibus pro Regula vtitur, adeoque nec aliam Regulam præter istas Constitutiones agnoscit. Vulgus nimirum censet, quoslibet religiosos Ordines vni ex quattuor cõmunibus & in antiquo Iure Pontificio approbatis Regulis (nempe SS. *Basilij, Augustini, Benedicti, Francisci*) adscribendos esse. At sapientiores probè nouerunt plures Ordines religiosos nullam ex memoratis Regulis profiteri; veluti *Carthusianorum, Trinitariorum, Carmelitarum, Minorum, Annuntiatorum, Theatinorum, Societatis Iesu, Clericorum Minorum, Ministrantium infirmis*, & aliorum: quorum quilibet sui est iuris, suisque tantummodò Regulis aut Constitutionibus vtitur. Nicolaus Crusenius in suo Monastico Augustiniano, nominum similitudine (vt arbitror) deceptus scribit hanc Congregationem Barnabitarum esse instaurationem ordinis Apostolicorum seu Fratrum S. Barnabæ; sed fallitur. Nam confundit duos Ordines tempore, institutis & Regula omnino discretos. Ordo enim ille Apostolicorum, seu Apostolorum, vt alij vocant, fuit ab Innocentio VIII. primùm approbatus, post ab Alexandro VI. Regulæ S. Augustini additus, ac demum à Paulo V. cum ordine Fratrum S. Ambrosij ad Nemus vnitus: vt ex Laërtio Cherubino in Bullario, & Flavio Cherubino in Compendio eiusdem constat.

Cap. 11. Clemens VII. Congregationem Paulinam approbat.

CLEMENS Papa VII. dilectis filijs Bartholomæo Ferrario & Antonio Maria Zaccaria, presbyteris, Mediolanensi & Cremonensi. Vota, per quæ vos in humilitatis spiritu perenni vitæ præmio digniores effici, vestræque & aliorum animarum saluti con-

fulere possitis, libenter ad exauditionis gratiam admittimus, eaque suorum prosequimur oportunis. Exponi siquidem nobis fecistis, quod vos cum tribus alijs vestræ voluntatis socijs, vt liberius diuinis beneplacitis insistere, & quæ Dei sunt perquirere possitis, cupitis professionem trium votorum substantialium Religionis, in manibus venerabilis fratris Archiepiscopi Mediolanensis, seu eius in spiritualibus Vicarij generalis emitte, & insimul in aliquo loco ciuitatis seu diocesis Mediolanensis, per vos eligendo morari & permanere. Quare nobis fecistis humiliter supplicari, vt pie vestræ intentioni huiusmodi paternè annuere de beniguitate Apostolica dignemur. Nos huiusmodi supplicationibus inclinati, vobis & vestrum singulis, vt professionem ipsam in eiusmodi Archiepiscopi seu Vicarij, qui verò de cetero ad vos conuerti voluerint, in alterius vestrum seu Præpositi vestræ Congregationis pro tempore existentis manibus, professionem trium votorum eorumdem cohabitare, & insimul, sub obedientia tamen Ordinarij loci, in ipso loco per vos eligendo cohabitare, ac in communem vivere, necnon pro vestro & rerum vestrarum salubri statu & directione, quæcumque Statuta & Ordinationes, rationabilia & honesta, ac sacris Canonibus non contraria, condere & facere, illaque, vt vobis pro temporum qualitate expedire videbitur, mutare & in totum tollere, aliaque illorum loco de nouo facere, libere & licite valeatis (Apostolicis, ac in prouincialibus & synodalibus Concilijs editis, generalibus vel specialibus Cõstitutionibus & Ordinationibus, ceterisque contrarijs nequaquam obstantibus) Apostolica auctoritate, tenore presentium, de specialis de nouo gratiæ concedimus & indulgemus; eisdem præsentibus perpetuis futuris temporibus valituris. Datum Bononiæ sub annulo Piscatoris, die 18. Februarij 1533. pontificatus nostri anno X.

1533.

Congregationem istam postea Paulus III. Iulius III. Gregorius XIII. & Sixtus V. varijs priuilegijs ditauerunt: quæ Cherubinus in suo Bullario recitat.

Cap. III. Collegia Congregationis Clericorum D. Pauli.

Clericorum regularium S. Pauli decollati ordo (sic dictus, quod S. Paulum Apostolum in præcipuum elegerit patronum) institutus est à tribus nobilibus viris, Antonio Maria Zacharia, Bartholomæo Ferrario & Iacobo Antonio Morigio. Dicuntur huius ordinis Religiosi vulgò *Barnabite*, ab a de S. Barnabæ Apostoli, quam primam Mediolani habuerunt. Eligunt vnum Præfectum generalem ad triennium: & habent Prouincias tres in Italia, *Mediolanensem* scilicet, *Romanam* & *Pedemontanam*; præterea in Gallia & Germania aliquot Collegia. Domos itaque possident numero quinquaginta plus minus. Floret hæc Congregatio eruditissimis & pijs viris, & S. Carolum Borromæum, suum singularem benefactorem, veluti parentem ac protectorem colit & veneratur. Sic ferè Augustinus Barbosa libro 1. Iuris ecclesiastici cap. 41.

In Mediolanensi Ducatu.

Mediolani { Collegium SS. Apostolorum Pauli & Barnabæ; vbi sedes est Præpositi Generalis, & à quo templo cognomen Barnabitarum, *Milano*.
Collegium S. Alexandri, cum onere parochiali & publico scientiarum gymnasio.

In Casali maiore Collegium. *Casal maggiore*.

Cremonæ Collegium, cum duplici ecclesia, urbana & rustica, habentibus curam parochialem. *Cremona*.

Dertonæ Collegium. *Tortona*.

In Laude Pompeia Collegium, cum publico gymnasio. *Lodi*.

Modoëtiæ, Domus religiosi tirocinij seu Nouitatus. *Monza*.

In Monte acuto Collegium. *Monte*.

Nouariæ Collegium. *Nouara*.

Ticini

Orta Collegium. *Orta*.
Vigleuani Collegium. *Vigenano*.

S. PAVLI.
Ticini seu Papie Collegium. *Pavia*.

55

In Pontificia ditione.

Romæ { ad S. Pauli ædem, prope Columnam Traianam. *Roma*.
 { ad SS. Blasij & Caroli, cum onere parochiali.
Bononiæ { ad S. Andreæ, cum onere fori pœnitentialis in metropolitana.
 { ad S. Michaelis, cum onere parochiali.
 { ad S. Pauli.
Forosempronij Collegium. *Fossimbroke*. Fulginij Collegium. *Foligny*.
Maceratæ Collegium, cum munere fori pœnitentialis in cathedrali. *Macerata*.
Perusij Collegium, cum munere fori pœnitentialis in cathedrali. *Perugia*.
Septempedæ Collegium. *Sansuerino*.
Spoliteri Collegium, cum munere fori pœnitentialis in cathedrali. *Spoleto*.
Zagaroli, Decus religiosi tyrocinij. *Zagarelo*.

In Neapolitano regno.

Neapoli { ad S. Caroli ad myrtea. *Napoli*.
 { ad S. Mariæ portæ nouæ.
 { Residentia Pœnitentiarum in metropolitana.
Aquilæ in Samnitibus. *Aquila*. Arpini. *Arpino*.

Sub ditione Magni Ducis Etruria.

Florentiæ Collegium. *Florentia*. Pisciæ Collegium. *Piscia*.
Liburni, cum munere fori pœnitentialis in maiori templo. *Livorno*.
Pisæ Collegium, cum publico gymnasio. *Pisa*.

In Genuensis Reipublicæ ditione.

Genuæ Collegium, cum onere parochiali. *Genoa*.

In Mantuani Ducis ditione.

Mantuæ Collegium. *Mantua*.
Aquis Collegium, in Ducatu Montisferrati. *Acqui*.
In Casali S. Evasij, in eodem Ducatu. *Casale*.
Regij Collegium. *Reggio*, in Mutinensis Ducis ditione.
Placentiæ Collegium, cum onere parochiali. *Piacenza*, in Parmensis Ducis ditione.

In Pedemontano Principatu, & Sabaudia.

Augustæ Taurinorum, cum onere parochiali. *Turino*.
Astæ, cum onere parochiali & publico gymnasio. *Asti*.
Cherij Collegium. *Cheri*. Vercellis Collegium. *Vercelli*.
Anessiaci in Sabaudia Collegium, cum publico scientiarum gymnasio. *Anessi*.
Tononi in Sabaudia, Domus religiosi tyrocinij, cum publico scientiarum gymnasio.
Tonone.

In Galliarum regno.

Lutetiæ Parisiorum, Domus religiosi tyrocinij. *Paris*.
Aquis Sextijs, cum publico scientiarum gymnasio. *Aix en Provence*.

Lasca-

Lascatii, cum publico gymnasio. *Lasear.*

Montargii, cum publico gymnasio. *Montargis.*

Stampis, cum publico gymnasio. *Estampes.*

In Germania.

Pragæ Collegium in Bohemia. *Praga.*

Vienne Collegium in Austria, cum onere parochiali. *Vienna.*

Ceterum Congregatio Paulina non celeres, more torrentum, progressus habuit, sed lento procedens cursu mirum in modum augetur; more fluminum, quæ modicis exorta fontibus leniter fluunt, & longo postmodum locorum decursu vires sumunt ac crescunt. Quæ verò paulatim crescunt, firmitiora esse solent.

Haut abs re fuerit hoc loco Congregationem Angelicarum monialium memorare, quam *Antonius Maria Zacharias* eodem spiritu, quo Paulinam clericorum Congregationem, Mediolani instituit, & post Zachariæ obitum, eiusdem sodales nutruerunt, quamque Paulus III. Papa anno 1534. die 15. Ianuarij Regulæ S. Augustini addixit ac probauit. Primum huius instituti monasterium, in honorem S. Pauli Apostoli, *Iudencia Tanvella*, Vastallæ Comes, vidua nobilissima ac religiosissima, in urbe Mediolanensi edificauit ac dotauit. Est autem Vastalla opidum non ignobile, ad Padum fl. inter Parmam & Mantuam situm, quod nunc titulo Principatus gaudet. Mediolano novam monialiū coloniam *Valeria de Alerijs*, nobilis item vidua, *Cremonam* deduxit, & illustre ibi monasterium S. Mariæ dicauit. Horum duorum cœnobiorum regimen ad Congregationem Paulinam hodieque pertinet: sed reliquarum omnium monialium & mulierum quarumcumque in communi viuientium certam ac diuturnam curam, decreto in comitijs generalibus edito, ab se abdicauit.

Cap. IV. Viri libris editis, alijsq; titulis clari ex Congregatione Clericorum D. Pauli.

ANTONIVS MARIA ZACHARIAS Premonensis, primarius huius Congregationis conditor, scripsit Sententias seu *Aphorismos spirituales*, Venetijs, Mediolani & Lugduni editos. Obijt Cremonæ 5. Iulij anno Christi 1539. ætatis 39. vt vbi spiritū vitæ nascens hauserat, ibi eundem moriens Creatori redderet. Corpus inde translatum est Mediolanum, & conditum apud Angelicas moniales ad D. Pauli. Idem Zacharias primus instituit Preces quadraginta horarum Cremonæ, Mediolani, Vicetiæ & alibi: quod institutum postea varij Ordines religiosi sunt æmulati.

Iuxta Zachariam apud Angelicas sepultus est eius collega *Bartholomæus Ferrarius*, qui anno 1544. die 24. Nouembris ad Christum migravit. *Iacobus Antonius Morigius*, annos circiter 54. natus, obiit 1546. Mariani (quod opidum Mediolano 15. milliariibus distat.) ibidem conditus.

ALEXANDER SAVLIVS, Congregationis S. Pauli Præpositus generalis, S. Caroli Borromæi Confessarius, Aleriensem in Corsica Episcopatum, sibi nihil tale cogitanti adeoque reluctanti à Pio V. oblatum, summo insulanorum fructu annis aliquot administravit: vnde & *Corsica Apostolus* dici meruit. Obijt demum Papiensis seu Ticinensis Episcopus, cum ingenti sanctitatis opinione.

ANACLETVS SICCVS Cremonensis Viennæ in Austria diu egit, & edidit libros tres pereruditos ac clericis omnibus viles *De Ecclesiastica Hymnodia*; qui auctiores typis Plantiniani 1634. Antuerpiæ recusi fuerunt. Mōriens 1636. manuscriptam reliquit *Synopsin de Clericorum regularium D. Pauli Congregatione*, deque eiusdem conditoribus Antonio Maria Zacharia, Bartholomæo Ferrario & Iacobo Antonio Morigio. Quam Synopsin ex eadem Officina Plantiniana breui prodituram sperant eruditi.

AUGVSTINVS TORNIELLVS Nouariensis scripsit *Annales sacros & profanos*,
ab

ab orbe condito ad eundem Christi passionem redemptum; quos Mediolani primum excusos Carolo à Basilica Petri, Episcopo tunc Nouariensi inscripsit. Fuere iidem postea bis Francofurti ad Mœnum recusi, infcio auctore. Quapropter quartam editionem recognitam, & sexcentis locis auctam idem Tornielius typis Plantinianis anno 1520. totomis ductus in folio edendam curauit, & Paulo V. Pontifici dedicauit. Obijt ætate grandæuus anno 1623. Mediolani.

BARTHOLOMÆVS CASTELLINVS, pōst Laurentius Dauidicus dictus, libros varios *De rebus spiritualibus* publicauit.

BARTHOLOMÆVS GAVANTVS Mediolanensis, S. Romanæ Rituum Congregationis Consultor, *Theſaurum ſacrorum Rituum*, seu Commentaria in Rubricas Missalis & Breviarij Romani typis Plantinianis 1634. euulgauit. Ad calcem atrexit *Vitam S. Pauli Apostoli*, per annos digestam, & *Dissertationem de S. Bartholomæo Apostolo*, quem esse eum dem cum Nathanaële per Christum laudato, conatur probare.

Ioan. 1.

CAROLVS A BASILICA PETRI primum Canonicus Mediolanensis, pōst Congregationis Paulinæ Præfositus generalis, ac demum Episcopus Nouariensis, vir morum integritate, doctrina & legationibus obitus clarissimus, scripsit *Vitam S. Caroli Borromæi*, Cardinalis & Archiepiscopi Mediolanensis; cum eiusdem Borromæi Concilij Mediolanensis, Brixiae 1603. editam. Obijt circa annum 1614.

IOANNES AMBROSIVS MAZENTA tres libros De inijs, progressu & statu Congregationis S. Pauli posteris reliquit; quos Anacletus Siccus in sua Synopsi de eadem Congregatione non semel citat.

IOANNES ANTONIVS GAVTIVS Pij V. sanctissimi Pontificis vitam elegantifilo conscripsit & Romæ 1605. in folio edidit. Historia Congregationis Paulinæ, ab eodem litteris consignata, citatur à Flauio Cherubino in Compendio Bullarj, vbi de Clemente VII. agit.

IOANNES PETRVS BESVTIVS multa *De rebus asceticis seu spiritualibus* edidit; præter *Notationes apologeticas ad librum Angelica Paula Antonia de Nigro*, à Ioanne Bap. Fontana de Comitibus conscriptum.

INNOCENTIVS ECCLESIA, vir in Historia ecclesiastica versatissimus, *vitam S. Syri* Episcopi Papiensis cum Notis pereruditius publicauit: in quibus inter alia probat, communem Clericorum viuendi vsum sub vno tecto seu clauistro, vt vulgè appellant, vnà cum comuni cantu in Choro, fuisse ab Apostolis Ecclesiæ traditum, & à præcipuis primorum seculorum Episcopis (qui certè monachi non erant) sedulè cultum. Idem plurium aliorum Episcoporum Historias in lucem edidit, & librum De viris illustribus Congregationis Paulinæ posteris reliquit.

Liber hic subreclere quæ Anacletus Siccus l. 3. citato c. 17. de Scholis Paulinorū narrat: Tantum abest, *inquit*, vt vsus publicæ Hymnodicæ sit aut litterarum studijs, aut concionum muneri, aut animarum directioni, aut infidelium conuersioni, aut quibuscumque alijs præclaris muneribus exercendis contrarius; vt potius iisdem occupationibus sit maximè carus & vtilis. Experientia item teste cognoscimus, prædicta munera cumulatissimè expleri ab Ordinibus vsum Chori profitentibus. Si in re litteraria id velit quis manifestè videre, sis primùm respiciat Ordines omnes antiquiores vitam profitentes monasticam: qui dubio procul sicut fuerunt publicæ Hymnodicæ egregij cultores, ita à cordatis viris dicti sunt Seminaria omnium bonarum disciplinarum, ex quibus illustriores Episcopi, Doctoresque Ecclesiæ primarij prodierunt. Si autem vis fiat in ijs litterarum studijs, quæ cum exteris communicantur, aperiendo scilicet Scholas ad publicæ rei commodum, in quibus variè traduntur scientiæ & disciplinæ; possumus, omissis antiquioribus, adferre quæ hisce temporibus feliciter explentur ab Ordine nostro Paulinorum. Hic multis in locis, intra & extra Italiam, publicas omnium ferè disciplinarum Scholas iuuenturi erudiendæ aperuit, haut sine magna ciuitatum vtilitate; nihilominus ibidem publica in Choro minimè omittitur Hymnodia, sed ea sustinetur quotidiana.

Supra
pag. 21.Baron. an.
122.

F I N I S.

H

SO.

S O C I E T A S
I E S V
A S. IGNATIO LOYOLA
C O N D I T A.

*Caput 1. Paulus III. Papa Societatis Iesu institutum
anno 1540. approbat.*

Bullarij
tomo I.



PAVLVS Episcopus, seruus seruorum Dei, ad perpetuam rei memoriam. Regimine militantis Ecclesiæ, meritis licet imparibus, disponente Domino, prædantes, & animarum salutem, prout ex debito pastoralis officij tenemur, sollicitis studiis exquirentes, fideles quoslibet, qui vota sua in id exponunt, Apostolici favoris gratia conuouemus, aliàsque desuper disponimus, prout temporum & locorum qualitate pensata, id in Domino conspiciamus salubriter expedire. Nuper liquidem accepimus, quod dilecti filij *Ignatius de Loyola* & *Petrus Faber*, ac *Iacobus Laynez*, necnon *Claudius Iayus*, & *Paschasius Broët*, ac *Franciscus Xavier*, necnon *Alphonsus Salmeron*, & *Simon Rodericus*, ac *Ioannes Ceduri*, & *Nicolaus de Bobadilla*, presbyteri Pamplonensis, Gebennensis, Seguntinæ, Toletanæ, Vicensis, Ebredunensis & Palentinæ, ciuitatum & diocesium, respectiue, in Artibus Magistri in Vniuersitate Parisiensi graduati, & in Theologicis studiis per plures annos exercitati, Spiritu sancto (vt pie creditur) afflati, iam dudum è diuersis mundi regionibus descendentes, in vnum conuenerunt, & socij effecti, abdicatis huius sæculi illecebris, eorum vitam perpetuo Domini nostri Iesu Christi, atque nostro & aliorum successorum nostrorum Romanorum Pontificum seruitio dedicarunt, & iam quàm pluribus annis laudabiliter in vinea Domini se exercuerunt, verbum Dei, præuia sufficienti licentia, publicè prædicando, fideles priuatim ad beatè beateque viuendum exhortando, & ad pias meditationes excitando, Hospitalibus inserviando, pueros & personas rudes ea, quæ ad Christianam hominis institutionem sunt necessaria, docendo, & demum omnia caritatis officia, & quæ ad animarum consolationem faciunt, vbique terrarum, vbi peregrinati sunt, multa cum laude obeundo. Cumque ad hanc aliam Vrbem se contulerint, & in caritatis vinculo persistentes, ad perficiendam & conseruandam eorum Societatis in Christo vnionem, quandam viuendi formulam, iuxta ea quæ ad propositum sibi finem conducere vsu didicerunt, Evangelicis consilijs & canonicis Patrum sanctionibus conformem ediderint; factum est, vt ipsorum Sociorum vitæ institutum, sub dicta formula comprehensum, non solum à multis probis viris, & Deum zelantibus laudetur, verum etiam à quibusdam ita approbatur, vt illud etiam sequi velint. Formulæ autem prædictæ tenor sequitur, & est talis:

Quicumque in Societate nostra, quam **I E S V** nomine insigniri cupimus, vult sub Crucis vexillo Deo militare, & soli Domino atque Romano Pontifici eius in terris Vicario seruire, post solemne perpetuæ castitatis votum, proponat sibi in animo se partem esse Societatis ad hoc potissimum institutæ, vt ad profectum animarum in vita & doctrina Christiana, & ad Fidei propagationem, per publicas prædicationes & verbi Dei ministerium, spiritualia exercitia & caritatis opera, & nominatim per puerorum ac rudium in Christianismo institutionem, ac Christi fidelium in confessionibus audiendis spiritualem

con-

consolationem præcipuè intendat, curetque primò Deum, deinde huius sui instituti rationem, quæ via quædam est ad illum, semper ante oculos habere, & finem hunc sibi à Deo propositum totis viribus assequi: vnusquisque tamen, secundum gratiam sibi à Spiritu sancto subministratam, & vocationis suæ proprium gradum. Et ne quis fortè zelo vtatur, sed non secundum scientiam cuiusque gradus iudicium, & officiorum discretio ac distributio tota sit in manu Præpositi seu Prælati per nos eligendi: vt congruus ordo seruetur, in omni bene instituta Communitate necessarius. Qui quidè Præpositus de consilio cõsociorum Constitutiones, ad constructionem huius propositi nobis finis conducentes, in Concilio condendi auctoritatem habeat, maiore suffragiorum parte semper statuendi ius habente. Concilium verò intelligatur esse, in rebus quidem grauioribus ac perpetuis, maior pars totius Societatis, quæ à Præposito commodè conuocari poterit; in leuioribus autem & temporaneis, omnes illi, quæ in loco, vbi Præpositus noster residebit, præsentibus esse contigerit. Iubendi autem ius totum genus Præpositum erit.

Sciant omnes Socij, & non solum in primis professionis suæ foribus, sed quoad vixerint, quotidie animo voluant, Societatem hanc vniuersam, & singulos sub S. D. N. Pauli Papæ, & aliorum Romanorum Pontificum, successorum eius, fideli obedientia Deo militare. Et quamuis Euangelio doceamur, & fide orthodoxa cognoscamus ac firmiter profiteamur omnes Christi fideles Romano Pontifici, tamquam capiti ac Iesu Christi Vicario subesse, ad maiorem tamen nostram Societatis humilitatem, ac perfectam vnus cuiusque mortificationem & voluntatem nostrarum abnegationem summoq; erè conducere iudicauimus, singulos nos, ultra illud commune vinculum, speciali voto adstringi. Ita vt quidquid modernis & alij Romani Pontifices pro tempore existentes iusserint, ad profectum animarum & Fidei propagationem pertinens, & ad qualemque provincias nos mittere voluerit, sine ulla tergiversatione aut excusatione, illic quæ quantum in nobis fuerit, exequi teneamur, siue miserit nos ad Turcas, siue ad quoscumque alios infideles, etiam in partibus quas Indias vocant existentes, siue ad quoscumque hæreticos, seu schismaticos, seu etiam ad quosvis fideles. Quamobrem qui ad nos accessuri sunt, & antequam huic oneri humeros supponant, diu multumque meditentur, an tantum pecunie spiritualis in bonis habeant, vt tutum hanc iuxta consilium Dominicum possint consummare, hoc est, an Spiritus sanctus, qui illos impellit, tantum illis gratiæ polliceatur, vt huius vocationis pondus, illo adiuuante, se laturos sperent: & postquam, Domino inspirante, huic Iesu Christi militiæ nomen dederint, die noctuque succindi lumbos, & ad tam grandis debiti solutionem præparati esse debebunt. Ne qua autem possit esse inter nos missionum ac provinciarum huiusmodi aut ambitio vel detrectatio; præcitantur singuli, se nunquàm directè aut indirectè de huiusmodi missionibus quidquam cum Romano Pontifice curaturos, sed omnem hanc curam Deo & ipsi Pontifici, tamquam eius Vicario, & Societatis Præposito dimisiuros. Qui Præpositus, sicut ceteri, etiam profiteatur, se nihil de suimet ipsius missione in alterutram partem, nisi de Societatis consilio, cum dicto Pontifice esse curaturum.

Voueant singuli, se in omnibus quæ ad Regulæ huius nostræ obseruationem faciunt, obediens fore Societatis Præposito. Ille autem iubeat ea, quæ ad constructionem propositi sibi à Deo & à Societate finis cognouerit esse oportuna. In prælatione autem sua benignitatis ac mansuetudinis, caritatisque Christi, Petri Paulique formulæ semper sit memior, & tam ipse quàm Concilium ad normam hanc assidue spectent. Et nominatim commendatam habeant institutionem puerorum ac rudium in Christiana doctrina decem præceptorum, atque aliorum similium rudimentorum, quæcumque secundum circumstantias personarum, locorum ac temporum illis congrua videbuntur. Etenim maxime necessariū est circa prouidentiam huius rei diligenter Præpositum & Concilium inuigilare, cum & in proximis ædificiū Fidei sine fundamento non possit consurgere, & in nostris periculum sit, ne vt quisque erit doctior, ita prouinciam hanc tamquam primo aspectu minus speciosam forsitan detrectare conetur; cum tamen re vera nulla sit fructuosior vel proximis ad ædificationem, vel nostris ad caritatis & humilitatis simul officia

exercenda. Subditi verò tum propter ingentes Ordinis utilitates, tum propter numquam satis laudatum humilitatis assiduum exercitium, Præposito in omnibus ad institutum Societatis pertinentibus parere semper teneantur, & in illo Christum veluti præsentem agnoscant, & quantum decet venerentur.

Cùm autem experti fuerimus iucundiorē, puriorem & ad proximi ædificationem apriorem esse vitam ab omni avaritiæ contagione quàm remotissimā, & Evangelicā paupertati quàm simillimā; cum quæ sciamus Dominum nostrum Iesum Christum servis suis regnum Dei solum inquirētibz necessaria ad victum & vestitum esse subministraturū; voveant singuli & universi perpetuam paupertatē, declarantes quod non solum privatim, sed neque etiam communiter possint pro Societatis sustentatione aut vsu ad bona aliqua stabilia, aut ad proventus seu introitus aliquos ius aliquod civile acquirere; sed sint contenti vsum tantum rerum sibi donatarum, ad necessaria sibi comparanda, recipere. Possint tamen habere in Universitatibus Collegium seu Collegia habentia redditus, census seu possessiones, vñsibus & necessarijs Studentium applicandas; retenta penes Præpositum & Societatem omnimoda gubernatione seu superintendencia super dicta Collegia & prædictos Studentes, quò ad Gubernatoris seu Gubernatorum ac Studentium electionem, ac eorundem admissionem, emissionem, receptionem, exclusionem, Statutorum ordinationem, circa Studentium instructionem, ædificationem ac correctionem, victus vñsque eis ministrandi modum, atque aliam omnimodam gubernationem, regimen ac curam. Sic tamen vt neque Studentes dictis bonis abuti, neque Societas in proprios vsus convertere possit, sed Studentium necessitati subuenire: qui quidem, post cognitum in spiritu & litteris eorum profectum, & post sufficientem probationem, in Societatem nostram admitti possint. Socij omnes, quicumque in sacris fuerint, quamvis beneficia ecclesiastica aut eorum redditus non habeant, teneantur tamen singuli privatim ac particulariter, & non communiter ad dicendum Officiū, secundum Ecclesiæ ritum.

Hæc sunt, quæ sub præfati domini nostri Pauli & Sedis Apostolicæ beneplacito, de nostra professione, typo quodam explicare potuimus. Quod nunc fecimus, vt summam scriptione hac informaremus tum illos, qui nos de nostro vitæ instituto interrogant, tum etiam posteros nostros, si quos, Deo volente, imitatores vñquam habebimus huius vitæ. Quam cùm multas magnasque habere annexas difficultates fuerimus experti, oportuim iudicauimus etiam statuere, ne quis in hac Societate recipiatur, nisi diu ac diligentissimè fuerit probatus. Cum quæ prudens in Christo, & vel doctrina seu vitæ Christianæ puritate apparuerit conspicuus, tunc demum admittatur ad Iesv Christi militiam: qui tenuibus corpis nostris fauere dignetur, ad gloriam Dei Patris, cui soli sit semper decus & honor in sæcula. Amen.

Cùm autem nihil in præmissis reperiatur, quod pium non sit aut sanctum, nos, vt idē Socij (qui nobis super hoc humillimè supplicari fecerunt) in eorum pio viuendi proposito eò promptiores existant, quò se maiori Sedis Apostolicæ gratia complecti cognouerint, & præmissa per nos approbari viderint, præmissa omnia & singula, tamquam ad spiritualem profectum eorundem Sociorum & reliqui Christiani gregis oportuna, Apostolica auctoritate, tenore præsentium, ex certa scientia approbamus, confirmamus & benedicimus, ac perpetuæ firmitatis munimine roboramus, ipsosque Socios sub nostra & huius S. Sedis Apostolicæ protectione suscipimus; eis nihilominus concedentes, quòd particulares inter eos Constitutiones, quas ad Societatis huiusmodi finem, & Iesu Christi Domini nostri gloriam, ac proximi utilitatem conformes esse iudicauerint, condere libere & licitè valeant. Non obstantibus generalis Concilij, & sel. rec. GREGORII PAPÆ X. prædecessoris nostri, ac quibuscvis alijs constitutionibus & ordinationibus Apostolicis, ceterisque contrarijs quibuscumque. Volumus autem, quòd in Societate huiusmodi vsque ad numerum sexaginta personarum normulam viuendi huiusmodi proficere cupientium, & non vltra, admitti & Societati præfatæ aggregari dumtaxat valeant. Nulli ergo, &c. Si quis, &c.

Datum Romę apud S. Marcum, anno Incarnationis Dominicę millesimo quingentesimo quadagesimo, V. Kalendas Octobris, pontificatus nostri anno sexto.

Cap. II. Iulius III. Societatis Iesu institutum, à Paulo III. probatum, denuò probat, & qua in Pauli litteris obscuriora erant, suo diplomate declarat, anno 1550.

Iulius Episcopus, servus servorum Dei, &c. Dudum per sel. rec. Paulum Papā III. prædecessorem nostrum accepto, quoddam dilecti filij Ignatius &c. *ut superiore capite. Ut aut. to. 1.* prædicta omnia prius ab eodem prædecessore concessa magis confirmarentur, & simul omnia quę ad institutum Societatis prædictę pertinent, eisdem in litteris aliarum summam continentibus comprehendantur, & ut aliqua obscurius dicta, & quę scrupulum ac dubitationem possent iniicere, per nos exactius explicentur; nobis fuit humiliter supplicatum, ut formulam, qua prædictę Societatis institutum exactius & distinctius quam antea (edocente experientia ac rerum usu) expressum, eodem tamen spiritu, comprehenditur, confirmare dignaremur. Cuius tenor sequitur, & est talis:

Quicumque in Societate nostra, quam **I E S V** nomine insigniri cupimus, vult sub Crucis vexillo Deo militare, & soli Domino ac Ecclesię ipsius sponsę, sub Romano Pontifice, Christi in terris Vicario servire, post solemne perpetuę castitatis, paupertatis & obedientię votum, preponat sibi in animo, se partem esse Societatis ad hoc potissimum institutę, ut ad Fidei defensionem & propagationem, & profectum animarum in vita & doctrina Christiana, per publicas prædicationes, lectiones & aliud quodcumque verbi Dei ministerium ac spiritualia exercitia, puerorum ac rudium in Christianismo institutionem, Christi fidelium in confessionibus audiendis ac ceteris Sacramentis administrandis spirituale consolationem præcipuę intendat, & nihilominus ad dissidentium reconciliationem, & eorum qui in carceribus vel in hospitalibus inveniuntur piam subventionem & ministerium, ac reliqua caritatis opera, prout ad Dei gloriam & commune bonum expedire visum erit, exequenda gratis omnino & nullo, pro suo in prædictis omnibus labore, stipendio accepto, se utilem exhibeat, curetque primò Deum, deinde huius sui instituti rationem, quę via quędam est ad illum, quoad vixerit, ante oculos habere, & finem hunc sibi à Deo propositum totis viribus assequi: vnusquisque tamen, secundum gratiam sibi à Spiritu sancto subministratā, & vocationis suę proprium gradum. Ideoque ne quis forte zelo vtatur, sed non secundum scientiam, proprii cuiusque gradus iudicium, & effectorum discretio ac distributio tota sit in manu Præpositi generalis seu Prælati, per nos quocumque tempore eligendi, vel eorum quos ipse sibi ea cum auctoritate substituerit: ut congruus ordo seruetur in omni benè instituta communitate necessarius. Qui quidem Præpositus, de consilio consociorum, *Constitutiones*, ad constructionem huius propositi nobis finis conducentes, condendi, maiori suffragiorum parte semper statuendi ius habet, & quę dubia esse poterunt in nostro instituto hac formula comprehensio, declarandi auctoritatem habeat. Concilium verò necessarium convocandum ad condendas vel immutandas Constitutiones & alia gratiora, ut alienare vel dissolvere Domos ac Collegia semel erecta, intelligatur esse maior pars totius professę Societatis (iuxta Constitutionum nostrarum declarationem) quę sine magno incommodo potest à Præposito generali convocari. In alijs, quę non ita magni momenti sunt, idem Præpositus adiutus, quatenus ipse opportunum iudicabit, fratrum suorum consilio, per seipsum ordinandi & iubendi quę ad Dei gloriam & commune bonum pertinere in Domino videbuntur, ius totum habeat; prout in Constitutionibus eisdem explicabitur.

Quicumque autem in hac Societate professionem emiserint, non solum in primis professionis suę foribus intelligant, sed quoad vixerint memores sint, Societatem hanc vniversam & singulos, qui in ea profitentur, sub S. D. N. Pauli Papę III. & aliorum Romanorum

norum Pontificum, successorum eius, fidei obediētia, Deo militare. Et quamvis Evangelio doceamur, & fide orthodoxa cognoscamus ac firmiter teneamus, omnes Christi fideles Romano Pontifici, tamquam capiti ac Iesu Christi Vicario subesse; ob deuotionem tamen maiorem ad obediētiā Sedis Apostolicę, & maiorem voluntatum nostrarum abnegationem, & certiorē sancti Spiritus directionem, sum̄moperē conducere iudicauimus; singulos nos, & quicumque eandem in pesterum professionem emisierint, vltra illud commune trium votorum vinculum, speciali ad hoc voto adstringi, vt quidquid modernus & alij Romani Pontifices pro tempore existentes iusserint ad profectum animarum & Fidei propagationem pertinens, & ad quascumque provincias nos mittere voluerint, sine vlla tergiversatione aut excusatione illico, quantum in nobis fuerit (siue nos ad Turcas siue ad quoscumque alios infideles, etiam in partibus, quas Indias vocant, siue ad quoscumque hereticos, schismaticos, seu etiam ad quosuis fideles mittendos censuerint) exequi teneamur. Quicquid enim qui ad nos accessuri sunt, antequam huic oneri humeros supponant, diu multumque meditentur, an tantum pecunię spiritualis in bonis habeant, vt turrim hanc iuxta consiliū Dominicū possint consummare, hoc est, an Spiritus sanctus, qui illos impellit, tantum illis gratię polliceatur, vt huius vocatiōnis pondus, illo adiuvāte, se laturos sperent; & postquam, Domino inspirante, huic Iesu Christi militię nomen dederint, die noctuque succincti lumbos, & ad tam grandis debiti solutionem prompti esse debebunt. Ne qua autem possit esse inter nos missionum aut provinciarum huiusmodi ambitio vel detrectatio, intelligant singuli, sibi per se vel alium de huiusmodi missionibus quidquam cum Romano Pontifice non esse curandum, sed omnem hanc curam Deo, & ipsi Pontifici tamquam eius Vicario, & Societatis Pręposito dimittendam: cui quidem (sicut ceteris) nihil de suis ipsius missione in alterutram partem, nisi de Societatis consilio, cum dicto Pontifice curandum erit.

Voueant etiam singuli, se in omnibus quę ad Regulę huius nostrę obseruationem faciunt, Societatis Pręposito (qui ad hoc munus quāam fieri possit idoneus, ad plura vota, prout in Constitutionibus declarabitur, eligetur) obediētes fore. Ille autem omnem eam auctoritatem & potestatem habeat supra Societatem, quę ad bonam eiusdem Societatis administrationem, correctionem & gubernationem vtilis erit. Iubeat autem ea, quę ad constructionē propōiti sibi à Deo & à Societate finis cognouerit esse oportuna: & in prælatione sua benignitatis ac mansuetudinis, caritatilq; Christi, Petri Paulique formulę semper sit memor: & tam ipse quāam Concilium prædictum ad normam hanc assidue spectent. Singuli verò subditorum, tum propter ingentes Ordinis utilitates, tum propter numquam satis laudatum humilitatis assiduū exercitiū, non solum Pręposito, in omnibus ad institutum Societatis pertinentibus, parere semper teneantur, sed in illo Christum veluti presentem agnoscant, & quantum decet venerentur.

Cum autem experti fuerimus, iucundiorē, puriorē & ad proximi ædificationem aptiorē esse vitam ab omni auaritię cōtagione quāam remotissimā, & Evangelicę paupertatis quāam simillimā; cumque sciamus D. N. Iesum Christum seruis suis regnum Dei solum inquerentibus, necessaria ad vīdum & vestitum esse subministraturum; sic voueant singuli & vniuersi perpetuā paupertatē, vt non solum priuatim, sed neque etiam communiter possint Professę, vel vlla eorum Demus aut ecclesia, ad aliquos prouentus, redditus, possessiones, sed nec ad vlla bona stabilia (pręter ea quę oportuna erunt ad vsum proprium & habitationem) retinēda ius aliquod ciuile acquirere, rebus sibi ex caritate donatis ad necessarium vitę vsum contenti. Quia tamen Demus, quas Dominus dederit, ad operandum in vinea ipsius, & non ad scholastica studia exercenda destinandę erunt; cum valde oportunum fore aliqui videatur, vt ex iuuenibus ad pietatem propensis, & ad litterarum studia tractanda idoneis, operarij eidem vineę Domini parentur, qui Societatis nostrę, etiam professę, velut quoddam seminarium existant; possit Professa Societas, ad studiorum commoditatem, Scholarium habere Collegia, vbicumque ad ea construenda & dotanda ex deuotione aliqui mouebuntur: quę simul atque constructa & do-

& dotanda, ex deuotione aliqui mouebuntur: quę simul atque constructa & dotata fuerint (non tamen ex bonis, quorum collatio ad Sedem Apostolicam pertinet) ex nunc auctoritate Apostolica erigi supplicamus, seu pro erectis haberi: quę Collegia possint habere redditus, census seu possessiones, vñbus & necessariis Studentium applicandas; retentā penes Præpositum vel Societatem omnimodā gubernatione seu superintendentiā super dicta Collegia & prædictos Studentes. quod ad Rectorum seu Gubernatorum ac Studentium electionem, ac eorumdem admissionem, emissionem, receptionem, exclusionem, statutorum ordinationem, & circa Studentium instructionem, eruditionem, ædificationē ac correctionem, victus vestitusque & aliarum rerum necessariorum eis ministrandarum modum, atque aliam omnimodam gubernationem, regimen ac curam; vt neque Studentes dictis bonis abuti, neque Societas Professa in proprios vsus conuertere possit, sed Studerium necessitati subuenire. Qui quidem Studentes ingenij & morum indole tales esse debebunt, vt merito speretur, post absoluta studia, ad Societatis functiones idoneos fore; & sic demum post cognitum in spiritu & litteris eorum profectum, & post sufficientem probationem, in Societatem nostram admitti possint. Socij autem omnes cum presbyteri esse debeant, ad dicendum Officiū secundum communem Ecclesię ritum, sed priuatim & non communiter vel in choro teneantur. Et in ijs, quę ad victum & vestitum & cetera exteriora pertinent, honestorum sacerdotum communem & approbatum vsum sequentur: vt quod inde pro cuiusque necessitate, vel spiritualis profectus desiderio subtrahere fuerit, ex deuotione & non ex obligatione rationabile obsequium corporis Deo, prout expedit, offeratur.

Hęc sunt quę præfati domini nostri Pauli & Sedis Apostolicę beneplacito, de nostra professione, typo quodam explicare potuimus; quod nunc fecimus, vt summam informaremus tum illos qui nos de nostro vitę instituto interrogant, tum etiam posteros, si quos Deo volente imitatores vñquam habebimus huius vitę. Quam cum multas magnasque habere annexas difficultates fuerimus experti, oportum iudicauimus etiam statuere, ne quis ad professionem in hac Societate emittendam, nisi diuturnis & diligentissimis probationibus (prout in Constitutionibus declarabitur) eius vita & doctrina explorata fuerit, recipiatur: quia re vera hec institutum omnino humiles & prudentes in Christo & in Christianę vitę puritate ac litteris conspicuos exigit. Imò & ij, qui in Coadiutores tam in spiritualibus quàm in corporalibus, & in Scholares admittuntur, quorum vtrique, post sufficientes probationes & tempus in Constitutionibus expressum, vota sua, ad deuotionem & meritum maius, nō quidem solemnia (præter aliquos, qui de licentia Præpositi generalis, propter ipsorum deuotionem & personarum qualitatem, tria vota huiusmodi solemnia facere poterunt) sed quibus teneantur, quamdiu Præpositus generalis in Societate eos retinendos esse censuerit, emittere debeant, prout in Constitutionibus latius explicabitur, non nisi diligenter examinati & idonei reperti ad eundem finem Societatis, admittantur ad hanc Iesu Christi militiam; qui tenuibus cæptis nostris fauere dignetur, ad gloriam Dei Patris, cui soli sit semper decus & honor in sæcula. Amen.

Quapropter considerantes, nihil quod pium sanctumque non sit in dicta Societate eiusque laudabilibus institutis, ac exemplari Ignatii & aliorum Sociorum prædictorum vita & moribus reperiri, eaque omnia ad suorum & aliorum Christi fidelium animarum salutem, & Fidei exaltationem tendere; Socios ac illorum Coadiutores prædictos, & ipsius Societatis Scholares à quibusuis excommunicationis, &c. sententijs absoluentes, illisque sub nostra & Apostolicę Sedis protectione suscipientes, motu proprio & ex certa nostra scientia, auctoritate Apostolica, tenore præsentium, erectionem & institutionem Societatis, ac extensionem numeri illius Sociorum, ac receptionis & admissionis Coadiutorum, ac omnia & singula privilegia, immunitates, exemptiones, libertates & concedendi & alterandi Statuta & Ordinationes, ac alia quęvis indulta eidem Societati & illius Præposito, per prædecessorem nostrum & Sedem huiusmodi concessa &c. perpetuo approbamus & confirmamus &c.

Da-

Datum Romæ apud S. Petrum, anno Incarnationis Dominicæ 1550. XII. Kalendas Augusti, pontificatus nostri anno primo.

*Cap. III. De Regulis & Constitutionibus Societatis Iesu.
Excerptum ex Iulij Nigroni Commentarijs in Regulas
communes eiusdem Societatis.*

PER *Regulam*, numero singulari sumptâ, à priscis vsque sæculis dico significari præcipue institutum seu formam viuendi religiosam, non tam à reliquis Christianis Religiosos distinguentem (à quibus per tria vota substantialia satis superque omnes secernuntur) quàm ab alijs ordinibus Religiosorum separantem; qui omnes in trium votorum, paupertatis, castitatis & obedientiæ observatione conveniunt. Itaque religiosè viuendi præcepta, S. Pachomio tradita ab Angelo, S. Hieronymus interpretans, Regulam nominavit: formâ à S. Basilio monachis conscriptam S. Benedictus Regulam appellavit. Quam S. Benedictus postea præscripsit suis, Regulam item S. Gregorius Papa & S. Bernardus nuncuparunt. Eodem nomine notarunt formulas à se compositas S. Isidorus, S. Fructuosus & alij multi. Eadem est significatio in Canonico Iure, cum Innocentius II. Regulam S. Benedicti, Basilij & Augustini nominat; cum Innocentius III. novas Religionis fieri prohibens, iut et accipi Regulam de probatis, ab ijs qui de nœuo religiosam domum erigunt, & Concilium Tridentinum, cum præcipit puniri proprietarios iuxta suæ Regulæ constitutiones.

Regulæ sub hac notione conveniunt illæ definitiones, quas ex Isidoro Gratianus collegit; quarum optima mihi cû Hugone Victorino videtur illa qua dicitur esse. *qua normam recte vivendi præbeat*. Cui si addas. *hominibus religiosi*, erit magis propria, hoc modo: *Est præceptio, qua modum recte vivendi præbet hominibus religiosi*. Quæ non procul abest à descriptione Guilielmi Parisiensis, cui dicitur vel *De disciplina, vel Ars, vel Prudentia, qua sciatur vel doceatur qualiter sit vivendum professoribus ipsius*. Nisi fortè mauis breuiorem Innocentij VII. descriptionem: *Forma religiose vivendi*. Ex eadem notione Regulæ denominantur *Regulares*, quemadmodum à Canone *Canonici* (vt observat Hugo) religiosi, qui in monasterio constituti, iuxta regularia præcepta SS. Patrum canonicè atque apostolicè viuunt. De hac ipsa Regula sic accepta vera est doctrina Ioannis Andreæ, Iuris canonici consummatissimi, relata probataque à S. Antonino (quem cum alijs multis sequitur Ioânes Azor) solere Regulam à Papa probari: proinde hoc à *Constitutionibus* distingui, quòd illæ mutari possunt ab illis qui parem cum primis constituentibus auctoritatem habent. Regula verò mutari non potest nisi per Papam. Quæ distinctio verum habet in illis Ordinibus, qui post Regulam probatam à Papa, Constitutiones cõdiderunt; non autem in illis, quibus Cõstitutiones sunt pro Regula: vt docent post S. Antoninum Angelus de Clauasio, Petrus Sutor, & alij communiter. Quæ limitatio facta est potissimum propter Ordinem Cartusiensem, qui Statutis pro Regula vitur; vt multis probat idem Petrus Sutor.

His positis dico, nos quoque Regulam habere ab Sede Apostolica per plures Pontifices summos approbatam. Etenim quamdam viuendi formulam, qua finis & alia substantialia comprehendebantur, B. Ignatius Paulo III. Pont. Max. probandam obtulit: qui anno 1540. probauit eam diplomate dato V. Kalendas Octobres. Eadem rursus oblata Iulio III. decimo post anno, distinctius & exactius instituti nostri rationem exprimens, confirmata fuit XII. Kalendas Augusti. Huius approbationis mentionem facit Concilium Tridentinum sub Pio IV. excipiens Ordinem nostrum à quadam lege generali. Verba sunt hæc: *Per hac tamen sancta Synodus non intendit aliquid innouare aut prohibere, quin Religio Clericorum Soc. Iesu. iuxta pium eorum institutum à S. Sede Apostolica approbatum, Domino & eius Ecclesia inferre possit*. Approbationis eiusdem & confirmationis, eam renouando & corroborando, meminerunt item Gregorius XIII. Gregorius XIV. & Paulus

Suprà pag.
58. & 61.
& tom. 1.
Bullarj.

Bullarj
no. 2. & 3.

lus V. in bullatis diplomatis, quibus institutum Societatis explicatiùs confirmaverunt.

Hanc formulam toties approbatam, *Regulam* nostram appello; nec temerè. Nam duces sequor Patres nostros, in quinta Congregatione generali congregatos anno 1593. & 1594. qui in hæc verba decreuerunt: *Substantialia nostri instituti ea in primis sunt, quæ in formula seu Regula Societatis Julio III. summo Pontifici proposita, & ab eo alijsque eius successoribus confirmata continentur.* Ipsi verò tum auctoritatem B. Ignatii & Pontificum, tum rationem sunt secuti. Nam B. Ignatius in Formula Julio III. Papæ exhibita, quam anno 1550. comprobavit Pontifex, hæc verba scripsit: *Venerant etiam singuli se in omnibus, quæ ad Regulam huius nostræ observationem faciunt, Societatis Præpositi obediētes fore.* Quo loco liquiddo apparet, eam Formulam Regulæ nomine decorari. Favet huic appellationi Paulus III. cum definit, appellari non posse à correctione Regulæ Societatis secundum Ordinationes factas, Rationem: quæque secuti sunt; quia formulæ huic convenit aptissimè definitio Regulæ religiosæ, quam diximus esse *Formam religionis vivendi.* Conveniunt & alia, quæ Doctores in Regula perfecta requirunt: quoddà à Papa sit approbata; quoddà mutari sit nefas; quoddà ex ea totus Ordo vivat, hoc est, ad eius præscriptum regatur, & Deo famuletur.

Hic obijciat aliquis, qua ratione dixerim habere nos Regulam approbatam, quando certum est (ut post Alvarum Pelagium S. Antoninus docuit, & communiter Doctores) quattuor tantum esse Regulas ab Ecclesia probatas, *Basilij, Augustini, Benedicti, Francisci*; nec inter eas nostram numerari, nec ullam ex illis enumeratis esse. Petrus Sutor, sui Ordinis Cartusienensis defendendi studiosus, respondit multis ab hinc annis, id commentum esse sine fundamento folido sparsum in vulgus. Tradit enim vivendi formam *Carthusianorum* à S. Brunone ex doctrina religiosa S. Hieronymi, Cassiani & S. Benedicti collectam, ore atque visu traditam discipulis, siue scripto multis annos in Ordine observatâ; tandem in Statutis, quibus pro Regula vtuntur, descriptam, fuisse probatam, cum toto eorum vivendi modo, ab Alexandro III. & Cælestino. III. Pontificibus. Proinde non posse dici, tantum quattuor esse Regulas approbatas: quia eorum forma vivendi primæva, cum alijs Constitutionibus aggregata, sub appellatione Statutorum approbata est. Equidè neque recedendum existimò à cõmuni modo loquendi Doctorem; neque possum negare, plures quàm quattuor esse Regulas approbatas. Video. Regulam ordinis S. *Trinitatis* ab Innocentio III. probatâ fuisse; quod apparet in Registro Epistolarum Decretalium ipsius: Regulam *Carmelitarum* ab Alberto Patriarcha Ierosolymorum compositam, ab Innocentio V. confirmatam proprio diplomate. Legi quoque approbationem Regulæ novi Ordinis *Clericorum qui ministrant infirmis*, factam 1591. à Gregorio XIV. Nec dubi-^{Supra pag. 51} to quin aliæ multæ sint Regulæ probatæ; cum videam in Ecclesia Dei religiosos Ordines planè diuersos ab illis quattuor, quorum Regulæ probatæ feruntur, non habitu solum, sed etiam institutis. Neque verò, post decretum Concilij Lateranensis sub Innocentio III. de non instituendis rous Ordinibus religiosorum sine permisso & approbatione Sedis Apostolicæ, renouatum sub Gregorio X. à Concilio Lugdunensi, credibile est novas Regulas sine approbatione fuisse toleratas. Itaque vera est doctrina S. Antonini de quattuor Regulis hoc sensu; Quattuor esse tantum Regulas approbatas Iure communi, siue quarum vel mentio vel confirmatio in Corpore Iuris canonici reperitur. Etenim ex Regula S. *Basilij*, Latine à Rustino reddita, Gratianus non vno in loco Decreta collegit tamquam ex octaua Synodo: quod arguit in ea vel approbatam fuisse, vel insertam. E Regula S. *Augustini* multa item excerptis, & in Causam XII. & in alias transtulit. Adde, videri probatam à Gelasio, vbi approbat opuscula S. Augustini, inter quæ Regula numeratur; ut in Controversia cum Casinensibus coram Pio IV. fuit allegatum. Quod pro Regula S. *Basilij* valere quoque potest, cuius opuscula probantur ab eodem Gelasio. Regulam S. *Benedicti*, manu ipsius scriptam legisse, laudasse, confirmasse in Synodo quadam S. Gregorium Papam, traditur à Casinensibus, ex quodam privilegio monasterij Sublacensis. Eandem approbasse visus est, cum *discretione præcipuam & sermone luculentam* vocavit.

Meminit eiusdem Honorius III. in Decretalibus de statu monachorum. Trium simul SS. *Fasilij, Augustini, Benedicti* mentio fit ab Innocētio II. in c. *Perniciosam* in Decretis. Regulæ quartæ, scilicet S. *Francisci*, quavis approbatio facta per diploma ab Honorio III. non inueniatur in Iure; tamen eius mentio est in Constitutione Nicolai III. in libro sexto Decretalium, & Clementis V. in Clementinis. Itaque Regula nostra, licet nulla de ea sit in Iure canōnico mentio (quia recentior est illo) tam en æquē probata est à Sede Apostolica, atque illa quattuor; si non magis: quoniam à multis Pontificibus, æqualis auctoritatis cum illis antiquis, probata est & confirmata, præ uia consultatione, re bene perpensa, ut est expressis, & insuper commendata luculenter. Paulus III. attestatur eam *Euangelicis consilijs & canonicis Patrum sanctionibus*, Iulius III. *Euangelica ueritate & SS. Patrum sanctionibus esse conformem*.

Solent quidam sciscitari ex nobis, utrum ex Regula uiuamus, an ex Constitutionibus. Quæ distinctio est uisitata Iurisperitis, qui uident plerosque Ordines sub aliqua ex quattuor approbatis Regulis militare, quosdam uero proprijs Constitutionibus pro Regula dirigi, quemadmodum de Cartusianis & alijs diximus. Huic quæstioni sic opinor respondendum; Viuere nos tum ex Regula ab Apostolica Sede probata, tum ex nostris Constitutionibus, quæ breuitatem Regulæ suppleuerunt; quia & his & illa regimur in diuino famulatu. Hactenus de prima parte Iuris nostri scripti, cui Regulæ nomen conuenit,

II.

Secunda pars nostri Iuris scripti est liber *Constitutionum*, quas B. Ignatius, iussu Pontificis, aliorum Ordinum exemplo, rationeque suadente scripsit accuratissimo studio, & multis precibus ac lacrymis diuinum lumen expostens. Hæc ante mortem ex Hispanico sermone Latinas factas in Societatem uniuersam tamquam in experimentum misit; post mortem prima generalis nostra Congregatio probauit; tum Pontifices Maximi Gregorius XIII. Gregorius XIV. & nouissimè Paulus V. nominatim confirmauerunt. Nomine uero Constitutionum Nouitij doceantur intelligi librum illum, qui tria continet; primò *Examen*, quod Constitutionibus præmittitur tamquam præambulum, & legendum traditur ijs qui Societatem ingrediuntur; deinde *Constitutiones* ipsas in decem partes distributas; postremò *Declarationes*; quæ tamquam scholia Constitutionibus adiunguntur. Hæ non minorem habent auctoritatem Constitutionibus, sed æqualem ut dicitur in proemio: proinde sub nemine Constitutionum allegantur, quia scriptæ sunt à B. Ignatio: quemadmodum liquidò patet ex actis primæ Congregationis generalis, ubi uersio Latina, ex autographo B. Ignatii Hispanico recognita, probatur, & edi iubetur, anno 1558. die 10. Septembris. Hic, quod institutæ disputationi congruit, dico primum, eas numero multitudinis Regulas appellari posse; & nonnumquam à maioribus nostris appellatas hoc nomine. Posse dici, ratio duplex manifestò docet. Prior est ex eo, quòd Regulæ nomen aptè conuenit Legibus, ut supra probatum est. At ex Isidoro & Gratiano Lex non est aliud quàm Constitutio scripta. Quod patet etiam in toto. Titulo De Constitutionibus, quasi dicatur, De legibus ecclesiasticis: ubi Glossa docet agi de Iure scripto. Quamobrem cum nostræ Constitutiones non sint nisi scriptæ leges, quibus uniuersus Ordo regitur, ut quævis Respublica & ciuitas legibus suis, fatendum est, Regulas dici posse. Ratio posterior est, quia Regulæ definitiones omnes à Gratiano collectæ (quod rectè ducas nec aliquando a horum trahas, quòd regas, quòd normam rectè uiuendi præbeat, quòd distortum præuincisq; corrigas) & si quæ sunt aliæ, facili ad Constitutiones accommodantur, quæ in primæ Regulæ subsidium & declarationem scriptæ sunt. Quam ob causam, ut tradit Ioannes de Indagine, Theologus Cartusianus, Statuta Cartusianorum Pontifices appellarunt Regulas. Vocitatas uero Regulas, planum est ex decreto LXXVI. secundæ Congregationis, ubi habentur hæc uerba: *Regula generales, qua incipiunt, Summa sapientia, integra conferuntur*. Est autem sermo de Summario Constitutionum, quod Kalendaris uniuscuiusque mensis legitur in mensa. Dico deinde hunc librum non esse librum Regularum, quem commentari cupimus: quia communiter ille Constitutionum liber dicitur, hic uero Regulas alias continet, præter Summarium Constitutionum.

III.

Tertia pars scripti Iuris completitur Congregationum generalium leges; quæ cum sunt

sunt in Congregatione, vocantur à maioribus nostris Decreta, quia decernendo sunt. Cum verò vulgantur, ut ad omnium notitiam perveniant, ea Decreta quæ debent ab omnibus observari, *Canones* nominantur: quia tamquam leges omnibus imponuntur. Cum ergò probatum sit idem esse planè Canonem & Regulam, quis non videt & Regulas potuisse nuncupari? Verùm obtinuit usus, ut Græco vocabulo Canones dicantur, non Regulæ Latino. Propterea patet librum Regularum, quem interpretaturi sumus, non esse librum Canonum qui eduntur à Congregationibus, sed aliarum quarundam Regularum, de quibus mox agendum. Hic obiter pro iuvenibus, Novitiorum Magistris suggero, non esse ullam arrogantiae notam in hac appellatione Canonum; licet ea vox æcumenicis Conciliis usitata sit. Nam Patres primi nostri Ordinis qui eam vsurpaverunt, id humili ac religiosa imitatione, pioque affectu fecerunt; rati se rectè faciuros, si vocabulis sacrarum Synoderum in re simili vterentur: præsertim quòd *Canon*, ut sæpe dictum est, non aliud sonet nisi Regulam. Quòd si non licuit id verbum ad res nostras transferre, quia Synodis sit in usu: neque licebit *Decretum* dicere, quia vox hæc Tridentino Concilio est usitata: neque ulli Ordini Religiosorum suas leges licitum erit appellare *Constitutiones*; quoniam Pontifici leges scriptæ, tum in libris Decretalium, tum in ipsis Pontificiis diplomatibus, quæ singulis diebus emanant in vulgus, *Constitutiones* vocantur. Sed spero fore, ut nemini posthac dubitatio de hac re veniat in mentem, quando Paulus V. in diplomate confirmatorio Societatis, Canones quoque nostros & Decreta probat, hæc ipsa vocabula vsurpans.

IV.

Quarta pars scripti Iuris nostri habet librum *Regularum*, quem nunc manibus & cogitatione verso. Hic tria genera Regularum continet, à quibus inscriptionem accepit. Primæ Regulæ *Summarij* dicuntur, quæ omnes è libro Constitutionum exscriptæ sunt & in summulam collectæ, quæ *Summarium* dicitur. Secundo loco sunt *Regulæ*, quæ dicuntur *Communes*: hæc ego Commentariis æceticis illustrare instituo pro meo virili. Tertium genus Regularum, quæ hoc libro comprehenduntur, est earum quæ non omnes obligant, ut alia duo priora, sed particulares personas, quæ illa munera & officia administrant. Hæc sunt Regulæ Superiorum, qui Societatem sub Præposito generali gubernant; Sacerdotum, Concionatorum, Ædifici, Cequi, & aliorum Coadiutorum, qui aliquod publicum officium exercent. In Ordine *Prædicatorum* (qui præter S. Augustini Regulam quam profitentur, habent Constitutiones cum Declarationibus & Decreta Capitulorum generalium) exstat etiam liber De instructione Officialium, ab Humberto Generali V. conscriptus: cui planè respondent nostræ Regulæ Officiorum postremi generis. Quæ appellatio placuit quoque *Clericis regularibus S. Pauli*; qui similes Ordinationes, quibus in suis officiis Administræ & Gubernatores Ordinis diriguntur, Regulæ appellaverunt. Verùm non amplius licet nec de re, nec de nomine huius libri Regularum dubitare, post Pauli V. confirmationem. In qua præter cetera monet, ne quis machinetur aliquid contra Societatis Institutum, Constitutiones, Decreta, Canones, Regulæ, Ordinationes. Nam Institutum nomine formulam seu Regulam videtur intellexisse: *Constitutiones* suo libro continentur: *Decreta* sunt Congregationum generalium definitiones: *Canones* sunt earundem Decreta, quæ vulgantur: *Ordinationes* à Præpositis generalibus emanant. Itaque superest ut per Regulam Pontifex hunc librum intellexerit: qua nominatione probare illum atque confirmare putandus est. Sic ferè Nigromus initio suorum Commentariorum ad Regulam communes Soc. Iesu.

Cap. IV. Regula communes Societatis Iesu.

I. Singuli præfixum sibi tempus suæ conscientiæ bis quotidie examinandæ, orationi, meditationi, lectionique impendant, cum omni diligentia in Domino. II. Omnes quotidie Sacro decenter interfint, & concionem lectionemve sacram, cum in templo nostro habebitur, audiant. III. Singuli statuto die, & assignato sibi Confessorio confiteantur, & non alteri, sine Superioris facultate. IV. Omnes (qui professi

aut formati Coadiutores non sunt) bis in anno sua vota renouabunt, præmissa Confessione generali: quo tempore rationem suæ conscientie reddent, & quoties etiam Superiorem visum fuerit, iuxta morem Societatis. V. In Abstinencia sextæ feriæ Societatis consuetudo seruetur. VI. Nullus mortificationem publicè faciat, nec concionetur, nisi Superiore approbante. VII. Nemo pecuniam apud se habeat; apud alium verò nec pecuniam, nec quidquam aliud. VIII. Libros nemo habeat sine facultate: in ijs verò, quibus uti licet, nec scribat quidquam, nec notam ullam imprimat. IX. Nemo rem ullam ex demo, vel ex alterius cubiculo sibi usurpet, aut ab externo, quouis modo, sibi aut alijs accipiat, sine Superioris licentia.

X. Ad maiorem vñionem eorum qui in Societate viuunt, maiusque auxilium eorum apud quos habitant, singuli addiscant eius regionis linguam, in qua resident; nisi forte ipsorum natia illic esset utilior: salua tamen Latini sermonis lege in ijs qui litteris dant operam. XI. Nullus ita cubiculum suum claudat, quin aperiri extrinsecus possit, aut arcam seu quidquam aliud habeat obsecratum, absque Superioris facultate. XII. Aperta fenestra nemo noctu dormiat, nec sine indusio aut non coopertus. XIII. Nemo, cubiculo egrediatur nisi decenter vestitus. XIV. Nemo eorum, qui ad domestica ministeria admittuntur, aut legere discat aut scribere; aut si aliquid scit, plus litterarum addiscat, nec quisquam eum doceat, sine Præpositi generalis facultate: sed satis eis erit, sancta cum simplicitate & humilitate Christo Domino nostro seruire. XV. Signo campanæ, cõstitutis horis, audito, omnes statim, vel imperfecta littera relicta, ad id, ad quod vocatur, se conferant. XVI. Ut consulatur valetudini, nemo extra consueta tempora bibat, nec extra domum cibum sumat absque facultate Superioris. XVII. Qui male se habere præter solitum senserit, id Infirmary, vel Præfecto sanitatis, aut Superiori referat. Nemo verò medicinam ullam accipiat, aut medicum eligat vel consulat, nisi approbante Superiore. XVIII. Singuli, etiam si sacerdotes sint, cum primum surgunt, lectum operiant, eumque & reliqua componant hora consueta, & scopis cubiculum verrant, tertio saltem quoque die; exceptis ijs qui ob occupationes maioris momenti aut valetudinis causa, iudicio Superioris subleuandi sunt. XIX. Mundities, quæ & ad valetudinem & ad iudificationem confert, omnibus curæ sit, tam circa seipso, quàm circa alia omnia.

XX. Qui gradem tentationem alicuius nouerit, Superiorem admoneat, ut ei ipse, pro paterna in suis cura ac providentia, conuenienti remedio possit occurrere. XXI. Quæ a Superioribus circa administrationem agenda sunt, nemo curiosè ab alijs exquirat, aut coniecturâ faciendo de ijs sermonem misceat; sed unusquisque sibi ac muneri suo attendens, quidquid de se atque alijs constituendum erit, tamquam de manu Dei expectet. XXII. Omnes caput aperiât suis Superioribus, & sacerdotibus ijs qui sacerdotes non sunt; discipuli etiam suis præceptoribus. Unusquisque autem Superiores alloquatur magna cum reuerentia: is verò, quæ Superior alloquitur aut reprehendit, humiliter & sine interpellatione audiât. XXIII. Si cui à Superiore denegatum aliquid fuerit, alium Superiorem ne audeat super ea re, quin ei aperiât quid sibi ab alio fuerit responsum, & quas ob causas negatum. XXIV. Cui fuerit alicuius rei cura commissa, si impedimentum aliquod interuenerit, maturè admoneat aliquem è Superioribus, ut provideat. XXV. Nemo cum ex vno loco in alium proficiscitur, quidquam secum asportet, sine facultate Superioris. XXVI. Extra tempora recreationi assignata, hac ratione silentium seruandum est, ut nemo loquatur, nisi obiter & per paucis, aut de rebus necessarijs, præsertim in Ecclesia, Sacrificio & Refectorio: in Missa verò, concione, mensa, lectionibus & disputationibus, si quid priusquam necesse erit, breuissimè & submissa voce suggeratur. XXVII. Nemo præter eos qui à Superiore deputati fuerint, loquatur cum ijs qui in prima probatione versantur. Excipiuntur tamen vñitate salutationes, quas, cum alijs alijs obuij fiunt, caritas religiosa exigit. XXVIII. Omnes de missa voce, ut Religiosos decet, loquatur, nullusque cum alio contendat: sed si qua in re nobis est diuersa sententia eaque videtur manifestanda, rationes modestè & cum caritate afferantur, eo animo ut suus veritati sit locus, non ut in ea re superiores videantur. XXIX. Qui facultate accepta agros

tos

tos inuisent, non solum demissa voce loquantur, sed tanta etiam moderatione, ut illis molesti non sint: atque de ijs agant quæ & exhilarare & consolari ægros, circumstantesque edificare in Domino possint.

XXX. Caveant sibi omnes ab illo affectu, quo alie de alijs nationibus sinistre sentire aut loqui solent: quin potius & bene sentiant, & peculiari affectu diuersas à sua nationes prosequantur in Domino; ac proinde nemo bella, contentionesque inter Christianos Principes in colloquium inducat. XXXI. Nemo præter eos, quibus per Superiorem licet, quidquam alijs iubeat, alioque reprehendat. XXXII. In alterius officium nemo se ingerat; in locum vero alieno ministerio deputatum nullus ingrediatur, sine facultate Superioris, aut Præfeti illius loci, in rebus necessarijs. XXXIII. Nemo in alienum cubiculum ingrediatur, sine generali aut speciali Superioris facultate; quod si aliquis intus sit, non prius aperiat ostium quam post pulsus audiat, Ingredere, & tandem aperta sit ianua, quamdiu intus vna fuerint. XXXIV. Vt ea, quæ Religiosos decet, gravitas & modestia retineatur, nemo alium etiam loco tangat, præterquam in signum caritatis amplectendo, cum quis aut abit aut redit peregre. XXXV. Nemo dum mensæ accumbit, cuiquam ex nostris, præterquam ei Superiori, qui præest toti Domui aut Collegio, caput aperiat; & cum aliquid in mensa cuiquam detulit, is qui illi affidet, admoneat eum qui ministrat. XXXVI. Domi nemo loquatur cum externis, aut alios ad id vocet, sine facultate generali aut particulari Superioris. XXXVII. Nemo cuiusquam externi ad domesticum, aut domestici ad externum mandata deferat aut litteras, inscio Superiore; seculares autem rumores, qui foris audiuntur, ne temere & sine fructu narrentur. XXXVIII. Nemo quæ domi ulla vel agenda sunt externis referat, nisi Superioris id præbui intelligat. Constitutiones vero, alioque huiusmodi libros aut scripta, quibus Societatis institutum vel privilegia continentur, non nisi ex Superioris expresso consensu, ijs communicet. XXXIX. Nemo scriptas dabit aut mittet cuiquam externo vel domestico instructiones spirituales aut meditationes; nec exercitia spiritualia Societatis alicui communicabit, nisi à Superiore id approbetur.

XL. Nemo ab externis consilium petat, sine facultate Superioris. XLI. Nemo cuiusquam negotij, etiam pii, sine facultate Superioris, curam suscipiat; nec ad id operam suam promittat, aut se proferens ostendat. Secularia vero negotia, ut quæ sunt à nostro instituto aliena, & vehementer à spiritualibus auocant, multo magis auerfari conueniunt. XLII. Omnes pro ratione sui gradus, data commoda occasione, enitantur pijs colloquijs proximum ad meliora promouere, & consilio atque exhortatione ad bona opera, præsertim ad Confessionem excitare. XLIII. Nullus domo egrediatur, nisi quando, & cum quo socio, Superiori visum fuerit. XLIV. Cum quis facultatem à Superiore petit aliquod eundi, simul etiam aperiat, quod & cuius rei causa ire velit; præsertim si Prælati aut alius vir primarius conueniendus sit: eademque die referat eidem, quid egerit, sicuti ipsi velle intelligit, & res postulauerit. XLV. Ingressuri egressurive domo tintinabulum nec vehementius nec crebrius pulsant, quam par est. Nemo autem nisi consuetam domus ianua egrediatur vel ingrediatur. XLVI. Qui domo egrediuntur, signabunt sua nomina, quæ prope ostium domus in tabula descripta sunt, & admonebunt janitorem quod sit profecturi. XLVII. Omnes ante noctem, qui foris sunt, se domum recipiant, nec egrediantur antelucum, sine facultate Præfeti vel Recloris. XLVIII. Cum quis iter faciens transit per locum, ubi Domus aut Collegium Societatis sit, ad aliud hospitium ne diuertat; eiusque, qui illic præest, obedientie subit in omnibus, sicut & reliqui qui in eadem Domo vel Collegio commorantur. Quod si quis etiam ad negotia tractanda venerit; ea non nisi ex eiusdem consilio ac directione tractabit. XLIX. Singuli has Regulas, & officiorum suorum habeant atque intelligant, sibi que faciant familiares, ac earum memoriam mensibus singulis, eis legendis vel audiendis renouent: qui tamen peculiariora ministeria Coadiutorum obeunt, eas, quæ ad ipsorum officia pertinent, singulis hebdomadis repetant.

Regulas hæc communes Commentarijs asceticis, & quidem pereruditiss, *Inlim Ni-*

gronus Genvensis illustravit, Historiam Societatis Iesu *Nicolaus Orlandinus & Franciscus Sacchinus* eleganti stilo scripserunt. Catalogus Scriptorum illustrium à *Petro Ribadeneyra* concinnatus, & ab *Andrea Schotto* auctus; vt & Catalogus Provinciarum, Domorum ac Collegiorum eiusdem Societatis, in omnium sunt manibus.

CLERICORVM BONI IESU CONGREGATIO.

Ravennæ in Emilia, *Margarita* virgo, sanctitate, miraculis & dono prophetiæ clara, Congregationem presbyterorum instituit, sub nomine *Boni Iesu*, quæ adhuc viget, non inde egressa. Meminerunt eius *Franciscus Turrianus*, *Paulus Morigia* ordinis Iesuarorum, & *Basilius Serenus* Canonicus regularis Lateranensis, qui tradit iussisse ad eius erectionem *Seraphinum Firmanum* Canonicum regularem. Obtinuisse facultatem profitendi multò post à *Pio IV.* prodit *Carolus à Tapia* Iuriconsultus. Ita *Nigronus* in *Commentarijs ad Regulas communes Soc. Iesu*, Tituli particula 3. cap. 20.

Barbosa Iuris ecclæs. lib. 3. cap. 41. dicit dictam *Margaritam* (cuius vita exstat in *Aulario* tom. 7. *Surijs*) in Congregationis istius institutione vsum fuisse ministerio duorum piorum sacerdotum urbis Ravennensis, videlicet *Leonis & Hieronymi*. Habet autem hæc Clericorum regularium familia Priorem Generalem, quem annis singulis eligunt; & gestant habitum clericalem, qualem ferè Presbyteri Soc. Iesu; sed pilco vtuntur profuso rotundo: vt idem *Barbosa* tradit. *Maurolicus* in *Oceano Religionum* lib. 5. dicit eos non tantum Ravennæ, sed & Romæ, itemque in Tuscia habere sua domicilia.

1505. Vt ad *Margaritam* virginem vitæ innocentia ac sanctitate suo quo celeberrimam sedeat oratio, ea in Domino ebedormiuit die 20. Februarij, anno Christi quinto supra millesimum quingentesimum: vt *Hieronymus Rubens* libro 8. De gestis Ravennatum refert; ex quo sua hausit *Iacobus Mosander*, tomi septimi *Susiani* concinnator. De eiusdem *Margaritæ* vitæ commentarium scripsit *Seraphinus Firmanus*, Canonicus regularis Lateranensis.

F I N I S.

CON-

CONGREGATIO SOMASCENORVM SEV

S. MAIOLI PAPIENSIS.

CAPVT I.

Origo, progressus & status Clericorum Somascenorum.



Lericorum Somascæ Congregationem *Hieronymus Emilianus* (vernaculè *Minnu*) patritius Venetus, Clemente VII. Pontifice, excitauit. Huic à *Somasca*, pago seu municipio inter Bergomū & Mediolanum sito, vbi primum illius fundamenta sunt iacta, nomen est. Eidem familie nondum professæ 1540. Paulus III. concessit facultatem eligendi Superiorem ex ijs qui Hospitalibus & Orphanotrophijs inseruiunt, & statuendi Decreta pro locorum opportunitate. Postmodum *Ioannes Petrus*

Carafa, vnus ex Theatinorum fundatoribus, cum esset Cardinalis, Congregationem Somascensem cum Theatina vniendam curauit; litteris Romæ die 8. Nouembris 1546. scriptis. Sed idem ipse ad summum Pontificatum assumptus, & Paulus IV. dictus, Somascensem Congregationem à Theatina separauit, & pristinum tantummodò institutum seruare præcepit: vt in eius Constitutione die 13. Nouembris 1555. data legitur. Cum autem fructuosus incrementis hæc Cōgregatio adolefcere cepisset, eam *Pius V.* in Religionum numerum cooptauit, & sub Regula S. Augustini militare iussit, concedens facultatem emittenditria solemnia vota; & Congregationi imposuit nomē *Clericorum regularium S. Maioli Papiensis seu Somasca*: vt in eius Constitutione 1568. die 6. Decembris data legitur. Anno proximè sequenti 1569. die 28. Aprilis, qui SS. Petro Martyri & Catharina Senensi sacer est, primi Patres solemnè vota nuncuparunt. Idem *Pius V.* concessit, vt Præpositus generalis non teneatur Papiæ residere, sed vt loca Congregationis perlustret, & vbi oportunitas videbitur, moretur. Congregationis bona *Sixtus V.* à iurisdictione & potestate Ordinariorum 1585. exemit. Priuilegia, Constitutiones & Statuta *Clemens VIII.* 1594. & *Paulus V.* 1605. confirmarunt. Vtuntur huius Congregationis clerici habitu simili habitui Societatis Iesu. Habent Prouincias quattuor, videlicet *Romanam, Venetam, Mediolanensem & Gallicam*; itemque Præpositum generalem ad triennium. Habitant Romæ ad S. Blasium in monte Citorio. De hoc Ordine agunt *Paulus Morigia* lib. 1. cap. 68. De origine Religionum, *Siluester Maurolicus* in Oceano Religionum lib. 5. Andreas Stella & Augustinus Turtura in vita Hieronymi Emiliani: qui quidem obiit Somascæ VI. Idus Februarij, anno millesimo quingentesimo tricesimo septimo, ætatis suæ quinquagesimo sexto. Sic ferè Augustinus Barbosa lib. 1. l. utis ecclesiasticæ cap. 41.

Maurolicus libro citato tradit, anno 1531. in Italia annonæ caritate grauiter laboratum fuisse, ob bella inter Hispanos & Gallos multis annis gesta: atque inde factum, vt multi, præsertim orphani fame perirent. Quibus in vnum colligedis, alendis & instruendis *Emilianus*, vir nobilitate, opibus & prudentia apud Venetos clarus, post varias functiones pro patria obitas, totum se tradidit, hortante in primis *Io. Petro Carafa*, paulò antè laudato, qui tunc Venetijs cum suis socijs agebat. Huius piissimi instituti fama cum ad *Franciscum II. Sfortiam*, Ducem Mediolanensem, perlata esset, illud ipsum mirificè promouit

mouit; domicilium ad pauperes orphanos Mediolani excipiendos, & annuos census ad eisdem ex publico ærario alendos attribuit. Ita Maurolicus.

Ioannes Bap. Castaldus, in vita B. Caietani Thienzi, asserit Somascenos à die 9. Novembris, anni 1546. vsque ad 13. diem Decembris, anni 1556. sub Theatinorum regimine vixisse. His consonant ea, quæ paulò antè ex Barbosa retulimus.

Cap. 11. Paulus III. Congregationem Clericorum Somascenorum approbat anno 1540.

Bullarj.
tom. I.

Paulus Papa III. ad perpetuam rei memoriam. Pro parte dilectorum filiorum, vniuersorum pauperum Orphanorum S. Mariæ Magdalenz, in suburbio S. Leonardi Bergomensis, & Mediolanensis, Comensis, Lannensis, Papiensis, Brixienfis & Veronensis, ciuitatum ac diocesium, *Hospitalium Recolletorum* nuncupatorum, ac tam ecclesiasticarum quàm secularium personarum in eis deseruientium, nobis nuper exhibita petitio continebat, quòd cum alijs quondam *Hieronymus Miani*, ciuis Venetiarum, plures pauperes orphanos, propter bellorum in Italia vrgentium tristes euentus & famem vrgentem, passim derelictos vagari videret, idem Hieronymus deuotionis seruuore & pietate motus prædictum Hospitalè S. Mariæ Magdalenz incohauit: & deinde Hospitalè prædictum, tam propter ciuium in ciuitate Bergomensis degentium serueptem caritatem, quàm providam directionem & salubre regimen prædicti Hieronymi, in tantum auctore Domino creuit, vt idem Hieronymus ad alia hospitalia in alijs Italiæ partibus instituenda animum applicarit: ita quòd tam in Mediolanensi quàm Comensi & alijs ciuitatibus ac diocesis prædictis similia, & in quibusdam ex eis *mulierum conueritatum* Hospitalia, dicto Hieronymo & nonnullis alijs mediantibus, erecta fuerint. Vnde Hospitalia ipsa de bono in melius perducuntur in dies, eorum numerus augetur, & augeri speratur. Et sic eadem expositio subiungebat, si in eisdem Hospitalibus, quæ per dictos Ceticos & laicos insimul gubernari consueverunt, vnus Superior vel caput, qui inibi pro tempore seruientes congregari facere, & de loco ad locum mutare valeret, existeret, Hospitaliaq; ipsa aliquibus prærogatiuis decorarentur, pro se & salubri ipsius Hospitalis, & illi deseruientium prædictorum directioni & quieti plurimum consuleretur, ac in illis degentes pauperes huiusmodi & melius gubernarentur & pertractarentur, dictæque personæ in eo conuenerent, & ad solita seruitia inuitarentur. Quare pro ipsorum pauperum & deseruientium personarum parte nobis fuit humiliter supplicatum, vt in præmissis oportune providere de benignitate Apostolica dignaremur.

Nos igitur, qui caritatis opera vbique exerceri sinceris desideramus affectibus, quolibet ex pauperibus personis prædictis à quibusuis excommunicationis sententijs, &c. absoluentes, huiusmodi supplicationibus inclinati, auctoritate Apostolica, tenore præsentium eisdem Hospitalibus, quòd pauperes & personæ in eis pro tempore degentes & deseruientes vniati ex personis inibi deseruientibus huiusmodi ecclesiasticam vel seculari, inter eos Superiorem vel caput, quæ ipsos congregari facere, ac de loco ad locum mutare, & quæcumque Statuta & Ordinationes, licita & honesta, ac sacris canonibus non contraria, condere, ipsaq; Statuta, quoties ei videbitur, mutare ac de nouo statuere possit, eligere: nec non sacerdotes eisdem pauperibus pro tempore deseruientes, Horas canonicas, diurnas pariter & nocturnas, Missas & alia diuina Officia, secundum ritum & morem & vsum S. Romanæ Ecclesiæ, etiam nouissimè editum, dicere & recitare: ipsosque pauperes, ac omnes & singulos in dictis Hospitalibus deseruientes domtaxat (eorum confessionibus diligenter auditis) ab eorum omnibus & singulis peccatis, casibus, criminibus, excessibus & delictis, à quibus locorum Ordinarij absoluerunt, absoluerunt, ac pro commissis poenitentiam salutarem iniungere, liberè & licitè valeant, perpetuò concedimus & indulgemus. Quocirca venerabilibus fratribus nostris *Casertano, Faleriensi & Visonenfi* Episcopis per Apostolica scripta mandamus, quatenus ipsi

ipsi vel duo aut vnus eorum, per se vel per alium seu alios, auctoritate nostra faciant præsentem litteras, & in eis contenta quæcumque, plenum effectum sortiri, ac inuiolabiliter obseruari; illisque pauperes, sacerdotes prædictos, ac omnes & singulos alios, quos quomodolibet concernunt, pacifice sui ac gaudere, iuxta præsentium continentiam & tenorem; non permittentes quemquam contra illorum tenorem modo aliquo molestari, impediri aut inquietari; contradictores per censuram ecclesiasticam appellatione postposita compescendo. Non obstantibus &c. Datum Romæ apud S. Marcum, anno Incarnationis Dominicæ 1540. Nonis Iunii, pontificatus nostri anno sexto. 1540.

Cap. 111. Pius V. Papa Somascensis dat ecclesiam S. Maioli Papiensis, & tribus votis religiosis ipsos adstringit.

Pius Papa V. ad perpetuam rei memoriam, Iniunctum nobis desuper Apostolicæ Seruitutis officium dignè peragere credimus, si ad ea per quæ Congregationes, præsertim *Orphanorum* causa institutæ, facilius stabiliri & firmitus conseruari valeant, consideratione aciem extendam us. Sanè exponi nobis nuper fecerunt dilecti filij, sacerdotes, clerici & laici Congregationis loci de *SOMASCHA*, Mediolanensis diocesis, dudum canonicè institutæ, quod aliàs sel. rec. *Paulus* Papa *Tertius*, prædecessor noster, Congregationi prædictæ, cuique *Hieronymus* *Emilianus*, olim patricius Venetus, vir eximia pietate insignis, Spiritu sancto, vt piè creditur, afflatus, omnibus sæculi curis posthabitis, initium antea dederat, quam quæ multi illius exemplo adducti amplexi fuerant, & in *Ianensi*, *Mediolanensi*, *Ferrariensi*, alijsque Italiæ ciuitatibus & vrbibus acciti illam dilatauerant caput sibi eligendi, Constitutiones condendi facultatem concessit, eamque ab Ordinariorum superioritate, iurisdictione & potestate exemtit, ac tam ille quam deinde piæ memoriæ *Pius* Papa *IV.* etiam prædecessor noster dictam Congregationem nonnullis alijs priuilegijs & gratijs prosecuti fuerunt: necnon successiue dilectus filius noster *CAROLVS*, tituli S. Prædix presbyter Cardinalis *BOZZOMÆVS* nuncupatus, sufficienti ad id facultate, vt asserbat, suffultus, dictæ Congregationi ecclesiam *S. Maioli Papiensis*, olim per monachos Clunianensis ordinis obtineri solitam, certis annuis redditibus illi assignatis, donauit: Nosque postmodum donationem prædictam Apostolica auctoritate approbauimus; prout in singulis prædecessorū & Caroli Cardinalis prædictorum patentibus ac nostris litteris desuper confectis plenius continetur. Quorum litterarum vigore, prædicti sacerdotes, clerici & laici ecclesiam prædictam in domum patrimoniam, & tanquam aliarum ecclesiarum diuinarum Congregationis caput, pro futuris, *Præposito* qui inibi resideat, ac vnà cum alijs deputandis professis, non solum illius sed etiam aliarum ecclesiarum eiusdem Congregationis curam, regimen & administrationem habeat, necnon Professis, qui dicto Præposito reuerentiam & obedienciam præstent, sibi delegentur. Cum autem, sicut eadem expositio subiungebat, licet iidem sacerdotes, clerici & laici religiosè admodum viuam, ac præcipuè inter alia pietatis opera, *Orphanorum* in disciplina Christiana, bonisque artibus & litteris, secundum cuiusque ingenij caput, erudiendorū, ac nonnullis in locis Seminariorū clericorū curam summo cum studio gerant, ac propere dubium non sit, quin hæc Congregatio perpetuè duratura sit. Nihilominus quia plerique illorū, ob professionem non emissam, existimantes se non verè Religiosos, ab illa recedūt, & ad aliquam religionem conuolant; alij pauperes, non habentes titulū beneficij aut patrimonium, repugnantē Concilio Tridentino, ad Ordines promoueri nequeunt, aut alijs rationibus adducti, aliud viuendi genus eligunt, multi ipsius Cōgregationis sacerdotes, clerici & laici, ad firmitus stabilendam huiusmodi Congregationē, & ad obuiandum hinc & alijs inconuenientibus, tria vota, videlicet paupertatis, castitatis & obediencie, emittere summeperè desiderant, si ad id nostra Sedisque Apostolicæ suffragetur auctoritas. Quare iidem sacerdotes, clerici & laici nobis supplicari fecerunt, quatenus illi vota prædicta, in manibus alicuius Prælati ecclesiastici, emittendi licentiā concedere, &

aliàs perpetuè illius Congregationis conseruationi, & Orphanorum prædictorum utilitati consulere, oportuneque providere de benignitate Apostolica dignaemur.

Nos igitur, qui pijs honestisque petentium votis gratum solemus præstare assensum, dictorum sacerdotum, clericorum & laicorum piam vitam, optimam quæ viuendi modum, & instituti propositum plurimum in Domino collaudantes, ipsosque & eorum singulos à quibusvis excommunicationis &c. sententijs absolutes, huiusmodi supplicationibus inclinati, prædictis sacerdotibus, clericis & laicis, vota prædicta emittere volentibus, illa in manibus alicuius Prælati ecclesiastici, per Congregationem huiusmodi ad id eligendi (donec sex ex ipsis fuerint professi, & sibi *Præpositum* ipsius Congregationis *Generalem*, secundum illorum Constitutiones factas seu faciendas, eligendum & confirmandum elegerint) & deinde dictis sex professis, & electo Præposito, cum nibus & singulis alijs Christi fidelibus, etiam in Orphanotrophijs educatis & eruditis, dictam Religionem ingredi volentibus, in ipsius Præpositi seu illius Vicarii manibus emitti & proferendi, ac sub Regula *S. Augustini*, in habitu tamen clericali & honesto, ac locis in quibus vixerint conformi incedendo, viuendi, nec non Prælato & Præposito, Vicarioque prædictis vota huiusmodi in manibus illorum recipiendi, liberam facultatem concedimus: ac quod infra triennium proximè futurum hi, qui per decennium in dicta Congregatione laudabiliter vixerint, vota prædicta emittere volentes, non expectato anno probationis, triennio verò elapso huiusmodi, alij ipsa vota emittere volentes, non nisi elapso anno probationis, & completo anno decimo sexto suæ ætatis, in ecclesia prædicta aut alibi, ubi commodius Præposito seu Vicario visum fuerit, vota prædicta (ita vt non sit locustacitæ professioni) emittere & profiteri: quodque præfati & pro tempore existentes Præpositus, sacerdotes, clerici & laici sub dicta Regula, secundum Constitutiones per eos factas seu faciendas, viuere: omniaque & singula, quæcumque, quodcumque & qualiacumque bona mobilia, seu immobilia, dictæ Congregationi seu illius locis vel ecclesijs ab Vniuersitatibus, Communitatibus, & alijs etiam priuatis personis cuiusvis status, gradus, ordinis, qualitatibus & præminentie existant, testamento vel codicillis, aut alia vltima voluntate, seu donatione etiam inter viuos, aut alias quomodolibet, nec non oblationes, sibi relicta & relinquenda recipere, exigere, & in communi tantum possidere, liberè & licitè possint & valeant: quodque de cetero Congregatio prædicta *clericorum regularium S. Maioli*, siue de *Somascha* appelletur, similiter perpetuè statuimus & ordinamus: ac insuper quomodocumque relicta Congregationi prædictæ, & non aliter, expresso & declarato loco, ex nunc prout & tunc, & è contrà ecclesiæ *S. Maioli*, ita quod liceat pro tempore existenti Præposito, per se vel alium seu alios, dictorum relictorum fructus & emolumenta, in sibi bene visos & necessarios vsus, & utilitatè ecclesiæ *S. Maioli*, & Congregationis prædictæ, liberè & licitè conuertere, Diocesani loci vel cuiusvis alterius licentia desuper minimè requisita, auctoritate & tenore præmissis, etiam perpetuè applicamus & appropriamus, &c. Datum Romæ apud S. Petrum, sub annulo Piscatoris die sexto Decembris, millesimo quingentesimo sexagesimo octauo, pontificatus nostri anno tertio.

1568.

Cap. IV. Congregatio Clericorum Doctrina Christiana in Gallia unitur cum Congregatione Somaschena, an. 1616.

PAULUS Papa V. ad perpetuam rei memoriam. Exponi nobis nuper fecerunt dilecti filij, *Antonius Vigerius* Præpositus, ac Clerici seculares Congregationis *Doctrina Christiana* in ciuitate Auenionensi canonicè institutæ, quod ipsi feliciori eiusdem Congregationis statui & augmento consulere volentes, eandem Congregationem Congregationi clericorum Regularium *Somascha*, aliàs *S. Maioli Papiensis* per nos vniri & incorporari desiderant; & propterea infrascripta Capitula cum dilectis etiam filijs Præposito & Clericis regularibus dictæ Congregationis *Somaschæ* statuerunt, quæ à venerabilibus fratribus

tribus nostris, S. R. E. Cardinalibus, negotijs Regularium præpositis, recognita & approbata fuerunt; tenoris sequentis, videlicet:

Conventiones firmæ ac stabilitæ inter Clericos regulares Congregationis de Somascha & Patres Congregationis Doctrina Christiana in regno Gallia, pro vnione faciendæ utriusque Congregationis. Quod quidem negotium à Sanctissimo D. N. fuit commissum sacre Congregationi Illustrissimorum DD. Cardinalium, negotijs Episcoporum & Regularium præpositorum.

I. In primis igitur Doctrinæ Christianæ Patres, eorum quæ successores in perpetuum secum retinebunt institutum docendi Doctrinam Christianam parvam, medium & magnam, iuxta laudabilem eorum consuetudinem, quam inuolabiliter seruabunt, & in ijs domibus quas nunc possident, & in ijs quas in posterum possidebunt in toto regno Gallia. II. R. P. *Casus de Bus*, vir pietatis eximie, Congregationis quæ Patrum Doctrinæ Christianæ, in regno Gallia primus parens & institutor, habeatur in Religione pro auctore, ut reuera fuit, huius sanctissimi instituti Doctrinam Christianam in dicto regno Galliæ populos docendi. III. Patres Doctrinæ Christianæ in Gallia vocari deinceps, post factam vnionem, debebunt *Patres Doctrina Christiana Congregationis Somascha, seu S. Maioli Papensis*, & priuilegia omnia erunt communia. IV. Sub obedientia viuunt Præpositi generalis de Somascha, qui semel singulis trienniis per se vel per alium ab eo destinandum eos visitabit. Ceterum eorum regimen & gubernatio in toto regno Galliæ, in domibus tam acquisitis quam acquirendis, sit penes Superiores Gallos: & Prouincialis similiter Gallus eligendus per Capitulum generale de Somascha eis instituitur. Qui quidem erit vnus ex duobus vel tribus Patribus nominatis siue propositis à Capitulo Prouincialis ipsius Prouinciæ Galliæ, tempore debito congregato. V. Cuius Prouincialis auctoritas erit, de loco ad locum personas mutare; Nouitios per se vel per locorum Superiores ad professionem admittere; Concionatoribus concionandi facultatem concedere, dummodo ab Episcopis locorum licentiam seu benedictionem, ad formam Concilij Tridentini, obtineant; & alia facere, quæ Visitatoribus dictæ Congregationis Somaschæ conceduntur. In reliquis autem tanta sit eius auctoritas quanta à Capitulo Prouinciali conceditur eidem. Debebit tamen Præpositum generalem, vbi commodè poterit, consulere, vel saltem de singulis magni momenti rebus certiores facere. Prouincialis, statim atque erit electus, censeatur esse & sit ipso facto de gremio Capituli generalis, in quo vocem actiuam & passiuam habeat. Eius officium per triennium durabit. Ad Capitulum generale cum accedet, socium vnum seu Discretum anxia à Capitulo Prouinciali electum deducet: qui quidem socius in Capitulo generali interueniet, cum vtraque voce. VI. Quod si contingat Prouincialis obitus; eo casu Superior, professione senior, censeatur electus. VII. Ad Capitulum Prouinciale spectabit, cum maiore parte votorum, noua loca, præuio tamen Episcoporum consensu, & seruata forma Clementis Octauæ, recipere; recepta deferere; Superiores locales eligere vel deponere; reos, si qui erunt, punire, aut innocentes absolvere; curam monialium ordinariam pro Confessionibus audiendis, de consensu & licentia eorundem Episcoporum, recipere; bona in vniuersum in toto regno Galliæ ipsi Congregationi relictæ; alicui loco particulari assignare; Nouitios quadragesimum annum excedentes, vel qui alterius Religionis habitum habuerint, & debitam transeundi facultatem à Sede Apostolica obtinuerint, ad probationem admittere; exemptiones diuturnas maximè senibus & Studentibus ad tempus, non autem perpetuè & ex causa impertiri; locum pro Capitulo Prouinciali proximè congregando determinare. VIII. Insuper Capitulo Prouinciali (quod mense Septembris præcedente Capitulum generale conuocandum erit) præter Prouincialem, interesse debebit quilibet Superior localis, vnà cum socio seu Discreto, à Capitulo conuentuali eiusdem loci (dummodo sex saltem ibi resideant) eligendo.

Quare pro parte primò dictæ Congregationis fuit nobis humiliter supplicatum, quatenus vnionem & incorporationem huiusmodi facere dignaremur. Nos ipsi Clericorum prædictorum votis, quantum cum Domino possumus, annuere volentes, de eorundem Cardinalium consilio dictam Congregationem *Doctrina Christiana*,

in prædicta ciuitate Auenionensi institutam, *Congregationi Somaſcæ* prædicta (ita ut vnum corpus Congregationis efficiant, ac Clerici dictæ Congregationis Doctrinæ Christianæ, Regulas & Conſtitutiones ſecundò dictæ Congregationis Somaſcæ, ab Apoſtolica Sede approbatas ſeruent & profiteantur, necnon Capitula prædicta adimplerantur & etiam ſeruentur, ſaluis tamen limitationibus & modificationibus inſcriptis, videlicet quòd Provincialis prædictus exemptiones diuturnas huiusmodi, nonniſi ex cauſa alicuius impedimenti, concedere poſſit aut debeat) Apoſtolica auctoritate, tenere præſentum perpetuò vrimus & incorporamus: nec non cum dicto *Antenio*, vt infra quattuor menses à die ceptæ probationis cum erandis, integro non expectato probationis anno, profeſſionem per dictos Clericos Congregationis Somaſcæ huiusmodi emitti ſolitam expreſſè emittere liberè & licitè valeat, auctoritate & tenore prædictis indulgemus, ac cum eodem deſuper diſpenſamus. Ceteros verò primò dictæ Congregationis Clericos, antequam profeſſionem huiusmodi emittant, annum probationis integrè complere debere; ac Clericos ſecundò dictæ Congregationis in Galliam, pro inſtructione dictorum præbyterorum, mittendos, in Statu Eccleſiaſtico regni Galliarum locorum Superiores, etiam ſi non ſint Galli, eligi poſſe ſtatuiamus. Non obſtanti-
 1616. bus &c. Datum Romæ apud S. Mariam Maiorem, die 11. Aprilis, 1616. pontificatus noſtri anno vndecimo.

Cap. v. Elogium Hieronymi Æmiliani: ex Ph. Ferrario.

HIERONYMVS Æmilianus, patricius Venetus, varijs pro Republica Veneta muneribus egregiè perfunctus, bello, ex Cameracenſi ſedere, aduerſus Venetos aſtuate, ad fines ipſorum tutandos deſtinatur. Qui ab exercitu Maximiliani Cæſaris in Caſtro nouo obleſſus, captus & vinculis conſtrictus, ope ſanctiſſimæ Virginis Deiparæ eripitur, ac per medios hoſtes deductus Taruiſum incolumis peruenit. Tanti autem hauri in mem or beneficij, patrimonio pauperibus diſtributo, valedicens ſeculo, in pietatis ſe officijs coepit exercere. Non modò Venetijs, ſed & in alijs vrbibus pueros parentibus deſtitutos in vnum collegit, & in extructis à ſe ædibus alendos curauit: quod & circa puellas præſtitit. Multis autem peragratis vrbibus, in Somaſcæ caſtro (quod in diocceſi Mediolanenſi ſitum, inter Bergomum & Larium lacum occurrit) demùm ſubſtitit: ibique multis ad eum conſuetibus alumnis, Congregationis Somaſcenſis fundamenta iecit, multis fulgens miraculis. Nam cum fame multi in proximis regionibus, ob victus inopiam, conſicerètur, ipſe pane in gremio ſuo diuinitus aucto non ſolùm ſuos, ſed etiam exteros quoſque aduentantes pavit. Ita verò demonibus erat formidoloſus, vt eos à multis obleſſorum, ad ſe cateruatim aduenientium, corporibus eiiceret. Spiritu quoque prophetico afflatus, multa, quæ ita evenère; prædixit. Denique obitus ſui præſcius; annum 56. agens gratis, die 9. Martij ceſſit è vita, anno reparationis noſtræ 1537. Hactenus ex vita per Andream Stellam, Congregationis Somaſcenſis Præpoſitum generalem, ſcripta. Ceterùm Hieronymus Æmilianus Officiò nondum colitur Eccleſiaſtico: & licet nulla hactenus Sedis Apoſtolicæ conſeſſione eum vt Beatum venerari datum ſit; multo tamen eius ſepulcrum, ob patrata miracula, habetur in honore. Ita Philippus Ferrarius in Catalogo Sanctorum Italię, 1613. Mediolani edito.

Cap. vi. Domus Hoſpitalaria & Collegia Somaſcenorum.

PApie, ad eodem S. Maioli; beneficio S. Caroli Borromęi.
 Rome, ad S. Blaſij, in monte Citorio; cum cura Collegij Gręcorum à Gregorio XIII. fundati, & Collegij Clementini.
 Mediolani, ad S. Martini in vrbe, & Columbarię extra urbem.

Cro-

Cremone. Domus Misericordię. Placentię, ad eđem S. Stephani.
Comi, ad S. Marię de Rondinetto. Alexandrię, ad S. Syri.
In Lau de Portoria, ad S. Andreę templum. *Lodi.*
Venetijs, ad SS. Iohannis & Pauli; cum cura Seminarij vniuersalis.
Bergomi, ad S. Martini. Brixię, Domus Misericordię.
Maceratę, sub ditione Pontificia, ad eđem S. Iohannis Baptistę,
Ferrarię, ad eđem S. Marię, vulgò *S. Maria Bianca.*
Neapoli, ad eđem B. Virginis Lauretanę.
Senis, ad Innocentes. Regij, ad Innocentinos, vt vulgò vocant.
Vercellens, in Bethania, sub ditione Ducis Sabaudię.
Genue, Dertonę, & alibi in Italia.
Viennę in Gallia, Domus Misericordię.
Auenione, sub ditione Pontificia, & alibi in Gallia.

Pręter Aueniensem, & alię plures Clericorum Doctrinę Christianę Domus Gallicanę anno 1616. ad Congregationem Somascenam sunt translęte: iuxta Conuentiones à Paulo V. approbatas, quas suprà cap. 4. recitavi, Notet tamen Lector, non omnes dictorum Clericorum Denos Somascenis adiutas fuisse; sed ex ijs nonnullas (puta, decem plus minus) Presbyteris Oratorij Domini Iesu, à Petro Berullo Cardinale in Gallia fundati, attributas fuisse.

Cap. VII. *Qui saculares, qui regulares Clerici.*

DVę sunt clericorum in Congregatione viuentiũ classes. Vna est CLERICORVM, ^{qui} vocant, *SÆCULARIUM*, qui tribus solemnibus votis religiosis non sunt adstricti. Tales sunt *Presbyteri Oratorij* in Italia, à S. Philippo Nerio; *Presbyteri item Oratorij Domini Iesu* in Gallia, à Petro Berullo Cardinale; & *Oblati S. Ambrosij*, à S. Carolo Borromeo Cardinale & Archiepiscopo Mediolanensi, partim nostro, partim superiore seculo instituti. Huic item classi videntur adscribendi *Clerici* seu *Fratres vitę communis*, de quibus suprà fusi egimus. Pag. 1. & 599.

Altera classis est CLERICORVM REGULARIUM: quales sunt *Theatini* & *Paulini* à Clemente VII. *Societas Iesu* & *Somasceni* à Paulo III. *Ministrantes infirmis* & *Clerici Minores* à Sixto V. *Clerici item Scholarum piarum* à Paulo V. Pontificibus Maximis approbati. Ex his Clericis regularibus à me enumeratis *Somasceni* sub Regula S. Augustini; alij verò sub suis singuli Constitutionibus, à Sede Apostolica approbatis, militant: vt ex Pontificum Romanorum bullatis diplomatibus, partim suprà à me recitatis, partim infra recitandis, cuius datur intelligi. Vnde liquet Crusenium, Pennottum & alios labi, qui vt sui Ordinis præstantiam commendent, *Paulinos* (vt de alijs nihil dicam) Regulę Augustinianę adscribunt.

F I N I S.

K 3

CON-

CONGREGATIO ORATORII

A

S. PHILIPPO NERIO
INSTITUTA.

*Caput 1. Gregorius XIII. Congregationem Presbyterorum
Oratorij approbat, eidemq; ecclesiam parochialem S. Ma-
ria in Vallicella attribuit anno 1575.*



REGORIVS Episcopus servus servorum Dei, &c. Cum parochia-
lis ecclesia B. Mariae *Vallicella* nuncupata, regionis Pontis seu Pariopis
de Vrbe, per liberam resignationem dilecti filij Antonini de Adiuro,
nuper ipsius ecclesiae Rectoris, vacauerit & vacet ad praesens: & sicut
dilectus filius *Philippus Nerius*, presbyter Florentinus, ac Praepositus
nonnullorum Presbyterorum & Clericorum saecularium, tam suo quam
aliorum Presbyterorum & Clericorum praefatorum nominibus, nobis
nuper exposuit, quod hi in ipsa ecclesia introduci cupiant, ac ita, illis gratia assistente
diuina, circa Missarum & aliorum diuinorum officiorum in eadem ecclesia celebratio-
nem, & verbi Dei populo inibi interessenti praedicationem, aliaque salubria monita, ad
salutem animarum Christi fidelium procurandam, & quam plurima pietatis opera exer-
cenda intendere sperent, vt ex eorumdem Presbyterorum & Clericorum laudabili vita
& doctrina, dilecti filij ipsius ecclesiae parochiani non paruam consolationem spiritua-
lem susceperint, si in eadem ecclesia vna Congregatio Presbyterorum & Clericorum
de *Oratorio* nuncupanda perpetuo erigeretur & institueretur, ipsaque ecclesia, cum on-
ere curae animarum illius parochianorum praefatorum, eidem Congregationi concede-
retur, ex hoc profecto diuinus cultus ac ministrorum ecclesiasticorum numerus in ea, ad
Dei laudem & eorumdem Christi fidelium animarum salutem, maximum susceperet
incrementum. Quare dictus PHILIPPVS &c. nobis humiliter supplicauit, quatenus
praemissis annuere de benignitate Apostolica dignaremur.

Nos igitur qui diuini cultus augmentum & Christi fidelium animarum salutem sin-
ceris desideramus affectibus, pium & laudabile *Philippi* Praepositi, ac Presbyterorum &
Clericorum praefatorum desiderium summopere commendantes, ipsosque Philippum
Praepositum, ac Presbyteros & Clericos a quibusuis excommunicationis sententis absol-
uentes, &c. huiusmodi supplicationibus inclinati, in dicta ecclesia vnam Congregationem
Presbyterorum & Clericorum saecularium de *Oratorio* nuncupandam, sine alicuius
praepiudicio, auctoritate Apostolica, tenore praesentium, perpetuo erigimus & instituimus:
illique sic erectae & institutae ecclesiae praefatam cum onere curae animarum illius paro-
chianorum praefatorum, aliisque omnibus & singulis oneribus & honoribus ac annexis,
necnon omnibus bonis, censibus, iurisdictionibus, fructibus, redditibus & prouentibus,
aliisque iuribus & pertinentiis suis eidem Congregationi, auctoritate Apostolica & te-
nore

nore præfatis etiam perpetuò concedimus & assignamus. Ita quòd liceat ipsi Congregationi, illiusque Reclori, Presbyteris, Clericis & Procuratoribus seu agentibus vel deputatis, per se vel alium seu alios, eorum & dictæ Congregationis nomine, ecclesiæ & annexorum ac bonorum iurium quæ & pertinentiarum præfatorum corporalem & realem & actuale possessionem, propria auctoritate, liberè apprehendere, & etiam perpetuò retinere, curam quæ animarum eidem ecclesiæ imminentè per se ipsos presbyteros, seu vnum vel plures ex eis siue per alium vel alios presbyteros (illis tamen prius à dilecto filio nostro, Romani Pontificis pro tempore existentis, in dicta Vrbe & eius districtu, Vicario in spiritualibus generali, seu Sede præfata approbatis) exercere vel exerceri, eisdemque ecclesiæ in diuinis deservire seu deserviri facere, illiusque fructus, redditus & proveniunt, iura, obventiones & emolumenta quæcumque percipere, exigere & levare, ac in suos & Congregationis, ac ecclesiæ præfatorum usum & utilitatem convertere: necnon eidem Congregationi, illiusque Reclori ac Presbyteris & Clericis pro tempore existentibus, ut pro salubri statu & directione ecclesiæ & Congregationis huiusmodi, illiusque personarum quæcumque Statuta & Ordinationes, rationabilia, honesta ac sacris Canonibus & Concilio Tridentino non contraria edere, & edita reformare, limitare & mutare, ac alia de nouo condere, prout & quoties eis, secundum rerum & temporum qualitates, videbitur expedire; quæ quidem Statuta & Ordinationes, postquam edita, reformata, limitata & mutata, ac de nouo condita fuerint, à Sede præfata approbari, & per singulares personas, de gremio dictæ Congregationis existentes, inuolabiliter obseruari debeant, liberè & licitè possint & valeant, auctoritate Apostolicâ & tenore præfatis indulgemus, liberamque desuper facultatem concedimus & elargimur, &c. Datum Romæ apud S. Petrum, anno Incarnationis Dominicæ millesimo quingentesimo septuagesimo quinto, Idibus Iulij, pontificatus nostri anno quarto. 1575.

I N S T I T V T A

CONGREGATIONIS ORATORII

S. Mariæ in Vallicella de Vrbe

A

B. PHILIPPO NERIO FVNDATÆ.

Iuxta exemplar Romæ anno 1612. excusum.

ORATORII Congregatio, à B. Philippo Nerio moribus potius erudita quàm legibus adstricta, nullam, ad Religiosorum hominum consuetudinem, propriam sibi Regulam habuit, ad quam consultationes dirigeret rerum gerendarum. Etenim Pater optimus omnium consilia, pro cuiusque ingenio, solitus paterno moderari affectu, satis habuit ad pietatem simul inflammatos in ipsa rerum humanarum despicientia Christi amore feruentiores videre suos, & quæ diuturna experientia ad probitatem assequendam, Deumque promerendum eis placere nouerat, & in dies prodesse, tamquam à Domini spiritu probare & confirmare. Et hanc viam meritò secularibus Presbyteris ille monstrauit, licet à Religiosorum institutis distantem, qui Congregationem non se auctore, sed Deo Optimo Maximo duce ac perfectore institutam sapè dicebat. Ea igitur, quæ vel ipsæ hac ratione condenda curauit, vel ab eius institutione inter Congregationis nostræ homines consuetudine recepta, ac deinceps perpetuò seruata, ut breuiter cognosci possint, summatim collecta sunt:

De Oratorio, & Oratione.
De Ecclesiâ, & Diuinis Officijs.

De

De salutari familiarum sermonum usu.
 De statu Congregationis Oratorij perpetuo.
 De Præpositi, & quattuor Presbyterorum Deputatorum electione & munere.
 De admittendis in Congregationem, & eiciendis.
 De Tironum institutione.
 De præcipuis nostrorum obseruationibus.
 De vestitu, & consuetudine familiari.
 De triclinio & communi mensa.

Cap. 1. De Oratorio, & Oratione.

Verè locum orationi destinatum Oratorium dicimus. Nam familiaris in ipso nata diuini verbi tractatio, post hæc tractanda, iam adulta, & in ecclesiam nostram translata nomen minus accommodatè retinuit Oratorij; in quo scilicet tam exteri quàm nostri quotidie vespèri post orationem, quam dicimus mentalem, consuetas Litanias recitant, aut singulis ter hebdomadis, quæ est voluntaria corporis castigatio, supplicio flagellorum sese afficiunt. Festis item diebus à Kalendis Nouembris vsque ad sanctam Christi Domini Resurrectionem, non modò supplicationibus, sed etiam familiari cohortatione, & musico concentu excitantur ad cœlestia contemplanda. A Resurrectione vicissim Dominica vsque ad Kalendas Nouembris, post officium vespertinum in ecclesia à nostris decantatum, & auditu Sermonem, in suburbanum quempiam locum, vel (si per calores æstiuos non liceat) in templum aliquod ad has rerum diuinarum tractationes intra Urbem conuenire solent. Singulis præterea diebus Dominicis, nisi nostro sit in templo concionandum, manè lectis Litanij, & Sermone opportuno de documentis præsertim Evangelicis familiariter habito, declarantur ex exteris, qui septem primarias Urbis ecclesias, ac tres domos infirmorum publicas hospitales infra hebdomadam aliquando visitant. Harum omnium cura rerum Præfectum attingit Oratorij, è nostris constitutum sacerdotibus, vel Adiutorem; vt alteruter his rebus præsit, salutique consuetudinem consulat externorum, quibus etiam præsentis ope pietatis officia in valetudinarijs erga ægros festis diebus proponat exercenda. Ex exteris item fratribus idoneos ad certa Oratorij munia deligat, & in primis Rectorem; caueatque ne vlla ex parte constitutioni derogetur, quam Congregatio his verbis expressam voluit: Præfectus Oratorij nostri nullo modo permittat exteris Officialibus in eo constitutis, vt in aliquid se reru aut negotiorum ingerant, ad ipsum locum vel institutum quoquo modo pertinentium, quod ipse non eis præscripserit: nullum enim huiusmodi ius aut potestatem habere possunt. Ne quid præterea innouetur ibi hæcenus obseruatum, de rebus præsertim grauibz ad Oratorium spectantibus quibuscumque Præpositum Congregationis nostræ consulat, penes quem rerum Oratorij & Congregationis eadem est gubernatio. Hæc satis, vt appareat qua via sint externi frequentiores in Oratorio ad contemplationem & amorem diuinorum promouendi.

Nostris autem eiusmodi instituto magis deditis id etiam maxime adhibendum, quod à B. PHILIPPO Patres edocti ad hunc modum constituerunt: Horas suas quilibet habeat meditationibus præstitutas, in quibus maiores quotidie progressus faciat, Deum cœlestiaque amando & appetendo: quod Superiores pro sua caritate ac prudentia sapius vnumquemque admonere, & qui huiusmodi studiorum fructus constet, animaduertere debebunt. Habent igitur quæ orationi & meditationi seponant stata tempora, & præter hortatorem Præpositum, quem audiant, etiam Sacerdotem sacris familiæ nostræ confessionibus audiendis præfectum, qui pro sua quemque prudentia ad hæc diuina studia vel sequirem incitare solet, vel nimis incitato, cum fuerit consentaneum, moderari. Ceterum ob alias plurimas occupationes sibi proximisque salutare, aliud nullum manè, vel die orandi tempus ac spatium sibi præfinitum capiunt & consignatum, quàm quod arbitrato quisque suo eiusmodi meditationibus & sacris precibus pie sancteque dederit.

Ad

Ad vesperum autem, sicuti dictum est, in Oratorium publicum externis etiam quibusque viris patens & expositum ad orationem, unde nomen accepit, seduli convenire debent. Sed de omni orationis & flagellorum in Oratorio ritu & consuetudine, deque pijs externorum officijs, infra post alias Constitutiones, in huius capitis appendice agendum est.

Cap. 11. De ecclesia, & Divinis officijs.

Congregationis nostræ Sacerdotes, vtpote divinatorum administri, in ecclesia, festis præsertim diebus, frequentes adsunt. Alij confluentibus divina Mysteria præbent, alij ad sacras Cõfessiones audiendas intenti, à prima luce ad horam vsque prandij, è subfellijs suis, non nisi necessitate impulsì, recedunt. Sacrum omnes quotidie peragunt, & ceteri inserviunt, potissimum Clerici: qui cum res ipsa sacra solemniori ritu & musico concentu celebranda est, benè manè descendentes in sacrarium, Sacerdotes pia diligentia sacris vestibus ornant, & solemnè sacrificio præsentés, ac diuersa munera obeuntes, ab ipsa sacrorum custodia aut ecclesia, dum datur Divinis opera, numquam recedunt. De rebus autem ad ecclesiam spectantibus hæc sunt nostris proposita Decreta.

In ecclesia nostra nullæ erunt statuae vita functorum, siue ex marmore, siue ære, siue gypso, aut alia materia. Diebus festis semper solemnè apparatu tam Missa quam Vesperæ celebrabuntur. Erunt etiam Vesperæ solennes in Vigilijs Corporis CHRIS TI, Natiuitatis B. MARIE Virginis, & Consecrationis ecclesiæ nostræ ad X. Kal. Iunii, cuius octauæ redditur Officium, & infra eam gratissima nobis recurrit memoria dõmitionis B. Philippi Patris nostri, ad VII. scilicet Kal. Iunias. Præterea intra octauam Corporis CHRIS TI Vesperas quotidie decantamus. Singulis similiter annis IV. Kal. Februarij dies festi SS. PAPA & MAURO martyribus solemnè apparatu celebratur, & manè eius diei festi res sacra Diacono & Subdiacono ministris peragitur. Vesperæ in Vigilia, & ipso die festo musico concentu decantantur. Porro in Vigilia etiam Matutinæ laudes ante cœnam, coram sacris eorum Reliquijs, à Sacerdotibus & Clericis nostris vnà recitantur, vt debitus honor patronis ecclesiæ & Congregationis exhibeatur. In translatione verò, quæ contigit III. Idus Februarij, idem seruatur; Missa tamen & Vesperæ solemniter non decantantur. Dies etiam festus S. Gregorij Papæ, Congregationis & ecclesiæ nostræ patroni, IV. Idus Martij est nobis, tam in primis Vesperis quam in Missa, admodum solemnis. Alios item Sanctos, quorum sacris Reliquijs vel insignioribus aucti sumus, ecclesiasticis officijs singulariter veneramus. Nam IV. nonas Maij, *Nerentem, Achilleum* & *Domitillam* martyres, duplici: VII. Nonas Iulij *Paternum, Cyprianum & Alexandrum* martyres, quibus dictum est altare, semiduplici: VI. Kalendas Augusti *Pansalonem* martyrem, semiduplici: XI. Kalendas Nouembris *Vrsulam* & socias virgines & martyres, semiduplici: XIX. Kalendas Ianuarij *Spiridionem* Episcopum & confessorum semiduplici similiter prosequimur. Quamuis verò nostri Ecclesiasticis officijs, Vesperis dierum festorum exceptis, ecclesiam non frequentent: cum tamen habetur aliqua singularis celebritas anniuersaria, vt die festo Purificationis B. Mariæ Virginis ad Candelas, in Capite ieiunij ad Cineres, Dominica Palmarum ad Oliuas, consueti maioris Hebdomadæ diebus ad Matutinas, Missam, aliasque solennes eius temporis ceremonias; die infuper festo omnium Sanctorum ad Vesperas, præter consuetas, etiam defunctorum, item ad Matutinas, sicut manè ad Missam; nocte tandem Natiuitatis D. N. IESU CHRISTI ad Matutinas & Missam in chororum ecclesiæ conuenire solent.

Sed iam ab hisce ferijs veniamus ad funera. Cum enim aliquis è nostra Congregatione è vita decesserit, singuli Sacerdotes tres Missas celebrabunt pro vita functo: qui verò sacerdotes non fuerint, nouem Coronas recitabunt; in loco verò, vbi defuncti corpus fuerit præsens, recitabitur Officium defunctorum: si manè fuerit, celebrabitur Missa solennis; sin minùs, sequenti die, diacono & subdiacono ministris, sex candelis accensis in altari, & quattuor facibus iuxta corpus. Absoluto autem officio, duæ ex illis remaneant vsque ad sepulcrum. Quod si absens obierit, priuatim recitabitur à Sacerdotibus

L

nocturn.

nocturnum officium Defunctorum; Missa verò solemnis, ut supra. Singulis item annis infra octavam omnium Sanctorum celebrabitur Missa solemnis pro defunctis nostræ Congregationis. Sine consensu Præpositi & Deputatorum res sacra non celebrabitur solemni apparatu pro vita functis exteris, videlicet diacono & subdiacono ministris; nec id ipsi facile concedent, nisi mortuus Prælatus extiterit, aut eximie dignitatis & honoris inter laicos, aut certe valde bene meritis de nostra Congregatione. Nullum recipietur à Congregatione nostra legatum de re sacra perpetuo peragenda: nisi forte iussu causa intercedat, & ex consensu Patrum expleti decennij.

Quæ autem hoc in loco de sacris Confessionibus videntur ponenda, hæc habent. Singulis diebus ferialibus aliquis ex Sacerdotibus, ad hoc muneris electis, morari debet in ecclesia ad Confessiones audiendas; Feria verò quarta & sexta, manè usque ad horam prandij omnes, & festis pariter diebus omnes excubare. Nemo tamen eorum admittitur ad audiendas Confessiones sine Patrum consensu, qui exegerint decennium in nostra Congregatione.

Cap. III. De salutarium sermone in ecclesia quam in Oratorio:

IN ecclesia nostra, die Sabbato ad vacandum excepto, quattuor quotidie, nisi etiam dies festi sint, cum aliquis tantum unus sermocinari solet à Sacerdotibus nostris, qui fuerint ad hoc oneris munerisque electi, ordinata successione, verba ad vulgi præsertim captum accommodantes, & ad nullam prorsus pompam vel vanum populi applausum declinantes, genere dicendi verè fructuoso, audientium animos pascunt; Sanctorum præsertim exemplis ac probatis Historijs sermonem confirmantes. Vitandæ enim sunt eis quæstiones difficiles, dogmatum tractatus, & quæcumque scholas decent magis quam Oratorium. Est autem eius consuetudinis, qui providè negotium id curat, statò tempore ad ecclesiam descendere, & inter alia, quæ patanda sunt; horologium ætænarium iuxta sedem sermocinantium ponere, & librum aliquem de salutaribus scriptum præceptis, aut de Sanctorum dictis & factis, ubi octo aut decem auditores præsentis viderit, lectitare; cum verò quindecim, vel ut summum viginti, ære campana hora consueta signum dare. Quo ille quidem auditò, cui primò dicendum est, ad locum festinat, & postquam legentem paulisper audierit, ligneam sedem sex vel octo circiter graduum ascensu sublimem conscendit; ætænarium horologium iuxta positum inuertit, quod semihoræ spatium præfiniat, & nullo vsus proæmio, ab argumento præsertim, quod in libro lectum est, sermonem orditur. In medio eius sermone surgit custos ad signum eadem grandiori campana iterum dandum: quo habitò alter dicturus secundo loco huc properat, & tantisper expectat, dum primus finem dicendi fecerit. Eodem penitus modo secundo succedit tertius, & tertio quartus. Nec horum cuiquam amplius hora dimidia datur: nec horologio solum, sed tintinnabulo, cum opus est, ad finiendum admonentur.

Sermonibus absolutis sacer concentu musico canitur hymnus: quo expleto is, qui dixit ultimus, ad Orationem Dominicam & Angelicam Salutationem ter secretè recitandam inuitat; & concio dimittitur. At Dominicis ceterisque diebus festis eorum unus, quibus ad dicendum sunt eiusmodi dies consignati, in ecclesia post vespertinum officium decantatum sermonem habet: cui semihoræ aliquantulum præterire, non tamen certas iam enarratas dicendi leges, liberum esse debet. Eisdem diebus à Kalendis Novembris usque ad celeberrimū Christi Domini Resurrectionis diem, sicut etiam Dominicis, manè toto anno, ab aliquo ex nostris sermo in Oratorio habendus est. Sed hac de re aliàs; nunc satis est referre nostras Constitutiones huc pertinentes. Ad sermonem habendum in Oratorio nullus admittitur ex nostris absque consensu Patrum, qui decennium expleverint in Congregatione. Ex exteris verò nullus inuitandus ad concionem habendam in Oratorio vel ecclesia, nisi ex Præpositi & quattuor Deputatorum consensu.

Cap.

Cap. IV. De statu Congregationis Oratorij perpetuo.

NVnc statum & formam Congregationis nostræ penitus immutabilem in promptu ponimus duobus decretis expressam. Horum primum his verbis sancitum est: Cum nostra Congregatio solo caritatis mutux nexu, neque ullis astricta votorum, iuramenti, aut premissionis huiusmodi vinculis, olim per B. Patrem Philippum Nerium fuerit divina inspiratione instituta, atque hæc fuerit eius & omnium Congregationis Patrum mens semper vnanimis, ac sit ut ita perseveret, decretum est, si quando aliqui ex nostris putaverint ab hoc statu recedendum, & alligare Patres fratresque ullis votorum, iurisiurandi, aut premissionis vinculis, etiamsi isti maiorem partem conficiant, ut sit ipsis quidem liberum, quam velint ingredi Religionem, sed altera pars quamvis numero longè impar habeat omnia bona Congregationis, quocumque loco posita, quamdiu perseveraverit in hoc statu, nec alteri quidquam dare vel acquisitum vel acquirendum teneatur. Sic enim conservabitur in Ecclesia Dei circumdata varietate. Hactenus decreti verba; ut inde etiam appareat Parentem optimum in Christo nostrum adduci non potuisse, ut suos alia via filios duceret, qui pro Christiana caritate Religiosos homines tam religiosè coluit, & pro singulari prudentia sanctissima tot Ordinum instituta votorum vinculis religare se volentibus eo tempore ad omnem Christianæ disciplinæ præstantiam satis esse novit.

Alterum decretum est: Ne quis prætextu ampliandæ Congregationis eam dissipet, atque ut confusio vietur, quam multitudo parere solet, arctiusque inter se, qui sunt e Congregatione, amoris vinculo colligentur, quem quotidiana consuetudo conciliat, ac mores cuiuslibet ipsorum ex hoc cognosci possint, & notorum vultus cuncti revereantur; statutum est, ne Congregatio alibi ullum locum recipiat, neque alterius Congregationis regendæ suscipiat onus. Si quæ verò aliorum locorum Collegia & Congregationes nostra instituta obtinuerint & servare voluerint, non sint illa quidem nostræ annexa, neque Clerici eorum sint e Congregatione Oratorij Romani. Quemadmodum esse debet instituti, ut vnaqueque Domus aut familia, nostræ formam imitata, separatim ab alijs se per se regat & moderetur.

Cap. V. De Præpositi & quattuor Presbyterorum deputandorum electione & munere.

AD Congregationis rerum quæ ad ipsam spectantium gubernationem & curam Præpositus primum eligitur, quæ etiam Patrem appellamus: deinde quattuor Presbyteri deputantur. De quorum omnium electione & munere sic decernit Congregatio. Nullus Præpositus eligitur, qui in nostra Congregatione quindecim annos non permanferit, quo temporis spatio Deputati vel Ministri sit fundus officio, & qui ætatis suæ annum quadagesimum saltem non attigerit. Electio Præpositi pertinebit ad omnes Sacerdotes Congregationis, qui exacto decennio fuerint admissi ad ius suffragij ferendi, Laici verò certò sciant, se nihil ad electionem Præpositi, Deputatorum, Præceptorumque iuris habere, munia assignata ex præscripto dumtaxat obturi. Tam Præpositus, quam Deputati, & ceteri Officiales eligi possunt etiam absentes. Præsebe debet in electione, absentiaque Præpositi, quasi Superior, qui primum e Sacerdotibus nostris tenet post Præpositum in Congregatione locum. Fiet autem Præpositi electio hoc modo: Qui erit a secretis, singulis electoribus schedulas dabit, in quibus scriptum vel typis impressum sit nomen eligendorum, ut illas in vas conijciant, videntibus duobus ad id muneris deputandis. Eductus autè, ipsæ duobus cernentibus, a Secretario clara voce legatur, & electus erit Præpositus, in cuius electione convenierint electores medietate plures. Hunc sanè modum eligendi, donec cõsentiat, decies repetere possunt: post decimam verò scrutiniū, si necdum in

nocturnum officium Defunctorum; Missa verò solemnis, ut supra. Singulis item annis infra octavam omnium Sanctorum celebrabitur Missa solemnis pro defunctis nostræ Congregationis. Sine consensu Præpositi & Deputatorum res sacra non celebrabitur solemni apparatu pro vita functis exteris, videlicet diacono & subdiacono ministris; nec id ipsi facile concedent, nisi mortuus Prælatus extiterit, aut eximie dignitatis & honoris inter laicos, aut certe valde bene meritis de nostra Congregatione. Nullum recipietur à Congregatione nostra legatum de re sacra perpetuo peragenda; nisi forte iussu causa intercedat, & ex consensu Patrum expleti decennij.

Quæ autem hoc in loco de sacris Confessionibus videntur ponenda, hæc habemus. Singulis diebus ferialibus aliquis ex Sacerdotibus, ad hoc muneris electis, morari debet in ecclesia ad Confessiones audiendas; Feria verò quarta & sexta, manè usque ad horam prandij omnes, & festis pariter diebus omnes excubare. Nemo tamen eorum admittitur ad audiendas Confessiones sine Patrum consensu, qui exegerint decennium in nostra Congregatione.

Cap. III. De salutari familiarium sermone, & usu, tam in ecclesia quam in Oratorio.

IN ecclesia nostra, die Sabbato ad vacandum excepto, quattuor quotidie, nisi etiam dies festi sint, cum aliquis tantum unus sermocinari solet à Sacerdotibus nostris, qui fuerint ad hoc oneris munerisque electi, ordinata successione, verba ad vulgi præfatum caput accommodantes, & ad nullam prorsus pompam vel vanum populi applausum declinantes, genere dicendi verè fructuoso, audientium animos pascunt; Sanctorum præsertim exemplis ac probatis Historijs sermonem confirmantes. Vitandæ enim sunt eis quæstiones difficiles, dignitatum tractatus; & quæcumque scholas decent magis quam Oratorium. Est autem eius consuetudinis, qui providè negotium id curat, statò tempore ad ecclesiam descendere, & inter alia, quæ patanda sunt; horologium ætænarium iuxta sedem sermocinantium ponere, & librum aliquem de salutaribus scriptum præceptis, aut de Sanctorum dictis & factis, ubi octo aut decem auditores præsentem viderit, lectitare; cum verò quindecim, vel ut summum viginti, ære campana hora consuecta signum dare. Quo ille quidem audit, cui primò dicendum est, ad locum festinat, & postquam legentem paulisper audierit, ligneam sedem sex vel octo circiter graduum ascensu sublimem conscendit, ætænarium horologium iuxta positum inuertit, quod semihoræ spatium præfinit, & nullo usus proœmio, ab argumento præsertim, quod in libro lectum est, sermonem ordiunt. In medio eius sermone surgit custos ad signum eadem grandiori campana iterum dandum: quo habito alter dicturus secundo loco huc properat, & tantisper expectat, dum primus finem dicendi fecerit. Eodem penitus modo secundo succedit tertius, & tertio quartus. Nec horum cuiquam amplius hora dimidia datur: nec horologio solum, sed tintinnabulo, cum opus est, ad finiendum admonentur;

Sermonibus absolutis sacer concentu musico canitur hymnus: quo expleto is, qui dixit ultimus, ad Orationem Dominicam & Anglicam Salutationem ter secretò recitanda inuitat; & concio dimittitur. At Dominicis ceterisque diebus festis eorum unus, quibus ad dicendum sunt eiusmodi dies consignati, in ecclesia post vespertinum officium decantatum sermonem habet: cui semihoræ aliquantulum præterire, non tamen certas iam enarratas dicendi leges, liberum esse debet. Eisdem diebus à Kalendis Novembris usque ad celeberrimū Christi Domini Resurrectionis diem, sicut etiam Dominicis, manè toto anno, ab aliquo ex nostris sermo in Oratorio habendus est. Sed hac de re aliàs; nunc satis est referre nostras Constitutiones huc pertinentes. Ad sermonem habendum in Oratorio nullus admittitur ex nostris absque consensu Patrum, qui decennium expleverint in Congregatione. Ex exteris verò nullus inuitandus ad concionem habendam in Oratorio vel ecclesia, nisi ex Præpositi & quattuor Deputatorum consensu.

Cap.

Cap. IV. De statu Congregationis Oratorij perpetuo.

Nunc statum & formam Congregationis nostræ penitus immutabilem in promptu ponimus duobus decretis expressam. Horum primum his verbis sancitum est: Cum nostra Congregatio solo caritatis mutue nexu, neque ullis astricta votorum, iuramenti, aut premissionis huiusmodi vinculis, olim per B. Patrem Philippum Nerium fuerit diuina inspiratione instituta, atque hæc fuerit eius & omnium Congregationis Patrum mens semper vnanimis, ac sit ut ita perseveret, decretum est, si quando aliqui ex nostris putauerint ab hoc statu recedendum, & alligare Patres fratresque ullis votorum, iurandi, aut premissionis vinculis, etiamsi isti maiorem partem conficiant, ut sit ipsis quidem liberum, quam velint ingredi Religionem, sed altera pars quamuis numero longè impar habeat omnia bona Congregationis, quocumque loco posita, quamdiu perseverauerit in hoc statu, nec alteri quidquam dare vel acquisitum vel acquirendum teneatur. Sic enim conseruabitur in Ecclesia Dei circumdata varietate. Hactenus decreta verba; ut inde etiam appareat Parentem optimum in Christo nostrum adduci non potuisse, ut suos alia via filios duceret, qui pro Christiana caritate Religiosos homines tam religiose coluit, & pro singulari prudentia sanctissima tot Ordinum instituta votorum vinculis religare se volentibus eo tempore ad omnem Christianæ disciplinæ præstantiam satis esse nouit.

Alterum decretum est: Ne quis prætextu ampliandæ Congregationis eam dissipet, atque ut confusio vitetur, quam multitudo parere solet, arcuusque inter se, qui sunt in Congregatione, amoris vinculo colligentur, quem quotidiana consuetudo conciliat, ac mores cuiuslibet ipsorum ex hoc cognosci possint, & notorum vultus cuncti reuerentur; statutum est, ne Congregatio alibi vllum locum recipiat, neque alterius Congregationis regendæ suscipiat onus. Si quæ verò aliorum locorum Collegia & Congregationes nostra instituta obtinuerint & seruare voluerint, non sint illa quidem nostræ annexa, neque Clerici eorum sint in Congregatione Oratorij Romani. Quemadmodum esse debet instituti, ut vnaquæque Domus aut familia, nostræ formam imitata, separatim ab alijs se per se regat & moderetur.

Cap. V. De Præpositi & quattuor Presbyterorum deputatorum electione & munere.

Ad Congregationis rerumque ad ipsam spectantium gubernationem & curam Præpositus primum eligitur, quæ etiam Patrem appellamus: deinde quattuor Presbyteri deputantur. De quorum omnium electione & munere sic decernit Congregatio. Nullus Præpositus eligetur, qui in nostra Congregatione quindecim annos non permauerit, quo temporis spatio Deputati vel Ministri sit functus officio, & qui ætatis suæ annum quadragesimum saltem non attigerit. Electio Præpositi pertinebit ad omnes Sacerdotes Congregationis, qui exacto decennio fuerint admissi ad ius suffragij ferendi, Laici verò certò sciant, se nihil ad electionem Præpositi, Deputatorum, Præceptorumque iuris habere, munia assignata ex præscripto dumtaxat obituri. Tam Præpositus, quam Deputati, & ceteri Officiales eligi possunt etiam absentes. Præfesse debet in electione, absentiaque Præpositi, quasi Superior, qui primum est Sacerdotibus nostris tenet post Præpositum in Congregatione locum. Piet autem Præpositi electio hoc modo: Qui erit à secretis, singulis electoribus schedulas dabit, in quibus scriptum vel typis impressum sit nomen eligendorum, ut illas in vas conijciant, videntibus duobus ad id muneris deputandis. Eductus autè, ipsè duobus cernentibus, à Secretario clara voce legetur, & electus is erit Præpositus, in cuius electione conuenerint electores medietate plures. Hunc sanè modum eligendi, donec cōsentiant, decies repetere possunt: post decimū verò scrutiniū, si necdū in

unum pars maior media conspirauerit, compromissum fiat, ut scilicet quinque solum ex electoribus Præpositum è duobus tantummodo deligant, in quos plura suffragia ex quacumque disquisitione hæcenus collecta concurrerint. Quod exemplo declaratur. Si enim duo vel plures octauum sibi numerum in suffragijs obtinuerint; vel unus aut plures octauum, alij verò septimum; tunc ceteris omnibus reiectis, horum tantum electus electoribus habendus est. Ipsi autem electores quinque compromissarij, quibus scilicet datum est arbitrium deligendi Præpositum, in ipsa tunc simul Congregatione ita sunt deputandi, ut singuli ad eam electionis potestatem plures sibi suffragantes habeant (non enim plura medietate suffragia in ipsis deligendis requiruntur) & ex illis constituantur qui non fuerint inter primos eligendos numerati. His enim duobus eo tempore nulla ad huiusmodi electionem relinquunt facultas; sed actiua simul, ut dicitur, & passiuæ vocis priuantur. Si quando tandem schedulis ductis compromissarij pares extiterint, electus habeatur qui debito in Congregatione sibi loco alijs pariter concurrentibus præstat.

Tres annos duret Præpositi munus, & confirmari possit tertio quoque anno, Congregationis arbitrio. Ad eandem mensam vnà cum ceteris accedet & assidebit; nisi impediat inualetudo. Nihil singulare habeat in ecclesia, mensa, cubiculo, domi, forisue, præter locum primarium, & laicum ex nostris à Deputatis assignandum, qui omnem in eius obsequium conferat operam. Circa rem familiarem & bonâ Congregationis administratione vtatur accurata, præstetque nostris ad victum & vestitum necessaria. At verò pauperibus, aut alijs qui non sunt ex nostra Congregatione, quolibet mense nummi aurei summam poterit elargiri. In maiori quidem summa, quotiescumque eiusmodi largitionum se dederit occasio, quattuor Deputatorum requirit consensum; cum verò decem nummos aureos excedere contigerit, totius Congregationis. Idem in alijs cuiuslibet completi operis aut negotij seruet impensis extraordinarijs, & ad victum aut quotidianum familiæ nostræ vsum nihil attinentibus. Totius Congregationis gubernandæ, omniumque curandarum quæ ad eam spectant, prima potestas sit penes Præpositum: ad ipsum enim solum pertinebit Congregationem, cum opus fuerit, convocare, tractanda proponere, ritè constituta perficienda curare: exigere quoque rationem actorum vel agendorum à singulis nostrorum, quibus est aliquod munus vel onus quomodolibet vbiq; locorum mandatum, & videre ut singula rectè expediantur. Convocabit ad hoc Congregationem quattuor Deputatorum saltem qualibet hebdomada: sine quorum consensu nihil ager quod spectet ad vniuersalem gubernationem Domus, & eligendos aut amouendos Officiales. A Præposito enim & quattuor Deputatis ceteri officiales & ministri triennium duraturi eligentur; excepto Confessario, ad quem eligendum plures ex electoribus convenire debent in ipsa Congregatione proximè post Præpositum & Deputatos electos: horum enim nullus ei muneri præficiendus est.

Domesticis autem officijs præfecti, quos Officiales dicimus, suis nominibus satis noti, sunt qui sequuntur: Sacerdos à Confessionibus. Corrector ex senioribus, qui secretò corripit errantes. Minister, qui rebus domesticis administrandis, Præpositi sententia consultata & explorata, det operam. Præfectus Sacrarij, cuius paternæ curæ Sacrarij ministerio assignati committuntur, sicut Ministro ceteri laici omnes. Custos Sacrarij. Præfectus Oratorij, & adiutor, Præfectus Sermocinantium in ecclesia. Præfectus Cæremoniarum. Præfectus Musicæ, Receptatores hospitum duo. Monitor precum, quas debemus commendatis in mensa vesperi. Tironum Præfectus. Custos depositæ pecuniæ. Negotiorum domesticorum Procurator, & adiutores. Bibliothecarius, & adiutor, qui non permittant è communi bibliotheca libros extrahi. Minister infirmorum, & adiutores. Præfectus adificiorum, & adiutor. Præfecti corrigendis legentium erroribus in mensa duo. Aromatariz Præfectus, & Aromatarius. Pecuniarum Exactor, & Dispensator. Custos suppellectiliû. Cellæ Penuriaz Custos. Cellæ vinariz Custos. Custos triclinij. Janitores. Hos præsertim Congregatio singulos huiusmodi constitutione voluit admonitos: Nemo munus à Congregatione, seu Præposito & Deputatis demandatum recuset, sed omni animi demissione suscipiet. Quod si aliqua ex causa sibi recusandum iudicabit, post-

postquam ea, quæ senserit, debita modestia semel aut iterum exposuerit, nec Præpositus & Deputati approbauerint, iniunctum munus sine ulla amplius exultatione accipiet.

De Deputatis autem cum Præposito eodem tempore eligendis hæc habentur. Post electionem Præpositi statim eliguntur ei quattuor ex Presbyteris, qui decennium transferant in Congregatione, ex quo sunt admissi ad primam probationem, & ius habeant eligendi à tota Congregatione: de quorum consensu, ut dictum est, cuncta à Præposito aguntur, quæ ad vniuersalem Congregationis gubernationem pertinere ipse iudicauerit. Ab eisdem ergo Presbyteris omnibus exacti decennij eodem modo, quo supra vsque ad tertium scrutinium, eliguntur quattuor Deputati, singuli separatim, in eadem Congregatione: post tertium verò scrutinium, nullo facto compromisso, duo eligantur, in quos plura fuerint suffragia in illa trina disquisitione collata. Si verò plures pariter concurrant eligendi, duo tantum, ceteris reiectis, ad electionem peruenire possunt; illi scilicet qui alijs de more præire debeant in Congregatione. Exemplum proponimus. Si scrutinio ter peracto, in octauum aliter suffragiorum numerum peruenierit, alter verò in septimum; hos dicimus duos, ceteris cuncti suffragio priuatis, ad Deputati munus per scrutinium prouehendos. Quod si plures septimum illum numerum obtineant, ille ex eis scrutinio similiter eligendus erit, exclusis alijs, qui debeat eis in Congregatione antecedere: si rursus patia duorum fuerint eligendorum suffragia, is similiter habeatur Deputatus, qui ex instituto alterum inter nostros sit solitus anteire. Vnus è quattuor Deputatis triennij præteriti (tres enim annos durat cuiusque munus) aut etiam, si placebit, duo confirmantur in tres alios annos, qui post illos confirmari amplius non possint. Ex Deputatis item eligetur aliquis à Secretis, ex ipsorum consensu Deputatorum, qui singula decreta à Congregatione vniuersali, vel à Præposito & quattuor Deputatis in libro ad hæc conficiendo notabit, & litteras, ad quos continget, scribet. Litteræ autem omnes, quæ negotia continent, in alio libro sunt excribendæ. Deputatorum erit præterea, cum Præpositus decesserit, vel finierit eius munus, seniores prædictum monere, qui eius vice interim fungitur, ut conuocet ad electionem Præpositi conuocandos. Quod si ille negligat, ipsi conuocabunt. Si nemine dissentiente ipsis videbitur cessatio muneris concedenda vel indicenda Præposito, ob iustam causam quattuor è Sacerdotibus exacti decennij aduocabuntur. Quod si his videbitur, iidem conuocent Congregationem, à qua deponatur, & eligatur nouus Præpositus, sicut iam supra dictum est; eo modo tamen seruat in Præposito deponendo, qui in eijsciendis tenendus est.

Singulis annis mense Ianuario aliquis ex Deputatis, cum altero non Deputato, rationem omnium expensarum, quæ toto anno fiunt, singillatim inibit, eamque initam in publica Congregatione referet; ut appareant omnibus, quæ superiori anno factæ sunt expensæ, pateatque singulis contrariumne sit res alienum, & quota sit summa rei familiaris & bonorum omnium nostræ Congregationis.

Cap. vi. De admittendis in Congregationem, & eijciendis ex ea.

NOSTRÆ Congregationis Patres, B. PHILIPPI Institutoris optimi morem secuti, non nisi homines præbatæ vitæ, maxime idoneos & quasi ad institutum natos, recipi volunt ad suorum numerum aggregandos, etiam ad hunc modum factis decretis. Minores duodeviginti annis, ac maiores quadragintaquinque, ad primam probationem non recipiantur; neque ij, quos Canones ab Ordinibus arcent, nisi in ordine laicorum sint omnino permansuri: non infirmæ valetudinis; non ij qui ingressi sint aliquam Religionem; non nisi bonæ apud omnes famę, qui Oratorij nostri frequentes fuerint auditores, & orationibus interfuerint, & sepius alicui ex nostris sacerdotibus soliti fuerint confiteri, & experimentum ceperint instituti nostri. In his tamen omnibus, si ita videatur Patribus qui decennium expleuerint in Congregatione, poterit dispensari. Duo ex nostris Presbyte-

ris à Congregatione eligentur, qui diligentem adhibeant curam circa eos qui admittendi sunt in Congregationem; vt vel antequam admittantur, eorum vita & mores omni studio explorentur. Eapropter crebra cum illis inibunt colloquia, vñ cum ipsis versabuntur: nec his contenti, ab illis etiam certos reddantur cura eiusdem erunt patriæ, & quibuscum antea quo tempore, quàm recipiantur, fuerint versati. Referre autem debent duo electi ad Congregationem iterum conuocandam quæcumque de illis habuerint, si quomodo scire intersit, antequam secretò suffragia ferantur. Præter duos Patres, quos eligendos ad id munus diximus, alij etiam Patres diligenti cura exquirent, quæ hætenus præfatus sumus, & num animo veniant permanendi semper vsque ad vitæ obitum in Congregatione, non alio prætextu, quàm vt Deo inseruiant, & obseruent nostræ Congregationis Instituta seu Constitutiones: quas propterea, antequam recipiantur, legendas Patres offerent, quò rem totam maturiore consilio deliberent.

Quomodo autem oporteat admittendos expeditas habere res suas familiares & domesticas, habetur cap. 8. Antequam enim per secreta suffragia admittantur, debent esse expediti ad viuendum nobiscum & habitandum; ne sic admissi extra Congregationem degant, præter tempus dierum aliquot, vt ad summum, quindecim. Admissi ad primam probationem, non continuò tironibus aggregabuntur, sed mensem veluti hospites in nostris ædibus morabuntur, vt interim omnia nostra cognoscant ac maturius deliberent, & è contrà ipsorum periculum fiat, si prompti sint in omnibus parere, vel in humillimis ac durissimis: si exercitationibus sanctarum meditationum & Sacramentorum sint à se ipsi deuoti: non contentiosi, non pertinaces, non superbi vlla omnino in re aduersus maiores aut etiam minores. Si bonum sui specimen dederint, post mensem eorum nomina in libro ad hæc destinato notabuntur; & inde annus primæ probationis incipiet: per quod anni spatium si fuerint in vitæ laudabilis ratione versati, in securâ probatione biennium consistent; alioquin dimittentur à Præposito & Deputatis, quorum est munus ad primam & secundam probationemmittere. Ex quo autem triennio, si laudem simili modo probatæ vitæ habuerint in conspectu, vt esse possint in Congregatione, nominatim decernendum est. Aggregabuntur ergo per secreta suffragia, poteruntque deinceps ad omnia ministeria, excepto Præpositi & Deputati munere, eligi. Ius autem ipsi alios eligendi post decennium solum habebunt, nisi de consensu Deputatorum Præpositus hoc ius ex causa statuerit differendum. Quòd si quis eorum, alia nulla intercedente causa nisi obliuionis aut modestiæ, ad tempus non petierit, quod à Congregatione fuisset accepturus, cum in nostrorum catalogum admissus referretur, ab eo tempore censetur aggregatus, quo expletum fuerit consuetum triennium vel decennium. Admittere ad Congregationem & ad omnia supradicta, pertinebit ad sacerdotes expleti decennij, & stabitur maiori parti suffragiorum; ad primam tamen & secundam probationem, vt dictum est, ad Præpositum & Deputatos. Nemo possit expelli è Congregatione, nisi primò in ynum locum congregati fuerint omnes Presbyteri, qui decennium exegerint in Congregatione, numerandum à die qua sunt admissi ad primam probationem, & singuli suum suffragium dederint, & quod duæ è tribus partibus statuerint, vt id fiat. Quòd si in tres partes non poterit fieri Presbyterorum æqua distributio, tunc seruabitur ratio, quæ est octo ad tredecim aut quattuordecim; ita vt octo, exempli gratia, constituant duas partes, siue tredecim sint Presbyteri, siue quattuordecim. Nemo possit expelli è Congregatione, nisi propter iteratam grauemque pertinaciam, vel graue delictum: sed qualia sint singula huiusmodi, stabitur iudicio duarum partium è tribus numerandarum, vt suprà.

Cap. vii. De Tironum institutione.

Admitti ad primam probationem, siue Clerici siue sacerdotes, donec fuerint expleto triennio nostris adscripti, eius curæ commendantur qui id muneris in Congregatione sustinet. Is ad fructum animarum omnia referens, præter virtutum singulare studium

dium, quarum maxime compotes esse nostros oportet, curet alia quedam proponere, quæ sunt hæcenus observata: ut videlicet Sacro quotidie inferuiant; à studiis litterarum Superioris arbitrio abstineant. Hęc enim moderanda primùm, ut diuina sapientia imbuti discant amare nesciri. Ad mensam signo dato sine ulla mora conueniant, ibique ex præscripto, Ministratoris, vel Lectoris officio fungantur. Singuli ministrent vel legant singulis diebus aut hebdomadis, tam prima quam secunda prandii vel cœnæ hora: qui verò ex eis Sacerdotes fuerint, ad primam non nisi manè ministrare solent. Lectionem similiter in ecclesia, ut cuique sua fuerit constituta hebdomada, sermonibus præmittant, inter sint, dum habentur: atque etiam curent, ne quid omittatur eo tempore quod esse solet institui. Eam verò ministrandi & legendi consuetudinem iam aggregati ad decennium vsque retineant, vel circiter, Superiorum arbitrio, Praepositi scilicet & Deputatorum. Vbi finem sermões habuerint, quorum quotidie duos vel saltem vnum audierint, ut etiam valetudini quadam ex parte inferuiant, in aliquam ambulationem veniant. Vespero ad orationem in Oratorium se conferant. A prandio & cœna, animi recreandi gratia, per horæ spatium, eorum quisque in vnum cum alijs locum adueniat, & omni mitigata seueritate, vultu hilariore, non odesset tamen, si se gerat, ne alium vel jocò tangat. Si quis eorum per sanitorem accersatur ab aliquo, statim ad portam domus descendat, se paucis expediat, & neminem externorum in cubiculum suum vel omnino in aedes nostras, in scio Superiore, admittat. Nec domo, nec soli, nisi facultate ab eodem data, aliquando exeant. Nulla externorum negotia, vel quæcumque in Congregatione degentibus seu consuetudine siue decreto aliquo sunt denegata, sine Praepositi etiam licentia, administrent aut conficiant. Ab administratione Sacrorum, ipsoque Sacratio festis diebus vix, necessitate cogente, recedant. Altare, cuius quisque curam suscepit, et tempore congruit, ex vicissitudine Ecclesiastici ministerij ornet. Ter in hebdomada assignato Confessario peccata sua confiteantur, & qui non fuerint Sacerdotes, eius arbitrio Eucharistiam accipiant.

Curent, si quid errauerint, ut spontè se correctioni subijciant. De Congregatione autem, ad quam conuenientes in aliqua se culpa esse demonstrant, extat huiusmodi nostrorum constitutio. Congregatio culparum Tironum, id est, eorum qui nondum triennium in nostra Congregatione exegerint, siue Sacerdotes sint siue Clerici, singulis fiet hebdomadis: ut scilicet ad omnium communem veniant, & ea hebdomada, in qua non habetur communis, privatim apud illum, cuius curæ sunt commendati, ad suas culpas coarguendas, congregentur. Adhibere etiam, loco accusationis iam dictæ, aliquando solent probati cuiusquam auctoris lectionem, ex qua saluberrimis vicissim documentis, per communicationem & diuinorum collationem, imbui possint.

Cap. VIII. De præcipuis nostrorum observationibus.

AD excolendos diuiniore disciplina suorum animos, & ad Christianam veramque pietatem magis conformandos, hæc præsertim interposita decreta seruat Congregatio. Ter in hebdomada sua peccata Sacerdoti ad hoc delecto quilibet confiteatur: nisi aliqua interdum de causa permittatur ab ipso quispiam aliter facere. Hanc tamen consuetudinem à B. Philippo Patres instituti perutilem ad salutem æternam volunt & prædicant. Ad Eucharistiam similiter fumendam se parat, sumatque si videatur eidem cui confessus fuerit. Congregatio (ut dicimus) culparum decimoquinto quoque die perpetuò fiat, in qua non modò Sacerdotes intererunt, sed clerici laicique omnes nostræ Congregationis: & à nouissimis ad primos quisque commissam à se aliquam in consuetudine familiari culpam, etiam leuem, flexis genibus accusat, & quoquo modo alicuius animum offenderit, petit ab illo veniam. In hac tamen accusatione publica nulla earum rerum mentio est, quarum secreta apud Sacerdotem debet esse confessio. Nemo ex Sacerdotibus alios corrigat, qui decennium sacerdotij non expleuerit in Congregatione. Statuto

igitur

igitur die congregatis omnibus, invocato primùm, ut moris est, à Præposito in sacris precibus Spiritu sancto, ille è Sacerdotibus, cuius est ex ordine alios corrigere (solent enim in huiusmodi munere sibi invicem succedere) in sella ad Præpositi dexteram locata vocatus assidet, & per breui sermone ad inflammandos in Deum animos utiliter præmissis fungitur, in spiritu lenitatis, officio Correctoris, ac dum clericos corrigit & Sacerdotes, caput detegit: quod in laicis corrigendis non solet. Præpositum insuper corrigendum detecto capite stans admonet. Laici & Clerici, ubi suas culpas accusauerint, correcti, & à Præposito de aliqua vitiosa consuetudine emendanda vel laudabili retinenda quàm brevissimè etiam admoniti, simul discedunt. Singuli deinde Sacerdotes, qui adhuc infra triennium approbationem expectant, sese culpant: his pariter abeuntibus remanent ceteri Sacerdotes, quorum accusatione expleta & correctione adhibita, Præpositus Deo gratias agit precibus consuetis. Præscribitur autem forma, ut dici solet, penitentiarum, quam in illis conscribendis nullo modo transgredi liceat. In schedulis autem scriptæ eodem die, quo fuerint accusatæ culpæ, vespere in triclinio, sub cœnæ finem, per manus è sacculo singulis distribuuntur. Hac distributione facta, ut sorte obtenerit, ordinatim & æquè legat coram omnibus quisque suam.

Eligetur præterea, ut suprà diximus, aliquis ex senioribus, qui *Correctoris* officio fungatur. Huius erit vnumquemque è nostra Congregatione, etiam Deputatos & Præpositum, clam corrigere: quod tamen non unus omni mansuetudine & animi lenitate exequetur; seipsum, ut ait Asellolus, considerans, ne & ipse teneatur, ita ut se potius & vitia sua corrigere videatur; ut hac ratione fratres ad meliorem frugem reducat. Quod domesticæ tandem disciplinæ studium postulat, ea hebdomada, in qua nulla est communis accusatio culparum, laici omnes nostræ Congregationis cuius ministerio assignati apud Ministrum convenire debent, ut ab illo erudiantur, & ad tenendam salutis æternæ viam benignè instituuntur. Ad hæc, ne nostri inflammentur avaritia, vel ambitio prolabantur, ne modestiam leviter abijciant, vel temerè auctoritatem teneant, his, quæ sequuntur, constitutionibus aliqua ex parte cautum est.

Quò Deo diviniſque rebus expeditissimè, quicumque admittuntur in Congregationem, se tradere possint, id maximè videbunt in primis, ne quid litigiosum sit vilo modo in rebus familiaribus quas habent; sciantque cuiuslibet anni redditus expendendos in bonos, quos ipsi iudicaverint, usus, neque quidquam cumulandum: ne quis scilicet è nostra Congregatione ullam curam ponat in divitijs parandis; imò verò ex censu pro suis cuique facultatibus in commune commodum Congregationis liberè conferendum est. Quod à nostris adedò servatum est hæcenus, ut si quis ob inopiam id non præstiterit, vel præstare intermiserit, statim atque de suo abundantior quoquo modo factus est, pecuniam pro rata portione dare ac solvere non destiterit. Ita eis conveniens ac consentaneum semper visum est stipendijs proprijs militare, & à rebus etiam Congregationis tamquam ab alienis abstinere, quibus ipsa debet in primis non habentes vnde vivant sustentare suos. Nec propterea pecuniam imperat Congregatio, dum exigit quod à hilari datore ex instituto pro victu offertur, idque etiam prout cuiusque facultates ferunt.

Postulant etiam Præpositus & Deputati partem vel totum assignatorum proventuum remittere, si eis videatur aliqua de causa id faciendum. Omnia secularia negotia interdicunt nostris, nisi aliquid iusta de causa mandetur expediendum à Præposito & quattuor Deputatis. Nulli ex nostris, quamvis fuerit requisitus, profiteri licebit sub aliqua Congregatione vel Societate extra Domum, vel aliquod onus suscipere sine consensu Congregationis. Cum sint multi in Ecclesia Dei, qui audiendis monialium confessionibus aut dant operam, aut dare optimè possunt; propterea, nequis à instituto Congregationis nostræ proprio possit abduci, statutum est, ne nostrorum aliquis sese obliget aut dedat confessionibus audiendis, moribus reformandis, rebusque earum gerendis. Idem dicimus de Seminarijs, Collegijs, Congregationibus, Societatibus, aut alijs Universitatibus, rebusque earum quomodolibet tractandis. Nemo Episcopus, Præsul, aut alia, quæcumque ea sit, dignitate ornatus recipiatur in ædes Congregationis, ut in ijs vna cum nostris

nostris moraturus habitet, etiam si id fiat ad aliquod tempus. Nulla ecclesiastica beneficia petere aut accipere unquam omnino possint: habita olim, si residentiam personalem non requirant, poterunt retinere. Dignitates vllas nemo possit accipere, nisi Pontifex iubeat. Nec licebit absque Præposito & quattuor Deputatorum consensu frequentare Curias, neque officia vel beneficia pro se vel pro alijs exposcere. Nulli sit proprius famulus: si qua aliquem necessitas premeret, deferet ad Præpositum, qui una cum quattuor Deputatis, quid ei opus sit, curabit. Nec sinat quis pueros ingredi cubiculum suum, nisi ducantur ab alijs, qui testes intersint, reliquos admodum parcè admittant, sed vocati deorsum ad illos se conferant. Non admittatur aliquis ad quoscumque Ordines ecclesiasticos absque consensu Sacerdotum, qui decennium exegerint in nostra Congregatione: eodem modo nec ad Sermones habendos, vel ad Confessiones audiendas, sicut alibi dictum est. Nemo librum imprimendum det absque licentia Præpositi & Deputatorum. Nulla lex à Sanctissimo confirmanda proponatur, nisi prius in eam consenserint Presbyteri exacti in Congregatione decennij. Quando lex aliqua vniuersalis constituta est, Sacerdotes omnes intersint qui expleuerint triennium, votumque consultium habeant; decisuum verò tantum qui decennium compleuerint. Cum aliquid gerendum proponitur, antea publica & libera de ea re habeatur à Patribus consultatio; deinde aliquot transactis diebus suffragia erunt secreta: nisi forte rei necessitas, utilitas, vel etiam aliquando modicitas, expediti statim post consultationem, de Congregationis sententia, per secreta suffragia, cogant. Sed sicut dictum est, licet Sacerdotes omnes admittantur qui exegerint triennium in Congregatione, votumque consultium habeant; decisuum tamen solum modò illi qui decennium expleuerint.

Cap. IX. De vestitu & consuetudine familiari.

HAs præterea Constitutiones & Observationes ad externam nostrorum hominum modestiam exhibemus. Ipsi ad interiorem animi virtutem habendam adhibere non negligant. Nemo ex Patribus nostris aut Patribus sericum quidquam in suis vestibus gerat, præter breue pressumque verticis operculum, confouendo capiti, & velum interiori pileo insuendum. Forma item vestium semper seruetur conueniens Clericis secularibus. Nostris laici gerent vestem demissam usque ad genua; paulò verò inferius pallium. Qui ex domesticis impensis vestiuntur, quoties opus fuerit, Ministrum adeant, vel ipso absente Præpositum, cuique proponant, quibus indigent; ipsi autem ad subueniendum expositi, caritatis affectu valent, eorum petitionibus satisfaciant. In vestitu, incessu, sermone, gestuque omni decorum seruent, modestiamque omnem singuli præ se ferant; nulla tamen appareat nostrorum actio, ut dicitur, singularis, à vulgari & communi bonorum & simplicium virorum moribus discrepans. Quamquam verò nostrorum est consuetudo peculiaris, ut se inuicem honore præuenientes, & sibi inuicem obsequentes, quisque velit, ad demittendum animum, infimum inter alios tenere locum; ne tamen perturbetur quasi cuiusdam antecessoris aut ætatum ordo, præsertim publicè in sedendo & incedendo, aliisque actibus huiusmodi, ex Sacerdotibus præcedent illi qui priores fuerint Sacerdotes, ex quo admissi sunt in Congregationem: ita tamen ut si quis ex clericis exacti triennij promotus fuerit ad Sacerdotiū, tironibus Sacerdotibus, illis videlicet, qui nondum triennium in Congregatione exegerint, præferatur. Laici autem semper clericis postponentur. Post prandium & cœnam morabuntur omnes nostræ Congregationis homines in loco deputato per horæ vnius spatium: quo elapso omnes in suum cubiculum sese conferant. In electione vacantium cubiculorum erit optio penes seniores Sacerdotes, nisi aliter visum fuerit Præposito & Deputatis. Domo non egrediatur quisquam ex nostris sine permissu Præpositi, nisi expleuerit decennium in Congregatione: exacto enim triennio ad hoc usque tempus illos, vel maxime Sacerdotio nondum præditos, Præpositus per se vel per alium peculiari quadam cura ad virtutum progressus iuvare solet. Inuitatus ad prandium vel ad cœnam extra domum nemo accedat

M

cedat

cedat absque permisso Præpositi. Nemo externorum ad prandium vel ad cœnam, inscio Superiore, inuitetur, multò etiam minus hospitio; nisi vno omnium consensu Præpositi & Deputatorum. Ex cæteris aliquem nullus Patrum aut Fratrum inuitet ad prædia quæcumque nostræ Congregationis, nec recipiat, vt secum ibi moretur, sine consensu Præpositi Congregationis. Nullus abesse vltra mensem à Congregatione permittatur à Præposito, siue in patriam profecturus sit siue aliò; nisi de consensu etiam Deputatorum. Nullus è nostra Congregatione in baptismo aut alio Sacramento quempiam suscipiet.

His aptè congruenterque addenda sunt etiam nonnulla, quæ diuturna consuetudine recepta & probata studiosè retinentur à nostris. Litanias enim in Oratorio vesperi singulis hebdomadis singuli Sacerdotes recitant. In diuino sacrificio Missæ non solum singuli quotidie Clerici laicique deseruiunt, sed Sacerdotes complures, laude quidem digni, sunt administri. Mensæ, præter laicos & Clericos, qui perpetuò ministrant alterni singuli etiam Sacerdotes vespere singulis diebus ministratores ad sunt. Neque desunt ex nostris, qui se frequenter ad de mos infirmorum hospitales conferant, vt cætera sua ægrotautes iuuent. Domi verò cum quis nostrum ægrotauerit, omnes frequentes adiunt, subueniunt, consolantur, inferuiunt, confirmant quàm diligentissimè. Cum autem morti proximus quis fuerit, signo dato conueniunt omnes tam Sacerdotes quàm ceteri, vt diuinam morienti misericordiam vnanimes exposcant. Si quando alterum quis videri offenderit, vesperi inter cœnandù, re dubia iam explicata, flexis in medio trichinio genibus, faciès se rectum, venià ab illo petit, quem offenderit. Is verò assurgens, idem quæ faciens, culpam in se saltè conuertit, quòd occasionem dederit; iniuriosus autè merita afficitur à Præposito pœna, aliquando leui, aliquòd nulla. Pœnæ autè, quæ culpis in Congregatione bis in mense accusatis imponi solent, sunt huius seie generis. Trium priorum Sacerdotum aut nouissimorum pedes in mensa deosculari: Psalmum, cuius initium *De profundis*, submissa voce, extensis brachijs, vel Psalmum *Miserere*, coniunctis manibus, medio in trichinio recitare: In nouissimo mensæ loco recumbere: Humi sedendo cibum capere: Auxiliare præces ab ingredientibus trichini flexis genibus flagitare, vel easdem petere ad delenda ante obitum cœnando peccata: Ante mensæ accubitum aliquid à singulis recumbentibus eleemosynæ nomine petere: Secundæ mensæ ministrare, vel in ea Lectoris officio fungi: Sacram B. MARIÆ Virginis coronam pro suo Pontifice, aut pro beneficiis in Congregationem nostram, aut pro mortuis nostris recitare: Infirmos, qui sunt in domibus hospitalibus, inuisere; & aliæ his persimiles.

Cap. x. De Trichinio & communi mensæ

Assumenda tandem est tractatio mensæ ad pium in Trichinio conuiuium instructæ, ubi singulis nostrum idem genus, eadem portio cibi potionisque suppetit. Legitur ipsa Italicè quandoque inter cœnandù, arbitrato Præpositi vel Ministri, hoc serè scripta exemplo. Cum primum prandij aut cœnæ datum fuerit signum, unusquisque nostrum in omni prorsus opere ac negotio cessans, ad trichinium se confert. Inter eundem silentium facit, etiam dum à mensa ad locum peruenit, in quem homines nostri ad animum recreandum conuenire debent. In ipso primum ingressu, capite inclinato veneratur Imaginem factam è conspectu propositam; deinde consueto reuerentiæ signo salutans alios, modestus ac silens, propè mensam, vt suo stat quisque loco, nec epulas appositæ, nec alios ingredientibus curiosè circumspicit. Præpositus, vel qui eius absentes locum obtinet, postquàm tantisper expectauerit, dum ex cubiculis conuenire huc omnes potuerint, clarè ac distinctè, ex præscripto S. Romanæ Ecclesiæ, mensæ benedicit, & in primo loco ipse Præpositus assidet, deinde alij, vt quousquisque solet in Congregatione præcedere. Si quis verò tardior, lectione tamen Latina nondum absoluta, aduenierit, stans propè ianuam orat paulisper tacitus, & Præposito reuerentiam exhibens, proximè post alios omnes assidet. Præposito enim absenti, reuerentiæ & obsequij causa, non autem alijs, proprius relinquitur in mensa locus. Post Latinam tamen mensæ lectionem

ncm

nem non ingreditur, donec ad mensam iterum instructam consueto signo conuocetur, ut ad benedictionem & gratiarum actiones omnes conueniant. Excipiuntur tamen Confessarii, quibus permittitur festis diebus, etiam absoluta mensæ lectione ad prandium venire. Mensæ initio, donec Præpositus ad cibum capiendum se expediat (antequam enim incipiat, duos ad summum versus lectionis attendit) nemo quidquam attingit in mensa. Cavent etiam, ne strepitus à principio nimius audiatur.

Singuli ex nostris ijs contenti erunt quæ ipsis apponuntur in mensa; nihil præterea exposcentes, vel per se ipsi deferentes, nisi Præpositi vel Ministri fruantur licentia; qui & promptiores largientur & providebunt quæ opus esse & expedire unicuique iudicaverint. Si earum rerum, quæ in mensam inferri solent & apponi, aliquid cuiquam deerit, ipse quidem per se à ministris exiget, eius tamen curæ potius erit qui propior confideat. Fit in mensa silentium semper, modò non incurrat exceptio. Fit enim loquendi potestas proponenti, vel respondentibus ad rem dubiam explicandam; præterea denuntianti post cœnam nostrorum precibus commendandos; Præposito demùm vel Ministro, cum quid occurrerit quod Lectori committi non poterit, nec differri debeat. Alioquin silentij lex, quæ etiam Præpositus astringitur, est observanda. Nemo in mensa litteras legat, nec ianitor eas deferat, vel alicui quicquam denuntiet comedentium. Quòd si qua imminens urgeat necessitas, negotium cum Præposito, aut cum eo qui in illius locum succedit, collatum prius, exequitur ex consensu. Idipsum servet, donec ex triclinio eò peruentum fuerit, quò animi causa nostri omnes conveniunt. Post epulas ablata mensa singuli, surgente Præposito, surgunt, & egressi ita stant propè mensam, ut si commodè id fieri possit, qui sedentes extremos occupabant locos, stantes occupent medios, & qui sedebant medijs, stent extremi, singuli recto consistentes ordine. Præpositus solus, dignitatis causa, paululùm à ceteris disjungitur. Hic igitur situs & ordo, quo Deo optimo maximo gratiæ referuntur. Quibus peractis, egrediuntur bini ex triclinio, ut qui in mensa primus post Præpositum sedebat, ipsi egredienti se adiungat, ac ceteri deinceps eodem ordine. Nemo in triclinio vel in proximo vestibulo, ubi solum ad abluendas manus licet consistere, aliquam præterea moram faciat.

Lector, & lectio mensæ.

NON solum corpori, sed etiam menti proprius suppeditari debet in mensa cibus. Sacra igitur ante alios libros leguntur Biblia; deinde pia quæcumque commentaria vel monumenta, postremo Superioris arbitrio liber alius, in quo vel probatæ Sanctorum historia, vel salutaria documenta Italicè habeantur. Lector autem ante prandium vel cœnam, in suggestu se librosque parat ad legendum; stat nudato capite, dum preces adhibentur ad mensam, & ubi versum illum protulerit, *Iube domne benedicere*, expectaveritque donec omnes confederint, ipse etiam sedens, recto ac recto capite, clara voce distinctè atque explicatè legit. Lectione iam in suas partes sapienter distributa, ab ultima non cessat, nisi iussus à Præposito; nec ei is iubet, nisi ultra dimidium prandium vel cœnam. Quod superest in mensa temporis, in quaestione, ut moris est, proponenda, ac responsionibus declaranda traducitur. Lectionis erit, non modò in mensa quos diximus legere libros, sed ad rem dubiam proponendam invitare; singulis item hebdomadis femel ut in unum, eorum qui benefici fuerint in nostros, scripta nomina recitare; quæcumque tandem verbis aut scriptis à Præposito seu Ministro iussus fuerit, referre. Nihil enim præterea legere aut nuntiare debet, quàm quod sibi fuerit ab ipsis impositum. Correcor Lector verba Correcoris eodem syllabarum sono, quo ille pronuntiavit, repetat: Correcor autem ad hoc electus vocabulum solum, in quo erratum est, corrigere modestè, nec alia verba interponere curet. Legendi finem Lector faciet, cum Præpositum audierit verba illa pronuntiantem, *Et reliqua*. Tunc ille prolato versu, *Tu autem Domine miserere nobis*, & Sacerdote clara voce admonito, cui sit res dubia ex ordine proponenda, descendit, & exhibita Præposito reverentia assidet in mensa, ut comedat.

Res dubia in mensa proponenda.

Cap. XII.

Post lectionem continuò vnus aliquis ex Sacerdotibus (id enim ipsi singuli, quorum est expletum in Congregatione triennium, præstare solent) singulis diebus manè & vespere ex litteris Sacris, ex morali disciplina, vel ex præceptis optimæ mentis & conscientie aliquid proponit, quod possit in dubium vel controuersiam venire; cauet tamen ne quid arduum, obscurum aut nimis exquisitum proponat, quò minus valeant singuli respondere. Si quando tamen aliquis non aliud responderit, quàm se aliorum communi iudicio stare, datur id modestiæ potius quàm inscitie. Is autem cui muneris eiusmodi dies obuenerit, etiamsi Lector, vt n. oris est, non commune fecerit, per se proponit: si quis tamen externorum ad mensam vocatus adsit, non nisi iubente Præposito, vel alio in eius locum constituto, Neque enim tunc Lector, vt aliàs, ipsum præmonere debet. Absenti is ad proponendum succedit, qui proximus post illum in mensa sedere consuevit. Si quis etiam tardior ad proponendum videatur, quòd obliuione vel negligentia accesserit imparatus, Præpositi est exposcere altiore voce, aut viciniore conuiuæ submissa commonefacere. Dug quidem quæstiones esse solent, quæ dubitationem habentes, proponuntur in mensa: explicant alterutram singuli; solus qui proponit, vt omnem dubitationem vltimus tollat, præmeditatus ad vtramque respondet. Respondentium is primus esse debet, qui proponenti proximum inferiorem locum in mensa tenet; deinde alij Sacerdotes expleti in Congregatione triennij, eodem ordine. A responsis, quæ debent esse quàm breuissima, recedat omnis apparatus & ostentatio. Proponitur enim explicandum quod dubium est, omnium nomine, vt quisque quasi discipulus à præceptore interrogatus respondeat, etiam is qui proposuit.

APPENDIX.

DE ipsis tamen Constitutionibus hæc habentur. Si quid ambiguum fuerit in nostris Constitutionibus, Præpositus & Deputati declarant: nullo tamen modo possint eas immutare, derogare, aut aliqua ex parte innouare, vel nouas condere.

Appendix primi capitis consultò seposita.

IN Oratorio nostro ad vespem quotidie, dato signo, lampade ac luminibus accensis, horologio item arenario super altare posito ante sacram B. Virginis **MARIÆ** imaginem, à solemnī Christi Domini Resurrectionis die vsque ad Kalendas Nouembris, hora diei **xxiv.** ex Kalendis autē * Nouembris ad sanctum Pascha prima noctis orationi præfinita est: festis verò diebus * etiam secunda: habetur enim sermo, sitque concentus musicus. Est autem orandi ritus, vt vbi dimidiam horam taciti in oratione, vt dicitur, mentali traduxerint, accensis ab Aedituo reliquis in altari luminibus, & signo dato, Sacerdos, ad quem per hebdomadam pertinet, Litanias incipiat & preces consequentes, alternis etiam multitudinis congregatæ vocibus recitandas, sibi solas reseruans orationes. Cum verò ad Pacis orationem peruenerit, cuius est initium, *Deus à quo sanctorum desideria* &c. duo confestim ex Oratorij fratribus vel ministris sacras clementissimæ **IESV** ex altari fumentes imagunculas, Sacerdoti primùm genussæ osculandas præbent. Exolucanti autem, dicentiq; hinc atque inde, *Pax tecum*, inclinato ipsi capite respondent: *Et cum spiritu tuo*. Deinde singulis, qui sunt in Oratorio, cum salutatione qua Sacerdos vsus est, eas ad osculum sanctum offerunt. Ceteris interim orationibus absolutis, petit ab omnibus clara voce, vt à Deo iugem in eius cultu & seruitute perfectuerantiam precentur, quinquies secretò orationem Dominicam & Angelicam salutationem recitantes. Dicit enim: *Petamus quæso nobis in diuinis perseverantiam, recitantes*, &c. His adhibitis precibus petit iterum, vt pro summo Pontifice, Cardinalibus, alijsq; Sacer-

* Septembris.
* à Kalendis Nouembris.

cerdorum primarijs, pro Christianorum Principum concordia, Fidei propagatione, & heresum extirpatione, atque in proborum hominum obtinenda conversione utramque bis repetant; tum inde semel pro fratribus Oratorii vita defunctis, precantes illis requiem sempiternam. Postea versu illo prolato, *Dominus det nobis suam pacem*, Antiphona B. M. A. R. I. A. pronuntiat, vel *Salve Regina*, vel aliam temporis magis congruentem. Tandem qui pacis osculo per sacras Imagines primum alios, deinde seipsos inuicem salutarunt, quęcumque acceperint eo tempore orationibus cōmendanda, referunt Sacerdoti; qui omnes adhuc obsecrat, ut velint pro eiusmodi rebus orationem Dominicam & Angelicam salutationem semel repetere, & sanctissimum I. E. S. V. nomen quinquies inuocare. Ea prece completa, cū ipse versum pronuntiaverit, *Domini auxilium maneat semper nobiscum*, & ad osculum usque terrę sese omnes inclinauerint, Oratorium dimittitur.

Hic perpetuus est Orationis usus; exceptis secunda, quarta & sexta ferijs, tota præterea maiore hebdomada. His enim diebus ob memoriam flagellorum, quibus innocens pro nobis Christus Dominus cęlus fuit, se omnes in Oratorio flagellis cadunt. Est autem consuetudinis & instituti (nisi huiusmodi dies festi sint, aut hebdomadę Resurrectionis Domini nostri I. E. S. V. CHRISTI) ut post horę dimidię tacitam orationem, quam mentalem appellant, statim aliqui ex Oratorii Custodibus vel Curatoribus flagella, ex funiculis crebris, ceniecta nodis, distribuentes, missis foras (si qui sint) pueris, ianuis fenestrisque diligenter clausis, lucernula tantum accensa, quę sit intra eius artificij laternam super altare tunc positam, ut tantum inde Christi cruci affixi nitida, nihil tamen fulgoris emittens, appareat imago, ceteris exiunctis luminariis, tenebras obducant. Tunc Sacerdos clara lugubrique voce pronuntiat versum: *Iube Domine benedicere. Passio Domini nostri Iesu Christi sit semper in cordibus nostris*. Recordemini fratres carissimi, quod Dominus noster I. E. S. V. Christus fuit pro nobis venditus, osculo traditus, ad Annam primum, deinde ad Caipham Pontificem ductus, & postremo in prætorium ad Pilatum, ubi fuit ad columnam ligatus & flagellatus, spinea corona coronatus, ac veste purpurea circumdatus, alapis percussus atque conspuus & Iudeis traditus ut crucifigerent, ad Caluarię locum deductus & crucifixus, & cum eo crucifixi sunt latrones duo, vnus à dextris & alter à sinistris; & cū dixisset, Sitio, porrexerunt ei acetum, quod cū accepisset, dixit: Consummatum est; & inclinato capite emisit spiritum. (*Hic singuli sibi pectus pugno inuadunt*.) Deinde vnus militum lancea latus eius aperuit, & continuē exiuit sanguis & aqua; & de cruce depositus fuit, in monumento nouo sepultus; tertia autem die resurrexit à mortuis. Tu autem Domine miserere nobis. R. Deo gratias.

Sequitur; *Seruite Domino in timore, & exultate ei cum tremore: Apprehendite disciplinam*, &c. Ad hæc verba arptis funiculis nudatum corpus tamdiu verberant, donec Psalmi L. nempe *Miserere*, cum versu *Gloria Patri* &c. & Psalmi CXXIX. cuius initium, *De profundis*. in cuius fine dicunt, *Requiem æternam*, &c. versus alterni deuotē pronuntiantur. Insuper orationes; *Fidelium Deus omnium conditor & redemptor*. & *Deus qui culpa offenderis*, &c. Ad cuius finem fit, signo dato, flagellorum finis. Sacerdos autem ad orationem Dominicam & ad salutationem Angelicam quinquies repetendam hortatur; deinde bis pro Pontifice & c. & semel pro fidelibus defunctis & c. ad eundem planē modum, quo alijs diebus orare solent, in quibus abstinent à verberibus. Hoc interim spatium singuli in tenebris & silentio suis se vestibus induunt. Post hæc Cantici Simeonis, videlicet *Nunc dimittis seruum tuum Domine* &c. versus alternos recitant. Parat interim se Custos, ut cū illa verba audierit, *Lumen ad reuelationem gentium* &c. laternam aperiens, lumina rursus accendat. Sequitur Sacerdos orans, *Da pacem Domine* &c. & oratione illa absoluta, *Deus, à quo sancta desideria* &c. offeruntur ad pacis osculum Imagines sacrę, eodem penitus ritu, quo alijs ferijs. Additis interim orationibus alijs consequentibus, subdit orans; *Dominus det nobis suam pacem*: Respondent: *Vitam æternam, amen*. Postremo sanctam Virginem Deiparam salutant Antiphona consuecta, ut anni tempus aptē congruenterque postulat: itemque cetera, ut in alijs ferijs, in quibus nullus est flagellorum usus.

Exercitationes in quibus versari solent Dominicis diebus.

Cap. XIII.
tom. I. Bul-
lar. in Ap-
pend.

ADituus vel quiuis alius Custos maturè diebus Dominicis fores Oratorij manè aperit. Lector succedit ad lectitandum librum optimi cuiuspiam argumenti ac salutaris tractationis, donec frequentiori concursu facto Præfectus vel adiutor, flexis genibus, ad piè meditandum aliquid proponit; post eà Litanias ac ceteras orationes profequitur, sicut vesperi moris est quotidie facere. His absolutis, vnus aliquis Sacerdotum, qui ad audiendas Confessiones non sunt deputati, ex Euangelio Sermonem habens ad diem recurrente, simplici stilo ad peccata cauenda, ad optimos mores retinendos, ad omnem denique conseruandam pietatem, hora non amplius dimidia adhortari solet auditores. Sermonem habito, & oratione Dominica, Angelicaque salutatione repetita, interrogat Præfectus, ad sit ne aliquis, qui nouerit quempiam ex fratribus ægrotare, vt statim ad hoc munus delectos, vel quos maluerit, mittat, qui languentem visitent, consolentur, merore vel inopia subleuent, ad peccatorum confessionem, atque ad dolorem patienter placideque ferendum hortentur. Infirmi fratris nomen & habitatio scribitur in tabella, ne visitationis & orationis prætermittatur officium. Septem deinceps ex fratribus ad septem Vrbs ecclesias, religione & sacris Pontificum Indulgentijs toto Orbe celebres, ac tres ad tria publica infirmorum hospitia mittuntur, vt quisque suam, quæ sortitò obtigerit, vel ecclesiam vel domum hospitali semel infra hebdomadam visitet: festis enim diebus ad hæc pietatis officia ferè omnes commeant. In his autem exercitationibus impendunt ferè horam cum dimidia. Die autem Dominica, quæcumque vltima mensis erit, præmonentur, vt ad Synaxim se præparent, ad Eucharistiam scilicet sumendam. Hoc enim Sacramento prima quauis die mensis Dominica se communiunt: & à prandio in Oratorio vel in schedulis compendiaria quædam documenta scripta, vel Sanctorum imagines chartaceæ distribuuntur, vt suam quisque accipiat, & quid per Sanctum, cuius imago sibi obtingit, à Domino petere debeat, subscriptum in illa cognoscat.

Alia à prandio exercitationes tam in Dominicis quàm in alijs festis diebus.

Cap. XIV.

Post Officiu vespertinu festis quibusque diebus in ecclesia nostra decantatum, & Sermonem habitum, statim ex Presbyteris nostris ac laicis, cum externis Oratorij fratribus, alijsque plurimis ad suburbanum peculiarem locum frequentes conueniunt: vbi super herbam confidentes, primùm qui musici sunt pium aliquod sacrumuè carmen concinunt; deinde quispiam Sermonem, non minùs pietate quàm elegantiâ ornatum, ab Oratorij Præfecto in scriptis traditum, recitat memoriter: quo habito rursus concinunt. Surgit post hæc Oratorij Præfectus, vel alius cui sit à Patribus demandatum, qui aliquod ad piè Christianeque vitendum quædam breuissimè proponens argumentum, alterum ad dicendum inuitat, ac deinceps tertium; imò si tempus id postulet, etiam quartum: qui omnes ad rem propositam pari breuitate ac pietate ad suam & audientium vtilitatem sermocinantur. Cum fuerit dicendi finis, hymnus concinitur, ac demum omnes ad propria vela ad Oratorium reuertuntur. Dum verò per æstiuæ caloris molestias ad huiusmodi loca non licet exire, in aliquod templum ad eas exercitationes sese conferunt. At hieme, ex Kalendis Nouembris vsque ad sanctum Pascha, festis diebus vesperi ad salutationis Angelicæ signum in Oratorium itur. Durat dimidiam horam mentalis oratio; Litanie recitantur, vel à musicis concinuntur; Oratio Dominica, Angelicaque saluatio ad solitum numerum * repetuntur; Antiphona S. M A R I A Virginis pro temporis oportunitate mutata canitur; pium aliquod canticum musicis legibus concinitur. Sacerdos ex nostris, quotusquisque est in serie sermocinantium, Dei verbum adstanti populo, qua potest vtilitate ac facilitate, per dimidiæ horæ spatium ministrat: rursus

* Cum sit concensus musicus, vltima est hæc repetitio.

sus concentus efficitur; ter prece consueta oratur Deus, Virgoque Deipara salutatur; ac cœtus dimittitur,

Externorum in Oratorio munera.

EX externis Oratorij Fratribus eligitur à Præfecto in primis Rector, qui aliorum of- Cap. XV.
ficipiis præbit: Editui vel Custodes duo aut quattuor, qui Oratorium scopis verrant, lampades & candelas accendant; flagellorum, horologii & altaris ornandi curam gerant: duo item vel quattuor ægotantium Curatores, qui infirmos fratres visitent. Aliqui etiam eliguntur, qui oblatam sponte pecuniam vel ægotantium fratrum, vel domorum hospitalium, vel demum Oratorij commodo sincere ac diligenter attribuant; nec omnino accipiant, nisi quam sciunt sponte oblatam, ut illud Apostoli dictum re vera seruetur: *Non vestra, sed vos*. A Secretis etiam aliquis deligitur, qui in libro quæcumque tractantur notat: præterea Lector, qui pias lectiones diebus festis pramittit orationi. Ad infirmos item, qui sunt in Valetudinarijs, quolibet festo die perferunt corporis refectioni vitia, Medico probata. Expensarum autem Rectori, & Oratorij Præfecto singulis mensibus, in d quodvis eis liberit, rationes ex præscripto referant. Nihil enim iuris aut potestatis est heminibus exteris & laicis in Oratorij rebus, præter administrationem à Præfecto Oratorij traditam.

HORVM ELECTIONIS ORDO. Quarto quoque mense eliguntur exteri fratres ad Cap. XVI.
eiusmodi munera, hoc planè modo. Oratione Dominica & salutatione Angelica recitatis, his Præfectus sceler precibus diuinum auxilium inuocare, videlicet: *Veni creator Spiritus, reple & c.* Respondetur: *Et in amoris & c.* Verò. *Emite spiritum tuum, & creabuntur*: Respondetur: *Et renouabis faciem terra.* Oratio: *Deus qui corda fidelium & c.* Actiones nostras & c. Declaratis & publicatis, recitatur hymnus, *Te Deum & c.* Antiphona B. Mariæ: Oratio: *Gratiam tuam & c.* Antiphona, *Da pacem & c.* Oratio: *Deus, à quo sancta desideria & c.* Item Oratio Dominica, eo tempore recurrentis, vel Sancti, cuius festum celebrari contingat. Electis pia aliqua documenta aut obseruationes breuissimè leguntur.

ADMONITIO. Cum sit Congregationi nostræ liberum omnes grauius delinquentes, vel statum eius perturbantes de conuictu & familia suorum dimouere ac depellere: Cap. XVII.
cum satis item persuasum sit, vix quemquam tunc negligentem salutis diu permanfurum, ubi & progressus ad virtutes, & perfectorum pia æmulatio esse debet, beatus Institutor asseruit, neminem penitus has Constitutiones obligare ad peccatum velle. Ipse Deus arbitretur, præterea pro pietate datus æterna, sit sua nobis benignitate propitijs. Amen.

Finis Instituta Congregationis B. Philippi sine Oratorij Romani S. Mariæ in Vallicella, S. Sedis Apostolica auctoritate condita, recognita & confirmata.

Paulus V. Instituta Oratorij Romani iam recitata approbat anno 1612.

Paulus Papa V. ad perpetuam rei memoriam & c. Exponi nobis nuper fecerunt dilecti filij, Præpositus & Presbyteri Congregationis Oratorij, in ecclesia S. Mariæ in Vallicella nuncupata de Vrbe institutæ, quod ipsi quasdam Constitutiones & Ordinationes, pro felici dictæ Congregationis regimine & spiritali progressu, conscripserunt, illasque non semel examinatas, ac etiam mandato nostro recognitas in vnum volumen redegerunt, tenoris subsequens: *Caput 1. De Oratorio & Oratione. Verè locum orationi destina-* Bullæ
tom. 1.
in Appen.
sum Oratorium dicimus & c. ut supra. Cum autem, sicut eadem expositio subiungebat, Præpositus & Presbyteri prædicti plurimum cupiant Constitutiones & Institutiones humiliter medi, pro firmiore etiam subsistentia & inuolabili obseruatione, Apostolicæ nostræ confirmationis robore communiri, nobis propterea humiliter supplicari fecerunt, quatenus eorum votis in præmissis annuere, aliasque desuper oportune providere de benignitate

rate Apostolica dignemur. Nos igitur desiderij huiusmodi iustitiam attendentes, illosque specialibus fauoribus & gratijs prosequi volentes, & eorum singulares personas à quibuscumque censuris absoluentes &c. huiusmodi supplicationibus inclinati, Constitutiones & Ordinationes predictas, sicut præfertur, examinatas & recognitas, Apostolica auctoritate, tenore præsentium confirmamus & approbamus, illisque omnibus & singulis perpetuæ & inuiolabilis Apostolicæ firmitatis robur adijcimus: decernentes, modernos & pro tempore existentes Præpositos & Presbyteros dictæ Congregationis ab eis, prout illæ quemlibet eorum adstringunt, nullo unquam tempore rescilire posse aut debere, sed ad plenariam eorum observationem teneri & obligatos esse, & ad id præcis in Constitutionibus & Ordinationibus huiusmodi contentis cogi & compelli posse. Non obstantibus &c. Datum Romæ apud S. Marcum sub annulo Piscatoris, die 24. Februarij 1612. pontificatus nostri anno septimo.

Oratoria quæ Nerianam vitæ formulam amulantur.

ROMANVM Oratorium, ad ædem B. Mariæ in Vallicella, cum onere parochiali, 1575. beneficio Gregorij XIII. Papæ.

Neapolitanum, beneficio Annibalis Capuani, Archiepiscopi Mediolanensis, 1586.

Septempedanum in Piceno. *San Severino*, inter Maceratam & Camerinum.

Anxanum in Aprutio, 1598. cum cura Seminarij adolescentum. *Lanuzano*.

Lucense, à Republica Lucensi constructum. *Lucca*.

Firmanum in Piceno. *Fermo*. Camertinum in Vmbria. *Camerino*.

Fanense in Senonibus. *Fano*. Ferrariense in Emilia. *Ferrara*.

Panormitanum, in Sicilia. *Palermo*. Drepanense, ibidem. *Trapani*.

Patauinum, in ditone Veneta. *Padona*. Vicentinum ibidem. *Vicenza*.

Tononienſe, *Tonon*, in diœcesi Geneuensi & Ducatu Chablajij: quod Oratorium postea transijt ad Congregationem Oratorij Domini Iesu, à Petro Berullo Cardinale excitatum.

Oratorium B. Mariæ Gratiarum in diœcesi Foroiuliensi in Provincia. *Frejus*.

Aspricollenſe in Brabantia, ab Alberto & Isabella Belgarum Principibus fundatum ac dotatum; cum onere parochiali. *Nostre Dame de Mons-aigu*.

Duacense in Gallo-flandria, ab Hermanno Ottembergio, Episcopo Atrebatensi, fundatum anno 1626. quo & obiit. *Douay*.

Ceruiense in Hannonia, cum onere parochiali. *Nostre Dame de Chievre*.

Braniense in Hannonia, cum onere parochiali. *Braine le Comte*.

Virii illustres ex Oratorio Romano.

PHILIPPVS NERIUS, Florentiæ anno 1515. feliciter natus, fundamenta Congregationis Oratorij circa annum 1550. Romæ iecit, & ibidem anno 1595. sanctissime in Domino obdormiuit, à Gregorio XV. Sanctorum catalogo 1622. adscriptus. Vitam eius litteris consignauit Antonius Gallonius.

FRANCISCVS MARIA TAVERNIUS, in Monte Politiano apud Etruscos (quæ & Roberti Bellarmini Cardinalis patria fuit) genitus, S.R.E. Cardinalis & Archiepiscopus Senensis, vir omni virtutum atque actionum genere clarissimus, obiit 1608.

CÆSAR BARONIUS, Soræ in Campania regni Neapolitani provinciam 1538. natus, Annalium Ecclesiasticorum conditor, inuitus & reluctans primum Protonotarius Apostolicus, ex primo ordine eorum qui Numerarij dicuntur, post Cardinalis à Clemente VIII. Pontifice, magno ingeniorum æstimatore, creatus, anno 1607. in Domino obdormiuit; funebri laudatione à Michaële Angelo Buccio, Oratorij presbytero, honoratus. Baronij elogium exstat apud Henricum Spondanum in Epitome Annalium Baronianorum. Tauruso & Baronio commune epitaphium ad ædem B. Mariæ in Vallicella

cella à sodalibus est positum; quod hic visum est subnectere: *D. O. M. Francisco Maria Taurisio Politiano, & Casari Baronio Sorano, ex Congregatione Oratorij, S. R. E. Presbyteris Cardinalibus, ne corpore disjungerentur in morte, quorum animi divinis virtutibus insignes in vita continuisimè fuerant, eadem Congregatio unum virique monumentum posuit. Taurisium vixit annos LXXXII. menses IX. dies 214. Obijt III. Idus Iulij M. DC. VII. Baronius vixit annos LVIII. menses VII. Obijt pridie Kal. Iulij M. DC. VII.*

IVVENALIS ANCIANA, Fossani in Pedemontio natus, Episcopus Salutarum, sub ditione Ducis Sabaudie, magna sanctitatis opinione 1664. decessit. Fuit ei Romæ per familiaris Hermannus Ottenbergius Neuiomagensis, Auditor Rotæ in Vrbe, post Episcopus Atrebatensis & Oratorij Duacensis fundator.

FABIANVS IUSTINIANVS Genuensis, Episcopus Adiacensis in Corsica insula, scripsit Explanationes historicas & documentis moralibus illustratas in librum Tobie, 1621. Romæ in folio excusas.

THOMAS BOZIVS, Eugubinus, scripsit contra Macchiauellum, De signis Ecclesiæ Dei, De robore bellico, De antiquo & nouo Italiæ statu, De ruinis gentium & regnorum, & alia.

ANTONIUS GAILLOIVS, Romanus, 1594. scripsit De SS. Martyrum cruciatibus, & Vitæ SS. Virginum Romanarum publicauit. Apologiam pro Barenio, adhuc viuente, Romæ 1664. contra Constantium Bellotum edidit, in qua de Monachatu S. Gregorij I. Papæ disputat.

IOANNES SEVERANVS, à S. Seucrino, Romam subterraneam, ab Antonio Bosio Romano descriptam, multis partibus auxit, & post Bosij obitum Romæ in folio 1632. edidit. Severani est totus liber quartus: in quo Imagines à primorum sæculorum Christianis hominibus efformatas, & in agri Romani cæmeterijs ac cryptis subterraneis repertas, eruditissimis commentationibus explicauit.

Similis argumenti, sed amplioris, librum à se conscriptum *Ioannes Macarius* Greveninganus Belga, Canonicus Atrebatensis, mihi olim peramicus, moriens Trilingui seu Bussidiano Louanij Collegio reliquit, & Hagie glypta irscripsit. In quo libro (typis, ut spero, Plantiniani breui edendo) de sacris quibuscumque Christianorum Picturis & Sculpturis antiquioribus, quæ Romæ non solum in cæmeterijs, sed etiam in templis, gemmis & alibi reperiuntur, de quæ earum recondito sensu ac mysterijs accuratissimè disseruit. Origo autem atque occasio istius scriptionis hæc fuit, ut ipse in sua ad Lectorem præfatione narrat: *Alfonso Ciacconius* Hispanus, professione Dominicanus, Historiæ Pentificum & Cardinalium scriptor, cæmeterium Præseillæ, haut procul ab Vrbe in via Salaria anno 1578. repertum (dum fossores, ad effodiendū topum seu puluerè arenarium, calci tæperandæ aptum, terræ interiora penetrant, ut hodie quæ fert usus Romæ) studiosè perlustrarat, & pictoribus adhibitis illius loci atque aliorum Imagines omnes penicillo delineatas in librum redegerat. Ciacconio postea socium in isto antiquitatis studio *Philippus Winghium* Belga se adiunxit, & sua ipse manu, quæ varijs in cæmeterijs Romæ viderat, fidelissimè expressit: eo nomine à Cæsare Baronio in Annalibus non semel laudatus. Winghium, dum feruente æstu Roma Florentiam, ad musæum magni Etruriæ Ducis visendum, properat, ante diem è viuis ereptum, *Antonius Bosius* Romanus excepit, vniuersa Romani agri cæmeteria adiit, & Imagines in ijs & alibi repertas à pictoribus accuratissimè efformandas curauit. Horū trium, *Ciacconij* videlicet, *Wingbij* & *Bosij* collectanea Romæ cum vidisset *Macarium*, ut erat Hebraicè, Græcè ac Latine doctissimus, omnisque antiquitatis peritissimus, eodè Bosio alijsque amicis rogatus, ad sacras Picturas ac Sculpturas à Trium viris istis collectas, & alias quascumque commentarijs illustrandas animum applicuit. Hi commentarij, titulo *Hagioglyphorum*, Louanij in Collegio Trilingui, ut dixi, exstant manuscripti, luce publica dignissimi.

FINIS.

N CON.

CONGREGATIO
OBLATORVM S. AMBROSII
A S. CAROLO BORROMEO
INSTITVTA.

1598.



VM pro Episcopalis vitæ statu, qui religiosos Ordines quoscumque perfecta optimaque vitæ institutione antecellit (& vti nam se factisque semper antecellerent!) humana studia, resq; caducas *Carolus Borromæus*, Cardinalis & Archiepiscopus Mediolanensis, animo penitus abieciisset, ad rem perficiendam, aliosque exemplo commouendos, illam animi conformationem re ipsa præstare, factisque exequi cupiebat. Quod quidem ad imitationem eorum veterum Episcoporum valde pertinebat, quos in primis sancta colit Ecclesia. Egit primò ea de re cum Canonicis maioris basilicæ Mediolanensis, quos ea coniunctionis accessione vt verè fratres archiùs complecti volebat, & tamquam Ecclesiæ senatum, vt veteres dixerunt, in Ecclesia gubernanda coniunctè magis adhibere. Neque verò id à superiorum instituto valde aberat: nam inter se olim eiusmodi vitæ rationem Mediolanenses Canonicos, collatis in communem vsum fructibus, sub Archiepiscopo *Oberto* seu *Huberto Piruano* habuisse, testantur Eugenij III. summi Pontificis litteræ; quas aliud agentes nos eo ipso tempore fortè reperimus. Volebat verò ipse quoque Carolus reditus suos omnes, vt alij, conferre; vt qui ei curæ præfectus esset, habita ratione dignitatis, officij & eorum omnium, quæ Caroli persona, sanctè tamen, postulabat, prout cuique opus fuisset, distribueret: & omnino quantum pro ratione dignitatis posset, pari conditione cum suis fratribus viuere in animo habebat. Sed quamuis ex eis nonnulli consentirent, quibus vitæ ratio ad diuinorum consiliorum præscriptum proposita erat; ceteri tamen adduci non potuerunt.

Id cum minimè successisset, aliam societatem instituere constituit, Clericis omnibus communem; qui cœnobiticæ disciplinæ imitatione viuentes, Ecclesiæ Mediolanensi, multò magis quàm ceteri Clerici, mancipati, Archiepiscopoque addicti, sacra munera, quæ pro tempore vsuque Ecclesiæ oporteret, prompto animo ex Archiepiscopali iussu obirent. In eum numerum plures Canonici, vnà cum alijs Presbyteris & Clericis, nomen dedimus. Vitæ conditiones post multa, Gregorio XIII. Pontifice consulto, hæc ferè eo quidem initio constitutæ sunt; vt *Oblati S. Ambrosij* ij dicerentur; quòd non certo homini, sed Ecclesiæ Ambrosianæ sese addicerent; vitæ Archiepiscopo semper obedire promitterent, voti vinculo astricti. Hæc verò eorum munera ferè commemorata sunt; Ecclesias perlustrare ac recognoscere; Parochi munus, vbicumque necesse esset, ad tempus sustinere; sacras habere conciones; muliebribus cœnobijs sacris ministerijs inservire; Christianæ doctrinæ rudimenta per ecclesias docere; Collegiorum à Carolo institutorum gubernationi operam dare; Archiepiscopalis etiam domus ministeria obire. Quibus quidem in rebus ita Carolus ijs vti constituit, vt tamquam Apostolicos viros, quocumque opus esset, mittere, tum ad arbitrium suum reuocare posset; vtpote ijs vinculis solutos, quibus Clerici passim detinentur, haut penitus Deo Ecclesiæque traditi, sed arbitratu suo viuentes, & commodis vtilitatibusque suis suorumque sæpè seruientes. Quòd si qui magis ad vitæ perfectionem accedere, rebusque suis omnibus, quæ possideri possunt, per votum se vellent abdicare, aut verò facultates suas retinere, earum tantummodo potestatem ad Archiepiscopi arbitrium deferre, eos adiecit. Laicis item locum dedit, qui operam suam facultatis artificijue cuiuspiam nauare vellent. Vota (vtpote non solemnia, sed simplicia) eius conditionis esse statuit, vt ea posset Archiepiscopus remittere, & ijs astrictos, cum opus esset, liberare. Societate non exclusit, qui certis ecclesijs addicti essent: quarum beneficia tamen dimittere, sicuti neque accipere, sine Archiepiscopi

con-

consensu non possent. Ita cum multi separatim per varias ecclesias, aliosque locos viuissent, certa quoque Collegia constituenda decreuit, ubi Clerici simul tamquam in cœnobio vitam agerent. Quam ad rem idoneos societati redditus assignari Pontificia auctoritate postea curauit, negotiumque totum consecit; quemadmodum in Institutionibus eo de genere editis fusiùs continetur.

Eiusmodi societatis institutionem visus est studiosissimè Carolus, si quid umquam, suscipere & prosequi: ut in alliciendis ad eam Clericis humanitate, officio, familiaritate, obliuiscendo interdum ferè videretur grauitatis amplitudinisque suæ. Erat enim ad animarum salutem omnibus viribus querendam tanto ardore incitatus (in quo Congregationis illius summa hodieque consistit) ut nihil in eo genere facere se posse existimaret, quod minus non esset, quam res ipsa postulabat. Plurimis id persuasit, maximè tunc oblata diocesis Synodi occasione: in qua tribus de more concionibus, propositis Dei ministrorum officijs, contrà verò eorumdem negligentia ante oculos constituta, licet modico admodum spatio ad meditandum dato, Clerum aded commouit, ut vnum lacrymarum profunderentur, & presbyteri, quorum alioqui plurimi diuturna quadam consuetudine ad res eiusmodi obdurescere solebant, ad munera sua diligenter sancteque obeunda mirum in modum accensi discederent: præsertim verò tertio die visus est multis diuino spiritu afflatus inuitatam quandam diuinamque dicendi vim adhibere. Vnum ipse Collegium constituit Mediolani ad ecclesiam S. Sepulchri: quem locum boni Presbyteri nonnulli, atque inter eos Ludovicus Moneta, etià ante Carolum Archiepiscopum, colentes antiquam Mediolanensem Clericorum disciplinam, in maxima ciuitatis corruptela retinebant. In ea igitur ecclesia societatem XVII. Kalendas Septembris anno 1578. instituit, & primos sese offerentes celestri ritu apparatusque recepit: quos alij magno numero secuti sunt. Oblatis porro ipsis multum visus est Carolus; in eoque semper perseuerauit, ut illius ordinis Clericos benignè admodum tractaret, carosque haberet. Collegium frequentabat, sacra munera in eo piisque exercitationes publice instituebat: tum verò priuatim communicationem consultationesque rerum ad eam disciplinam, & omnino ad clericales virtutes pertinentium certis temporibus cum eis familiariter habebat, imitatione regularis instituti.

Sic ferè Carolus à Basilica Petri lib. 5. cap. 2. in vita S. Caroli Borromæi, cui per familiaris existit, & cuius nomine legationem in Hispania ad Philippum II. Regem & alias alibi obijt. Fuit autem Carolus à Basilica Petri primum Canonicus ecclesiæ metropolitane Mediolanensis, postea vnus ex primis Oblatis S. Ambrosij. Exinde Clericis regularibus S. Pauli, supra à me laudatis, se adiunxit; ac demum ex Congregationis istius Paulinæ Præposito generali Episcopus Nouariensis creatus, eximia vitæ morumque integritate floruit, & anno circiter 1614. in Domino obdormiuit.

Institutionum ad Oblatos pertinentium summariū.

Institutionum ad Oblatos pertinentium Epitomen libris 4. comprehensam Carolus Borromæus typis 1581. publicauit: quæ recusa in Actis ecclesiæ Mediolanensis, 1603. Brixie editis, existat. Ex his pauca hæc habet: OBLATORVM Congregatio constat ex hominibus, qui S. AMBROSIO, Mediolanensis ecclesiæ Antistiti ac patrono, vltro suæque sponte sese obtulerunt, ad varia munia ecclesiastica, pro cuiusque captu ac viribus, obeunda, & ad pia quæque præclaræque opera præstanda. Huius Congregationis fundamentum præcipuum in exquisita ac planè perfecta erga ipsos Archiepiscopos Mediolanenses obedientia est positum, ad Dei gloriam & animarum eiusdem ecclesiæ ac diocesis salutem impensè procurandam ac promouendam. Huiusmodi autem obedientia duabus rebus fulcitur, Voto & Constitutionibus; Voto quidem tamquam forma voluntatem perficiente ac firmante; Constitutionibus verò quasi Regula dirigente viamque præmonstrante eorumque amplectenda & quæ fugienda sunt. Voti Clericorum formula est talis:

N 2

Ego

Ego N. omnipotenti Deo, & sanctissimo patri nostro Ambrosio, coram beatissima Virgine Dei matre Maria & tota celesti curia, ac tibi quoque, locum sanctissimi patris nostri Ambrosij hic obtinenti Reverendissime domine pater Archiepiscopo, ceterisque deinceps Archiepiscopis sancta Mediolanensis ecclesia, successoribus tuis, promitto, spondeo ac voueo perpetuam obedientiam in his omnibus qua mihi precipiuntur, ad Dei gloriam, & salutem animarum eiusdem ecclesiae procurandam, adiuvandam & promouendam, ad praescriptum instituta Congregationis Oblatorum sanctissimi patris nostri Ambrosij: illudque praeterea spondeo ac voueo, me in Congregatione & instituto hoc perpetuo videntur.

Formula Oblationis laicorum est talis.

Ego N. in conspectu omnipotentis Dei, gloriosissimaeque semper Virginis Mariae, nec non beati patris nostri Ambrosij, ac totius curiae celestis, prostratus, tibi, Reverendissime Archiepiscopo, pater & domine mi, ceterisque deinceps Archiepiscopis sancta ecclesia Mediolanensis, successoribus tuis, perpetuam obedientiam offero, tam in ijs qua ad curam, salutem, spiritualesque progressus animae meae pertinent, quam in illis etiam, qua ex Congregationis huius institutis per me praestanda erunt, in operibus officijque caritatis in Deum, & misericordia in proximos adhibendis.

Quod ad Constitutiones attinet, ex ijs praecipua haec capita habet. Oblati Clerici, iuxta praescriptum Archiepiscopi, illiusque iudicium, quod de vnoquoque eorum faciet, ita se comparent, ut semper parati sint ad sacras lectiones exercendas, ad concionandum, ad Confessiones audiendas, aliaque catholicae Ecclesiae Sacramenta administranda, ad animarum curam suscipiendam ac gerendam, ad ecclesiasticas functiones quaslibet et cuilibet Ecclesiae praestandas, ad pauperes erudiendos, ad clericorum educationem & institutionem, ad Seminariorum Collegiorumque piorum gubernationem ac promotionem, aliaque officia in his ipsis locis exequenda, ad visitationis missionisque quodlibet munus recte ac diligenter obruendum; ad omnem denique actionem piam, prout de administrandam, & ad omne caritatis & misericordiae officium studiosè obendum.

Laici vero Oblati ea misericordiae caritatisque erga alios munera sedulo praestent, quae Congregationis instituto, pro illorum conditione, conveniunt. Grammatici pauperes pueros & adolescentes litteras gratis doceant, Medici egrotos curent, Iurecòsulti & Causidici lites dirimant ac sedent, pacem concilient, egentium, viduarum, pupillorum, in carceres coniectorum, ac defensoribus destitutorum causas agant ac tueantur, egros in Xenodochijs praesertim invisant, moribundos, ut pie in Domino moriantur, sedulo cohortentur, alia denique qualiacumque Christianae caritatis officia serio accurateque exercent.

Porro cum Visitatio & Missio praestantissimae & utilissimae sint partes huius Congregationis functionum, Oblati in ijs exequendis quam diligentissimos sese praestent. Nulli Oblatorum liceat beneficium aliquod, siue ecclesiasticum siue alterius generis sit, accipere, nisi Archiepiscopo iubente, neque acceptum dimittere, nisi eodem còsentiente. Canoniceatum, beneficium aut officium ecclesiasticum obtinentes, cui residendi onus coniunctum est, cum in Oblatorum Congregationem coeptantur, nullis teneantur legibus aut institutis, quae functiones beneficio aut officio, quod habent, debitas impediunt. Ubicumque in Canonialibus ecclesijs tres saltem Oblati beneficium, cui residendi munus sit annexum, habeant, hi ex Congregationis instituto ad simul vivendum se conferant. Idem faciendum erit, si in eodem opido tres saltem Oblati erunt: nisi eorum cohabitatione victusque communione impeditentur functiones ad Ecclesias pertinentes, quibus illi adscripti sunt. Ceterum vniuersae Congregationis Oblatorum quasi basis est ecclesia S. Sepulchri, in umbilico urbis Mediolanensis sita; eiusdemque domus Praepositi est secundarium quasi caput. Primarium namque ac supremum caput est Archiepiscopus Mediolanensis. Ad hanc Congregationem inter alia spectat in primis cura Collegij Helvetiorum ac Rhetorum, quod S. Carolus Borromeus fundavit; item gubernatio Collegij Borromaei, quod idem S. Carolus in Academia Ticinensi seu Papiensi construxit.

Ceterum Ioannes Petrus Iussanus, patria Mediolanensis, presbyter ex Congregatione Oblatorum (qui vitam S. Caroli Borromaei sermone Italico accuratissime ad Pau-

Paulum V. Papam conscripsit) lib. 5. cap. 4. prodit, suo tempore dictam Congregationem ducentis amplius Sacerdotibus pietate ac doctrina præstantibus constituisse; atque inter eos fuisse plurimos Doctores Theologos, multis nominibus eximios. Additque vniuersam Congregationem in sex primaria domicilia esse diuisam: ex quibus duo in vrbe Mediolanensi, reliqua quattuor per diocesim Mediolanensem sparsa conspiciuntur. Singula vnum sibi Præpositum & vnum Præfectum spirituales habent. Generalis autem Præpositus vniuersę Congregationis sedem habet Mediolani ad eadem S. Sepulcri.

Præter Institutionum epiomen supra commemoratam, existat etiam typis Mediolani editus *Modus & Formula obendi cum fructu Consortia Oblatorum in diocesi Mediolanensi & alibi*; iussu t. rederici Borromæi Cardinalis & Archiepiscopi Mediolanensis: qui & Bibliothecam Ambrosianam, cum Collegio Doctorum, anno 1612, instituit.

Et ne quid deesset, S. Carolus scripsit insuper Regulas pro Oblatis secularibus, Italiane in vrbe Mediolanensi 1609. excusæ, & confirmauit Instructiones pro Congregatione piarum matronarum Oratorij de Sepulcro Dominico: quas eadem in vrbe 1589. Italico idiomate publicatas nuper ex Insubria, beneficio V. Cl. Antonij Olgiasi, Doctoris Theologi & Præfecti Bibliothecæ Ambrosianæ, cum alijs eiusdem argumenti libris, accepimus.

CLERICORVM REGVLARIVM MINISTRANTIVM INFIRMIS CONGREGATIO

A CAMILLO LELLIO INSTITVTA.

1586.



SIXTVS Papa V. ad perpetuam rei memoriam. Ex omnibus Christianæ caritatis officijs, quibus æterna salus per gratiam Dei comparatur, illa Redemptori nostro Iesu Christo vel maximè placere credimus, per quæ pauperes Christi, infirmi & in hospitalibus existentes, in necessitatibus suis spiritualibus & corporalibus adiuuantur. Quod genus officij dilectus filius CAMILLVS DE LELLIS presbyter Theatinæ diocesis, & alij eius socij, quàm Deo gratum, & salutem animarum necessarium esse intelligentes, hisce diebus erga pauperes Christi, in hospitalibus Urbis nostræ existentes, non minori affectu, quàm mater erga quem vnice educavit filium, demonstrarunt, & quotidie hoc modò, cum omni qua decet mansuetudine & caritate ad patientiam, alios ad Sacramentorum ecclesiasticorum susceptionem commouendo, alios in articulo mortis constitutos consolando, & denique ad bene moriendum die noctuque hortando demonstrare non cessant, Idemque præstare intendunt, tempore etiam, quod absit, pestilentie. Hi itaque Camillus & socij in simul & in communi, sub paupertate, castitate & obedientia (ita tamen vt voto stricti non sint) viuere, & Altissimo ac eius pauperibus famulari proponentes, vnā inter se Societatem seu Congregationem, sub vocabulo seu nomine *Ministrantium Infirmis*, cuius principale institutum est, speciali quodam caritatis seruire infirmis prædictis inferuire, sub nostro & Sedis Apostolicæ beneplacito inierunt, sperantes ex hoc multis incommodis & periculis, in quæ sæpenter dicti infirmi ob defectum talium ministrorum inciderent, obuiam iri, ac salutem animæ & corporis, multaque Christi fidelibus commoda parari.

Nos eorum supplicationibus inclinati, ac de huiusmodi proposito & viuendi modo, quo ipsi intendunt uti, plenè etiam ex relatione dilectorum filiorum nostrorum S. R. E.

N 3

Car-

Cardinalium super consultatione & causis Episcoporum ac Regularium, ac Visitatione Apostolica deputatorum, informati, ex certa nostra scientia, Congregationem, sub vocabulo seu nomine *Societatis Ministrantium infirmis*, per vnum Maiorem Ministrum seu Superiorem (qui presbyter esse, ac per eandem Congregationem de triennio in triennium per maiorem partem suffragiorum eligi debeat) regendam & gubernandam, Apostolica auctoritate, tenore presentium perpetuo approbamus & confirmamus, supplemtes omnes & singulos tam iuris quam facti defectus, si qui intervenerint in eisdem. Et quia dicta Congregatio proprietate rerum temporalium carere instituit, nos pariter Camillo & prefatis, ac pro tempore existentibus ipsius Congregationis sociis & alijs ab eis deputatis & deputandis, quod eleemosynas ubicumque, preterquam intra ecclesias, monasteria & pia loca, colligere, ac in dictæ Congregationis communes usus convertere Vicarij Urbis, seu cuiusvis alterius licentia desuper minime requisita: dictaque pietatis opera erga quoscumque infirmos in quibuscumque hospitalibus, seu alijs dictæ Urbis locis à dictorū hospitaliū seu locorum prefectis, vel administratoribus vocati, seu de eorū licentia vel cōsensu exercere, ipseque Superior vel Maior Minister (qui, ut præfertur, presbyter esse debet) & alij eiusdē Congregationis presbyteri, dummodo alijs sint idonei, & ab Urbis Vicario approbati, infirmorū & ægrotantiū in dictis hospitalibus & locis existentium cōfessiones audire (sine præiudicio eorundem hospitalium aut locorū, vel eorū Officiorum seu Administratorum) liberè & licitè valeant, tenore presentium facultatem concedimus & indulgemus. Ita tamen, ut tam Superior quàm alij dictæ Congregationis socij, ipsius Congregationis instituta & ordinationes iam factas & pro tempore faciendas (dummodo illa, quamvis ab Apostolica Sede approbata non fuerint, per ipsius Congregationis Protectorem reuisa & approbata sint) in communi ex dictis piorum eleemosynis viuant. Non obstantibus quibuscumque constitutionibus & ordinationibus Apostolicis, ceterisque contrarijs quibuscumque. Datum Romæ apud S. Petrum, sub annulo Piscatoris, die 18. Martij, millesimo quingentesimo octogesimo sexto, pontificatus nostri anno primo.

1586.

NOTATIO. Consuetudinem, inter ecclesiasticos & laicos homines, ægris in Xenodochio publico iacentibus officiosè tractandis, diu intermissam S. Philippus Nerijs Romæ suo exemplo in usum reuocauit. Solebat enim quotidie Nosocomia publica quæ valetudinaria adire, miserorum in ijs lætos circumire, mæstos blandè consolari, perditos celestium bonorum spe recreare, cunctos ad patientiam vitæque honestatē hortari, cibarijs allatis pauperes reficere, animam denique agentibus præstare adesse. Neque is labor irritus fuit: ex eo enim magnos collegit salutis animorum fructus. Nec defuerunt discipuli, qui patris sui spiritualis exemplum sequerentur. Inter alios eminuit pius admodum sacerdos *Camillus Lellius*, qui hortatu eiusdem Nerijs, ordinem Clericorum regularium Ministrantium infirmis Romæ instituit. Sic ferè Petrus Iacobus Baccius in vita eiusdem Nerijs Italicè anno 1622. in Vrbe edita lib. 1. cap. 6. testatur. Obijt autem, cum ingenti sanctitatis opinione, idem Camillus Lellius Romæ, die 14. Iulij, anno Christi millesimo sexcentesimo decimo sexto, ætatis suæ sexagesimo quinto. Vitam eius Italicè scripsit *Sanctum Cicarellus*, eiusdem familiæ sacerdos: quam Latinitate Petrus Hallofius, Soc. Iesu presbyter, donauit, & typis Antuerpiæ 1632. Moretus evulgauit. Natus est autem Lellius *Bocchianici*, quod exiguum est opidum in Aprutio regni Neapolitani provincia, sub diocesi Teateensi. Instituto suo principium anno 1584. dedit, Xenodochia & Nosocomia Romana cum socijs assidue visitando. Quod anno 1586. Sixtus V. bullatis tabulis probauit, & concessit Lellio ac socijs ius ferendi insigne Crucis ex panno Camusino, tunicæ ac pallio impostum, ad dextrum latus.

1626.

Clericorum Ministrantium infirmis Regula, seu formula viuendi, à Gregorio XIV. approbatur an. 1591.

Gregorius Episcopus, seruus seruorum Dei &c. Cum dudum fel. rec. Sixtus Papa V. prædecessor noster Congregationem sub vocabulo seu nomine *Ministrantium infirmis* in Vrbe tunc constitutam approbauerit & confirmauerit; & sicut accepimus, dilecti filij *Camillus de Lellis*, modernus ipsius Congregationis Præfectus, & alij eius socij, cupientes in caritatis vinculo, persistere & maiore cum animi quiete Deo seruire, & ad perficiendam & conservandam eorum Congregationis in Christo vnionem, quandam *viuendi formulam*, iuxta ea quæ ad propositum sibi finem conducere vsu didicerunt, ediderint; factumque sit, vt eorum dem Camilli & sociorum vitæ institutum, sub dicta formula comprehensum, fidelibus gratum & acceptum, ac ad proximi subuentionem adeò utile & necessarium existat, vt ipsa Congregatio numero sociorum admodum creuerit & quàm plures Christi fideles summo desiderio & affectu in dictam Congregationem recipi & admitti plurimum exoptent. Formulæ autem prædictæ tenor sequitur, qui talis est.

Bollacj
tom. 2. &
supra pag.
61.

Quisquis decreuerit se huic caritatis muneri in perpetuum addicere, statuat se mundo rebusque omnibus sæculi esse mortuum, & Christo soli viuere; seque nobis aggreget, vt admitta peccata expiet, sub iugo suauissimo perpetuæ *paupertatis, castitatis & obedientiæ*, & sub *perenni ministerio agrotantium*, quos etiam pestis incesse, non solum in nosocomijs, sed etiam in carcerum, valetudinarijs, vbi ægroti magna tam corporalium quàm spiritualium rerum angustia premuntur. Ac de his vniuersis (Deo adiuuante) præcepta dabuntur in Constitutionibus suo tempore edendis, quibus sub vllius peccati poena obstringi non intendimus; ijs tamen exceptis, ad quæ obseruanda votorum vinculis obligamur.

Paupertatem nostram ita interpretatur, vt Religiosorum sit paupertas mendicantium eorum, qui nec singuli nec vniuersi fructus vllos ac redditus capiant: quæ verò necessaria erunt, ea ex humili exercitio ostiatim emendicandi, vel ex elemosynis fidelium nobis sponte oblatis comparabimus. Nemo per se & arbitratu suo quærabit, sed ij soli quibus, ob communem vsum, ab obedientia id oneris imponetur.

Totius Congregationis Superior, *Præfectus generalis* appellabitur: cuius officium perpetuum erit, quoad viuet. Socios autem habebit quattuor, qui *Consultores* dicentur. Creabuntur autem hi, cum Congregatio maiorem numerum erit facta idoneorum hominum; ijque pariter officium perpetuum gerent, dum generalis Præfectus erit superstes. Vorum eorum æquè ac Præfecti decisiuum erit; præterquam quòd Præfectus duplex habebit, singuli illi simplex. Nihil eorum, de quibus secundum Constitutiones factas aut faciendas cum Consultoribus decernendum est, statuitur, nisi de illorum consilio & sententia: maior verò pars sententiarum vincet. Ne autem ex sententiarum æqualitate res in dubium veniat, ad id vir grauis de Congregatione deputetur, qui voto suo (prout necessitas postulauerit) alterius, quam meliorem censuerit, partis numerum augeat. Præfectus vnà cum socijs potestatem habebit tum interpretandi & ea explicandi, de quibus super instituto nostro (quod hic summam comprehenditur) dubitatio fuerit orta; tum Constitutionum ad optimam Congregationis disciplinam faciendarum. Constitutiones autem experiendo primùm atque vtendo expendentur, deinde à Capitulo siue Congregatione generali, prout expedire videbitur, admittentur. Præfectus generalis ac socij Præfectos aliorum locorum vbi Congregatio sedem habebit, & Prouinciales & Visitatores, quos oportuerit, eligent. Electio verò generalis Præfecti & Consultorū posthac in Congregatione generali facienda est. In præsens quidem Generalis creabitur suffragijs maioris eorū partis, qui nunc Crucem gerunt, ac iuxta formam statuendam. Idem statim ac renuntius Generalis fuerit, quattuor votorum pro-

professione, *obedientia* scilicet, *paupertatis*, *castitatis*, & quod præcipuum huius instituti scopum continet, *perennis* (vt dictum est) *ministerij ægrotantium*, solemniter se obstringeturque apud ipsum, aut eum cui is hoc negotij dederit, eodem modo profitebuntur omnes qui specimen sui dederint, & idonei ac digni iudicati fuerint.

Volumus autem nostros in nosocomijs, cum Superiorum suorum iussu (consentientibus eorundem nosocomiorum Præfectis) mittentur, ita operam navare, vt nulla publica officia, magistratusve, aut reddituum administrationem in ijs suscipiant, verum omnes curam ægrotorum tum corporis tum animæ gerant; & aliquot ex ipsis nocturnas excubias diurnasque ibi ducant, atque ægrotis agonizantibus, donec ex hac vita migrent, nusquam desint. Quod si nobis, vt ceteris pauperibus, nosocomiorum patroni aut administratores aliquid eleëmofynæ siue quotidianæ siue mensuæ siue annuæ siue in plures annos largiri voverint, Congregatio nostra ius nullum habeat id exigendi; sed quæ dabuntur liberaliter, cum gratiarum actione accipiet. Nos enim curæ ægrotorum incumbimus, nulla mercede vel spe temporali adducti, sed ex instituti nostri obligatione. Itaque ab ægrotis Hospitalium nulla munera, nihil pecuniæ, nullam omnino rem nostri capiant; ac ne per submissas quidem personas. Legata ab ijs qui in nosocomijs defuncti fuerint, in rem nostram relictâ, non admittantur. Qui in hospitalibus sunt nosocomiorum Officiales & famuli, in Congregationem nostram non recipiantur, sine assensu eorum qui illis in locis Præfecti sunt.

Experiendo didicimus, plurimis maximisque difficultatibus & incertitudinibus, animæ præsertim, eos consiliari, qui extra nosocomia & carceres in alijs locis ægrotant, ac potissimum tenues ac plebeios homines, externosque qui conducendo degunt. Quare volumus (adiuvante D.N. Iesu Christo) à nostris eos inuisi, & ijs, quoad fieri poterit, adhiberi consolationem, exhortationem, & alia huiusmodi, iuxta Constitutiones edendas. Priusquam verò illi sensum usum amittant, adducantur, pro cuiusque conditione & natura, ad protestationes secundum formam Ecclesiæ sanctæ faciendas. Cumque ingruesset morbus, diu noctuque apud eos excubent nostri, animasque commendent, ac salutaribus monitis opitulentur; magnumque ponatur in eo studium, vt hortationibus pijs informetur, ne tentationibus succumbant, & in illo formidoloso vitæ exitu confortetur, tum vt bene ac diligenter commendetur anima. Caveant autem maxime, ne quisquam eorum, qui ad visendos per eiusmodi loca ægrotos, & ad caritatem eis præstandam, operamque adferendam mittentur, ob labores suos vllum munus, aut rem pecuniamve accipiat, nec vllam vel exiguam stipem atque eleëmofynam, sed omnia ad solam Domini Dei gloriam, animarumque salutem fiant atque administrentur. Quin imò vt nostrarum utilitatum ratio omnis prætermittatur; nec quisquam proprio emolumento studeat, neutiquam nostri ægrotis auctores sint, neque consilium dent aut hortentur, vt aliquid erogent eleëmofynæ, aut testamentum faciant, aut legata relinquant in rem atque utilitatem nostram.

Propter multas instituti nostri occupationes, qui nostrum sacris Ordinibus initiati erunt, divinum Officium quotidie recitabunt, nō in choro, sed privatim ac singulatim; ceteri tertiam B. Virginis Rosarij partem, vel eius Officium parvum; Processiones etiam solemnissimas, ceterasque solemnitates (quibus piè alij religiosi Ordines interfunt) ipsi non obibunt, vt liberiùs magisque assidue ægrotis operam navent: quo in ministerio perseverare cupimus, immediate subditi curæ, animaduersioni, speciali protectione ac defensione S.D.N. Papæ, sanctæque Sedis Apostolicæ.

Vt autem spiritum nostri recreent ac pascant, possintque tantam divinæ gratiæ ubertatem adipisci, vt munera & officia sua cum caritate exequantur, exercebunt se in oratione mentali & vocali, tum in examine conscientia: seque sapissimè munient Sacramento confessionis & communione Corporis Christi, nonnullis item abstinentijs: quæ omnia Constitutionibus particulatim exponuntur. Ac quoniam nostris, vt aliter saluti consulant, cum proximis assidue conversandum est, volumus, Novitios, secundum formam edendarum Constitutionum iam admissos, præter accuratam examinationem, per bien-

biennium antè probari quàm ad professionem admittantur : qui à Præfæctis iuxta modum in eisdem Constitutionibus statuendum, idonei existimati fuerunt, exacto biennio profitebuntur.

Vestis erit pauperum atque honestorum sacerdotum, nigri coloris : pallio autem ac tunicæ eorum dumtaxat, qui professionem fecerint, assuetur ad dextram *Crux* oblonga ad palmi mensuram, ex panno castanei coloris, qui vulgò *Tamens* dicitur.

Nostri instituti ratio postulat, ut longè maior esse debeat laicorum quàm sacerdotum numerus. Idcirco statuitur, eos tantùm esse sacris Ordinibus destinandos, quos Præfæctus generalis atque vnà Consultores, vel de eorum licentia alij Superiores, non aptos modò ad ipsos sacros Ordines, sed etiam ad ministerium nostrum, ex Constitutionum præscripto, congruentes ac necessarios iudicant. Idemque seruandum decernimus erga Clericos qui ad studium admittuntur : ij verò in eo se ex ipsarum Constitutionum Regulis exercent, ut ita litteris vacent, ne mortificationis & ægrotorum iuuandorum (prout Præfæctis visum fuerit) studia omitantur.

Præterea quòd hæc exercitia, cum disciplina spiritali coniuncta, ærumnas & incòmoda adferunt, quodque gravia sunt nobis ac tetra loca frequentanda, experti sumus, eorũ tuendę valetudinis causa, qui his officijs in Domino functi fuerint, aliquo loco opus esse, ubi puro, libero ac salubri aëre grauis odor & putor conceptus expurgeretur, nostrique è multis laboribus ac vigilijs respirent : quem etiam locum destinari cupimus nostris ex inualitudine se reficientibus, quò citius afflictę vires recuperentur. Quare eiusmodi locum habere Congregatio poterit : idque fore interpretamur, salua & integra, cui dediti sumus, paupertate. Eius autem loci qualitas Constitutionibus definitur. Quibus præterea in urbibus & epidis Congregatio Novitios educabit, possit habitationem habere separatam à Professorum domo.

Cùm autem, sicut accepimus, in præmissis nihil, quod pium non sit aut salutare, reperitur, nos & præmissa omnia & singula, tamquam ad spiritualem profectum animarum pertinentia & oportuna, Apostolica auctoritate, tenore præsentium perpetuò approbamus & confirmamus. Et potiori pro cautela, Camillo & socijs præfatis, ac eorum cuiuslibet, ut quandoquæque eis visum fuerit, possint prædicta substantialia religiosę vitę, *paupertatis* videlicet, *castitatis* & *obedientię* & *perennis ministerij ægrotantium*, vota, iuxta præfata Formulę tenorẽ, emittere, & Præfæctus hac prima vice eligendus, in manibus cuiuscumque personę in dignitate seu administratione ecclesiastica constitutę, solemniter profiteri : & tam ipse quàm alij pro tempore existentes Præfæcti & socij eiusdem Congregationis, sub nomine & nuncupatione *Clericorum regularium Ministrantium infirmis* in communi & de communi viuentes, in loci, sibi forsitan iam concessis vel in futurum cõcedendis, in vnum habitare, & ex eis inter se Superiorem, Præfæctum nuncupandũ, eligere : & quoscumque alios sæculares Clericos seu laicos recipere & ad huiusmodi votorum professionem, in manibus eorum Superiõris seu Præfæcti emittendam, & ad communem viuendi modum admittere : necnon inter eos quascumque Constitutiones particulares cedere, & tam hæcenus factas quàm in posterum faciendas Constitutiones ipsas, iuxta temperum & locorum ac rerum qualitatem & varietatem, mutare, alterare, seu in totũ cassare, & alias de nouo cõdere, facere & edere possint & valeant &c. perpetuò concedimus & indulgemus. Datum Romę apud S. Marcum, anno Incarnationis Dominicę millesimo quingentesimo nonagesimo primo, XI. Kalendas Octobris, pontificatus nostri anno quarto.

Hanc porrò Regulam seu vitę Formulam Clemens VIII. anno 1600. in quibusdam articulis reformauit, & in meliorem ordinem redegit : edito diplomate quod tomo 3. Bullarij. Romę à Lærentio Cherubino 1617. publicati, legitur. Ceterum haut abs re fuerit subnectere seriem Domorum huius instituti, quę ad nostram notitiam peruenerunt.

Roma { Ad ædem S. Marię Magdalenę : della Maddalena alla Rivonda.
Domus Novitiatus, prope curiam Sabellicam.

Neapoli 1588. fundauit Iulia à Castellis, & adiunxit Roberta Carafa Dux Mataluni,

cum alijs nobilibus matronis.

Mediolani 1594. Camillus Lellius, visitatis quotidie Xenodochijs, initium dedit.

Genuæ apud Ligures 1594. idem Camillus præstitit.

Florentiæ 1599. Rudolphus Bardus domum dedit, & S. Gregorij ædem.

Ferrariæ 1599. Fontana Episcopus locum & ædem Deiparæ attribuit.

Messinæ in Sicilia 1599. liberalitate Senatus Populique illius urbis.

Panormi ibidem 1600. beneficio Bernardini de Cardines Ducis Maqueda, & aliorum.

Mantuæ 1601. ad ædem S. Thome. Domum dedit Vincentius IV. Dux.

Viterbij 1603. ad templum S. Mariæ de Podio.

Bocchianici 1605. Camillus Lellius in sua patria fundavit.

Theateq; vel Theati 1605. fundante eodem Camillo.

In Burgo-novo 1606. euocante Comite Alexandro Sfortia.

In opido Calatensi 1607. Item Bononiæ, Nolæ, Calatari-goræ, Sinuessæ, & alibi. Quæ quidem Domus in V. Prouincijs sunt partitæ, videlicet *Romanam, Neapolitanam, Mediolanensem, Bononiensem, & Siculam.*

Pate ben
fratelli.

Ab ista porrò Clericorum Ministrantium infirmis Congregatione prorsus est diuersus Ordo Hospitalarium à B. *Ioanne Dei*, Lusitano, circa annum 1538. inchoatus, & 1572. à Pio V. sub Regula S. Augustini approbatus; quique in duas Congregationes, videlicet *Hispanicam & Italicam*, nunc est diuisus. De eo Augustinus Barbosa lib. 1. cap. 41. De Iure Ecclesiastico, & Siluester Maurolicus in Oceano Religionum lib. 5. fusè tractant. Institutoris vitam Hispanicè scripsit *Franciscus à Castro*, eiusdem Ordinis presbyter & Granatensis Xenodochij moderator: quam Italicè *Ioannes Franciscus Bordinus* Archiepiscopus Auenionensis, Gallicè *Franciscus Harlam* Archiepiscopus Rotomagensis, & Latine *Arnoldus Raissius* Canonicus Duacensis, reddiderunt. Obiit autem Ioannes Dei plenus bonorum operum Granatæ anno Christi 1550. ætatis 55. die 8. Martij: quem miraculis clarum Urbanus VIII. in Beatorum classem 1630. retulit. Qui plura volet historiam vitæ eiusdem B. Ioannis, ab Antonio de Gouca Episcopo Cyrenensi scriptam, consulat.

CLERICORVM REGVLARIVM

MINORVM

CONGREGATIO

A IOANNE AVGVSTINO ADORNO

INSTITVTA ANNO M.D.LXXXVIII.

Bullarj
rom. 2.



IXTVS Papa V. ad perpetuam rei memoriam &c. Pro parte dilectorum filiorum *Ioannis Augustini Adorni* presbyteri Iannensis, & sociorum, nobis exhibita petitio continebat, quòd ipsi pluribus abhinc annis, tamquam diuino afflatu inspirati, ad omnipotentis Dei gloriam, & animarum salutem, vnâ presbyterorum & Clericorum regularium Congregationem instituere, ac vt cum maiori animi quiete Deo seruire, & illi magis adhærere possint, tria substantialia religiosæ vitæ, paupertatis scilicet, castitatis, & obedientie vota emittere, ac sub solito & cõmuni habitu clericali in vnum habitantes, & in cõmuni ac de cõmuni viuentes, nec non Deo humiliter & deuotè, quantum ipse dederit, seruientes, sub nostra & Apostolicæ Sedis iurisdictione & speciali protectione, regularem vitam ducere, ac continuis orationibus

nibus, spiritualiumque operum exercitio, & asperæ carnis maceratione, ad suarum, aliorumque Christi fidelium animarum salutem & profectum, vacare decreuerunt. Quare nobis humiliter supplicari fecerunt, quatenus eorum pio desiderio huiusmodi annuere, aliasque in præmissis oportune providere de benignitate Apostolica dignaremur.

Nos igitur, *Ioannem Augustinum*, & socios prædictos, à quibusvis excommunicationis, aliisque ecclesiasticis sententijs absoluentes, & huiusmodi supplicationibus inclinati, vnam Congregationem regularem presbyterorum & CLERICORVM REGVLARIVM MINORVM nuncupandorum, per vnum *Præpositum generalem*, qui presbyter esse, & hac prima vice per *Ioannem Augustinum* & socios prædictos, vel eorum maiorem partem, postquam professionem emiserint, & deinceps futuris temporibus per Capitulum generale dictæ Congregationis, per maiorem partem suffragiorum, ad vitam eligi debeat, regendam & gubernandam, ad nostram & Sedis Apostolicæ beneplacitum, auctoritate Apostolica, tenore presentium permittimus & indulgemus, illamque sub B. Petri, ac nostræ, & dictæ Sedis immediata subiectione & speciali protectione recipimus. Nec non eidem Congregationi, vt pro ecclesiarum, domorum, & personarum salubri statu & directione, quæcumque Statuta & Ordinationes, rationabilia & honesta, ac sacris Canonibus, & Concilij Tridentini decretis non contraria, per Sedem Apostolicam approbanda, cedere & facere, illaque pro temporum qualitate, ac prout expedire videbitur, mutare, & in totum tollere, aliasque de nouo edere: eisdem *Ioanni Augustino* & socijs, ac cuilibet ipsorum, vt tria substantialia religiose vitæ, vt præfertur, *paupertatis, castitatis & obedientie* vota publicè, in cuiuscumque Archiepiscopi vel Vicarij in spiritualibus generalis manibus, coniunctim vel diuissim, tam in Vrbe quam alijs vbi libet, emittere & solemniter profiteri: ac sub communi & humili habitu pauperum clericorum, subque dominatione & nuncupatione *Clericorum & Presbyterorum regularium Minorum*, in communi ac de communi viuentes, in locis religiosis aut secularibus, prout ipsis ab illis, quorum loca ipsa erunt, concessum fuerit, seu expedire videbitur, in vnum habere: ac alios quoscumque seculares clericos, & etiam laicos, qui, Deo adspirante, ad huiusmodi vitæ frugem & communem viuendi modum sese conferre voluerint, recipere, & post annum probationis ad talem trium votorum professionem in manibus ipsius Præpositi generalis, vel alterius, iuxta Congregationis instituta & faciendas ordinationes, ac sacrorum Canonum, & Concilij huiusmodi dispositionem, emittendam, & ad huiusmodi in communi viuendi modum admittere: ac horas Canonicas, diurnas pariter & nocturnas, nec non Missas & alia diuina Officia, simul & diuissim, secundum vsum & morem Romanæ Ecclesiæ, & iuxta Breviarium Romanum nouiter compilatum, etiam in ecclesia dicere & recitare: quodque ipsius Congregationis presbyteri, ab ipsius Congregationis Præposito generali, vel alio Superiore, ac ab Ordinario loci approbati, & de licentia ipsius Generalis, seu Præpositi domus, in qua pro tempore habitauerint, quorumcumque Christi fidelium Confessiones audire, illosque à quibusvis peccatis, excessibus & criminibus, non tamen Sedi Apostolicæ quomodolibet reservatis, absolvere: ac quibuscumque Christi fidelibus, verè poenitentibus & confessis, sanctissimæ Eucharistiæ Sacramentum, sine tamen suorum Parochorum, & iurium parochialium præiudicio, ministrare: nec non quascumque domos regulares dictæ Congregationis, pro illorum vsu & habitatione, cum ecclesia, campanili, domibus, hortis, hortalijs, & alijs officinis necessarijs, construere & edificare, seu construi & edificari facere, vel iam constructas & edificatas recipere, liberè & licitè valeant, dictasque domos ex nunc, prout ex tunc, & è contrà postquam constructæ & edificatæ seu receptæ, vt præfertur, fuerint, in domos regulares dictæ Congregationis, auctoritate & tenore prædictis concedimus & indulgemus &c. Datum Romæ apud S. Petrum, sub annulo Piscatoris, die primo Iulij, millesimo quingentesimo octogesimo octauo, pontificatus nostri anno quarto.

NOTATIO. Congregatio ista fuit Neapoli anno 1588. instituta, auctoritate Sixti V. Pontificis Maximi; qui eò quod fuit ordinis Fratrum Minorum, voluit hanc nouam Congregationem *Clericorum Minorum* nomine appellari. Eius fundator fuit AUGUSTI-

NVS ADORNVS Genuſis cū duobus ſocijs *Auguſtino Caracciolo & Frāciſco Caracciolo* Neapolitanis. Huius Ordinis Religioſi, qui ad preſbyteratus dignitatem admiſſi ſunt, poſt annum & quatuor meſes, Profeſſionem emittunt, & vltra tria communia vota, paupertatis, caſtitaſis & obedientiæ, vouent etiam ſolemniſter non ambire dignitates. Fratres vero laici, poſt annos tres à receptione, tria communia vota in Profeſſione emittunt. Vota ipſa quotannis in die Epiphaniæ communiter renouare tenentur. Rudibus, ſed decentibus veſtibus induuntur: nec poſſunt apud ſe habere quidquam aureum aut argenteum, aut quid aliud pretioſum, Singulorum cubicula, eorumque ſupellex paupertate niſcere debent. Habent Orationem mentalem, tum communem manè & veſperi, quam omnes ſimul peragunt, & terminant cum Litanijs B. Virginis, tum circularem, qua ſingulis horis vnus in choro adſtat, orando *pro augmento Reipublicæ Chriſtiane, pro benefactoribus &c.* In choro Canonicas horas diurnas nocturnaque perſoluunt. Celebrant Miſſas ſolemnes, feſtis præſertim diebus. Publicè ſacrum Eucharistiæ Sacramentum ſingulis primis Dominicis cuiuſcumque menſis exponunt; ſacerdotes quotidie celebrant, fratres clerici & laici ſingulis Dominicis & feſtis diebus Eucharistiæ ſumunt; quotannis ſinguli ſolent, ad certum dierum ſpatium, ab omnibus proſus alijs rebus & ab omni aliorum commercio ſegregari, ſpiritalia quædam peragere exercitia. Vltra ieiunia, quæ cunctis fidelibus Romani indici Eccleſia, obſeruant ieiunium Aduentus Domini & ſeræ ſextæ, per totum anni circulum, & ieiunium ſeræ ſecundæ & tertię ante Cineres: item in ſecundis & quartis ſcijs totius anni carnibus non veſcuntur; ſingulis ſextis ferijs communis flagellatio ſeu diſciplina habetur in eccleſia. Habent præcipue circulares poenitentias, qua ſingulis diebus vnus in pane & aqua ieiunat, aliud cilicium gerit, tertius flagellis ſe cædit. Silentium ſemper & vbique ſeruant, præſertim duabus horis in assignato loco, vna poſt prandium, altera veſperi.

Proximum adiuuans Sacramentorum miniſterio, Poenitentię & Eucharistiæ, itemque Euangelicis concionibus habendis, tum in eorum eccleſijs, tum in alijs, ſi fuerint acceſſiti. Congregationes inſtituunt ſecularium, ad ipſorum ſpiritualium profeſſum; doctrinam Chriſtianam pueros docent; Miſſiones exercent, animum agentibus aſſiſtunt, cū poſtulat occaſio. Literarum ſtudia ex profeſſo amplectuntur, tum ſcholæſtica tum moralia, & Caſuum conſcientiæ: externas linguas, vt Græcā, Hebraicā, Syriacā, Chaldaicā, Arabicā excolunt, & Collegia fundant, in quibus ſtudioſorum vſus promouetur. Non ſolū docent ſuos, ſed etiam ſeculares, accurrentes ad Philoſophiam, Theologiam, & doctrinam Caſuum conſcientiæ. Habent pro Nouitijs educandis domos ſeparatas, vbi ſpiritualibus ſtudijs & exercitijs imbuuntur. Habent inſuper quædam domos, quas vocant *Receſſus*, in quibus ad certum tempus commorantur, ſoli contemplationi vacantes. Pro gubernatione Congregationis in plures provincias diſtributi ſunt: habent *Præpoſitum Generalem* toti Cōgregationi præſidentem, & ſingulis ſexennijs Generale Capitulum, in quo mutatur Præpoſitus Generalis: & ſingulis triennijs celebrantur Capitula Prouincialia, in quibus mutantur Præpoſiti Prouinciales. In ſingulis domibus ſunt Præpoſiti locales, & tam Generali quā Prouinciali adiunguntur quattuor Aſſiſtentes, atque etiam Præpoſito locali quattuor Conſultores, Militant ſub particularibus Conſtitutionibus, anno 1605, à Paulo V. approbatis, & Romæ 1666. excuſis. Geſtant humilem habitum pauperum Clericorum: viuunt autem in communi & de communi, itemque ex eleëmofynis, quæ à Chriſti fidelibus ſponte offeruntur; nec eas oſtium petunt aut quaerunt.

Ceterū primarius fundator *Ioannes Auguſtinus Adornus* 1592. die 29. Septembris ſanctiſſimè in Domino Neapoli obdormiuit, ibidem in baſilica S. Mariæ maioris conditus. *Franciſcum Caracciolum*, Roma Neapolim per Apruti um tēdens, in Agnone municipio (vbi ſui inſtituti Domum fundare cogitabat) anno 1608. die 4. Iunii deceſſit; inde Neapolim tranſuectus, & iuxta collegam ſuum Adornū ſepultus. *Auguſtinus Caracciolum* viuere deſijt Romæ 1615. die 25. Maij, Aſcenſioni Dominiꝝ tunc ſacro; ibidem humatus ad S. Laurentium in Lucina. Sic tradit Cęſar Eugenius Caracciolum, vir nobilis

Nea-

Neapolitanus, in sua Neapoli sacra, quam Italicè descripsit. Porro iuuerit hic subtexuisse elenchum Collegiorum ac Domorum istius instituti, quarum saltem fama ad nos Belgas atque extremos hominum Morinos peruenit.

Neapoli { Collegium, ad ædem S. Mariæ maioris anno 1588.
Domus Nouitiorum. Item Domus Exercitiorum.

Domus Reclusus, in opido haut procul à Neapoli sito.

Panormitana Domus, in Sicilia insula, *Palermo*.

Messanensis Domus, ibidem, *Messina*. Catanensis Domus, ibidem, *Catania*.

Romæ { Domus, ad ædem S. Laurentij in Lucina, quæ parochiam habet amplissimam.

{ Collegium, ad ædem S. Agnetis : *S. Agnese in piazza Navona*.

Mannæ Domus, *Manna*. Item Genuæ & Bononiæ, *Genova*, *Bologna*.

In Castello Durantino, *Cassel-Durante*. Domus fundata à Francisco Maria Roboreo, Urbini Duce postremo : qui & Bibliothecam Ducalem, longè amplissimam ac copiosissimam, Clericis Minoribus donauit.

Pisauri in Ducatu Urbinenfi, Domus ab eodem Duce fundata, *Pesaro*.

Madridi in Hispania, Domus 1594. à Philippo II. Rege dotata, *Madrid*.

Compluti Collegium. Item Domus Nouitiorum aut Exercitiorum.

Vallisoleti Domus, *Valladolid*. Castrilli Collegium, *Castrillo*.

Salmanticæ Domus, *Salamanca*. Hispali Domus, *Sevilla*.

Olisiponæ { Domus Olisiponensis in Lusitania. *Lisboa*.

{ Domus Reclusus extra urbem Olisiponensem.

Atque isti a quidem Clericorum Minorum domicilia in tres Provincias sunt distributa, videlicet, *Neapolitanam*, *Romanam* & *Hispanam*.

Excerpta ex Constitutionibus Clericorum Minorum, 1605. à Paulo V. probatis, & Roma 1606. excusis.

Sacerdotes & Clerici nostri preces in choro statis horis vnà recitent, nempe Matutinum nocturnum, diurnum verò Officiū interdiu ; Romani Breviarii forma ritūque seruato. Dicatur Officiū voce simplici & æquabili, atque (vt D. Augustino placebat) *si vox psallentis pronuntians simulior quàm canenti*. In ijs Domibus, quas sufficiens Religiosorum numerus inhabitauerit, Oratio mentalis interdiu statis horis locisque instituat ; videlicet manè in choro, post refectionem verò in ecclesia, intra cancellos altaris maioris. Eo loco assidue, iſque vices per horam mente orabimus. Præter hanc circularem meditationem, ad communem aliam Orationem manè per horam integram & vespere per diuidiam horam in choro peragenda omnes vnà cōuenient. Profecti & Nouitj bis diebus singulis simul conuenientes, rationem à se ipsis exposcant, rectè ne an secus diem expenderint. Vt perpetuo custodito silentio deuotionis virtutem & regularem obseruantiam facilius tueamur, semper quidem longiorem sermonem & elatam vocem vitare volumus, atque adeò neminem cum alio loqui, nisi Superior concesserit : his tamen præcipue horis locisque strictius iudicimus silentium, nempe à prima nocte, salutationis Angelicæ signo dato, vsque ad ortum Solem. Itidem in astate, à signo post prandium dato silebitur vsque ad Orationem meridianam expletam. In choro autem, ecclesia, sacrario, bibliotheca, reſectorio, locis communibus, ad focum, in operibus communibus obeundis, semper sileatur ; & lectionem spiritualem interim, cum habent nocte, auscultent. Curent Præpositi, vt à mundanarum rerum tumultu finis, quàm maximè fieri poterit, alieni ; neque sinant quempiam in secularibus negotijs se admiscere.

Domus illæ, quæ *Reclusus* appellantur (quas singulas tantum in singulis Provinciis constitui posse decernimus) eodem, quo ceteræ Domus, modo & ordine gubernentur. Sint longè à mœnibus & suburbij dissitæ : ecclesiam habeant intra claustra, quod formis

Officia
diuina.

Oratio
mentalis &
circularis.

Examen
conscientie

Silentium.

Domus
Reclusæ.

nis nullo modo ingredi liceat. Qui in ea degunt Patres, silentium perpetuò seruent: ita ut neque cum secularibus, neque inter se vñquam colloquantur, nisi præscriptis diebus. Excipimus tamen loci Præpositum, Procuratorem & Ianitorem: ij enim quòd negotia domus administrant, silentium tam arctè custodire non poterunt. Nulla ibi scientia prælegatur, ne nostris quidem: vnà excipimus mysticam Theologiam, quam, utpote tali loco congruam, semel in hebdomada prælegi volumus.

Præter ieiunia, quæ cunctis fidelibus Romana indicit Ecclesia, hæc item à nobis seruanda decernimus: Ieiunium Aduentus Domini, dum domi morabimur; Feriæ sextæ per totum anni circulum, nisi fuerit pridie ieiunatum aut die postero ieiunandum; Secundæ item & tertiæ feriæ ante Cineres. Secundis autem & quartis feriis in vlla Domo nostra, siue ea Professorum sit, siue Nouitiorum, siue Collegium, siue Recessus, carnibus nullo modo vescamur. Excipimus feriam secundam Paschæ & Pêtecostes, & festum Natiuitatis Domini & Epiphaniæ, si in secundam & quartam feriam incidant. In ijs Dominibus, vbi circularis habebitur meditatio, obseruentur etiam hæc corporales per circulum afflictationes, Singulis diebus festis sit vnus è nostris, qui ab omni cibo ieiunet, solo pane vescatur, sitim aqua, vel Superioris consensu, vino modico sedet. Alius item cilicio carnem vexet; alius flagris se cecat. Qui autem ieiunabit, ex ea, quam sibi subtrahat, cibi potu suæ portione pauperem aliquem reficiat ad fores domus: vt videlicet fiat *refectio pauperis abstinentia ieiunantis*. Eundem verò, quem cibo aluerit, Christiana doctrina imbueri studeat. Præterea singulis sextis per annum feriis in vnaquaque Domo communis flagellatio (quam Disciplinam nuncupant) intra ecclesiam celebretur.

Decet Minores Clericos & paupertatem professos honestum quidem indumentum, vile tamen & rude. Itaque exteriores vestes in Prouincia Romana & regno Neapolitano è Passanenfi panno; in reliqua autem Italia, & extra Italiam, ex eo quod in quaque regione, Patris Prouincialis & PP. Adfidentium arbitratu, vilissimum extiterit, conficiantur. Porro vestitus exterior (hoc est, tunica, pallium & domesticæ toga) colore sit niger, forma simplex, sola munditia decorus; talis denique, vt nos semper paupertatis & moderationis admoneat. Tunica (quam clerici talarem, laici supra talum decurtatam gerant) non aperta antè, sed vndique sit conclusa. Collegijs singulis singuli præficiantur Rectores, eorumque Vicarij. Chorus non erit in Collegijs quotidianus, sed Dominicis tantum & festis diebus, qui ex præcepto seruantur. Dialecticæ Hagoges, Logicæ & Philosophiæ quattuor sit annorum curriculum; Theologiæ item quattuor. Ad summum quinque per id totum tempus lectiones auscultent assidue. Peracto autem curriculo, Scholastici è Collegijs in eam, quam Superior assignauerit, Domum commigrent: & ibi Nouitiorum vitam deinde per sex menses amplectantur.

Sexto quoque anno, itemque quotiescumque Pater Generalis aliqua ratione defecerit, habeatur generale Capitulum, siue Romæ, siue Neapoli. Quod quidem hi soli ingredi poterunt, videlicet Pater Generalis, Procurator generalis, quattuor Generalis Adfidentes, duo Visitatores, Patres Prouinciales, ac singularum Prouinciarum bini Procuratores. Præpositus Generalis sex annos curam Religionis habeat: eius domicilium sit nostra Romana Domus. Ex Italia nequaquam migret. Ad Patrem generalem spectabit eligere Procuratorem generalem. Eum Romæ semper degere, & Italiam debere esse, decernimus. Eius partes erunt vniuersi Ordinis negotia gerere, ac diligenter expedire. Patres Adfidentes per sexennium, vnà cum Patre Generali, Religionis negotia expedient, eumque in regendo Ordine sedulo fideliterque iuuabunt. Prouincialis in Capitulo generali per triennium eligatur. Visitatores bini in singulas Prouincias eligentur: per annum eorum munus duret. Præpositi locales eligantur à Capitulo generali per annum dumtaxat: ceteris autem annis, qui à Capitulo ad Capitulum intercurrent, à Patre Prouinciali suisque Adfidentibus quotannis reficiantur.

Quoniam ij qui erudiunt multos, fulgebunt sicut stellæ in perpetuas æternitates, statuendū duximus, licere nostris, de facultate Patris Generalis siue Prouincialis, etiam secularibus ad nostra Collegia confluentibus, scientiam quamlibet prælegere, & publice docere.

docere; videlicet Rhetoricam, Logicam, Philosophiam, Theologiam, & ceteras clericis congruentes, ijsque à sacris Canonibus permissas. Postremò testatum volumus, nullà harum Constitutionum, neque aliarum deinceps faciendarum, obligare nos ad culpam, sed ad poenam solummodo aliquam. Culpe verò ij solum erunt obnoxij, qui aut quidpiam substantialium Religionis votorum, aut quod naturali, diuina siue ecclesiastica lege prohibeatur, ausi fuerint violare, aut præcepto, in virtute sanctæ obedientiæ à Superiore eis factò, non obedire.

CLERICORVM REGVLARIVM

B. M. A. R. I. Æ.

CONGREGATIO

A IOANNE LEONARDIO

INSTITVTA.



Congregationis Clericorum Matris Dei, Lucæ in Italia primitus erectæ, titulo Congregationis Clericorum sæcularium B. Mariæ Virginis, sub Gregorio XIII. anno 1574. fundator fuit venerabilis sacerdos **IOANNES LEONARDIVS**, ex Comitatu *Dicimo*, Lucensis diœcesis, oriundus. Eius primi discipuli ac socij fuerunt *Ioannes Baptista Cionius*, *Cesar* & *Iulius Franciotti*, fratres germani, omnes nobiles Lucenses, & *Georgius Arrighinus*, in Pontetetto, diœcesis eiusdem

1574.

Lucensis municipio, natus. Congregationis huius initia Alexander Guidiccionus, Episcopus Lucensis, anno 1583. primus probauit: exinde Clemens VIII. Papa anno 1596. dictam Congregationem bullato diplomate, mox recitando, confirmauit, sub Apostolicæ Sedis protectione suscepit, & ab ordinaria Episcoporum iurisdictione exemit. Cardenalis postea Baronius, eiusdem Congregationis protector, auctoritate sibi ab eodem Clemente VIII. tradita, Constitutiones ab ipso Ioanne Leonardio scriptas anno 1604. die 10. Iunij approbavit, signauit & suo sigillo muniuit. Paulus V. regimen Scholarum piarum in Vrbe Clericis huius Congregationis die 14. Ianuarij 1614. commiserat: sed ipsi postea hoc onus abdicarunt ac dimiserunt: vt constat ex diplomate eiusdem Pauli V. die 6. Martij 1617. dato, quod tomo 4. Bullarij, Romæ 1632. excusi, legitur. Idem Pontifex Marianis hisce Clericis postea concessit, vt præter tria vota simplicia, castitatis, obedientiæ & perseverantiæ (quæ ab eisdem vigore litterarum Clementis VIII. emitti solebant) simplex etiam *paupertatis* votum possint emittere. Exstantque diplomata die 30. Iulij 1615. & die 14. Augusti 1619. desuper edita. Gregorius XV. demum hanc Congregationem in Religionem trium votorum solemnium euexit atque approbavit, litteris 3. Nouembris 1621. desuper expeditis. Utuntur autem eodem habitu, quo Patres Soc. Iesu. Ceterum Ioannes Leonardus die 9. Octobris 1609. Romæ, cum opinione sanctitatis, obiit. Vnde Gregorius XV. mandauit, vt pro eius canonizatione formarentur processus: & iam permulti testes super eius virtutibus examinati fuerunt, & in dies examinantur. Huius Ordinis Clerici domicilium habent Lucæ iuxta ecclesiam S. Mariæ ad Curiam Orlandingorum; Romę verò ad S. Mariam de Capitellis, & ad S. Mariam in Porticu. De eodem Ordine agunt *Cesar Franciottus* suprà laudatus, in libro quem de Sanctis Lucensibus Italicè in vrbe patria 1613. edidit, & *Iosephus Mairarius* eiusdem

Con-

Congregationis Rector generalis, in Historia miraculose Imaginis S. Mariæ in Porticu, Romæ 1627. edita. Sic ferè Augustinus Barbosa lib. 1. de Iure ecclesiastico vniuerso, cap. 14. num. 162.

CLEMENS VIII. Papa ad perpetuam rei memoriam &c. Cum, sicut accepimus, venerabilis frater ALEXANDER Episcopus Lucanus, iam dudum Confraternitatem seu Societatem aut Congregationem Clericorum secularium & laicorum in communi viuentium, sub inuocatione & vexillo beatæ & gloriosæ semper Virginis MARIÆ, in ecclesia S. Mariæ, Curtis *Orladingorum*, Lucæ exerexit, ac dictæ Confraternitatis seu Congregationis confratribus, vt vnum ex eis qui alijs præficeret, ac rerum & bonorum ipsius Confraternitatis seu Congregationis curam & administrationem gereret, cuique ipsi Confratres parere tenerentur, eligere, ac constitutiones per eum approbandas condere possent, facultatem concesserit (preut in patentibus litteris ipsius Alexandri Episcopi, anno Domini millesimo quingentesimo octagesimo tertio desuper concessis plenius contineri dicitur) ac eius Confraternitatis seu Congregationis Confratres Sacramentorum ecclesiasticorum administratione, diuini verbi prædicatione, & aliorum bonorum operum exemplo proximum iuuare totis viribus contendant: Nos, vt ipsi Confratres in suo laudabili proposito magis consueantur, & ad huiusmodi pia & sancta opera exercenda præporiores reddantur, ac fructus, quos in vinea Domini plurimos hæcenus & maturos ac dulces locatari Domino obtulerunt, eosdem longè dulciores & maturiores ac vberiores in posterum offerant, motu proprio & ex certa nostra scientia, ac de Apostolicæ potestatis plenitudine, erectionem Confraternitatis seu Societatis aut Congregationis Clericorum secularium, in dicta ecclesia ab eodem Alexandro Episcopo, vt præfatur, factam, nec non omnia & singula in dictis patentibus litteris, erectionem huiusmodi concernentibus, contenta, & inde secuta quæcumque, Apostolica auctoritate, tenore præsentium approbamus & confirmamus, illisque perpetuæ & inuiolabilis firmitatis robur adjicimus, ac omnes & singulos, tam iuris quàm facti & solemnitatibus in eis forsan omissarum defectus, si qui interuenerint in eisdem, supplemus.

Et nihilominus eandem Confraternitatem in Congregationem Clericorum secularium, sub titulo seu inuocatione eiusdem B. Mariæ Virginis, cum eisdem regulis, institutis & facultatibus in dicta ecclesia, auctoritate & tenore præmissis perpetuò erigimus & instituimus: Nec non nunc & pro tempore existentibus Rectori & socijs dictæ Congregationis concedimus, vt quæcumque statuta & ordinationes, felix regimen & gubernium ipsius Congregationis concernentia, ac sacris Canonibus, & decretis Concilij Tridentini ac Romanorum Pontificum constitutionibus non aduersantia, condere possint; quæ tamen condita ab Ordinario loci approbentur: quodque Confessores dictæ Congregationis, qui ab Ordinario approbati fuerint, confessiones quorumcumque ad eos accedentium, quocumque anni tempore, audire, & debitam illis penitentiam, pro modo culpæ, iniungere: Superiores autem ipsius Congregationis per se vel alium, seu alios ex ipsis iam approbatis suos subditos à censuris & casibus Sedi Apostolicæ reservatis (non tamen contentis in litteris die cænæ Domini legi solitis) absolueret, & etiam debitam illis penitentiam iniungere: nec non Superior dictæ Congregationis, receptos inobedientes, & illius constitutionum transgressores punire, & penitentiam, pro modo culpæ, eius arbitrio (seruata tamen semper dictarum Constitutionum forma) eosdem afficere, & si sibi videbitur, cum assensu maioris partis dictæ Congregationis, culpabiles eijcere, inuocato etiam ad hoc, si opus fuerit, auxilio Episcopi, seu brachij secularis, liberè & licitè valeant, eisdem auctoritate & tenore concedimus.

Quodque recipiendi in Congregatione huiusmodi, tam clerici quàm laici, teneantur (vbi aliter Congregationi visum non fuerit remittendum) promittere, etiam cum iuramento, se refecturos expensas pro ipsis ab eadem Congregatione factas, si quando contigerit, vt spontè vel iusta de causa expulsi ab eadem Congregatione discedant. Demum quod Congregatio hæc sit & perpetuò remaneat sub protectione huius Sedis Apostolicæ (non tamen exempta ab ordinaria iurisdictione Episcoporum Lucanorum, qui pro

tem-

tempore erunt, quo ad visitationem & reformationem, si opus fuerit, iuxta Constitutiones eiusdem Congregationis tantum, nec aliàs aliter, nec alio modo) perpetuò statui-
mus & ordinamus &c. Datum Tusculi, sub annulo Piscatoris, die 13. Octobris, 1595. 1595.
pontificatus nostri anno quarto.

CLERICORVM REGVLARIVM
SCHOLARVM PIARVM
CONGREGATIO
A IOSEPHO CALASANTIO
INCOHATA.



Congregatio Clericorum pauperum Matris Dei Scholarum piarum, Clementis VIII. auctoritate, à *Ioanne Calasantio*, aliàs de Matre Dei, ex regno Aragoniæ oriundo instituta & per Paulum V. confirmata fuit. Gregorius XV. eam in Religionem trium votorum solemnium 1621. prouexit, & varijs privilegijs firmavit. Exstat volumen Constitutionum: quarum confirmationem 1622. Calasantius ab eodem Pontifice impetravit. Habent Ministrum Generalem; gestant clericalem habitum honestum, sed ex viliori panno; incedunt nudis pedibus; comitantur pueros quos docent ad domos parentum. Viuunt Romæ ad S. Pantaleonem in Pasquino, ut vulgò vocant, & in varijs Vrbis regionibus scholas aperiunt. Collegium item Nazarenum, haurit procul ab æde S. *Andræ de la Frata* nuncupata, possident; habentque Domum Nouitiatus Ad quattuor fontes, in via quæ ducit ad templum B. Virginis de Victoria. De hoc Ordine agit Pancirola in suo Thesauro, ubi Parionis regionem describit. Sic ferè Augustinus Barbosa lib. 1. c. 14. De Iure ecclesiastico vniuerso, nu. 163.

PAVLVS Papa V. ad perpetuam rei memoriam. Cùm accepissimus, quod opus *Scholarum piarum*, à nobis in Vrbe nostra ad pauperes erudiendos & instituendos erectum, vberos fructus ferebat, nos felici eiusdem operis progressui consultum esse cupientes, curam, regimen & administrationem dictarum in Vrbe erectarum, & aliarum piarum Scholarum pro tempore erigendarum, dilectis filijs Præposito generali & Clericis secularibus Congregationis B. Mariæ commisimus & demandauimus, prout in nostris desuper sub die 4. Ianuarij 1614. expeditis litteris plenius continetur. Cùm autem, sicut accepimus, Clerici seculares præfati bonorum stabilium possessione se abdicari nolint (propterea quoddam alijs muneribus & exercitijs, iuxta regularia eiusdem Congregationis instituta, Apostolica auctoritate confirmata, ne vacent, impediri se sentiant) & huiusmodi exercitijs potius operam dare, quàm prædictas Scholas regere malint; nos (ne tam piæ ac præsertim pauperum liberorum Christianæ educationi & eruditioni proficuum opus aliquod propterea detrimentum patiarur) quantum cū Domino possumus, providere volentes, litteras nostras prædictas, omniaque & singula in illis contenta, Apostolica auctoritate, tenore præsentium reuocamus & annullamus, nulliusque roboris vel momenti esse & fore decernimus & declaramus. Præterea in domo earundem Scholarum Vrbis prædictæ vnâ Congregationem *Scholarum piarum*, ab vno Præfecto regendam & gubernandam (quæ de cetero perpetuis futuris temporibus *Paulina pauperum Matris Dei Scholarum piarum* nuncupari, nec vltra viginti ab Vrbe milliaria extendi, neque vllum locum, in quo Scholæ piæ non sint, domibus Nouitiorum exceptis, habere, & qui eidem Congregationi

gationi nomen dare voluerint, finitis duobus probationis annis, omnes tam ad sacros, etiā presbyteratus, Ordines promoti, & clericali charactere dūtaxat insigniti, quā fratres operarii, tria simplicia vota, paupertatis videlicet, ac castitatis & obedientię, super quibus à nemine, pręterquam à Romano Pontifice pro tempore existente dispensari possit, emitte-
tere, ac gratis & nullo stipendio, mercede, salario aut honorario accepto, ad pueros in primis elementis, Grammatica, Computu, ac pręcipuē in Fidei catholice rudimentis erudiendos, bonis & pijs moribus imbuendos, ac demum Christiano more educandos, operam, laborem ac studium conferre debeant) sine alicuius pręiudicio, de nouo erigimus & instituimus.

Ita verò quòd qui simplex paupertatis votum, vt pręfertur, emisserint, quamdiu in prædicta Congregatione permanserint, cuiuscumque domini, iuris & proprietatis incapaces sint, idem quę paupertatis votum summam in ijs paupertatem inducat, tam in particulari quā in communi; ita vt nihil omnino iuris habeant, sed nec habere aut acquirere quouis titulo possint in bonis seu ad bona, quę vocantur immobilia, vel quę pro immobilibus habentur. Huic verò paupertati omnia ad eorum vsum pertinentia, cibos, vestes, suppellectilem tam sacram quā profanam, statui & instituto conuenientia, domos verò, hortos, contiguos domibus, ecclesias, sacristias, oratoria ac scholas & huiusmodi immobilia, quę pariter vltui eorum destinantur, similiter conuenientia, vt pręfertur, & pręterea in dominio Romani Pontificis pro tempore existentis, mobilia verò in dominio ipsorum, in communi tamen esse debere, similiter decernimus & declaramus. Dictarum verò in Vrbe, & extra eam infra viginti milliaria earum, & pro tempore erigendarum piarum Scholarum, & Congregationis prædictę sic erectę Pręfecturam, curam, regimen & administrationem dilecto filio *Iosepho Calasantis*, Scholarum prædictarum nunc Pręfecto, ad nostrum beneplacitum committimus & demandamus: ita quòd liceat *Iosepho* & Congregationi huiusmodi earundem & aliarum Scholarum huiusmodi, simul atque erectę fuerint, bonorum corporalem, realem & actualem possessionem, pręsentium vigore, capere & apprehendere, & illa in Scholarum prædictarum beneficium possidere.

Insuper duodecim eiusdem Congregationis Clericis, qui votum paupertatis, vt pręfertur, emisserint, vt arbitrio nunc & pro tempore existentis apud nos & Sedem Apostolicam earundem Scholarum Protectoris, ad omnes, etiā sacros & presbyteratus, Ordines à quocumque maluerint catholico Antistite, gratiam & communionem eiusdem Sedis habente, ad titulum paupertatis huiusmodi promoueri, & promoti in illis, etiā in altaris ministerio ministrare, dummodo tamen ad hoc idonei reperti fuerint, neque aliud illis canonicum obstat impedimentum. Ita tamen quòd si ex dicta Congregatione exire siue emitte contingerit, tamdiu suspensi ab executione Ordinum susceptorum remaneant, quamdiu in redditibus tantum habuerint, quantum ad congruam eorum sustentationem sufficiat.

Insuper *Iosepho* & Congregationi huiusmodi, de consensu dicti Benedicti Episcopi & Cardinalis, ac pro tempore existentis Protectoris, vt pro felici Congregationis prædictę illiusquę domorum & Scholarum regimine, quęcumq; Statuta, Capitula, Ordinationes & Decreta necessaria & oportuna, licita tamen & honesta, sacrisquę Canonibus & Concilij Tridentini Decretis ac Constitutionibus Apostolicis non contraria, per Apostolicam Sedem approbanda & confirmanda, facere & edere, illaquę pro tempore, prout eis videbitur & expediens fuerit, præuia simili approbatione & confirmatione, mutare, alterare, corrigere & in melius reformare libere & licite valeant, auctoritate & tenore paribus concedimus & indulgemus. Non obstantibus &c. Datum Romę apud S. Mariam maiorem sub annulo Piscatoris, die 6. Martij 1617. pontificatus nostri anno duodecimo.

Gregorij XV. Pontificis diplomata varia.

Gregorius Papa XV. ad perpetuam rei memoriam &c. Cum, sicut dilectus filius *Bullarij tom. 4.*
Iosephus de Matre Dei, Præfatus generalis Congregationis Clericorum pauperum
 Matris Dei Scholarum piarum de Vrbe, nobis nuper exponi fecit, Clerici eiusdem
 Cōgregationis tria simplicia, *paupertatis scilicet, castitatis & obedientie* vota emittant; cum-
 que perfectioris vitæ studio ducti, simplicia vota prædicta per nos solemniter declarari
 nobis humiliter supplicassent; venerabiles fratres nostri S. R. E. Cardinales, negotijs
 Episcoporum & Regularium præpositi, quibus negotium huiusmodi maturè exami-
 nandum & nobis referendum commisimus, prædictam Congregationem nuncupatam
 pauperum Matris Dei *olim Romæ* sel. rec. Clementis Papæ VIII. prædecessoris nostri
 auctoritate erectam, per sanctæ memoriæ Paulum Papam V. prædecessorem nostrum
 confirmatam, & prope ecclesiam S. Pantaleonis de Vrbe modò degentem, in Religio-
 nem trium votorum solemniter approbati posse censuerunt: prout in decreto desuper
 sub die 31. Augusti proximè præteriti facto dicitur contineri:

Nos pijs Iosephi & Clericorum prædictorum votis huiusmodi, quantum cum Domi-
 no possumus, benignè annuere, eosque specialibus favoribus & gratijs prosequi volen-
 tes &c. supplicationibus eorum nomine nobis super hoc humiliter porrectis inclinati,
 decretum prædictum, Apostolica auctoritate, tenore præsentium approbamus & con-
 firmamus, illique perpetuè & inuolabilis Apostolicæ firmitatis robur adiicimus, ac
 omnes & singulos tam iuris quàm facti defectus, si qui desuper quomodolibet interue-
 rint, supplemus. Datum Romæ apud S. Petrum sub annulo Piscatoris, die 18. Nouëbris 1621.
 pontificatus nostri anno primo.

Gregorius Papa XV. ad perpetuam rei memoriam. Cum, sicut dilecti filij, Præpositus *Bullarij tom. 4.*
 & Clerici Congregationis pauperum Matris Dei Scholarum piarum nobis nuper ex-
 poni fecerunt, ipsi pro felici & prospero eiusdem Congregationis statu atque regimine
 diuersas Constitutiones fecerint, illasque in vnum volumen redegerint, tenoris suble-
 quentis &c. (*Constitutiones eas scorsim Romæ typis excusa exstant, sed ad manum meam hactenus*
non peruenierunt.) Capitulum generale supradictas Constitutiones immutare aut infringere,
 nisi ex sex Capituli partibus quinque concurrant, non posse, volumus atque statuimus,
 ad Omnipotentis Dei gloriam, & proximorum vtilitatem.

Nos inuolabili dictarum Constitutionū obseruationi, quantum cum Domino possu-
 mus, consulere, dictosq; Præpositum & Clericos specialibus favoribus & gratijs prosequi
 volentes, supplicationibus eorum nomine nobis super hoc humiliter porrectis inclinati,
 de venerabilium fratrum nostrorum S. R. E. Cardinalium, negotijs Episcoporum &
 Regularium præpositorum consilio, Constitutiones prædictas, omniaque & singula in
 eis contenta, Apostolica auctoritate, tenore præsentium perpetuè approbamus & con-
 firmamus, ac illis perpetuè & inuolabilis Apostolicæ firmitatis robur adiicimus &c. Da-
 tum Romæ apud S. Petrum sub annulo Piscatoris, die 31. Ianuarij, pontificatus nostri an-
 no primo. 1622.

Gregorius Papa XV. ad perpetuam rei memoriam &c. Nos prospero & felici
 dilectorum filiorum Clericorum regularium Congregationis pauperum Matris Dei
 Scholarum piarum de Vrbe regimini, quantum cum Domino possumus, consulere, eos-
 demque Clericos specialibus favoribus & gratijs prosequi volentes &c. supplicationibus
 illorum nomine nobis super hoc humiliter porrectis inclinati, de venerabilium fratrum
 nostrorum S. R. E. Cardinalium, negotijs Regularium præpositorum consilio, dilectum
 filium Iosephum à Matre Dei eiusdem Congregationis Clericorum in Ministrum Ge-
 neralem ipsius Congregationis ad nouennium tantum, qui cum dilectis etiam filijs Pe-
 tro à Natiuitate, Viuiano ab Assumptione, Francisco à Purificatione, ac Paulo simi-
 liter ab Assumptione, dictæ Congregationis pariter Clericis, socijs suis, vocem actiuam
 & passiuam habeat, ac corpus Religionis representet, Apostolica auctoritate, tenore

præsentium facimus, constituimus & deputamus; nec non eidem Iosepho, vt tam ipse quàm sui socij prædicti vota solemnita in manibus alicuius Prelati ecclesiastici, eorum arbitrio eligendi, emittere liberè & licitè valeant, auctoritate & tenore prædictis licentiam & facultatem concedimus & impartimur &c. Datum Romæ apud S. Mariam maiorem sub annulo Piscatoris, die 28. Aprilis 1622. pontificatus nostri anno secundo.

1622.

CLERICORVM DOCTRINÆ CHRISTIANÆ CONGREGATIO.

Bullæ
tom. 2.

Aulus Papa V. ad perpetuam rei memoriam, Considerantes nos, iure optimo à sacro Tridentino Concilio, & summis Pontificibus, prædecessoribus nostris, statutum, & iam multis abhinc annis, maximo Ecclesiæ Dei commodo, observatum fuisse, vt pueri singulis Dominicis & alijs festiuis diebus Fidei rudimenta, obedientiam erga Deum & parentes, aliasque Christianas virtutes ab ijs, ad quos spectat, edocerentur; vt hac ratione, quia ad mundi voluptates sequendas natura proni sunt, Christiana pietate eruditi in virtutem proficientes, tales euaderent, qui ad populi Christiani mores reformandos & catholicæ Fidei incrementum idonei efficerentur ministri: atque hoc consilio, cum nonnulli probitatis viri, zelo caritatis accensi, pro diuini cultus augmento, in hac alma Vrbe nostra, ceterarum matre & magistra, Tridentino Concilio publicato, in quibusdam ecclesijs pueros & adultos quoscumque summa pietate ac diligentia Doctrinam Christianam docere cœpissent, hoc pium opus, præstante Domino, exiguo temporis spatio aded incrementa suscepisse, vt Congregatio sub *Doctrina Christiana* nomine iam pridem instituta fuerit: ex quibus licet aliqui tantum in communi vita viuant, cum suo Preposito in ecclesia S. Agathæ, regionis Transiberinæ, in vnum tamen omnes sub vno Protectore conueniunt, atque vno Præsidente huic saluberrimo operi, singulis festiuis diebus, sedula incubuerunt & incumbunt diligentia:

Nos pro nostro pastoralis officij munere, hoc pium Christianæque Reipublicæ necessarium opus (ex quo hæcenus vberissimi fructus prouenerunt, ac multò vberiores post hac prouenturos speramus) ex animo amplectentes, illudque in dies augeri magis ac magis cupientes, Congregationem prædictam in Vrbe institutam, nec non singulas illius personas & ecclesias, nempe S. Martini regionis Arenulæ, & S. Agathæ regionis Transiberinæ, eidem Congregationi Apostolica auctoritate concessas, sub nostra & Sedis Apostolicæ protectione suscipientes, motu proprio & ex certa scientia, ac de Apostolicæ potestatis plenitudine, in celeberrima basilica principis Apostolorum de Vrbe Congregationem Doctrinæ Christianæ huiusmodi in Archiconfraternitatem, Apostolica auctoritate, tenore præsentium perpetuò erigimus & instituimus: illiusque sic erectæ & institutæ perpetuum Administratorem & Protectorem dilectum filium nostrum Hieronymum, tituli S. Basilij presbyterum Cardinalem *Pamphilium* nuncupatum, ac pro tempore existentem in Vrbe & eius districtu Romani Pontificis Vicarium, harum serie constituimus & deputamus: ac ipsius Archiconfraternitatis Confratribus pro tempore existentibus aggregandi dictæ Archiconfraternitati alias quasvis eiusdem Doctrinæ Christianæ, in qualibet mundi parte, canonicè erectas & institutas ac instituendas Confraternitates, illisque priuilegia, indulta, fauores, exemptiones, gratias & indulgentias sibi per nos concessas

cessas, ac pro tempore à Sede Apostolica concedendas communicandi; nec non de Administratoriis & Protectoris prædicti consensu, quæcumque Statuta, felix regimen & gubernium dictæ Archiconfraternitatis concernentia, licita tamen & honesta, ac sacris Canonibus & Decretis Concilij prædicti, Constitutionibusque Apostolicis minimè contraria condendi, illaque sic condita, pro rerum & temporum qualitate, in toto vel parte, ac toties quoties opus fuerit, immutandi, & in eorum locum alia de nouo edendi. licentiam, facultatem & auctoritatem concedimus & impertimur &c. Datum Tusculi sub annulo Piscatoris, die 6. Octobris 1607. pontificatus nostri anno tertio.

1607.
Bullarj
tomo 4.

GREGORIUS Papa XV. ad perpetuam rei memoriam. Cùm (sicut dilecti filij Præpositus & Clerici Congregationis Doctrinæ Christianæ, in ecclesia S. Agathæ trans Tiberim de Vrbe instituta, nobis nuper exponi fecerunt) Clerici eiusdem Congregationis, elapso Nouitiatus anno, votum cum iuramento in eadem Congregatione perpetuè manendi libera & spontanea voluntate emittant; nonnulli verò super voto ac iuramento præfatis, inuita etiam Congregatione eiusmodi, dispensare, & illa commutare licitum putent, & de facto, in eiusdem Congregationis præiudicium, dispensent & commutent: Nos præmissis, quàm cum Domino possumus, obuiare, dictosque Præpositos & Clericos specialibus fauoribus & gratijs prosequi volentes &c. quòd de cetero cum Clericis eiusdem Congregationis, super voto & iuramento præfatis, nisi per nos aut Romanum Pontificem pro tempore existentem dispensari, aut votum & iuramentum præfata commutari nullatenus possint, auctoritate Apostolica, tenore præsentium decernimus & ordinamus &c. Datum Romæ apud S. Petrum sub annulo Piscatoris, die 12. Nouembris 1621. pontificatus nostri anno secundo.

1621.

NOTATIO. Petrus Martyr Felinus, ordinis Seruorum B. Mariæ, in libro suo de Admirandis Vrbs Romæ, tradit Congregationem Doctrinæ Christianæ anno 1560. incohatam fuisse à quodam Marco Mediolanensi: qui primus, cum aliquot fodalibus suis, in templo S. Apollinaris, Doctrinam Christianam pueris aliisque rudibus explicare cepit. Idem Felinus libro citato narrat, Romæ iuxta eadem SS. Rufinæ & Secundæ, commorari pias quasdam virgines ac matronas ex Congregatione Doctrinæ Christianæ, siue ex Societate S. Vrsulæ, instituta anno seculari 1600. à quadam Francisca ex Belgio oriunda, & altera quadam Francisca, natione Franca. Ceterùm præter Romanam Clericorum Doctrinæ Christianæ Congregationem, paulò antè memoratam, fuit & alia eiusdem instituti Congregatio in Gallia à pijsimo præst ytero *Casare Busio* fundata: de qua supra, cùm de Somascensis ageremus, pag. 75. & 77. locuti sumus.

CONGREGATIO ORATORII IESV CHRISTI A PETRO BERVLLIO CARDINALE INSTITVTA.

PAVLVS Episcopus, seruus seruorum Dei, ad perpetuam rei memoriam. Sacrosan-
ctæ Romanæ Ecclesiæ, quam Dei vnigenitus Iesus Christus D.N. auctor ipse piorum
operum fundauit, regimini superna dispositione præsidentes, pro nobis commissi gregis
Dominici prospero statu & animarum salute solliciti esse compellimur, & ea sincerè te-
nemur amplecti, quæ ad incrementum Religionis pertinent, & ad virtutum spectant
ornamentum; ac ut piæ Christi fidelium Congregationes instituantur, & exinde vberiores
fructus bonorum operum, in illis locis præsertim vbi id magis expedire dignoscitur, in

Bullarj
tom. 3.
in Appen.

dies per pſa & ſpiritualia exercitia accreſcant, & ijs exercitijs debitè Domino famulantes perſonæ animarum ſuarum ſalutem, eodem Domino miſerante, faciliùs conſequi, ceteriſque Chriſti fidelibus vitæ ac morum exemplo proficere valeant ad ſalutem. Sanè exhibitæ nobis nuper, pro parte venerabilis fratris noſtri **HENRICI** Epifcopi Pariſienſis, ac cariffimæ in Chriſto filiz **MARIÆ** Francorum Regine, petitio continebat, quòd aliàs cùm ipſa Maria Regina, pio deuotionis zelo ducta, vt aliquo deuotionis ſuz monumento immenſarum gratiarum munera, quibus eam bonorum omnium largior optimus decorauit, teſtari poſſit, diſciplinam Eccleſiaſticam vndique ſerè in regio Franciæ hæreſum bellorum que præteritorum iniuria, tum in Religione, tum etiam in moribus non parum deprauatam ac corruptam, in primæuum & priſtinum ſuum ſtatum, deuotioniſque & pietatis ſplendorem ſalubri aliqua ratione reſtitui plurimùm deſideret; & id (re ipſa in conſultatione cum viris grauibus & pijs, ac præſertim cum dicto **Henrico** Epifcopo pluries habita, matureque diſcuſſa) vtilius & fructuoſius, quàm ex inſtitutione alicuius Congregationis piorum Sacerdotum, quorum ſtudium & officium ac munus ſacerdotale, iuxta ſanctum atque pium illius inſtitutum, debitè exequendum & adimplendum ſit omnino directum, inſtituendę exequi poſſe non videatur, iplaſque **Maria** Regina vnã deuotam piorum ac probatę vitę Sacerdotum, quorum principale inſtitutũ ſingulas actiones ordini ſacerdotali conuenientes & eſſentiales amplecti exiſtat. Congregationem in ipſo regno & præſertim in ciuitate Pariſienſi, vbi illa non parũ deſiderari videtur, erigi & inſtitui, curamque erectionis & inſtitutionis huiusmodi dilecto filio **PETRO DE BERVILLE**, Presbytero Pariſienſi (cuius miniſterio felici progreſſu & directioni ipſius Congregationis maximè proſuturum eſſe in Domino confidit) per nos committi & demandari ſummopere deſideret; pro parte eorundem **Henrici** Epifcopi & **Mariæ** Regine, nobis fuit humiliter ſupplicatum, quatenus Congregationem piorum ac probatę vitę Sacerdotum perpetuò erigere & inſtituere, illiſque curam dictę **Petro** committere & demandare, vt præſertur, ac aliàs de Apoſtolicę poteſtatis prouidentia conſulere dignaremur.

Nos igitur, quibus cura & ſolicitudo cordi inſidet Fidem & Religionem catholicam propagare, diuinique cultus augmentum, & vt Chriſti fideles ſinguli, per viam ſalutis in hoc ſeculo gradientes, ad celeſtia regna peruenire mereantur, procurare, præſertim vbi Catholicorum Principum vota id expoſcere, ac in Domino ſalubriter conſpicimus expedire, conſiderantes huiusmodi inſtitutionem ſpecialiter ſacerdotes aut perſonas ad ſacerdotalem ſtatum aſpirantes, vel ſaltem eorum miniſterio neceſſarias, ac Ieſum Chriſtum Dominum noſtrum, ſacerdotalis dignitatis immediatum inſtitutorem, tangere & reſpicere, æquum maximè & rationi conſentaneum iudicamus, vt qui huiusmodi inſtitutum aggrediuntur, vltra communem fidelium deuotionem, ſpeciali & particulari deuotione **IESU CHRIS TI** Domini noſtri addicantur, qui eſt *Sacerdos in æternum ſecundum ordinem Melchizedech*, & ſons ſacerdotij in Eccleſia Chriſtiana. Hinc pio & ſalubri dictę **MARIÆ** Regine deſiderio fauorabiliter annuere, ac ipſum opus pium Sedis Apoſtolicę conſolatione conſuere, nec non Chriſti fideles ad pia, meritoria & ſalutaria opera exercenda, eccleſias quoque & ſacra Dei templa deuotionis cauſa viſitanda, æternis præmijs ac ſpiritualibus muneribus & peccatorum remiſſione inuitare volentes, non **HENRICVM** Epifcopum & **PETRYM** prædictos ac eorum quemlibet à quibuſuis excommunicationis, ſuſpenſionis & interdicti, aliſque eccleſiaſticis ſententijs, cenſuris & pœnis, à iure vel ab homine quauis occaſione vel cauſa latis, ſi quibus quomodolibet innodati exiſtunt, ad effectum præſentium dumtaxat conſequendum, harum ſerie abſoluentes, & abſolutos fore cenſentes, huiusmodi ſupplicationibus inclinati, dicto **PETRO** apud nos de religionis zelo, vitæ ac morum honeſtate, aliſque probitatis & virtutum meritis multipliciter commendato, noſtram & dictę Sedis benedictionem impartiētes, ad laudem & gloriam omnipotentis Dei Patris, & animarum ſalutem, vnã ſub nomine *Oratorij Ieſu Chriſti Domini noſtri* Congregationem in honorem orationum quas in diebus carnis ſuz fudit; vt ij qui Congregationem ipſam ingredientur eundem

Ieſum

Iesum Christum pro nobis in oratione positum & p̄noctantem reuerantur, atque etiam instituti, ad quod vocati sunt, moneantur, & p̄sertim semper hanc p̄cipuum omnibus communem & omni tempore congruentem officij eorum partem, quæ in orationibus pro populo ac in Dei laudibus celebrandis versantur, habeant, Apostolica auctoritate, tenore p̄sentium, sine alicuius p̄iudicio, perpetuò erigimus & instituimus. Dicitur quæ Petrum Instituitorem in P̄positum generalem huius piorum Sacerdotum, nulli antea religioni voto solemni addictorū, nec nō & aliorum ad p̄sbyteratus ordinē promoueri cupientū, & reliquorum ad familiaria officia necessariorum Congregationis *Oratorij Iesu Christi* D.N. nuncupandæ huiusmodi, qui simul & in societate religiosè viuere & in humilitatis spiritu & piæ vitæ studijs Altissimo famulatū exhibere & impendere studeant; quorū principale ac p̄cipuum institutū sit, perfectioni status sacerdotalis totaliter incumbere, singulasque actiones ordini sacerdotali propriè & essentialiter conuenientes, sibi ab eorum Ordinarijs, ubi stabilita fuerit, p̄scribendas, & non aliàs amplecti; Sacerdotum insuper, & aliorum ad sacros Ordines aspirantium instructioni, nec circa scientiam, sed circa vsum scientiæ, ritus & mores propriè ecclesiasticos, se addicere volentes; cum plena & omnimoda facultate, potestate & auctoritate, eidem **PETRO** per nos ad id assumpto, & à dicta **MARIA** Regina summo opere commendato, ut p̄dictam Congregationem huiusmodi, tam in ciuitate Parisiensi quàm in omnibus alijs ciuitatibus, opidis, tetris & locis, ad quæ à locorum Episcopis vocatus fuerit, & non aliàs, instituendam, ac demum pro felici statu & directione personarum, ac bonorum spiritualium & temporalium eiusdem Congregationis seu Congregationum sic erigendarum, tam circa receptionem & admissionem, numerum, ætatem & qualitates in ipsa Congregatione recipiendorum & admittendorum, eorumque instructionem & disciplinam, exercitia, ac modum & formam diuinorum officiorum, p̄cium & orationum, aliorumque suffragiorum recitandorum, & alia ipsis Congregationibus vitia atque necessaria quæcumque statuta, ordinationes & capitula, licita & honesta, sacrisque Canonibus & constitutionibus Apostolicis, necnon Concilij Tridentini decretis minimè contraria, à sancta Sede Apostolica postmodum approbanda, confirmanda, ac per ipsarum Congregationum P̄positum, P̄sbyteros, Officiales, ministros & coadiutores, sub penis in eis apponendis, adimplenda & obseruanda, faciendi, edendi & condendi, factaque, edita & condita, quoties pro illorum ac rerum & temporum qualitate & vicissitudine, seu aliàs videbitur, corrigendi, limitandi, immutandi, alterandi, ac etiam alia, ut p̄feretur, examinandi & approbandi, ac etiam, ut p̄feretur, adimplenda & obseruanda, ex integro faciendi & condendi, aliisque omnia, & singula à similibus Congregationum, nec non quorumcumque Ordinum approbatorum constitutoribus, aut alijs Superioribus etiam generalibus, de iure vel consuetudine, siue ex privilegio aut aliàs quomodocumque fieri & exequi solita faciendi & exequendi, dicta auctoritate deputamus & assumimus.

Omnèsque alias, ad instar supradictæ per nos sic erectæ, canonicè erigendas Congregationes, quas ab ea Parisiensi, & à dicto P̄posito generali, quocumque locorum stabilitæ fuerint, in omnibus dependere volumus & intelligimus, ex nunc, prout postquam auctoritate p̄dictæ erectæ fuerint, eidem auctoritate & tenore perpetuò approbamus & confirmamus. Ita tamen quòd Congregatio Parisiensis saltem *duodecim P̄sbyteris* constare & tot redditus annuos habere debeat, ex quibus vnicuique p̄sbytero huiusmodi portio annua 45. Ducatorū auri de Camera obuenire possit. Ceteræ verò Congregationes *decem* ad minus p̄sbyteros, ac eisdem redditus annuos, vel quæ Sedis p̄dictæ Legatus, aut pro tempore existens Nuncius Apostolicus & Episcopus, loci, ac dictæ Congregationis sic erectæ P̄positus generalis, pro loci qualitate sufficere iudicauerint, habere debeant. Et postremò eisdem Congregationibus ex nunc, prout etiam postquam institutæ & erectæ fuerint, ut p̄feretur, pro illarum dote ac dicti Petri, nec non P̄positi generalis & P̄sbyterorum eorundem pro tempore existentium sustentatione, onerumque illis incumbentium supportatione, omnia & singula, res, bona, fructus, redditus & legata, ac elemosynas, tam per dictam *Mariam* Reginam quàm alios quoscumque Christi

Christi fideles dictis Congregationibus quomodolibet relinquenda, donanda & clarificanda (ita quòd liceat dicto Petro vel alij Præposito generali & Presbyteris dictarum Congregationum pro tempore existentibus, illorum omnium corporalem, realem & actuale possessionem, per se vel alium seu alios, dictarum Congregationum nomine, liberè apprehendere & perpetuò retinere, fructus quoque, reditus & proventus, iura, obventiones & ex omni causa quæcumque eorumdem percipere, exigere, leuare, recuperare, ac in dictarum Congregationum vsus & utilitatem convertere (Dioecesani loci vel cuiusvis alterius licentia desuper minime requisita) etiam perpetuò applicamus.

Non obstantibus Apostolicis, ac in vniuersalibus, prouincialibus & synodalibus Concilijs editis, generalibus vel specialibus constitutionibus & ordinationibus, ac statutis & consuetudinibus, privilegijs quoque, indultis ac litteris Apostolicis, quibuscumque superioribus & personis, sub quibuscumque tenoribus & formis, ac cum quibusvis etià derogatoriis derogatorijs, alijsque efficacioribus & insolitis clausulis, nec non irritantibus & alijs decretis, in genere vel in specie, per quoscumque Romanos Pontifices predecessores nostros, & Sedem prædictam, eiusque Legatos, quauis causa & occasione, etiam motu proprio, & ex certa scientia, ac de Apostolicæ potestatis plenitudine, ac etiam consistorialiter, & aliàs quomodolibet etiam iteratis vicibus, concessis, approbatis & innovatis; quibus omnibus etiam si de illis eorumque totis tenoribus specialis, specifica, expressa & indiuidua mentio habenda, aut aliqua alia exquisita forma ad hoc seruanda esset, tenores huiusmodi, ac si de verbo ad verbum & forma in illis tradita obseruata, nihilque penitus omisso, inserti forent, illis aliàs in suo robore permanfuris, hac vice dumtaxat specialiter & expressè derogamus, ceterisque contrarijs quibuscumque.

Ceterum ad augendam fidelium deuotionem, animarumque saluti consulendum, & vt Christi fideles ad huius instituti exercitium animentur atque inuitentur, de omnipotentis Dei misericordia, ac beatorum Petri & Pauli Apostolorum eius meritis confis, omnibus & singulis Presbyteris, qui perpetuis futuris temporibus dictam Congregationem ingredientur, & in ea recipiuntur, eorumque Coadiutoribus & Oblatis alijsque ministris, die eorum & cuiuslibet ipsorum ingressus, receptionis ac professionis, ac in mortis articulo, si pœnitentes & confessi ac sacra communione resecti fuerint, plenariam Indulgentiam & omnium peccatorum suorum remissionem, eisdem auctoritate & tenore, misericorditer in Domino concedimus & elargimur. Postremò eisdem Præposito, Presbyteris, Coadiutoribus, Oblatis & alijs ministris prædictis, qui Congregationibus publicis vel secretis, pro quocumque opere pio exercendo, interfuerint, aut pium aliquod opus circa functiones suas exercuerint, toties, pro quolibet præmissorum piorum operum, & vt magis ad sui instituti opera animentur, & suauius ad ea inuitentur, sexaginta dies de iniunctis eis vel aliàs quomodolibet debitis pœnitentijs, etiam Apostolica auctoritate & tenore huiusmodi, misericorditer relaxamus; necnon tam ipsis, quàm omnibus alijs Christi fidelibus, qui etiam verè pœnitentes & confessi, ac sacra communione resecti, eorumdem Presbyterorum ecclesias aut oratoria, in sanctissimi Corporis Christi & Assumptionis B. Mariæ Virginis festiuitatum, ac in quo ecclesiæ seu oratoria dictorum Presbyterorum in vnaquaque diocesi seu loco proxima vice populo aperientur, diebus, deuotè visitauerint, simili Apostolica auctoritate, tenore præsentium etiam Indulgentiam plenariam & omnium peccatorum suorum remissionem concedimus & elargimur, præsentibus perpetuis futuris temporibus duraturis. Nulli ergo &c. Si quis autem, &c. Datum Tusculi, anno à Natiuitate D. N. Iesu Christi 1613. vs. Idus Maij, anno pontificatus nostri octauo.

1613.

Cap.

*Caput II. Summarium instituti Congregationis Oratorij
Iesu Christi Domini nostri.*

Sacerdotum in societate viventium instituti primordia in Apostolis, ipso **I E S U** Instituto
& Status. Christo Domino nostro auctore, fuisse consecrata, antiquis Ecclesiæ vsus, & Canonicoꝝ longa purioribus temporibus praxis euidenter probant. Vnde Congregatio Presbyterorum, qui sunt è Clero, nullo Religionis voto obstricti, non tam institutio noua quàm instauratio dicenda est; à *S. Philippo Nerio* Romæ primùm, postea titulo Oratorij **I E S U** Christi Domini nostri, Pauli V. Pont. Max. auctoritate in Gallia creata & propagata; Præpositis cum ad bonum Congregationis regimen, tum ad spiritua-lem directionem Congregatorum ab Episcopis seu Ordinarijs locorum constitutis. Qui quidem sicut ex suauitate spiritus & caritate potius, quàm ex vlla potestate coercitiua nec imperando aut iubendo, sed monendo & suadendo sibi commissos dirigunt; ita illi spontanea quadam subiectione, atque omnino ex deuotionis affectu, & eius amore qui pro nobis factus est obediens vsque ad mortem, sese submitunt. Tota verò & integra iurisdic-tio penes Episcopos manet; nec ipsa Congregatio in genere vel in particulari vl-lis gaudet priuilegijs, dispensationibus, exemptionibus, quæ illorum auctoritati vel mini-mum derogent. Vtque diuinâ in perpetuum Ecclesiæ bonum intendente providentiâ, omnibus propè sæculis innumerabiles, ad agrum Domini excolendum missi operarij, gloriæ Dei & salutis animarum zelatores longè eximij, ex Ordinum regularium va-rietate, quâ filia Regis est circumamicta, prodierunt; sic nostra ætate velut nouissima prodijt Congregatio Sacerdotum è Clero: qui (vt ex primæua Christi Domini institu-tione, & sacerdotali consecratione admonentur, & vt multorum sæculorum consue-tudine fuit obseruatum) in communi viuentes, Episcopis in vsu sui ordinis omnino & immediatè subiacent, quò fit vt ipsi Episcopi plures ad manum habeant Sacerdotes, qui-bus ad omnia munia obeunda uti possint ad nutum.

In ipsam forò Congregationem non nisi probati admittuntur Sacerdotes, vel sacerdo-tio destinati, itemq; laici exterioribus ministerijs deputati. Qui omnes, vt nihil iuris acqui-runt dū se dictæ Congregationi adscribunt, sic etiâ nihil perdunt aut amittunt de suis iuri-bus, gradibus, beneficijs aut bonis temporalibus: de quibus liberè & piè possunt disponere. Debent tamen suis in ecclesijs residere, quibus incumbit onus residendi, Ceterum quæ apud Regulares *Probatio* seu *Novitium*, in Congregatione *Instituto* nuncupatur; nullo tamen præfixo tironibus spatio; nisi quod ex illorum statu aut maturo profectu, & Direc-torum arbitrio, ad ecclesiasticæ perfectionis apicem conscendentibus satis esse cen-setur.

Præter eos qui dictæ Congregationi nomina dant, possunt etiam alij extranei, eccle-siastici ordinis homines, in eorum numerum, qui *Aggregati* appellantur, admitti: quia Aggregati. cum plerisque vel sui officij administrandi ratio, aut rei domesticæ necessitas, aut alia qualibet honesta causa legitime queat impedire, quò minus Congregatorum numero se adiungant; non est æquum quos eiusdem ministerij communio iungit, eiusdem spiritus influxu & pietatis communicatione priuari. Quòd si plures huiusmodi *Aggregati* eadè in vrbe commorentur, poterunt sæpius statim diebus convenire, de spiritali profectu aut alijs necessarijs inter se acturi; & semel quolibet anno spiritualement exercitationem, siue recollectionem per dies aliquot in dicta Congregatione facere; aliquam reliquo tempo-re (spontanèam tamen) directionem ab illa accepturi.

Congregatio duos fines habet propositos: alterum, vt internæ perfectioni ecclesiasti-cæ & sacerdotali acquirendæ sedulo incumbat; **I E S U M** CHRISTUM Dominum Fusiones. nostrum, summum Sacerdotem ac Sacerdotum institutorem, speciali amore & honore prosequatur; eius spiritu animetur interior, & ipsius sit bonus odor in omni loco & apud omnes exterius: alterum, vt omnia quæ sunt Sacerdotum munia & functiones ex eodem

Q

fonte

tante gratiæ & spiritu per suos obire queat. Quarum quidem functionum summationem quatuor censentur capita; primum erga Deum, tremendi mysterij; secundum, Officij canonici celebratio; tertium erga proximum, administratio Sacramentorum; quartum prædicandi, exhortandi & catechisandi munus; & si quid aliud ad ea referri queat, ut iuuentutis Institutio, quæ sine speciali mandato Episcoporum non est suscipienda. Hæc singula paucis verbis Apostolorum complectitur sententia, Ador. 6. *Nos orationi, in-
quunt, & ministerio verbis instantes erimus.*

Ad illas porro functiones abundas nullam Congregatio facultatem, iurisdictionem & potestatem sibi vindicat, aut proximè habet à Summo Pontifice, sed omnimodam accipit ab ipsiis Episcopis: ita ut ipsi non tantum impediendi, prohibendi, interdicendi, sed etiam præcipiendi, iniungendi, & in virtute obedientiæ ad exercenda munia sacerdotalia, ubi & quando expedire videbitur, obligandi, erga Congregationem auctoritate polleant; & ipsa Congregatio votum obedientiæ, quam in sua consecratione Sacerdotes promiserunt, quasi renouare, & in praxim omnino reducere, quantum in se est, intendat. Easdem verò functiones in ecclesijs parochialibus, si Curati seu Pastores voluerint & vocauerint, & non aliàs, exercere solet; ut confessiones audire, conciones, exhortationes, catecheses habere, sanctam Eucharistiam ministrare. Ceterum inter alia pietatis exercitia non illud ultimo loco ponendum, quod tam Sacerdotes, quam sacris initiatos vel initiandos, ex arbitrio Episcoporum, non tam in scientia quam in usu scientiæ, hoc est, in praxi functionum, & in pietate ac perfectione sacerdotali instruant.

Quantum verò ad Statuta Congregationis attinet, quamvis usu potius & moribus, quam statis legibus vivat, aut certè non alias ferè leges habeat quam Canones Ecclesiæ & cuiusque diocesis, in qua est instituta, Constitutiones Synodales; quæ tamen servat in praxi, hæc sunt præcipua. Domo, mensa & victu non uni vitur: nisi quid aliud necessitas ex infirmitate, ætate, aut alia ex causa, & caritas, quæ in ipsa maxima omnium esse debet, exigat. Vestitu item vitur honesto, sicut Sacerdotes decet, ut non vituperetur ministerium; modesto tamen & uniformi: ut luxus omnis & curiosi cultus amor evitetur. Quæ unicuique sunt necessaria, ab eo cui æconomia domus commissa est, subministrari solent: ut hac tepositi curâ liberius Deo vacare queant. Qui habent facultates aliquas vel ex proutentibus beneficiorum, vel ex proprijs, quod æquum est, vel caritas suggererit; in commune conferunt: qui verò illis carent (si modò sint virtute & dotibus requisitis præditi) ut absque ullo discrimine in Congregationem admittuntur, sic illis de omnibus necessarijs communi caritate providetur. Obsequentiam ex animo, humilitatem, caritatem, modestiam & alias virtutes verè ecclesiasticas seu sacerdotales Congregatio congruis exercitijs colit; præcipuè veram & internam pietatem ac devotionem erga Dominum nostrum IESUM CHRISTUM, cuiusque Matrem sanctissimam. Præter Missam maiorem, ex Officio ecclesiastico Horas plures aut pauciores, pro iudicio Episcoporum cantant. Exercitia porro quotidiana, cum horarum distributione, sunt ista: Horâ quartâ matutinâ omnes surgunt; per integram horâ vacant orationi; horâ octavâ recitant vel canunt Litanias. Quod superest temporis, pijs exercitijs, studijs, celebrationi Missarum, & alijs ad quæ vocati fuerint, impendunt. Horâ prandij, præmissis brevi examine, conveniunt omnes ad triclinium: ubi triplici pascuntur lectione, S. Scripturæ, Vitæ alicuius Sancti, & pij cuiuspiam tractatus ex Patribus. A prandio, spatio vnius horæ, familiariter inter se cōversantur. Aliquis ad id deputatus unam aut alteram è nouo Testamento quæstionem proponit: de qua suo quisque ordine, modestè & sine vlla contentione, sententiam suam dicit. Qui verò proposuit, genuinum è probato ac fido auctore sensum aperit. Postea duæ vel tres morales quæstiones, seu Casus conscientiæ ab alio propositi, eodem modo expenduntur & resolvuntur. Tertius Historiam aliquam probatam narrat: & si opus fuerit, aliquod dubium exagitur. Exinde omnes se ad sua recipiunt; & horâ quintâ conveniunt ad Litanias, & ad brevem orationem mentalem in Oratorio habendam: vnde *Oratorii* nomen sumptis exordium. A cœna iisdem exercitijs ferè horam impendunt: & factò simul examine, Matutinum & Laudes privatum

uatim recitant : ita ut circa horam nonam, aut paulò pòst, possint lecto decumbere. Congregatio nihilominus, quantum decet & potest, mores regionis & ritus Ecclesiæ loci, in quo est instituta, sequitur.

Cap. III. Domus & Collegia seu Gymnasia publica Congregationis Oratorij Iesu Christi D. N. in Gallia.

PARISIENSIS Domus, totius Congregationis caput, in qua Præpositus generalis, cum tribus Assistentibus & Secretario (ad quos vniuersæ Congregationis regimen pertinet) ordinariè residet. Fuit ea Lutetie, primum capta in suburbio S. Iacobi, in ædibus conductitijs, quas vernaculè *petit Bourbon* vocant, anno 1611. die 11. Nouembris, S. Martino Galliarum Apostolo sacra, à R. P. Petro Berulho, & alijs quattuor pijs doctisque Sacerdotibus, videlicet *Ioanne Bence*, *Iacobo Gastaut*, Doctõribus Sorbonicis, *Francisco Bourgoineo* & *Paulo Metezello*. Hi postea ad palatium defuncti Cardinalis Iouissiani, vulgè de *Benceage* nuncupatum, propè Luparam arcem regiam commodo loco situm, sese transtulerunt, vicinoque fundo cõempto, templum ibi egregium, in quo sacra nunc peragunt, à fundamentis excitant. Ceterum primis istis quinque Presbyteris in vnum congregatis exinde alij duo Doctores Sorbonici, *Claudius Bertin* & *Guilhelmus Gibyeus*, patria Bituricenses, sese vno eodemque die adiunxerunt. Crescente rei tam sanctæ fama, plurimi genere, doctrina, legationibus, alijsque functionibus cum togatis tum sagatis clarissimi huic sacræ militiæ nomen dederunt. Inter eos qui libris editis existimationem etiam apud externos sibi pepererunt, præter *Berullum*, *Bourgoineum* & *Metzellum*, non fuere pòt remi, *Ioannes Morinus* Blesensis, Theologus Hebraicæ, Græcæ & Latine linguarum peritissimus, *Nicolaus Borbonius* Regius litterarum Græcarum in Academia Parisiensi Professor, *Petrus Berthaulinus* Historicus & Florus Gallicus. De alijs penè innumerabilibus alibi locus dicendi se offeret. Ceterum Petrus Berullius à Paulo V. primus Congregationis Præpositus generalis, exinde anno 1627. nihil tale cogitans, imò relictans S. R. E. Cardinalis creatus, anno demum Christi 1629. ætatis 55. postridie Kalendas Octobris, magna sanctitatis opinione decessit. Berullio in Præpositura generali successus est, Patrum suffragijs, *Carolus de Condren*, Gastoni Borbonio, Duci Aurelianensi, Ludouici XIII. Francorum Regis fratri vnico, à sacris confessionibus.

S. Maglorij Domus, in S. Iacobi suburbio Parisiensi, olim Abbatia Benediclinorum, Oratorio addicta est per indultum Pontificium. *S. Magloire.*

Nostræ Domine Virtutum Domus, in pago Auberti Villarij, sesquimilliari à Parisijs distante, cum cura ecclesiæ parochialis & sacelli Deiparæ, quod procerum ac ciuium Parisienfum piè peregrinantium concursu in dies frequentatur. Domum anno 1620. fundauit vir nobilis Franciscus Mõtologneus, illius loci toparcha. Eodem procurate, Paulus V. ecclesiam parochialem, cum dicto sacello, Congregationi Oratorij annexuit. *Nôstre Dame de Vertin.*

Montmorenciana Domus, tribus leucis à Lutetia Parisiorum, ab Henrico Montmorencio Duce, Pari & Marefcallo Franciæ anno 1619. instituta. Templum est eximie structuræ, olim à Canonicorum collegio possessum. *Montmorency.*

Mariniensis Domus à Franciæ Cancellario Domino de Sillery ex fundamētis anno 1619. in pago de *Marine* educa, Eodem agente, illius loci cura Pastoralis, cum Prioratu, per Pontificem Oratorio fuit annexa. *Marine.*

Raroriensis Domus annexum habet illius loci Prioratum, olim ordinis Grandimontensis. *Raroy.*

Maulensis & Torienfis Residentiæ, cum cura Pastoralis & Prioratu annexo. Atque istæ quidem Domus ac Residentiæ, hæcenus à me enumeratæ, sub sunt immediatè Domui Parisiensi. *Maulé, Toiry.*

Rotomagensis Domus, in vrbis meditullio 1615. constructa, magno Clericiac populi bono spirituali. *Roten.*

Diepenſis Domus in Normannia, à Franciſco Cardinale Iouiſiano, eodemque Archiepiſcopo Rotomagenſi 1619, fundata. Patribus poſtea regimen Collegij ſeu Gymnaſij publici eſt commiſſum, in quo, præter litteras humaniores, Philoſophiam & Theologiam moralem explicant. *Dieppe.*

Cadomenſis Domus in Normannia, à N. præſbytero Congregationis Oratorii amplis ædibus ac redditibus annuis dotata. *Caen.*

Ambianenſis Domus in Picardia 1626, inſtituta. *Amiens.*

Peronenſis Domus in Picardia, cum Collegio litterario. *Perone.*

Bolonienſis Domus habet Collegium litterarium à Viſtore Boutillier, Epifcopo illius vrbs, liberaliter dotata. *Bologne.*

Aurelianenſis Domus 1615, à Cl. V. Furnerio, Iuris Doctore & Profeſſore Regio, fundata; poſt templo egregio & munere concionandi in baſilica cathedrali, quæ S. Cruci ſacra eſt, adaucta. *Orleans.*

Bituricenſis Domus, ab Henrico Borbonio, Principe Condæo, illius prouinciæ Gubernatore, à fundamentis excitata anno 1623. *Bourges.*

Niuernenſis Domus, à Leonoro Deſtrapes, Archiepiſcopo Auxitano, in ædibus antiſ erecta ac dotata anno 1625. *Nemurs.*

Turonenſe Oratorium, in Prioratu & templo S. Michaëlis. *Tours.*

Rofionenſis Reſidentia, à N. viro nobiliſſimo, Congregationis Oratorii præſbytero, illius loci domino, inſtituta. *Rosiers.*

Vindocinenſis Domus & Collegium (in quo litteræ humaniores, Philoſophia & aliæ diſciplinæ cum pietate eximie florent) dotem ſuam debent Cæſari Duci Vindocinenſi, Henrici IV. Francorum Regis filio naturali. *Vendôme.*

Ardillienſis Domus, prope Salmurium opidum ad Ligerim fluuium, ſita eſt iuxta ſacellum Deiparæ cultu, miraculis & peregrinorum concurſu celeberrimum; fundata 1617, à L. conoro de Eſtampes Abbate Burgolienſi, poſt Carnutenſi Epifcopo; Rege ac Senatu approbantibus. In diſto ſacello Patres Oratorii, triginta & ampliùs numero, excipiendis piè peregrinantium ſacris confeſſionibus, alijsque religioſis exercitijs aſſiduam dant operam; & domi ſuæ Theologiam, atque in primis Fidei controverſias, aduerſus Calvinianos Salmurij potiſſimum obſtrepentes, diligenter explicant. *Noſtre Dame des Ardilliers.*

Salmurienſe Collegium, in ipſo opido iuxta munitiſſimum caſtrum (quod Mineræ quis dixerit) ſitum, iſdem Patribus eſt creditum, ad liberales artes iuuentuti vndique conſuenti, cum ſincera religione ac pietate, tradendas. *Salmur.*

Andegauenſi in vrbe Congregatio Oratorii, præter amplam Domum, poſſidet & Collegium à Domo ſciunctum: in quo Logicæ, Phyſicæ ac Metaphyſicæ exercitationes, præter litterarias, ab anno 1624, mirificè florent. *Angers.*

Niortenſis Domus, ab vno ex primis Congregationis Sacerdotibus donata, & annuo centu ſtabilita eſt circa annum 1618. *Niort.*

Cenomanenſe Collegium & Seminarium, ab illius vrbs Epifcopo N. & Clero ſunt inſtituta; ad litteras humaniores, Philoſophiam & Theologiam moralem auditoribus, qui frequentes eò vndique accurrunt, explicandam. *Le Mans.*

Nannetenſis Domus, in Britannia minore, ab illius vrbs Antiſtite Carolo de Bourgneuf anno 1615, liberaliter fundata eſt, Exinde à Senatu ac Populo Nannetenſi 1620. Patribus Oratorii commiſſum eſt Collegium Vniuerſitatis ſeu Academiæ: in quo omnes diſciplinæ traduntur, & honores ſeu gradus, vt vocant, Academici emeriti conferuntur. *Nantes.*

Rupellenſi in vrbe Sacerdotes Oratorii, iam inde à primis ipſius Congregationis initijs, medios inter hereticos, ſtationem habuerunt, magno Religionis orthodoxæ commodo. Vrbe à Ludouico XIII. Francorum Rege anno 1628, ſubactâ, omnes illius loci parochiales eccleſiæ iſdem Sacerdotibus, petente eodem Rege, per diploma Pontificium ſunt commiſſæ. *Rochele.*

Trecensi in vrbe Congregatio duas habet mansiones : vnam in Xenodochio S. Spiritus, quod inde, anno 1618. iussu Senatus ac Populi, commodiorem in locum est translatum. Altera mansio, à priore seiuncta, *Collegium* nuncupatur, in quo disciplinae omnes liberales, cum Philosophia, magno ciuium aliorumque fructu & applausu explicantur. *Troyes en Champagne.*

Diuisione in Ducatu Burgundiae, Patres Oratorii, ab anno 1620. ex indulto Apostolico, domicilium habent in Prioratu amplo, qui *Sanctus locus*, aliàs Vallis collium seu caulium vulgò dicitur. *Dijon.*

Lingonensis Domus à Sebastiano Zametio Episcopo ac Duce Lingonensi, itemque Pari Franciae anno 1620. instituta. Idem porro Antistes Seminarii sui Episcopalis regimen Patribus commisit, qui Parochos plurimos, à se eruditos & quàm maxime idoneos, inde in messem Dominicam solent emittere. *Langres.*

Belnenfis vrbs Domus & Collegium seu Gymnasium litterarium. *Beaulne.*

Cabilonenfis Domus, in Ducatu Burgundiae. *Chaalon.*

Matiscenensis Domus, titulo Seminarii Nostre Domine de bono successu, est secunda à Domo Parisiensi, anno 1613. incohata. Religiosissime in ea adseruatur peruetusta Deiparae imago, quam à S. Luca depictam tradunt; est quae à multis retrò saeculis in summa apud Clerum ac populum veneratione. *Mascon.*

Lugdunenfis Domus, in Monte S. Sebastiani, loco amœnissimo & amplissimo, circa annum 1616. edificari coepit. In ea studium Theologicum eximie florere solet, vt & Cleri institutio. *Lion.*

Claremontensis Domus apud Aruernos, in mediocribus vrbs circa annum 1618. incohata. *Clermont en Auvergne.*

Effiatensis Domus à Marchione de Effiat, Marescallo regni Franciae, 1629. magnifice exstructa, & amplis redditibus locupletata. *Effiat.*

Ricmenfis Domus, & Collegium à Senatu Pepuloque 1625. dotatum, ad scholas in eo litterarias aperiendas. *Ryon.*

Montbrisenfis Domus, ex contractu cum Magistratu 1622. inito, suppeditat Professores ad Philosophiam & artes humaniores in Collegio seu Athenaeo publico explanandas. *Montbrisen.*

Domus Nostre Domine Gratiarum, in provincia Forensiensi (vulgò *Forez*) à pio ac nobili Sacerdote huius Congregationis instituta, & fundis aucta. Is locus multa piorum fidelium frequentia indies honoratur. *Nostre Dame des Graces en Forez.*

Residentia in Mala-Valle à pio ac probo viro in auitis quibus fundata est; nascente Congregatione Oratorii in Gallia. *Mal-val.*

Residentia S. Georgij, in opido eiusdem nominis apud Delphinates, sub idem tempus est incohata. *S. Ioirs.*

Tolosana Domus iuxta ecclesiam parochialem B. Virginis dealbatq. (vernaculè *la d' Albade*) anno 1619. collocata. Patres habent curam illius parochiae, & Collegij XII. Sacerdotum ibidem fundati. *Tolose.*

Frontiniacensis Domus à paruis initijs, populi deuotione, excreuit in amplas aedes, & templum nunc habet splendidum à fundamentis exstructum. *Frontignan.*

Iouisfensis seu Ioyeusianam Domum Catharina de Ioyeuse, Ducis Guisij coniux, excitauit, iuxta testamentum atque extremam voluntatem patris sui Francisci Cardinalis de Ioyeuse, superiore pagina laudati. *Ioyense.*

Domum Burgifandeolensem, in opido S. Andeoli, à pio huius Congregationis Sacerdote incohata, nobilissima matrona, Ducis de *Vantadour* vxor, 1630. annuo censu auxit. *S. Bourg. Andoul.*

Domus B. Virginis de Gratia, in Prouincia & diocesi Foroiulienfi, vivente S. Philippo Nerio fundata, & suprà pag. 96. à nobis memorata, sub eodem instituto perseverans, cum Congregatione Oratorii Iesu Christi nunc est vnita: & ex priuilegio secundum à Parisiensi Domo locum in comitijs obtinet. Templum est miraculis, cultuque Virginis

famofiffimum. *Noſtre Dame de Grace en Pronence.*

Domus ſeu Reſidentia Noſtræ Domine Alpienſis eſt Domui iam laudatæ annexa. *Aups.*

Domum Aqueſem, ſub inſtituto S. Philippi Nerij à ſe fundari ceptam, R.P. Ioannes Baptiſta Romillonius, eximie vir ſanctitatis, Congregationi Oratorij Jeſu Chriſti, anno 1618. cum alijs XII. Domibus ſeu colonijs, adiunxit. De alijs Domibus, titulo Congregationis Doctrinæ Chriſtianę in Gallia à Cęſare Buſio inſtitutis, & ad Somafcenos tranſlatis, ſuprà pag. 75. & 77. egimus. *Aix en Pronence.*

Domus Peruitenſis ab Aqueſi ſuam inſtitutionem ac diſciplinam hauſit, habetque templum nunc elegans. *Peruius.*

Maſſilienſis Domus iuxta ſacellum St Marthę (cuius illius vrbs eſt antiquiſſimum) primitus eſt collocata; poſt à Senato ac Populo adaucta publico Gymnaſio; in quo antiqua Maſſilienſium in Gręcis ac Latinis litteris tractandis gloria reuiſceſcit. *Marſeille.*

Arelatenſem Domum Gaſpar Laurentius Archiepiſcopus Arelatenſis inſtituit; primis Patribus ex Aqueſi Domo euocatus: quibus & principale vrbs templum parochiale, reliquijs S. Annę famoſum, attribuit. *Arles.*

Tolonenſe Collegium directioni Congregationis anno 1624. eſt commiſſum. *Tolon en Pronence.*

Domus & ſacellum Noſtrę Domine Spei Oliolenſis, concurſu populi celebre, Congregationi 1633. attributum. *Olioules.*

Domus Ciuitatenſis, in Ciuitatula, opido obortum ad mare mediterraneum celebri. *La Ciotat.*

Domus Graſſenſis, ab illius vrbs Prætorè anno 1630. liberaliter fundata. *Grasse ville Episcopale, ſ. leucis ab Antipoli.*

Domus Pezenacenſis, in Occitania inferiore, cum Collegio litterario. *Pezenas.*

Domus Condomienſis in Aquitania, cum Gymnaſio publico, in quo humaniores diſciplinę, cum Philoſophia, iuuentuti traduntur. *Condom ville Episcopale.*

Domus Lemouicenſis, à pio ex Congregatione Presbytero circa annum 1614. dotata. *Limoges.*

Lucionenſe Seminarium, ab Armando de Richelieu Epicoſcopo Lucionenſi, poſt Cardinale, inſtitutum. *Luçon.*

Domus ſeu Reſidentia Romana, iuxta eccleſiam S. Ludouici Francorum Regis, Pontificio & Regio diplomatis firmata. *Roma.*

Nanceiana Domus, in primaria Lotharingę vrbe, circa annũ 1619. ab Henrico II. Lotharingę Duce fundata: cui annexum eſt vnus parochię B. Marię Virginis in vrbe veteri. *Nancy en Lorraine.*

Domus Leuxenſis, à Falſeburgi Principe liberaliter fundata. *Leuxin.*

Reſidentia Madritenſis in Hiſpania, cum cura Xenodochij, ex fundatione Abbatis Galli, ibidem circa annum 1620. defuncti. *Madrid.*

Cap. IV. *Alia Domus Congregationis Oratorij in Belgio & Comitatu Burgundia, proximè imitantes inſtitutum S. Philippi Nerij, & ſpeciatiſim deſtinata in adiutorium Episcoporum.*

Domus Poligniacenſis, in Comitatu Burgundię & diocęſi Veſontionenſi, anno 1616. cepta eſt ab aliquot pijs illius provincię Sacerdotibus; probante Alberto Auſtriaco Belgarum ac Burgundionum Principe, per diploma. *Poligny.*

Domus Salinenſis, in Comitatu & diocęſi eiſdem, 1624. ab eiſdem Sacerdotibus incohata;

cohata; probante Serenissima Hispaniarum Infante Isabella Clara Eugenia, Alberti vidua. *Salms.*

Domus Louaniensis, in Brabantia, anno 1626. fundari cœpta est ab Ill.^{mo} ac Reu.^{mo} D. Jacobo Boonen, Archiepiscopo Mechliniensis; approbante eadem Serenissima Infante. Fundum idem Illustrissimus D. Antistes de suo emit, & dotem liberaliter adiecit. Patres in basilica urbis primaria, D. Petro sacra, fidelium conficiens excipiunt, & statas conciones ad ciues ac studiosos habent. *Louain. Louen.*

Domus Mechliniensis anno 1629. incohata, adiutante eodem Illustrissimo D. Archiepiscopo, qui, vnâ cum Canonicis metropolitane ecclesie ac Magistratu, Collegium seu Gymnasium publicum Patribus commisit, ad iuuentutem vndique confluentem bonis moribus ac litteris imbuendam. In basilica metropolitana (cuius ipsi gremio sunt incorporati) varijs functionibus sacris intendunt. *Malmes. Mechelen.*

Residentia Bruxellensis, in vrbe regia, anno 1633. incohata. *Brusselles.*

Residentia Tamisensis, in Wasia, quatuor Presbyterorum Oratorij: quos Perillu- stris ac Reuerendissimus D. Antonius Triest, Episcopus Gandensis, ex diœcesi Mechli- niensis anno 1630. eò euocauit, & sua liberalitate iuuit. Dicti Presbyteri pastoralia ibi munia, summo animarum fructu, exercent. *Tamise, Tempel, ad Scaldim fl.*

Domus Malbodiensis, vel, vt Sigebertus & alij scriptores vetusti appellant, Melbo- diensis, in Hannonia ad fl. Sabim, anno circiter 1627. institui cœpta est; munificentia Illustrissimi ac Reuerendissimi *Francisci vander Burch*. Archiepiscopi ac Ducis Camera- censis. Pastoralem curam opidi illius Vrbanus VIII. Congregationi Oratorij in perpetuum tabulis bullariis commisit; Abbatissa & Canonicarum nobilium collegio consen- tientibus, & Philippo IV. Hisp. Rege per diploma approbante. *Mauberge.*

Domus Montensis, in Hannoniæ metropoli, à tribus Sacerdotibus, natura fratribus, genere nobilibus, fundata ac dotata. *Mons en Hainau. Berghen Henegouvv.*

Domum Sonegiesensem, in Hannonia, Andreas Treuisus Italus Catalensis, Alberti & Isbellæ Belgij Principum Doctor Medicus, suo ære emit, & Congregationi donauit, Urbano VIII. Papa confirmante. *Soigny.*

Caput v. Elenchus Regularum & Constitutionum asceticarum.

Quid sit Regula, & in quo à Constitutionibus differat, suprâ pag. 64. diximus. Cete- rum vt in Orientali Ecclesia primis sæculis, ante receptam *S. Basilij* Regulam, sic & in Occidentali seu Latina Ecclesia, ante receptâ *S. Benedicti* Regulam, singulorum ferme cœnobiorum propriæ fuerunt Regulæ, hoc est, Leges & Statuta viuendi. Istiusmodi por- rò Regularum Collectiones variæ, à varijs adornatæ, exstant manuscriptæ in multis Gal- liæ, Belgij, Germaniæ & Hispaniæ bibliothecis, hoc titulo, **REGVLÆ PATRVM.** Ex ijs nonnullæ Louanij anno 1574. primùm, postea plures in vnum velut corpus à Pro- spero Stellartio, Eremita Augustiniano, collectæ, Duaci 1626. typis sunt editæ. His quæ- nam addi possint non solum Monachorum, sed & Canonicorum ac Clericorum, alia- rumque religiosarum familiarum Regulæ ac Constitutiones, hoc capite breuiter doce- bo; in gratiam eorum qui antiquitatis ecclesiasticæ studiosi existunt.

S. PACHOMIVS, Tabennensis in Egypto Abbas, scripsit Regulam monachorum, à S. Hieronymo Latine redditam; quæ ad calcem operum Cassiani exstat, in editione Romana, Lugdunensi & Atebateni. Regulæ eiusdem breuiarium à Palladio in Hist. Lausiaca recitatur. Floruit an. 340. estque Martyrologio Romano adscriptus 14. Maij. Eiusdem Pachomij alia non pauca ascetica exstant manuscripta apud Treueros in mo- nasterio Benedictinorum ad S. Maximinum, & Colonie Agrippinæ in cœnobio Ca- nonicorum regularium ad Corpus Christi, in codicibus manu exaratis, & hoc titulo prænotatis, **REGVLÆ PATRVM.**

Ori-

Orisius seu *Orsicius*, S. Pachomij & Theodori collega, composuit librum diuino conditum sale, totiusque monasticæ disciplinæ instrumentis constructum; vt Gennadius lib. de Script. ecclēs. cap. 9. loquitur. Is exstat in Bibliotheca veterum Patrum.

Vita & Regula beati *Pasthumij*, aliàs *Pasthumij*, Patris quinque millium monachorum, legitur lib. 1. in Vitis Patrum. Multa ibi sunt affinia cum S. Pachomio eiusque Regula. Et cum Pachomius à Gennadio alijsque dicatur *Pachumius*, suspicari fortasse liceat, *Pasthumium* pro *Pachumio* irrephisse.

S. *Macarius* senior, monachus Ægyptius, S. Antonij discipulus (teste Gennadio cap. 10.) scripsit ad iuniores professionis suæ epistolam vnam, siue Regulam: quæ sic incipit; *Milites ergo Christi*. Exstat manuscripta Brugis in Collegio Soc. Iesu, inter reliquias Bibliothecæ Pamelianæ.

Serapionis, *Macarij*, *Paphnutij*, alterius *Macarij*, & aliorum XXXIV. Regula, edita est ex codice Assisgemienſi, ad calcem operum Cassiani, typis Plantinianis, studio Henrici Cuquij, post Episcopi Ruræmondensis. Serapion cognomento Scholaſticus, S. Antonio carus, Thmæus in Ægypto Episcopus à S. Athanasio ordinatus, ab Hieronymo & Honorio inter Scriptores ecclesiasticos laudatus, in Martyrologio Rom. 27. Martij habetur. De duobus Macarijs Baronius in Notis ad dictum Martyrologium 2. Ian. fusè agit.

Regulæ à SS. Patribus prolatae: *Cum resideremus in vnum*, constant capitibus 7.

Aliæ Regulæ SS. Patrum: *Cum in nomine Domini*, capitibus 14. constant. Omnes hæ Regulæ exstant manuscriptæ Treueris ad S. Maximinum, & Coloniz in cœnobio Corporis Christi.

Orientalis Regula (cuius hoc est initium, *Vi neque seniores*) pro magna parte est desumpta ex Regula S. Pachomij. Exstat ms. dictis locis.

S. BASILIUS scripsit Regulas monachorum fusiores & breuiores; Constitutiones item monasticas, & Canones pœnitentiales pro emendatione Canonicoꝝ & Canonicarum delinquentium. Quæ omnia leguntur in Græco-Latina operum S. Basilij editione, Lutetiz duobus tomis 1618. publicata. Exstat item Regula S. Basilij, interprete & paraphraste Rufino presbytero Aquileienſi, Louanij 1574. cum alijs Regulis & alibi edita. Basilius an. 379. & Rufinus 410. obierunt.

Consensoria monachorum: *Communi definitione decreuimus apud nos*. Exstat manuscripta Treueris ad S. Maximinum.

Lerinensis seu Lirinensis monasterij fundamenta circa an. 375. iecit S. Honoratus, post anno 426. Episcopus Arelatenſis creatus; qui & Regulam suis dedit: vt constat ex Concilio III. Arelatenſi circa annum 455. habito: *Regula quæ à fundatore ipsius monasterij dudum constituta est*. Meminit eiusdem Regulæ Sidonius l. 3. epist. 17. *Fluctuantem Regulam fratrum desistantorum secundum Statuta Lirinensiu Patrum vel Grinincensium festinus in forma*. Sed hætenus nemo vetustam illam S. Honorati Regulam, quod equidem sciam, in lucem protulit. Lerinus porro insula maris Gallici, è regione Antipolis, hodie S. *Honorati* dicitur. Grinacense seu Griniacense monasterium in Viennensi diocesi olim situm fuit.

S. *Hieronymus* an. 420. obiit. Ex eius scriptis Lupus Olmedius Hispanus anno 1433. Regulam concinnauit, à Martino V. Papa approbatam; quam Congregatio monachorum S. Hieronymi in Italia seruat. Hispanica autem Hieronymianorum Congregatio, à Petro Fernando circa annum 1374. instituta, adeoque Italicæ antiquior, viuit ex præscripto Regulæ S. Augustini: vt Petrus Vega in Chronicis Hieronymianorum 1539. Hispanicè editis lib. 1. cap. 9. narrat.

S. AUGUSTINVS Episc. Hipponensis ætatis 76. Christi 430. decessit. *Ex tribus Regulis quæ habentur tom. 1. operum, sola tertia cerè est S. Augustini: sed feminis data, non viris: habetur enim in epist. 109. Reliquæ duæ non videntur Augustini*. Ita Bellarminus lib. de Script. ecclesiasticis. Ceterum in scriptis S. Augustini (vt & S. Hieronymi) plurima sunt, quæ ad Clericorum, Monachorum & Monialium instructionem spectant.

Ioannes Ep. Hierololymitanus vixit temporibus S. Hieronymi. Adscribitur Ioanni liber ad

ad Caprasium de institutione monachi, qui in Bibliotheca Patrum & alibi exstat. Sed is videtur scriptus ab aliquo longe posteriore. Sic Bellarminus lib. de Script. eccles. & Baronius ad an. 444. censent, Carmelitarum tamen, in his Thomas à Iesu Braticensis & Petrus Wastelius, priorem sententiam adstruere conantur.

Vigilius Abbas scripsit Regulam, quam Trithemius c. 5. de Proprietate monachorum, & Possevinus citant. Floruit anno 420.

Ioannes Cassianus, Scythia, presbyter Massiliensis, scripsit Latine ad S. Honoratum, primò Abbatem Lerinensem, post Episcopum Arelatensem, *Collationes Patrum, Influmia cœnobiarum*, & alia; cum Notis Henrici Cucquij Antuerpiæ, Achillis Stati Romæ & Lugduni item quæ Alardi Gazæ 1628. Atrebatî edita. Cassiani Regula citatur à Gregor. Turonensi l. 10. c. 9. à *Benedicto* in Concordia Regularum sub Lud. Pio scripta, & ab alijs scriptoribus antiquis: quam existimò ex eius operibus collectam fuisse. Vixit an. 440.

Julianus Pomerius scripsit inter alia librum de Virginibus instituendis: teste Isidoro cap. 25. de Viris illustribus. Idem auctor fuit librorum III. de Vita contemptiui, qui Prospero Aquitano falsò attribuntur: ut amicus noster Iacobus Sirmondus in suis Notis ad Concilium Aquisgranense anno 816. celebratum, primus observauit. Ceterum Julianus hic Pomerius fuit alius à Iuliano Episcopo Tolitano, & anno 450. floruit. Idem Sirmondus in Notis ad Ennodium lib. 2. epist. 6. Pomerium vocat Arelatensem, ex testimonio Cypriani in vita S. Cæsarii: cui consonat Isidorus Hispalensis, Gallum faciens. Gennadio autem Pomerius est Afer siue Maurus.

S. Patricius Hiberniæ Apostolus monachis suis Regulam, quam teneant, condidit: vt Prebus in eius vita narrat. Obijt anno 494.

Iuuenes monachi in diœcesi Lugdunensi olim videntur habuisse Regulam ex varijs Regulis compositam: vt ex vetusto scriptore vitæ S. Eugendi, apud Surium l. Ian. datur intelligi: *Non omnino illa quæ quondam S. Basilii vellea quæ Lirinenfium Patres, sanctusque Pachemius siue illa quæ recentior edidit Cassianus, calcemus: sed ea quotidie lectuantes, ista pro qualitate loci, potius quàm Orientalium, perficere officium.* Ex Iurenibus porro monachetij (videntur enim plura olim fuisse) superest in Comitatu Burgundiæ cœnobiũ S. Claudij, quod nunc est Benedictinorum.

S. Cæsarius, ex nonacho Lerinensi Episcopus Arelatensis, scripsit Regulam ad monachos, & alteram ad sanctimoniales: quæ in Bibliotheca veterum Patrum & apud Stelartium exstant. Cæsarii Regula à Gregorio Turonensi lib. 9. cap. 39. 40. & 41. memoratur, item quæ à Venantio Fortunato l. 5. cap. 2. *Atque ad seua sibi seruetur ab urbe Genes? Regula Cæsarii Prasulis alma pij.* Anno 566. Cæsarius Concilio Agathensi, & anno 524. Arelatensi IV. interfuit, & vique ad an. 538. vixit. Chronicon nostrum Belgicum locis citatis, & ad an. 576. consule, item quæ Martyrologium Rom. 27. Aug.

Sub *Adeodati* patris Regula vixisse Romanum monachum, S. Benedicti nutritorem, narrat S. Gregorius lib. 2. Dialog.

S. BENEDICTVS, monachorum in Occidente patriarcha, anno 539. in Domino obdormiuit. Regulam scripsit omnibus notam.

Eugippius, Abbas Lucullanensis prope Neapolim Campaniæ, scripsit Regulam monachis consistentibus in monasterio S. Severini: vt Isidorus lib. de Viris illust. tradit. S. Severini Abbatibus & Noricorum Apostoli discipulus fuit Eugippius, cuius & vitam scripsit. Baronium in gestis anni 488. & in Notis ad Martyrologium Rom. 8. Ianuarij lege. Ad Eugippium exstat epistola Fulgentij Ruspensis Episcopi, ipsumque sibi visum narrat Cassiodorus lib. 1. Diuinarum Institutionum.

S. Aurelianus Ep. Arelatensis an. 546. in urbe Arelatensi cœnobiũ monialium fundauit, cuiusque Regulam præscripsit: *Sanctis & in Christo venerandis fororibus.* Struxit & cœnobiũ monachis, eiusque similiter Regulam dedit: *Sanctis & venerandis in Christo fratribus.* Anno V. post Consulatum Basilij, hoc est, an. Christi 546. fundauit monasterium in ciuitate Arelatensi, iubente Hildeberto Francorum Rege. Eodem anno Vigilius Papa vices suas in Gallia Aureliano delegauit. Martyrologium Rom. 16. Iunij consule.

R

GRE.

GREGORIUS Magnus Papa anno 590. creatus, ad superos 604. transijt. Is, post Gregorium Nazianzenum, scripsit ad Ioannem Ep. Raunenensem librum Regulæ seu Curæ pastoralis, quem vt omnibus Episcopis ac Pastoribus vtilissimum Amphilochius Patriarcha Alexandrinus Græcè reddidit. De hoc libro sic ipse Gregorius l. 4. ep. 46. ad Leandrum Ep. Hispalensem: *Librum Regula pastoralis, quem in Episcopatus mei exordio scripsi, sanctitati tuae transmiso.*

DONATUS scripsit Regulam ad Virgines, quam ex vetustio codice suo descriptam Canonici regulares Colonia ad me transmiserunt. Eius hoc est initium: *Sanctis & à me plurimum venerandis Christi virginibus, quas struda omnique sua Congregationi, in cenobio à familia Dei Flania constructo, Donatus.*

S. LEANDER Ep. Hispalensis circa an. 600. decessit. Regulam scripsit ad Florentinam sorem suam, à Christophoro Brouvero editam in libro cui titulus, *Sidera illustrium & sanctorum Virorum Germaniæ. Martyrol. Rom. 27. Februarij.*

S. ISIDORUS Ep. Hispalensis, S. Leandri frater & in Episcopatu successor, circa an. 636. obiit: scripsitque Regulam ad cenobitas Honorianenses, quæ cum operibus eius typis exstat edita. Scripsit item Sententiam de Regulis deuotarum: *Nemo ad eam vadas visitandam. Martyrol. Rom. 4. Aprilis.*

MARTINUS Dumienfis in Gallæcia primùm Abbas, pòst Bracarenfis in Lusitania Episcopus, monasteria varia condidit, & episcopalia precepta pia institutionis composuit: vt Isidorus & Honorius lib. de Script. ecclæs. loquuntur. Floruit an. 540.

IOANNES Ep. Gerundenfis, origine Gothus, Scalabi in Lusitania natus, à Leouigildo Rege Ariano Barcinonem relegatus, monasterium nomine Biclao condidit, & monachis cunctisque Deum timentibus Regulam satis necessariam scripsit: vt Isidorus cap. 44. de Viris illustribus tradit. Floruit an. 600.

S. COLUMBANVS primùm in Hibernia, pòst Luxouij in Burgundia, ac demùm Bobij in Italia Abbas scripsit Regulam & Canones pœnitentiæ. Regula in Florilegio Sanctorum Hiberniæ exstat: cui præfigenda est Præfatio à Stengelio edita in Corona lucida. Ceterùm ab Agrestini calumnijs Regula S. Columbani per S. Eustasium Abbatem Luxouiensem fortiter defensa, & in Concilio Matifconensi an. 627. approbata fuit: vt Ionas monachus in vita S. Eustasij narrat.

SOLITARIORVM Regula capitibus 67. vel 68. constat: sed hæcenus non comperi, à quo vel quando sit scripta: *Dilectissimo patri in Christo atque aquinoco meo.*

TARNANENSIS monasterij Regula capitibus 23. constat: *Si quis fidei ardore succensus.*

S. FRUCTVOSVS, Bracarenfis in Lusitania Episcopus circa an. 664. viuere desijt. Scripsit Regulas duas, quarum vna 20. altera 25. capitibus constat. Apud Canisium, to. 5. Antiquæ lectionis, extat fragmentum, quod in Regulis iam nominatis non reperitur. Antonius Iepesius in Chronico suo Benedictino, Hieraci seu Iraci an. 1609. Hispanicè edito to. 1. pag. 212. dicit se in monasterio de Arlanza repperisse codicem charactere Gothico conscriptum, hoc titulo: *Regula Patrum*: in quo Regulæ S. Macarij, S. Pachomij, S. Basilij, S. Benedicti, S. Fructuosi, S. Isidori & Cassiani continentur. Idem Iepesius pag. 150. multa recitat ex capite 1. & 2. Regulæ S. Fructuosi, quæ in Treuerensi & Coloniensi exemplaribus manuscriptis etiam leguntur.

VALERIJ Regula citatur à Benedicto Abbate in Concordia Regularum nondum typis edita. Fortasse is fuit, qui S. Fructuoso in Episcopatu Bracarenli successit, eiusque vitam conscripsit. Sandouallium in Foundationibus veterum monasteriorum Hispaniæ, Madriti editis, consule.

AGANNENSIS monasterij Regula, hortatu Marini Lerinenfis Abbatis digesta, à scriptore vite S. Eugendi, memoratur ab eodem apud Surium 1. Ian.

FERREOLI vel Ferioli Episcopi Regula, capp. 38. vel 39. constans citatur à Benedicto Abbate in Concordia Regularum: *Domino sancto & ceterorum comparatione sanctissimo.*

PAULI & STEPHANI Regula capitibus 41. constat, & citatur in dicta Concordia Regularum. Caput 1. *De timore Dei. In primis exhortatur.*

Godefrandus, Hermannus Contraſto Rodganguſ, Trithemio Rugrandus, Epiſc. Metenſis, ſancſe religionis Regulam ſcripſit ſuis clericis : teſte Sigeberto lib. de Viris illuſtribus. Vixit anno 765.

Regula *Magiſtri* conſtat capitibus 95. vel 96. & citatur in Concordia Regularum ; O homo primo tibi qui legiſ.

Regula cuiuſdam ad Virgines, capitibus 24. conſtans, à Trithemio lib. de Proprietate monachorum c. 5. citatur : *Abbaſſiſſa monaſterij qualis eſſe debeat.*

Forma inſtitutionis Canonicorum , item que Forma inſtitutionis Sacerdotum canonicè viuentium, iuſſu Cõcilij Aquigranenſis, anno 816. ab Amalario ſcriptæ, exſtant to. 2. Conciliorum Galliæ, & ſeorſim à nobis Antuerpiæ 1638. cum Notis editæ.

Capitula LXXX. monachis ordine S. Benedicti, in Aquigranenſi Abbatum Franciæ conuentu, anno 817. præſcripta, exſtant to. 2. Conciliorum Galliæ.

BENEDICTVS Abbas tunc tempore Lud. Pij floruit, & Concondiam Regularum ſcripſit, quæ ms. exſtat in monaſterio Floriacenſi; breui typis Luteriæ cum Notis edenda ab Hugone Menardo Benedictino.

Theodorus Studius anno 826. obiit, & ſcripſit Inſtitutiones monaſticas: de quibus vide Baronium ad annum 798.

S. Dunſtani Epiſcopi Cantuarienſis Regula, & *S. Lanfranci* itidem Epiſcopi Cantuarienſis Statuta, exſtant apud Clementem Reinerum lib. de Apoſtolatu Benedictinorum in Anglia. Dunſtanus anno 988. & Anſelmus 1109. obiit.

Regula vitæ eremiticæ, ſeu Conſtitutiones ordinis *Camaldulenſis*, à S. Romualdo 967. fundati, Latine 1520. Florentiæ typis ſunt editæ : quas Siluanus Raſtius, eiufdem inſtituti monachus, Italice reddidit, & 1575. eadem in vrbe excudendas curauit. Hiſtoriam huius ſui ordinis ſcripſit Auguſtinus Fortunius. Ceterum S. Romualdus anno 1027. deceſſit. Eſt & alia familia Camaldulenſis, à Paulo Iuſtiniano monacho Veneto 1520. inſtituta, quæ *Montis Coronæ* dicitur.

Petrus Damiani, S. R. E. Cardinalis & Epiſcopus Oſtienſis, deſcripſit Regulas & viuendi inſtituta, quibus eremite Fontis Auellani, ſeu Fontis Coryli, ſuo tempore utebantur: exſtant quæ in tomo 3. operum ipſius, Romæ 1615. edito. Obiit Fauentiæ an. 1080. Auellanum verò monaſterium in monte Apennino prope urbem Calienſem, Ducatus Vrbinenſis, Landolphus monachus Benedictinus 1008. condidit: vt quidam ſcribunt. Alij ipſum Petrum Damiani faciunt iſtius monaſterij conditorem. Auellanum porro cœnobium nunc poſſident monachi Camaldulenſes.

Cartuſienſis ordinis Statuta typis an. 1582. exſtant edita Pariſijs. Petrus Sutor lib. 2. de vita Cartul. t. 3. e. 3. tradit viuendi formam Cartuſianorum, à S. Brunone ex doctrina religioſa S. Hieronymi, Caſſiani & S. Benedicti collectam, ore atque vſu traditam diſcipulis, ſine ſcripto multis annis in Ordine obſeruata; tandem in Statutis, quibus pro Regula vtuntur, deſcriptam, fuiſſe probatam, cum toto eorum viuendi modo, ab Alexandro III. & Ceſteſtino III. Pontificibus. Obiit S. Bruno an. 1101.

Ciſtertiienſium primæ Conſtitutiones, ſiue Charta Caritatis, à Stephano Ciſtertiij Abbate tertio an. 1107. edita : item Inſtituta ſeu Regulæ *Conuerſorum* ord. Ciſtertiienſis, à S. Bernardo ſcriptæ, exſtant in Menologio Ciſtertiienſi, typis Plantinianis edito, 5. Iulij. Vidi & Conſtitutiones antiquas ord. Ciſtertiienſis, circa annum 1490. Diuione in Burgundia excuſas. Liber *Vſum* ſeu *Ritum* ord. Ciſtertiienſis, anno 1188. ſcriptus (vt ex cap. 124. colligi datur) cum Vſibus Conuerſorum eiufdem ordinis, exſtat iam olim editus; etiq; anno 1628. Pariſijs reſcuſus. Occurrunt in eo nonnulla, quæ iuxta ritus ſacros hodie in Eccleſia vſitatos videntur mutanda.

Pramonſtratenſis ordinis, à S. Norberto 1120. conditi, Statuta Louanij 1631. poſtremo ſunt publicata.

Fratribus ordinis *Cruceſerutorum*, à Gerardo, Priore monaſterij S. Mariæ apud Bononiæſes, inſtitutis vel potius reformatis, Alexander III. Papa 1164. viuendi Regulam dedit: vt Onuphrius Panvinius in Chronico Eccleſiæ tradit, Bullarij tomum 1. conſule.

Trinitariorum Regula, ab Innocentio III. anno 1197. condita, exstat apud Stellarium, & in tomo 1. Bullarij.

Constitutiones Fratrum & Sororum ordinis *PREDICATORVM*, cum Declarationibus ex Actis Capitulorum generalium: item Regula Fratrum & Sororum tertij ordinis Prædicatorum siue de Pœnitentia: item liber de Instructione Officialium ord. Prædicatorum ab Humberto V. Magistro generali conscriptus. Hæc omnia auctoritate Seraphini Sicci, eiusdem ordinis Magistri generalis, Romæ & Barcinone 1620. & postea Parisijs 1625. sunt edita. Obijt S. Dominicus 1221.

S. FRANCISCI Affiliati Regule tres, cum Regula monialium Clarissarum, exstant inter opuscula eiusdem S. Francisci, studio Thomæ Waddingi, 1623. à Moreto edita.

Eremitarum ordinis S. Augustini Constitutiones, in comitijs generalibus 1625. Romæ habitis approbatas, anno 1627. Colonienfes typis euulgarunt, vnâ cum Additionibus & Notis Hieronymi Romani, eiusdem ordinis Generalis. Hic Ordo varias sub se complectitur Congregationes reformatas; vt Lombardiæ, Ilicetanæ, Carbonaræ, Perusinanæ, Genuensem, Montis Ortoni, Apuliæ siue Dulcet, Calabriæ, Dalmatiæ, Coloritanæ & Discalceatorum: quæ singulæ suas habent Constitutiones.

Carmelitarum Regula primitiua ab Alberto Patriarcha Hierosolymitano, tunc in vrbe Acônensi seu Ptolemaide agente, tradita, ab Innocentio IV. est confirmata.

Constitutiones Fratrum ordinis B. Mariæ de Monte Carmelo, decreto Capituli generalis, Romæ an. 1625, habitis, recognitiæ, ibidem auctoritate Gregorij Canalijs Veneti anno 1626. sunt typis publicatæ. Habet hic Ordo sub se Congregationem Mantuanam reformatam, à Ioanne Soretho Generali anno 1450. incohata; quæ & suis legibus regitur.

Constitutiones Fratrum discalceatorum Congregationis S. ELIÆ, ordinis Carmelitani, cum Declarationibus, ab Urbano VIII. an. 1631. approbatæ, ex officina Plantiniana 1632. prodierunt. Habet & suas Constitutiones altera Congregatio Carmelitarum discalceatorum, quam vulgò *Hispanicam* vocant.

S. *Teresa*, ordinis Carmelitani reformatrix, suis monialibus discalceatis præscripsit Constitutiones, quæ varijs linguis edite leguntur.

Regulæ Fratrum & Sororum ordinis *Minimorum*, seu S. Francisci Paulani, exstant apud Stellarium, & seorsim editæ Parisijs 1631. cum Correctorio, & alijs rebus eò spectantibus.

Templariorum militum, siue Pauperum tomilitonum Christi Templique Salomonici Regula, à S. Bernardo an. 1128. scripta, hortatu Balduini Regis Hierosolymitani & Patrum Concilij Trecentis.

Aussij ordinis militaris, apud Lusitanos clari, Regula, à Ioanne Cirita Abbate Tharoucano anno 1162. scripta.

Constitutiones militum S. *Michaelis* siue de *Ala*, ab Alfonso I. Lusitanorum Rege anno 1166. editæ.

Constitutiones militum *Calairanæ*, à Guidone Cisterciensi Abbate, post S.R.E. Cardinale, 1187. publicatæ.

Institutio militum *Christi* in Lusitania 1319. per Ioannem XXII. Papam, petente Dionysio Rege Portugalie, facta.

Institutio militum S. *Mauritij*, sub Cisterciensium legibus, per Gregorium XIII. petente Emanuele Philiberto Sabaudie Duce, anno 1572. facta. Hæc omnia habentur in Priuilegijs ord. Cisterciensium, Antuerpiæ à Moreto 1630. editis. Dictam S. Mauritij militiam, anno eodem, cum vetusto S. Lazari ordine militari idem Pontifex vniuit, Diplomata to. 2. Bullarij & seorsim Augustæ Taurinorum exstant, edita.

Ordinis militaris S. *Iacobi* Statuta, Hispano sermone scripta, explanauit M. Illa, Philippo II. Regi à Sacris, & Plantinianis typis euulgauit. Regulæ seu Constitutiones primæ militum S. Iacobi, iussu Alexandri III. Papæ, sunt scriptæ ab Alberto S.R.E. Cardinali;

nale; & recitantur in eiusdem Pontificis diplomate; quod anno 1175. scriptum existat in Statutis huius Ordinis, Madriti editis.

Constitutiones militū *Montese* ab Alvaro de Luria & Mendoza, milite Calatrauensi, sunt conscriptæ; hortante Iacobo II. Aragoniæ & Valentini Rege.

Militia Christiana anno 1518. incohata Olmutij in Moravia, sub patrocinio B. Mariæ Virginis immaculatæ & S. Francisci, anno 1624. & 1625. ab Urbano VIII. fuit approbata; petentibus Ferdinando Mantuanorum & Carolo Niuernensium Ducibus, & Adolfo Comite de Althan; Statuta huius Ordinis militaris, ab eodem Pontifice approbata, habentur tomo 4. Bullarij, Romæ ab Angelo Maria Cherubino, Laërtij filio, 1632. editi.

Ordo militum *Temonicorum* seu Marianorum, anno 1190. in obsidione urbis Aconensis, cepit exordium. Quo anno, die 19. Novembris, in castris, ab Henrico Rege, Frederico Sueviæ Duce, Frederici I. Imperat. filio, alijsque proceribus creati sunt XL. Equites primi Mariani, & ex ijs primus Magister ordinis Walpotius: vt ex ms. codice Vltrachino eiusdem ordinis didici. Statuta exstant in Historia illius Militiæ, à Ioanne Eustachio Sollio Cancellario, breui, vt speramus, edenda.

Constitutiones Ordinis S. Mauritij, iussu Ducis Sabaudia, anno 1604. Augustæ Taurinorum fuerunt excusæ.

Exstant & Statuta Ordinum Alcantaræ in Hispania, Christi in Lusitania, S. Stephani in Etruria, & S. Mariæ de Monte Carmelo in Gallia.

Hospitalariorū S. Ioannis Hierosolymitani (quos hodie Melitenses vocamus) Statuta antiqua, à Raimundo Podiensi dictata, exstant hoc titulo: *Statuta ordinis Domus Hospitalis Hierusalem*: post sæpius aucta. Bosum in Historia eiusdem ordinis consule.

Ordines & Congregationes variæ monachorum sub Regula S. *Benedicti* militantes; Cluniacensis, Vallis-Umbrosæ, Grandimontensis, Fontis Ebraldi, Guilielmitarum Vercellensium seu Montis Virginis, Guilielmitarum à S. Guilielmo Aquitaniciæ Duce institutorum, Humiliatorum, Floriacensis, Siluestrinorum, Vallis caulium, Cælestinorum, Oliuetanorum, & Gilbertinorum in Anglia.

Cluniacensis Statuta, à Petro Venerabili (qui 1157. obiit) scripta, exstant in Bibliotheca veterum Patrum, & alia tom. 1. Bullarij.

Ordo visitandi monasteria *Fontis Ebraldi* (qui 1119. institutus fuit) & alia huc spectantia, sunt edita Andegani 1586.

Guilielmitarum à S. Guilielmo Duce fundatorum Constitutiones, iussu Innocentij IV. Papæ, 1251. in Capitulo generali scriptæ, ab eodem postea approbatæ fuerunt. Eas, cum Libro Ordinis, citat Sampson Haius in vita eiusdem S. Guilielmi, Lutetiæ 1588. excusæ; quem dicit à Gregorio IX. Papa Diuis adscriptum fuisse.

Cælestinorum in Italia Constitutiones, an. 1629. à Clemente VIII. approbatæ, Romæ anno eodem typis sunt vulgatæ. S. Cælestinus obiit 1296.

Benedictinorum monachorum, nigra veste vtentium, Congregationes reformatæ: Casinensis, Bursfeldensis, Casalensis Benedicti, Vallisoletana, Lusitana, Lotharingica seu SS. Vitioni & Hidulphi, Francica S. Mauri, Anglicana, & Belgica.

Cisterciensium reformatæ Congregationes: Hispanica, Lusitana, Aragonica, Italica & Fulienfis in Gallia; monialium verò, Toletana & Vallisoletana. De Toletana in Menologio Cist. 8. Octob. agitur. Vallisoletanæ Constitutiones Recollectarum, auctoritate Clementis VIII. sunt editæ.

Casinensis Congregationis Constitutiones in Italia & Parisijs 1603. sunt excusæ. *Bursfeldenses* item sunt editæ Parisijs.

Canonicorum regularium Congregationes: Lateranensis, S. Rufi, Frigidionaria, S. Saluatoris Bononiensis, S. Marci Mantuana, S. Georgij in Alga, S. Spiritus Venerijs, S. Victoris Parisiensis, Arosiensis apud Belgas, Windesimensis apud Germanos inferiores & superiores. S. Crucis Conimbricensis apud Lusitanos, S. Petri de Monte Corbulo, & alig.

Congregationi S. *Victoris Parisiensis* scriptæ sunt Constitutiones, ex vi Priuilegij Apostolici 1200. concessi, quæ mss. exstant Lutetiæ ad S. Victorem.

Windesimensis Capituli Constitutiones typis sunt publicatæ Ultraiekti 1553.

Ordines & Congregationes variz sub Regula S. *Augustini* viuentes; Hospitaliariorum S. Antonij in Francia, S. Mariæ de Portu prope Rauennam, S. Sepulcri Dominici, S. Spiritus in Saxia, Fratrum de penitentia, S. Pauli eremite in Hungaria, Lusitania & Hispania; Mercenariorum mitigatorum & discalceatorum, Vallis Scholarium, Seruitarum, Crucigerorum in Italia & Belgio, Caritatis B. Mariæ in Francia, Cellitarum in Belgio; Iesuatorum S. Hieronymi, S. Birgittæ, Eremitarum S. Hieronymi in Hispania, S. Ambrosij ad Nemos, Fratrum Apostolicorum, Hospitaliariorum B. Ioannis de Deo, Angelicarum virginum in Infubria, monialium Visitationis B. Mariæ, & Vrsularum.

Portuensium Constitutionum scriptor fuit non Petrus Damiani, sed Petrus Honefius, qui 1119. obiit: vt Pennottus in Historia Canoniorum regularium lib. 2. prodit. Ceterum Abbatia S. Mariæ de Portu, prope Rauennam, hodie possidetur à Canonis regularibus Congregationis Lateranensis.

Ordo *Vallis Scholarium*, à quinque famosis Theologiæ in Academia Parisiensi Professoribus, anno 1201. in diocesi Lingonensi fundatus, præter Regulam S. Augustini, habuit ab initio Constitutiones à Guilielmo Episcopo Lingonensi anno 1205. confirmatas, postea verò sæpius auctas, & à Pontificibus Romanis approbatas. Anno 1629. in Capitulo generali, per Abbatem Generalem ac Definidores dictæ Constitutiones fuerunt recognitz, & Remis in Campania anno eodem typis publicatæ. *Choppinus lib. 1. Monast. sit. 3.*

Ordo S. Ambrosij ad Nemos, à tribus viris nobilibus Mediolanensibus institutus, habet Constitutiones à S. Carolo Borromæo reformatas: vt in huius vita Io. Petrus Iustanus lib. 5. cap. 11. narrat. Seruant vsum ac ritum Ambrosianum in sacris peragendis; ex decreto Gregorij XI. anno 1375.

Fratrum *Caritatis* B. Mariæ Statuta 1548. in ordinem redegit Ioannes Siliceus. *Choppinus lib. 1. Monast. sit. 2.*

Iesuatorum, à Ioanne Columbino circa an. 1355. institutorum, Constitutiones à Patribus Capituli generalis 1426. scriptis mandatæ sunt.

S. *Birgitta* Regula exstat in libro Reuelationum eiusdem. Obijt 1373. à Bonifacio IX. Diuis adscripta.

Statuta reformatæ Congregationis B. Mariæ de *Mercede* & Redemptione captiuorum, 1604. à Clemente VIII. approbata, exstant tom. 3. Bullarj, 1617. Romæ edito.

Regula Fratrum & Sororum tertij ordinis Seruorum B. Mariæ, 1424. à Martino V. comprobata, exstat ibidem. De Mercenariorum in Hispania, Seruorum B. Mariæ in Italia & Gallia, Eremitarum S. Pauli in Hungaria & Hispania, & aliarum familiarum, sub signis S. Augustini militantium, institutis plura scire qui volet, Origines nostras Monasticas Coloniz Agrippinz 1620. euulgatas consulat.

Eremitarum discalceatorum S. Augustini tres sunt Congregationes; *Italica*, *Hispanica*, & *Gallica*. Italicz Congregationis Constitutiones Gregorius XV. 1620. confirmant: exstantque to. 4. Bullarj. Cum ista Siculam Congregationem idem Gregorius vnir, & Prouincias IV. in Italia 1626. ac totidem in Hispania constituit. Gallicam Congregationem 1628. Vrbanus VIII. confirmauit, Hispanicz Congregationi subsunt Eremitæ discalceati Indiæ occidentalis.

Ioannes Dei, 1603. Beatis ab Vrbanò VIII. adscriptus, Ordinem Hospitaliariorum, ad curandos pauperes infirmos, instituit: qui Ordo duas Congregationes, *Hispanicam* & *Italicam*, comprehendit. Singule suas habent Constitutiones. Italica Congregatio, præter Italos, complectitur etiam Hospitalarios Galliz, Germaniz ac Poloniz. Hispanicam 1572. Pius V. & Italicam 1617. Paulus V. Papa, vtramque sub Regula S. Augustini, confirmarunt: tom. 2. & 3. Bullarj.

Congregatio Eremitarum B. *Petri Pisani*, sub patrocinio S. Hieronymi, nomen & originem traxit 1380. à Petro Gambacurta Pisano. Pius V. eos tribus votis solemnibus, sub Regula S. Augustini, obstrinxit. Constitutiones Romæ 1514. correctæ, eodem anno Viter.

Viterbij sunt editæ, idiomate Italico.

Congregationem monachorum regularis obseruantiz, ord. Cisterciensis, *Martinus Vargas* in regnis Castellæ, Legionis, Galliciæ & Asturiæ instituit, & *Martinus V.* 1425. approbavit. *Menologium Cist. 6. Aprilis.*

Congregatio monachorum eiusdem ordinis in regnis *Aragonia, Valentia, Maiorica, Nauarra,* & in *Catalenia*, 1616. à Paulo V. instituta: 10. 3. Bullarij.

Congregatio *S. Bernardi* in Tuscia & Lombardia 1497. ab Alexandro VI. stabilita. *Fulienfium* Congregationem in Gallia 1586. Sixtus V. approbavit: 10. 2. Bullarij. Constitutiones eiusdem: Clemens VIII. suo diplomate an. 1595. firmavit.

Congregatio reformatæ monachorum Montis Virginis, 1611. instituta, gaudeat Constitutionibus eodem anno à Paulo V. laudatis: 10. 3. Bullarij.

CLERICI regulares: Theatini 1524. Somaſcæ seu *S. Maioli Papiensis* 1528. Barnabite seu *S. Pauli* 1533. Societatis Iesu 1540. Clerici *B. Mariæ* 1574. Clerici Minores 1581. Ministrantes infirmis 1591. Clerici Scholarum piarum 1617.

Theatinorum Constitutiones Ant. Caracciolus exemplis ab antiquitate petitis illustravit, & ROME 1610. edidit. suprà pag. 23. Statuta quædam Congregationis *S. Pauli* 1615. à Paulo V. edita exstant 10. 3. Bullarij. Vide suprà pag. 52.

Quibus Regulis ac Constitutionibus SOCIETAS IESV regatur, Iul. Nigronus in commentarijs suis parte 1. distinctè explicat: suprà pag. 64. Constitutiones 1582. à Gregorio XIII. approbatæ, seorsim anno 1583. ROME exstant editæ, & 10. 2. Bullarij.

Congregatio Clericorum pauperum: *Matriæ Dei Scholarum piarum*, à Ioanne Calasancio incohata, habet Constitutiones à Gregorio XV. anno 1622. probatas: suprà 113.

FRATRES vite communis, à Gerardo Magno circa an. 1376. instituti, habent Statuta ab Henrico Dietz in scriptum redacta, quæ ad manus meas nondum peruenerunt. Statuta Dauentriensis Domus suprà pag. 3. reperies.

Congregatio Oratorij à *S. Philippo Nerio* instituta, per Gregorium XIII. 1575. confirmata, habet Constitutiones 1612. à Paulo V. probatas: ROME seorsim & in 10. 4. Bullarij excusæ: suprà pag. 79. & 95.

Congregationem Oratorij IESV CHRISTI, in Francia à *Petro Bernulio*, post S. R. E. Cardinale conditam: *Paulus V.* 1515. probauit: 10. 4. Bullarij, & suprà pag. 117.

Congregatio Oblatorum *S. Ambrosij*, à *S. Carolo Borromeo* 1578. incohata, & Institutionibus 1581. ab eodem firmata fuit: quæ exstant seorsim 1581. Mediolani excusæ, & in Actis Ecclesiæ Mediolanensis 1603. Brixiz editis: suprà pag. 98. & 101.

Congregationem Clericorum *B. Mariæ* Clemens VIII. 1595. & 1604. approbavit, vñ cum Constitutionibus: 10. 3. Bullarij: vt Sixtus V. *Clericorum Minorum*: suprà pag. 106.

Ordo *S. BASILII* duas sub se Congregationes reformatas, *Italicam* & *Hispanicam*, continet. Hispanicæ Constitutiones 1603. à Clemente editæ, exstant 10. 3. Bullarij.

Regulæ monialium, ex Concilijs præsertim provincialibus Mediolanensibus, iussu *S. Caroli Borromei* censilata, exstant in Actis Mediolan. Ecclesiæ part. 2.

Regula ordinis *B. Mariæ Virginis* (vulgò Annuntiarum monialium) 1517. à Leone X. approbata, exstat Antuerpiæ 1608. à me edita.

Annuntiarum *Celestinarum* seu *Genuensium*, à *Maria Victoria* (quæ 1617. obiit) fundatarum, Constitutiones *Paulus V.* 1613. approbavit.

Monialium, titulo *Visitationis B. Mariæ*, Congregatio à Francisco Saleſio Ep. Genuensi, 1610. incohata, & legibus instructa fuit. Sit & *Vesulinis* virginibus, ROME, Burdigalæ & alibi circa annum 1600. institutis, Ioannes Iacobus monachus Fulienſis Constitutiones dedit. *Menolog. Cist. 9. Oct.*

Ordo militaris *B. Mariæ de monte Carmelo* in Gallia 1608. à Paulo V. institutus, habet Constitutiones ab eodem approbatas, 10. 4. Bullarij.

FF. Minores CAPUCINI (quorum strictiorem viuendi modum 1528. Clemens VII. & alij deinde Pontifices approbarunt) iam inde ab initio Constitutiones habuerunt, quas apud Zachariam Bouerium in Historia illius familiæ reperies.

Gre-

GREGORIUS XII. varias & fufas Constitutiones edidit pro bono regimine *Benedictinorum, Cisterciensium & Canonicorum regularium*. Idem Constitutiones Canonicorum S. *Georgij in Alga* prope Venetias 1406. confirmavit. INNOCENTIUS IV. Capitula feu Statuta ord. Vallis Umbrosæ 1484. approbavit. IULIUS II. Ordinationes pro bono regimine ord. Montis Oliueti, item Congregationis S. Bernardi in Italia, & Statuta Ordinis Camaldulensis publicauit. Quæ omnia tom. 1. Bullarij Romæ excusè recitantur.

Constitutiones pro *Fratribus Minoribus*, IV. Kalendas Septembris, anno 1336. à Benedicto XII. Papa editæ (quarum hoc est initium : *Benedictum Redemptor noster facilor calorum*) non exstant in dicto Bullario. Eastamen Antuerpiæ apud Capucinos vidi, iam olim in Italia, sine nomine loci & anni, in 4. excusas.

Regula S. Benedicti, cum Declarationibus & Constitutionibus, prout seruantur in Congregatione SS. *Vitoni & Hidulphi*, anno 1625. Tulli in Lotharingia est typis publicata.

Ordo, qualiter Fratribus in monasterio religiosè ac studiosè conuersari, ac Domino militare oportet, Duaci 1611. cum Regula S. Benedicti & alibi excusus, vulgò adscribitur eidem S. Benedicto : videtur tamen posterioris æui sætus.

In Elnonensi S. Amandi monasterio, diœcesis Tornacensis, varij adseruantur codices manuscripti ad hoc nostrum argumentum illustrandum pertinentes. In codice notato num. 182. lit. R. habentur Statuta monachorum, hoc initio : *In primis ordinamus, quod omnes monachi constituti infra Abbatiam, secundum Regulam S. Benedicti, mox ut audierint signum, velicti agendis omnibus (cum nihil sit operi domino proponendum) ad ecclesiam cum debita maiestate festinent*. Hæc Statuta constant 19. folijs in quarto.

Codex notatus num. 179. lit. E. in 4. continet Aggregationes, ex dictis Sanctorum, super Regulis Sacerdotum : quarum hoc est exordium : *Excerptiones ecclesiasticarum Regularum, partim ex epistolis Romanorum Pontificum, partim ex gesis Conciliorum, partim ex statutis oribodoxorum Patrum, partim ex Institutionibus Catholicorum Regum. in uno corpore ordinari curauimus; ut qui scripta illa, ex quibus ista excerpta sunt, ad manum habere non poteris, hinc saltem accipias quod ad commodum causæ suæ valere prospexeris*.

Codex perantiquus, notatus num. 212. lit. H. præter vitas veterum Sanctorum monachorum, recitat multa ad Regularum collectiones spectantia. Textus sic incipit : *Multis quidem multis variisque libris diversis temporibus huic sæculo reliquerunt, quorum alij superna inspiratione & gratia diuinitus data edificauerunt & munierunt eos qui fidei proposito instituta atque vestigia Salvatoris sequuntur*. Collectoris nomen nec in isto, nec in duobus prioribus codicibus exprimitur.

In codice 186. continetur liber ex dictis SS. Patrum desloratus super Regula S. Benedicti : *Dominus dicit in Evangelio : Cum veneris votum Domino Deo tuo, non tardabis reddere*. Hic codex scriptus est temporibus Hugbaldi, monachi Elnonensis seu Amandini ; qui anno 880. clauit, teste Trithemio lib. De Scriptoribus ecclesiasticis.

Codex 117. lit. P. præfert hunc titulum : *Speculum monachorum* ; & sic orditur : *Siquis emendatoris vita desiderio tactus*.

Codex 181. lit. I. completitur Regula siue Institutiones Hugonis : quarum hoc est initium ; *Quia fratres, largiente Domino, de vana conuersatione huius sæculi conuersi esis*.

Congregationis *Bursfeldensis*, anno 1420. incohata, Constitutiones ac Decreta, quatuor voluminibus MSS. cõprehensa, exstant in hoc ipso S. Amandi cenobio. Quæ omnia, ex vetustis codicibus Abbatie S. Germani Parisiensis, 1610. Lutetiz typis sunt edita, hoc titulo : *Ceremoniale Benedictinum, siue, Antiquæ & germanæ pietatis Benedictini Thesaurus absconditus, à Patribus Congregationis Bursfeldensis ante annos centum compilatus, & nunquam hæctenus typis excusus*.

Congregatio strictioris reformationis in ordine Præmonstratensi, à *Servatio de Laimelz* Belga, Hannonio, Mussipontani apud Lotharingos, cœnobij S. Mariæ maioris Abbate, primum incohata, postea per Lotharingiam ac Franciam propagata, habet quædam

dam Statuta & Ordinationes, anno 1617. à Paulo V. & anno 1621. à Gregorio XV. bullatis diplomatibus confirmatas.

Camaldulensium sodalium tres veluti species sunt : prima eaque antiquissima, eorum qui Camalduli more eremitico viuunt; secunda monachorum qui in varijs Italiæ opidis ac locis habitant ; tertia est Eremitarum Montis Coronæ in Tuscia. De Camaldulensium veterū Constitutionibus suprâ pag. 131. diximus. Congregationi Montis Coronæ Paulus Iustinianus suprâ memoratus Constitutiones numero sex & viginti circa annum 1522. scripsit & anno 1528. decessit.

A V C T A R I V M.

Caput 1. *Excerpta ex Constitutionibus Congregationis Somaſcæ & Doctrina Christiana in Gallia.*



Pere hoc nostrum sub prælo sudante, atque ad finem vergente, Constitutiones Somaſcæ & Doctrinæ Christianæ in regno Franciæ, ab Urbano VIII. anno 1626. approbatæ, & typis Romæ eodem anno editæ, ad manus meas. beneficio Cl. V. Antonij Olgiati, Ambrosianæ apud Mediolanenses Bibliothecæ Præfati, perueniunt. Quarum quidem Constitutionum hic est titulus : *Constitutiones Clericorum regularium S. Mariæ Papiæ, Congregationis Somaſcæ, & Doctrina Christiana in Gallia. quatuor libris distincta.* Ex ijs quæ subnectuntur fideliter deprompsimus, ad ea illustrandâ quæ suprâ pag. 71. diximus.

Clericorum regularium humilem hanc Congregationem Pater Hieronymus Emilianus, beatæ recordationis, patricius Venetus in Dei Ecclesia, diuino affante Numine, strenuam, quæ Christus militaret, veluti aciem anno 1528. excitauit. Huic à Somaſcâ exiguo pago, vbi primum illius fundamenta sunt iacta, nomen est. Eum autem finem ardentissimus ille roſter parens sibi & suis conuilitonibus propositum esse voluit, vt contemplatricem vitam simul cum ætuoſa coniungerent ; maximè verò proximo adiuuando, quibuscumque pijs diuinæ caritatis operibus possent, feruentissimè cōsulerent ; quo factum, vt priscis illis temporibus *operum & pauperum Patres* primum nostri vulgò nuncuparentur. Itaque varia eadem quæ in Ecclesia Dei admodum vtilia caritatis ac pietatis plena instituta, summorum Pontificum assensu, à prima vsque origine Congregatio nostra complexa est. Nam ante omnia eorum, qui fortunis destituti, & parentibus orbiati *Orphanis* appellantur, curâ, in ijs quæ ad animæ & corporis cultû pertinent, suscipit. Deinde adoleſcentes & in Seminarijs, ex sacri Concilij Tridentini decreto instituti, & in publicis gymnasijs, & in Nobilium collegijs vel Academijs, ad Christianam pietatem, doctrinarum quæ studia excolere nititur. Postremò, ne dum alienæ salutis inuigilat, propriæ dormire videatur, clauſtralia Collegia veluti propria domicilia, tamquam palæstras habet, vbi milites sui, ab omni rerum & negotiorum cura vacui & liberi, pijs vitæ contemplatricis exercitationibus vni Deo addiſti, ad spiritualem sese pugnam & proſectum instruunt, maioraque in dies ad proximorum etiam salutem subsidia deriuare contendunt. Nam & Sacramentis ministrandis, & Missarum sacrificijs celebrandis, & sacris concionibus lectionibusque habendis, atque alijs pijs operibus exercendis, Christiano populo prædesse conatur ; præcipue verò fidelibus in doctrina Christiana erudiendis. Ideoque Paulus V. Pontifex Maximus cum Congregatione nosstra vnionem fecit Patrum quos vocant *Doctrina Christiana* in Gallia, vbi peculiari studio Patres illi publicè in vijs, plateis, ecclesijs in hoc opus incûbunt ; vt nos quoque in Italia præstamus,

S

Omniura

Omnium autem, ex quibus vniuersa hæc Congregatio constat, duæ sunt quasi classes, altera Sacerdotum & Clericorum, altera eorum qui ad seruendum destinati, Laici professi vel Aggregati nuncupantur. Ceterum communis est nescia viuendi ratio, & cōsumodi vt non difficile sit cuiuslibet eam complecti: quippe quæ nec magnam austeritatem, neque feueriorem corporis afflictionem inducat, sed per veram humilitatem, perfectam obedientiam, abnegationem, abdicationem quæ propriæ voluntatis, in via Christi Domini nostros ad brauium perfectionis perducant. Quamobrem cum primum fructuosus Christi Domini Ecclesiæ incrementis cepit adolescere, eam sanctissimus Pontifex Pius V. anno salutis nostræ 1568. VIII. Idus Decembris in Religionum numerum cooptauit, & sub Règula S. Augustini reposuit. Tum sequens annus, nuncupatus à primis nostris Patribus solemnique professionis votis, III. Kalendas Maij, S. Petro martyri & Catharinæ Senensi sacro die, Deo bonorum omnium auctore feliciter annuente, felix ac faustus natalis illuxit Congregationi. Quam ceteri deinde summi Pontifices auctoritate sua comprobantur & confirmantur, nec non gratijs ac priuilegijs quamplurimis exornantur.

1568.
1569.Præpositus
generalis.Prouincialis
Galliæ.

Congregationis huius regimen est penes Præpositum generalem, Vicarium generalem, Consiliarios duos, Visitatores tres, Prouincialem Galliæ, Definidores quattuor, Procuratorem generalem & Cancellarium: qui omnes in Capitulo generali, singulis triennijs haberi solito, à maiore Vocalium parte creantur. Præpositus generalis in litteris hoc vitur titulo: *Præpositus generalis Clericorum regularium Congregationis Somascæ & Doctrinæ Christianæ in Gallia*. Eius sigillo incisa est effigies Iesu Christi, crucem gestantis, cū hac inscriptione: *Onus meum leue*: quod Cōgregationis Somascenæ est stemma. Prouincialis Galliæ sigillum habet, cui similiter impressa est Iesu Christi, crucem gestantis, effigies, & circumscripta hæc verba: *Prouincialis Galliæ Congregationis Somascæ & Doctrinæ Christianæ*. In Congregatione nostra, præcipua & omnium maxima dignitas est Præpositi generalis; secunda Vicarij generalis; tertia Consiliariorum; quarta Visitatorum; quinta Prouincialis Galliæ; sexta Definitorum; septima Procuratoris generalis; octaua Cancellarij; nona Superiorum localium, siue Præpositi sint siue Rectores; nouissima Vicepræpositorum. Præter has nullam aliam volumus in nostra Congregatione existimari aut appellari dignitatem.

Chorus.

Oratio
mentalis.

Parochi.

Catechesijs

In omnibus nostris plenjs Collegijs vsque ad præsentem annum fundatis (plena Collegia vocamus ea, in quibus duodecim plerumque resident, quicumque illi sint, siue soli Professi, siue cum Professis Nouitij, Aggregati, Hospites) & in ijs ecclesijs, quæ à Definitorio ad hoc ipsum nominantur; totum diuinum Officium in Choro quotidie recitetur. Inter psallendum si errorem aliquem cōmiserit Clericus, terram ore deosculetur; si Sacerdos, manu. Ostia chori, si per ea facilis esse poterit secularibus in chorum aditus, clausa sint, dum nostri Officia diuina persoluent. In nostris ecclesijs, Missæ, Officiæ diuina, & preces quæcumque fuerint decantandæ, ex antiquissima Ecclesiæ Romanæ consuetudine, stabili siue firmo, vt vocant, cantu concinantur. Modus canendi vbique vnius modi sit, & cum religiosa gravitate congruens. Quotidie bis à nostris omnibus orationi mentali incumbatur; manè post Primam in choro, vesperti tam hieme quàm æstate, post Salutationis Angelicæ signum. Ad vtramque etiam Laici aderunt, & hac in re Superiorum conscientias oneramus. Vtramque ad semihoram prorogetur.

Consuetudinem alicubi iam inuectam, vt diebus Dominicis & festis Confessarij, cum superpellico & stola, penitentium confessiones audiant, cupimus ab omnibus in nostris ecclesijs admitti & obseruari. Qui in nostris parochialibus ecclesijs curam animarum exercebunt, à Definitorio deputentur, vel à Capitulo conuentuali, per vota secreta, & præuio examine, per duos ex Patribus coram Superiore faciendæ; & munus non subeant, nisi seruatis seruandis. Parochi nostri, viri sint religiosa gravitate & probitate conspicui, zelo salutis animarum seruentes, & caritatis pietati quæ operibus dediti. Hi a grorosis, maxime pauperes, frequenti visitatione recreabunt, & ad Sacramenta suscipienda oportunde disponent, Doctrinæ Christianæ ministerium summo affectu complectentur & promouebunt,

uebunt, singulisque festis diebus rudes pueros & puellas, intra parochiæ fines commorantes, dato per æs campanum signo, conuocabunt ad ecclesiam, & rudimentis catholice Fidei curabunt imbuendos. Eorundem conatum & industriam alij Superioris iussu adiuuabunt.

Concionatores nostri magnum præbeant ubique probitatis & humilitatis exemplū, & nullum inquam animi imperientis indicium: neminem dictis, siue priuatiui siue publice, multò minus actione qualicumque, contra se ipsos & contra Religionem nostram irritando prouocent; aduersa enim, etiam iniuria, æquissimo animo patiantur, & quidquid siue prosperi siue aduersi eis acciderit, protinus ad Dei gloriam & laudem referant.

Singulis quartis feriis carniū vsu nostri omnes ubique locorum abstinebunt; nisi pridie præcesserit, vel postridie sequatur aliqua de præcepto, aut ex magna deuotione Vigilia, ad iudicium Superioris. Diem festum sacratissimi Corporis Christi, & diem festum S. Augustini præcedat nobis Vigilia cum ieiunio. FERIA sexta cuiusque hebdomadæ, ieiunium à nobis seruetur, nisi pridie fuerit ieiunatum, aut postridie sit ieiunandum. Eadem sexta feria, statim post mentalem orationem, quam nunquam prætermitti volumus, vel alio ad Superioris arbitrium magis oportuno tempore, dabitur signum: quo conuocati nostri omnes in eundem locum convenient, ibidemque flexis genibus, ad renouandam cruciatuum Iesu Christi Domini nostri memoriam, & pro commissorum expiatione peccatorum, carnem suam unusquisque moderatè, discretè, loris cædendo, affliget. Quod teste D. Bernardo genus quoddam martyrii est, ac proinde Diuinæ Maiestati acceptissimum, si pia intentione & sancta executione ad ipsius honorem dirigatur. Superior, vel alius de illius mandato, adhortatiunculam præfabitur, aut lectionem breuiusculam præleget, ad excitandum in audientium animis pium deuotionis affectum. Exinde ipse incipiet, & alij prosequuntur antiphonam, *Apprehendite disciplinam*; psalmum quinquagesimum, *Miserere mei Deus*; Orationem Dominicam, Salutationem Angelicam, Symbolum Apostolorum, *Salue Regina, Christus factus est*, & Orationem, *Responde quasi sumus Domine* &c. Qua finita signum datur à Superiore cessandi à verberatione: & statim idem iubeat quinquies *Pater noster* & *Aue Maria* deuotè dici, pro necessitatibus Ecclesiæ, nostræ Congregationis, benefactorum, & pro animabus fratrum nostrorum in Purgatorio existentibus, usque absolute dicat, *Unigenitus Dei Filius nos benedicere & adiuuare dignetur*; ceteri respondeant, *Amen*; & ad propria cubiculâ cum silentio se recipiant. Ad carnis demandæ & macerandæ studium, proposita huius utilitate & necessitate, quo, ut Cassianus ait, exsurgantur & marcescant vitia vniuersa, subditos sæpè Superior adhortetur: ipse suo ipsdem præget exemplo.

Omnitèpore Patres & Fratres nostri sunt amantissimi obseruantissimique; taciturnitatis, quâ sancti Patres cultum iustitiæ, virtutum omnium parentem, custodè, nutricem vocant; loquacitatis cōtrâ inimicissimi, ut quæ mentem & à Deo & ab ipsomet, qui loquitur, diiungat, atque ad vana ac nocitura diuertat. Collocationes autem semper fiant submissa voce, & inter Religiosos religiosæ sint; nimirum de Scripturis sacris, de custodia disciplinæ, de rebus ad mores & ad conscientiam spectantibus, de virtutibus, de forma & facilitate earundem, acquirendarum, de præclaris aliorum dictis & factis, de litterarum studijs, de concionibus & huiusmodi: modò nugæ & inutiles narrationes fugiantur; quæ inter sæculares nugæ sunt (ut ait S. Bernardus) sed in ore sacerdotum & religiosorum hominum blasphemie. Illud præterea intelligant nostri, non multum referre, dum cum sæcularibus colloquuntur, quàm elegans sit religiosi hominis sermo, sed quàm gravis, circumspèctus atque vilis. Quamobrem omnes seridè contendant, ut externos, præcipuè sæculares, quibuscum versabuntur, arcepta prudenter occasione, ad pietatem & ad reliquas Christiano homine dignas virtutes suis adhortationibus inflamment.

Circa modestiam, cum ea sit, quæ actiones hominis externas componit, & motibus eius honestum quendam tribuit decorem, conabuntur omnes ita se gerere, ut vitæ genus, quod profuturum, regula quædam & professio modestiæ esse cognoscatur. Est enim

externa modestia index compositionis internæ. Quocirca ita se corpore componere studebunt, ut capite & vultu honesti, oculis verecundi, incessu graves videantur; voce moderata vtentur; nec in compositæ amicti, nec nimis culti incedent; omnes præsertim seniores & Superiores, reuerenter alloquuntur. Gestus orationis comes sit gravis & compositus, ut inde externi maximam in animo interius esse compositionem conijciant. Modestię verè comites perpetuæ sint benignitas & humilitas; ita ut & eandem vultus & animi semper præferre compositionem adnitantur. Superior porro conabitur consequi suadendo, ut singuli ex subditis semel saltem quotannis se ipsos colligant & ab omni alia cura seiuncti per dies decem, vel quindecim spiritualibus exercitijs toti & ex animo vacent.

Cùm nostris Superiores, pro Domorum varietate, non eodem titulo seu nomine nuncupentur, præsentī Constitutione declaramus, eos qui nostris præsentī Collegijs, in quibus quattuor ad minimum Sacerdotes cum Superiore inclusiue commorari solent, *Præpositi*; qui Academijs, Seminarijs, Loca Orphanorum, & Domos moderantur, in quibus pueri educantur, dicendos esse *Rectores*. Præpositorum Vice superiores, *Vicepræpositi*; & qui Rectorum vices gerunt, *Prorectores* appellabuntur.

Cùm in vnaquaque ex nostris Domibus amplam & locupletem peroptentis Bibliothecam exstrui & instrui, illius cura Sacerdoti vel saltem Diacono demandetur, viro docto, probò & solerti. Is verò apud se habeat librorum Indicem, qui in Bibliotheca exstiterint: in eoquæ ita erunt alphabetico ordine descripta nomina auctorum & quo quisque loco, classe, pluteo locatus sit, ut faciliè occurrant illos inquirenti.

In singulis Provincijs vel plura erunt destinanda *Probationis* loca (vel saltem vnus) à Professorum conclauibus seu domibus omnino seiuncta; solitaria, quæ hospitum commorantium frequentia non perturbentur; in quibus solum religiosum tirocinium probè & nauiter instituat, & ea præsertim seliguntur, quæ salubritate celi, acrisque temperiæ, & amœnitate maximè commenduntur. Laicis tamen quodlibet Collegium pro domo probationis concedatur.

Cùm ex duobus quasi fontibus, pietatis & eruditionis, religiosi viri omnis felicitas petenda sit, Præpositi in primis Generalis partes erunt, & Visceratorum, studiorum rationibus omni solitudine prospicere. In hoc igitur sedulo incumbent, ut nostros adolescentes ad studia promoueant, eosquæ disciplinis & bonis artibus erudiendos curent, qui præstanti sunt ingenio, quique præclarâ spem iniecerint non leues sese in scientijs progressus facturos. Certa quâdam, vtili & accommodata methodo in disciplinis & scientijs proficendis vtentur præceptores nostri; & adolescentes, nisi prius optima in minoribus fundamēta iecerint, & integrum biennium Rhetoricæ studuerint, ad altiores & seueriores disciplinas aditum sciunt omnem ipsis esse occlusum. Præceptores illi ad informandos tam nostros quàm externos adolescentes, deligentur, qui sint vitæ integritate spectabiles, moribus graves & pii; doctrina verò, & ea quam professuri sunt disciplina apprime eruditi. Ceterum nostri liberalibus disciplinis, sacris præsertim literis, & Canonibus excolantur, atque ut Deo optimo maximo, & sanctæ Ecclesiæ suam operam præstare aliquando possint, *Hebræica* lingua, *Chaldaea*, *Arabica*, *Græca*, & *Illyrica* erudiantur. Postquam nostri Scholastici Philosophicum cursum studiumque absoluerint, antequam Theologicum aggrediantur, ut ijs satisfaciamus oneribus, quibus nostra Religio premittitur, alijs politiori literatura informandis præficiendi erunt; triennium integrum in inferioribus scholis ad docendum detinendi, iterumquæ si eo in munere strenuè se gesserint, maioribus studijs addicendi.

Non minore cura inuigilandum est, ut nostræ Congregationis Patres & Fratres ea vtantur vestium compositione, quæ religiosos viros deceat; ut scilicet nec nimis elegans & splendidus sit vestium ornatus, neque sordidus & nimis abiectus vllus nostrum incedat. Erunt itaque omnium externæ vestes nigri semper coloris, lanæ, simplices. Clericorum tunica protensor talos feriet; anteriore parte tota, vsque ad cingulum sit confusa; collare duobus saltem vncinulis ita adstringatur, ne aut collum aut guttur appareat. Ma-

nig

nice nullis aut vncinulis, aut globulis constringantur, sed laxiusculè totæ sint confusæ. Pallium eiusdem ferè longitudinis; ita tamen vt tribus vel quattuor digitis decrefcens superemineat tunicæ. Palliorum collaria haut supra tres digitos altiora prominent. Zona nullo modo sint fericæ; semel tantum circumducantur, & in anteriore parte neantur. Pilea (quæ nec oblongæ nec acuminatæ sint formæ, sed ad religiosi viri honestum decorem accomodata) alas non habeant totas limbo subsutur, sed tantum ad dimidietatem productæ, qui in interiore pilei parte ad tres digitos vix ascendat; numquam tamen excedat. Nullis eadem funiculis fericis cum lemniscis adornentur, sed simplici vitta ex filo, quæ globulo depresso connectatur. Galerici non sint ferici. Indusia omni careant & ad collum & ad manus ornamento; illorum quæ collaria ad collum supra vestem duos tantum digitos vertantur; ex tela simplici linea, nec amylo lauigata sint, aut alijs expelita. Nullus ad manum, supra thoracem, indusij manicam, multò minùs adscitam maniculam obuoluat. Lacernæ domesticæ solum hiberno tempore deferantur, quæ manicas gerant integrè confutas, & religiosæ paupertati, quæ omnem horret vanitatem, prorsus conformes; harum collaria vestiguentur, & inuertantur; leuiiores estate nemo deferat. Interiora verò indumenta sub veste, siue hiberna siue æstiu, nigri sint coloris, aut certè subobscuri, qui parum à nigro recedat: ita vt nullus luxus, aut mollities, aut exquisita elegancia in illis appareat. Quod si thoracem pellitum aliquis gesserit, ante pedus & ad manus nigri coloris limbo subsuto ad quattuor digitos eundem cooperiat. Coriacea colobia omnino interdiciuntur. Fibulatas zonas aut cingula nemo sub veste gesserit. Femoralium forma & figura sit honesta, simplex, religioso viro conueniens. Tibialia acui intexta, cuiusvis generis aut coloris illa sint, nullus gerat; pellita verò nigri solum coloris permittantur. Calcet absque auriculis gesserit. A sudariolis lemnisci amoueantur, neque acui per angulos depicta illa sint. Pelliceæ vestes exteriores prohibentur omnino; interiores verò valetudinarijs aut etate provecioribus Prepositus generalis aut Visitator, vt expedire perspexerit, concedet, hac adiecta cōditione, vt & paucæ emanent & ad genua tantum protendantur. Manicæ pelliceæ, quæ ad frigus arcendum è manibus deferunt, laneo operimento extrinsecus conueltantur. Laici paupertatis colendæ, & ceterarum virtutum, humilitatis præsertim pietatisq; acquirendæ religiosi sollicitudine cum Sacerdotibus contendunt. Eorum vestitus erit tunica ad suras solum deducta, quæ cru- ris medietatem feriat, & pallium quod longitudine tunicam non excedat. Nullus vestes breuiiores, in itinere ad crura solum productas geret, siue ex panno, siue ex lana, aut alia quauis materia.

Rectores Seminariorum Conuictorum, & locorum vbi siue publicè siue privatim adolescentes in litterarum studijs erudiuntur, curam omnem adhibebunt, vt ij Doctrinæ Christianæ rudimentis probè instruantur; vt quotidie omnes ad sint Missæ sacrificio, & Sacramenta statim temporibus, ex eorum regulis, frequentent; vt singulis sextis ferijs, postrema scholarum matutinarum semihora, nostri præceptores proprios discipulos pio aliquo sermone, ad eorum caput accomodato, ad virtutis amorem, ad piæ sanctæque viuendum, ad modestiam, ad puritatem honestatemque inflamment; vt Officium B. Virginis, & consuetas preces deuotè quotidie recitent; orationi etiam mentali assueant ij, qui natu maiores & aptiores erunt; vt suas regulas (quæ primo cuiuslibet mensis die Dominico semper ad mensam legentur) exactè obseruent; vt eorum vestitus modestus sit, & quantum fieri poterit vnius modi; (optamus autem esse nigri coloris;) vt vestem superiorem, quam penulam vocant, ad talos vsque productam & æstiuo & hiberno tempore domi assidue gerant; vt Latine etiam inter ludendum colloquantur; vt litterarum studijs & sedulo & serido incumbant; moribusque optimis imbuantur; vt contentiones, mendacia, iurandi vsus seu potius abusus, turpiloquia, immodestia, inurbanitas, immundicia tam corporis quam vestium ab omnibus euitentur: vt si quos nimis audaces, procliuēs ad vitia, peruicaces & omnino non ferendos cognouerint, numquam dissimulando tolerant, neque cum alijs simul viuere aut versari patientur: vt lampas in singulis dormitorijs nocturno tempore accensa relplendeat, & suum cuiuslibet

cubiculo præfectum deputent, quem tamquam virum perfectum adolescentes admittentur & imitentur; vt exempla probitatis, honestatis & religiosæ modestiæ à nostris reserant: vt numquam prodeant in publicum nisi benè compositi, & cum decore simul & cum honore Præfectos, Magistros, Superiores alloquantur.

Vt porro suæ satis conscientię Rectores faciant, scholas quotidie vel ipsi vel per Vicerectores frequentent; privato discipulorum examini, disputationibus, quæ Sabbato fiunt, sæpè intersint; auscultant aliquando & legentes ex cathedra magistros, & red-dentes discipulos, quæ à magistro audierint; videant dictata, inquirent si quid negligenter à præceptoribus vel à discipulis agatur, Præfectum studiorum vnum ex Patribus, & ro-burate, prudentia & eruditione insignem, vbique constituent, qui & aduenientes primum iuvenes examinet, scholas cuique deputet, & de profectu singulorum experimentum sæpè faciat. Proderit aliquando publica laudatione diligentes prosequi, negligentes inie-cto rubore vel metu excitare, & propositis præmijs ad æmulationem scholasticam omnes prouocare. Huic rei applicabunt Rectores animum, & nihil omittent quò adolescentes, qui nostris in locis educantur, optima institutione optimi euadant, & assiduus litterarum ornamentis optimè eruditi.

Cum nostra Congregatio fundamenta olim iecerit in pia *Orphanorum* institutione & cura; ratio etiam postulat, ne illam posthabeant posteri, sed quanta possumus contentionē & alacritate conandum est nobis, vt tam pium opus amplectamur, prosequamur, omnique sollicitudine, ac summo pietatis affectu ad illud illustrandum & augendum excitemur: vt venerabilis patris nostri *Hieronymi Emiliani* vestigijs insistentes, intentum pietatis illius ardorem nostris peccatoribus confoueamus, qui huiusmodi in primis actionibus pijs militiam Christo nostram erexit. Rectores igitur & Oeconomos (quos communi vocabulo *Commissos* vocamus) ad Orphanos regendos Patres destinaunt caritate maximè flagrantes; ita vt cum priscis nostris Patribus, qui in hoc opere misericordias sedulò sese occuparunt, comparari possint, & auitam illam maiorum nostrorum hac in re gloriam non solum conferuent, sed si fieri possit, etiam augeant & illustrent. Quilibet proinde sacerdos Orphanorum curæ destinatus operam dabit, vt primas eorum institutorum partes Christiana educatio, pietas, optimorumque morum informatio occupet. Curabit vt omnes singulis mensibus peccata Sacramentali expient confessione, ætate maiores quintodecimo quoque die: quos etiam semel in mense conuocabit ad suas culpas accusandas: vt omnes quotidie Missæ intersint, singuli coronas deprecatorias deferant cingulo complicatas, quas etiam quotidie recitent qui legere ignorauerint; ceteri verò B. Mariæ Virginis Officij recitatione prius suum pensum persoluant. Verum vt tam pij operis, iure quasi hereditatio, à nostro Institutore gloriosæ & piæ memorię *Hieronymo Emiliano* nobis traditi, vigeat apud nos exacta observantia; de *Orphanorum regimine* peculiarem libellum compositum (in quo plenius ac fusiùs singillatim omnia traduntur, quæ ad hoc religiosum institutum augendum & diu conservandum spectant) singuli Rectores habebunt: cuius à præscriptis ne latum quidem vnguem recedent. Utque in omnibus nostris Domibus decernimus eiusdem nostri Institutoris effigiem pictura adumbratam, ad piam illius memoriam conservandam & deuotionem excitandam, eminenti loco erigi: ita iubemus, vt *Orphanotrophia*, maximè quæ ipse instituit, in Dormitorio, in Officinis & Refectorio illius effigiem depictam habeant. *Haslenus ex Constitutionibus Congregationis Somascæ & Doctrina Christiana in Gallia.*

Cap. 11. Collegia & alia domicilia Congregationis Somascæ & Doctrina Christiana in Gallia.

POst Catalogum suprà pag. 76. à me editum, Mediolano accepi plenam seriem Domiciliorum istius Congregationis: quam hic subnectere visum fuit, ne quid ea in parte à nobis desideretur.

Romæ

- Roma { Collegium S. Blasij in monte Citorio. *Roma.*
 Collegium Clementinum, æt. poribus Clementis VIII. institutum.
 Velitris in Latio, Collegium S. Martini. *Velitre.*
 Amerinæ in Umbria, Collegium S. Angeli. *Amerina.*
 Maceratæ, Collegium S. Ioannis Baptiste. *Macerata.*
 Tiburi in Latio, Collegium S. Mariæ Angelorum. *Tibur, ad Anienem fl.*
 Somasca, sub ditione Venetæ, Collegium S. Bartholomæi: vnde titulus Congregationi.
 Venetij { Collegium sanctissimæ Trinitatis. *Venez.*
 Collegium SS. Ioannis & Pauli.
 Collegium Patriarchale. Collegium Ducale.
 Locus Mendicantium. Locus Incurabilium.
 Vicentiæ { Collegium SS. Philippi & Iacobi. *Vincenza.*
 Collegium Misericordiæ Orphanorum.
 Saledij, Collegium S. Iustini. Collegium S. Benedicti, ibidem. *Salodi.*
 Patavij sub ditione Venetorum, Collegium S. Crucis. *Padova.*
 Tarvisij, sub iisdem, Collegium S. Augustini. *Trevis.*
 Bergomi, Collegium S. Martini, Orphanorum. Collegium S. Iosephi, ibidem.
 Brixia, Collegium Misericordiæ, Orphanorum, & Collegium Nobilium.
 Mediolani { Collegium S. Mariæ Secrete. *Milano.*
 Collegium S. Petri, & Collegium S. Martini, Orphanorum.
 Papiæ { Collegium S. Maioli: vnde titulus huic Congregationi. *Pania.*
 Collegium Columbinæ, Orphanorum.
 Cremonæ { Collegium S. Lucie, & Collegium S. Geraldii. *Cremona.*
 Locus Misericordiæ, Orphanorum.
 Terdonæ, Collegium S. Mariæ Parvulæ. *Toriona, in Ducatu Mediolanensi.*
 Merati, Collegium S. Bartholomæi. *Merato.*
 Ripaltæ, Collegium S. Mariæ Ægyptiacæ. *Ripalta.*
 Comi, ad lacum Larium, Collegium Galliar. *Como.*
 In Laude Pompeia { Collegium S. Mariæ Angelorum. *Lodi.*
 Collegium S. Andreæ, Orphanorum.
 Alexandria in Insubria, Collegium S. Syri, Orphanorum. *Alexandria della Paglia.*
 Genuæ { Collegium S. Mariæ Magdalene. *Genova.*
 Collegium S. Spiritus.
 Neapoli { Collegium S. Demetrii, Collegium Lauretanum, Orphanorum. *Napoli.*
 Collegium Pietatis, Orphanorum. Collegium Caracciolum.
 Casertæ, in regno Neapolitano, Collegium S. Mariæ à Monte. *Caserta.*
 Melfis, in eodem regno, Collegium S. Thomæ Aquinatis. *Melfi.*
 Vercellis, sub Sabauda, Collegium S. Mariæ Magdalene, Orphanorum. *Vercelli.*
 Fossani, sub ditione eiusdem Ducis, Collegium S. Mariæ Angelorum. *Fossano.*
 Bugellæ, sub ditione eiusdem, Collegium S. Laurentij. *Biella.*
 Placentiæ, sub ditione Ducis Parmæ, Collegium S. Stephani, Orphanorum. *Piacenza.*
 Casali, sub ditione Ducis Mantuæ, Collegium S. Clementis. *Casal.*
 Lugani, sub ditione Helveticorum, Collegium S. Antonij. *Lugano.*
 Tridenti, Collegium S. Martini. *Trento.*

Collegia Clericorum Doctrinæ Christianæ in Gallia.

- Lutetiæ Parisiorum. Tolosæ. Avenione. Narbone.
 Insulæ in Comitatu Venuzino seu Avenionensi. Bellocari.
 Zimonti. Lectonæ. Condomij. Briug. Francopoli.

Caput III. Excerpta ex Statutis Fratrum vitæ communis in urbe Monasteriensi, Coloniensi & Vesaliensi.

SVprà pag. 11. bullatum diploma produxi, quo Eugenius IV. Papa Monasteriensem, Coloniensem & Vesaliensem Fratrum vitæ communis Domos 1439. in vnam Congregationem, titulo *Collegij Canonorum Fontis-salientis*, redegit, & pio quodam vinculo coniunxit atque vniuit; petente Herrico Abusio, Sacerdote pijsimo. Post Abusij obitum, Fratres dictarum Domorū, in Capitulo generali apud Monasterienses in Westfalia congregati, pro feliciore sui Collegij regimine, Statuta ex vi Bullæ Eugeniæ condiderunt: quæ ex Coloniensi Domo (sed ferius quàm oportuit) ad nos missa fuerunt. Ex ijs, utpote prolixioribus, hæc pauca visum fuit seligere, & Auctario includere.

Conuenit congregatis nobis in vnum, ut vnum requiramus, vnum sapiamus, aspicientes ante omnia exemplar perfectissimum Ecclesiæ primitiue: de qua in Actibus Apostolorum scribitur: *Multitudinē credentium erat cor vnum, & anima vna.* Vnitatem itaque motum, operum & voluntatum hîc commendatam habemus: proinde quos vna intentione, vni Domino seruituros, in vnum constat aggregari, etiam congruit eisdem vitæ obseruantijs & Statutis regulari. Sed priusquàm ad Statutorum editionem accedamus, auctoritatem ipsam primò declarandam duximus. Cùm pridem in Domibus nostris Presbyteri & Clerici, secundum formam institutionis earumdem, tam Apostolica quàm Ordinaria auctoritate approbatam, castam, concordem & communem vitam duxissent; bonæ memoriæ venerabilis dominus *Henricus ab Akwis*, vir memorandæ conuersationis & vitæ, Sedem Apostolicam, cui tunc *Eugenius IV.* præsidebat, deuotus adiit, & quas plantauerat vineas fulciri legitimo iuris amplioris titulo & priuilegijs latioribus postulauit. Capellas itaque Domorum nostrarum in collegiatis ecclesiis Apostolicis erigendis & collegialibus titulis decoratas perpetuò insimul vniuit, incorporauit & annexit, & in communi vita per singulos Præpositos & Canonicos habitandas ac conseruandas declarauit. Verùm ne noxia libertate diffunderent, Ordinationes certas atque Statuta condidit, & pro felici directione vnitatum ecclesiarum & personarum earumdem, vltiora quoque Statuta condendi, easque condita immutandi, addendi, minuendi, pro ut ipsi expediens videbitur, Capitulo generali plenam his verbis concessit facultatem: *Generalis Capitulo Collegij Canonorum huiusmodi, quod pro tempore fieri contigerit, quoties opus erit, quacumque pro directione felici eorum Statuta, Constitutiones ac Decreta faciendi & cōdendi, illaque sic confecta immutandi, addendi, minuendi, prout ipsis expediens videbitur, & alia pro tempore necessaria & opportuna faciendi & exequendi concedimus plenam & liberam potestatem.* Principalia igitur vitæ nostræ fundamenta ne dum ex generalibus Canonum Decretis, præsertim vbi Clericorum vita instituitur, verùm ex specialiter nobis indictis Constitutionibus Apostolicis, quæ sequuntur, iacienda sunt.

Statuta & Ordinationes ex Bulla Eugeniæ. Statuit in primis ac declarauit S. Sede Apostolica, quòd ecclesiæ, S. Trinitatis ad Fontem-salientem *Monasterij*, S. Michaelis ad Latum-rivum *Colonia*, ac S. Martini *Vesalia inferioris*, in collegiatis ecclesiis erectæ insimul sint vitæ perpetuò & annexæ: quòdque dictarum ecclesiarum Canonici, præsentēs & futuri, in communi, absque mendicitate tamen, vivant: ita quòd nullus ex Canonicis huiusmodi aliquid proprium habere possit &c. *ut supra pag. 12.* Hæc sunt Decreta, Ordinationes & Statuta Apostolicæ Sedis, pro nostris ecclesijs in genere edita, quæ tamquàm fundamenta præmissimus ceterorum Statutorum additorum & addendorum, secundum facultatem à dicta Sede Apostolica datam. Tali itaque auctoritate suffulti, ad infrascriptorum Statutorum editionem, in Dei nomine, duximus procedendum: declarantes in primis, quòd hæc Statuta neminem obligabunt ad culpam, sed ad poenam dumtaxat temporalem; protervita atque contemptu semper exclusis. Rectior etiam in suo conuentu dispensandi habeat potestatem in se & alijs Fratribus, cùm sibi videbitur expedi-

pedire. Librum verò istum Constitutionum ad minùs quater singulis annis in conuentu Fratrum legendum decernimus.

Statutorum Pars 1. De Capitulo generali. Caput 1. Sub forma Capituli generalis ritè congregati statuimus ipsam Capitulum generale per eos, qui ex vnitis Domibus annuatim, Dominica *Iubilate*, ad colloquium Monasterij conueniunt, deinceps esse celebrandum ibidem, donec & quo vsque desuper deliberatum & statutum fuerit. Ad quod representandum accedet Præpositus domesticus siue Rector, cum quatuor domesticis Canonicis sibi per Capitulum suum deputatis, & Præpositi siue Rectores aliarum vnitarum Domorum, vnusquisque cum socio Canonico, sibi per Capitulum suum æquè deputato. Admittantur quoque Rectores aliarum Domorum, etiã extra vniõnem nostram, qui de aliqua Domorum nostrarum assumpti fuerint: similiter & Confessores Sororum, qui alicuius dictarum Domorum membra fuerint.

Caput 11. de Visitationibus Domorum. Visitatores per Capitulum generale singulis Domibus deputentur duo ex Canonicis Capituli generalis, viri probatæ conuersationis & boni testimonij, extra Domum visitandam residentes &c.

Caput 111. De electione Præpositi siue Rectoris. Cùm aliquam Domorum nostrarum, per obitum Rectoris, resignationem vel aliàs quomodolibet vacare contigerit, id ipsum quantociùs Visitatoribus Domus, si præsentibus non fuerint, intimetur. Per hos Visitatores, aut eorum vices gerentes, si alter vel ambo venire non possint, & per omnes Fratres Capitulares Domus prouidendæ representabitur Capitulum generale, pro electione noui Rectoris. Statuto autem die, Missâ de S. Spiritu solemniter decantatâ ac finitâ, procedatur ad electionem, quatenus iure fuerit procedendum.

Caput 1v. De forma receptionis Fratrum. Duplicem recipiendi modum obseruandum statuimus: vnum quo in Fratres dumtaxat perpetuos, non tamen Canonicos, alterum quo in Fratres Canonicos recipiantur. Postquam igitur recipiendus in Fratrem dumtaxat perpetuum, non Canonicum, de nostris statu, iure, statutis, consuetudinibus & casibus expulsiõis, quantum sufficere videbitur, instructus fuerit & probatus, de consensu Capituli conueniant; & consentientibus eis, vel maiore parte in eius receptionem, interrogante Rectore, quid petat, flexis genibus humiliter dicat: *Peto propter Deum recipi in Fratrem huius Domini.* Cui Rector, præsentibus Notario & testibus, respondeat: *Frater, Domus & Congregatio ista instituta est à Sede Apostolica, approbata & confirmata, pro Presbyteris & Clericis castè, concorditer & in communi viuentibus, secundum decreta Apostolica & nostri Capituli generalis Statuta, tibi iamdudum exposita & cognita. Si tibi placet talè vitam nobiscum ducere, & in ea, nisi Religionem approbatam intraueris, ad finem vitæ perseuerare, & si Promissionem solitam, tibi æquè cognitam, desuper facere decreueris, nunc libere edicas. Quo respondente, Sic placet, dicat Rector: Frater N. nos te suscipimus in Domum & fraternitatem nostram, facienteste participem omnium bonorum nostrorum spiritualium & temporalium, in vita pariter & in morte, in nomine Patris, & Filij, & Spiritus sancti, amen.*

Residentibus deinde Fratribus, dicat Rector: Ecce Frater, deinceps tibi proprium habere non licet. Ideo coram Notario isto & testibus facies resignationem siue donationem inter viuos omnium bonorum tuorum, tam ex hereditate quàm per labores manuum tuarum, vel aliàs quomodolibet, licitè tamen, acquisitorum, vel in posterum acquirendorum, huic Domui & eius mensæ communi, in meliore forma solitam fieri. Resignatione huiusmodi facta ad manus Notarij, legat expressè Promissionem suam, in hæc verba: *Ego Frater N. promitto fidelitatem Domini nostri N. & auxiliante Deo castam, concordem & communem vitam, secundum Statuta generalis Capituli, deinceps obseruabo: & si contigerit, quacumque occasione, me de hac Domo recedere, aut secundum prædicta expelli, pacifice recedam, nihil repetendo: & ex tunc obligatum me facio ad intrandam Religionem approbatam, ubi regulariter viuatur. Sic me Deus adiuet, & hac sancta Dei Euangelia.*

Frater verò recipiendus in Canonicum, hoc ordine recipiatur. Congregatis Fratribus Capituli in loco Capitulari, exponat Rector recipiendo, in genibus prouoluto, sum-

T magè

marie narrando primam institutionem Domus, quæ castam, concordem & communem vitam requirit; vñionem Domorum nostrarum Apostolica auctoritate factam & ipsarum generale Capitulum, & eius facultatem, decreta Apostolica & Statuta de super cõdita: prout hæc omnia diu nouit, ac etiam ad ea se pridem Promissione obstrinxit. Postea interrogando subinferat: Si igitur, pro maiore subsistentia Promissionis tuæ, petis propter Deum recipi in membrum antedicti Capituli generalis, & in huius ecclesiæ N. confratrem Canonicum, secundum Statuta nostri generalis Capituli, dicas? Quo respondente, *Hoc peto & desidero*, dicat Rector: Frater, nos annuimus petitioni tuæ, & recipimus te in Fratrem & Canonicum huius ecclesiæ N. dantes tibi stallum in Choro, & locum in Capitulo, & participationem omnium bonorum spiritualium & temporalium, in vita pariter & in morte, secundum Apostolicas sanctiones, & nostri generalis Capituli Statuta, in nomine Patris & Filij & Spiritus sancti, amen. Quo factò, faciat Promissionem solitam sub hac forma: *Ego frater N. Canonicus ecclesiæ N. promitto bona fide, loco iuramenti & vigore omni, fidelitatem generali Capitulo, eiusque Ordinationibus & Statutis factis & faciendis obedientiam, quamdiu membrum eius fuero; & secreta eiusdem Capituli generalis & particularia celabo, ad quæcumque statum peruenero: salua nihilominus Promissione, pridem per me facta, in suo robore & vigore.*

Insuper si Familiæ interdu recipiendi sunt, secundum priorem modum recipiantur; licet expressè Promissionem non faciant: sed proposita eis primaria institutione, interrogentur: An placeat eis taliter nobiscum viuere? qui respondentes, *Ita placet*, recipiantur sub hac forma verborum in materna lingua: Frater N. nos annuimus petitioni tuæ, & recipimus te in Fratrem huius Domus, facimusque te participem omnium bonorum spiritualium & temporalium, in vita pariter & in morte, dum modo secundum Statuta nostra & consuetudines huius Domus concorditer & humiliter nobiscum conuersatus fueris, in nomine Patris & Filij & Spiritus sancti, amen.

Cap. v. De casibus expulsiõis. Ne vna morbida ouis ceteras inficiat, statuimus & ordinamus, quòd si aliquis Fratrum in infra scriptorum articulorum vno vel pluribus culpabilis inuentus fuerit, Visitatorum vel Capituli generalis iudicio, loco & omni, quod sibi in Domo competeat, iure priuetur, & à Fratrum societate realiter expellatur; admonitus vt pacifice recedat, sicut in pace receptus fuit, neque aliquem ex Fratribus præsumat aliquatenus molestare. Committimus etiam Rectori, quid & quantum taliter expulso dare velit, nisi tantum vestes, quibus quotidie vsus est. Articuli siue casus expulsiõis sunt isti: Si quis caderet in hæresim, vel lapsum carnis, vel vitium proprietatis, vel furtum committeret &c.

Statutorum Pars II. Caput I. De Officio Rectoris sine Præpositi. Quia Rectori siue Præposito vniuersalis cura totius conventus, tam in spiritualibus quàm in temporalibus, incumbit, vt prudens paterfamilias super grege & Domo sibi commissa omni diligentia vigilabit. Confessiones Fratrum ipse audiet, assumpto Vicerectore, & si quos alios ad hoc duxerit assumendos. Vicerectorem & Procuratorem, consentiente Capitulo aut maiore parte, ipse instituet & destituet, quoties expedire iudicauerit. Cetera officia ipse Fratribus committet; horum tamen consilio præaudito.

Caput II. De Vicerectore. Quoniam necesse est, vt in absentia Rectoris aliquis sit ex Fratribus Canonicis qui vices eius gerat, ad quem habeatur recursus, in his quæ sine periculo differri vsque ad reditum Patris non possent, statuimus quòd Rector Fratrem sacerdotem boni testimonij, de gremio Capituli sui, in quem Capitulum aut maior pars consenserit, Vicerectorem instituat. Hic vices Rectoris eo absente agat; Capitulo interim præsideat; in sinistro Choro locum primum, & aliàs vñilibet locum Patri proximum, & eo absente primum obtinebit. Si quid in Rectoris conuersatione reprehensibile fuerit, ad hunc pertinebit adhortatione priuata admonere & emendare.

Caput III. De Procuratore. Huic incumbit quotidiana sollicitudo provisionis necessariorum totius Domus. Prouentus reddituum & obuentionum quarumcumque, ex Fratrum laboribus aut aliàs quomodolibet prouenientes, ipse diligenter recipiet: recepta & expo-

exposita, debita & credita, eorumque salutationis diem fideliter scribet. Semel in anno circa festum S. Martini, in præsentia Capituli, de omnibus computationem legalem faciat. Qua facta, absolutionem ab officio petat: circa quam Rector se habeat, secundum quod de consilio Fratrum Capituli, visum fuerit expedire.

Caput IV. De Scripturario. Et quoniam probata illa ab antiquo Patrum sententia omnibus generaliter in monasteriis degentibus seruis Dei manuum labores indixit, Propheticumque præconium *Labores manuum suarum manducantes beati cecinit*: hanc etiam consuetudinem tum pro vitando otio, quod vitijs omnibus fomitem suggerere nouimus, tum etiam pro transigenda necessitate, apud nos districtius volumus obseruari; assumentes pro opere, tamquam proposito nostro principali magis congruente, *laborem sacros libros conscribendi*. Quapropter Rector Domus ordinabit ad hoc Fratrem aliquem actiuum, qui Fratrum laboribus præsit, & à quo vnusquisque scribenda accipiat, simul & scribendi instrumenta. Ipse singulis, quid & quem modo scribat, sollicitus iniungat, & informet Nouitios ad melioris litææ vsum, per se vel per alium. Ipsi etiam est, singulis sextis ferijs (ni festum impediat) statim ante prandium Fratres per signum conuocare; ut quisque Rectori, eoque absente Vicerectori, caput suum, quod per hebdomadam est operatus, ostendat. Cum alienis, qui apud nos libros scribi seu alijs aptari faciunt, summa cautione conueniat: receptum verò pretium Procuratori fideliter tradat, ut communem cedat in vsum.

NOTATIO. Lector hic obseruet, Fratres vitæ communis, initio sue institutionis, pro parte victum sibi parasse honesto ac liberali manuum labore, hoc est, scriptione librorum sacrorum; arte nimirum Typographica apud Europæos nondum inuentâ, aut certè paucis cognitâ, neque in vsum publicum deducâ. De illius inuentione Chronicon nostrum Belgicum in gestis anni 1440. consule, si voles.

Caput V. de Librario. Deputabit Rector vnum, qui præsit Armario siue Bibliothecæ Domus; cuius custodiæ committantur omnes libri Domus, pro quibus sollicitus sit, vt debitè conferuentur, & ne distrahantur. Ad Librarium spectat, Lectiones in refectorio ordinare, & Lectores singulos pro qualibet hebdomada deputare, à senioribus descendendo.

Caput VI. De Vestiario. Vestiarium vnum instituat Rector, sub cuius respectu erunt omnia, quæ ad vestitum & stratum pertinent Fratrum, mensalia, mappæ, manutergia, & quæque his similia. Hic de panno nigro, albo, grisco per Procuratorem vestimenta & cetera suprâ dicta fieri ordinabit, eaque de scitu Rectoris, secundum temporis & personarum exigentiam, Fratribus ministrabit. Tunicæ superiores *Sacerdotum* vsque ad talos protendantur; *Clericorum* vna palma breuiores sint; *Familiarium* verò, medietatem tibiarum non excedant. Togæ Sacerdotum & caputia Fratrum de nigro; Clericorum verò & Familiarium togæ de grisco panno fiant. Fratres caueant ne curiosa aut superflua petant.

Caput VII. De Magistro Nouitiorum. Recipiendi sunt adolescentes bonæ indolis & literaturæ competentes, qui discreto probentur examine. Itaque constituendus est eis à Rectore probatæ vitæ Frater, qui summa industria teneros annos probatæ conuersationis erudiat institutis.

Caput VIII. De Sacrissa. Ecclesiæ & ornamentis eius conseruandis vnum de Fratribus præficiat Rector, sub cuius respectu erunt omnia, quæ ad explenda diuina Officia fuerint necessaria. Hic tota sollicitudine inuigilet, vt creditas sibi res sacras diligenter & mundè custodiat. Ipsi est ianuæ ecclesiæ aperire & claudere, ac signa quæque ad Missas & alia diuina Officia, secundum Ecclesiæ consuetudinem, debitè temporibus pulsare.

Caput IX. De Cantore. Cantorem institui oportet à Rectore, qui omnia cantandâ & legenda in diuino Officio secundum Ordinarium & ceremoniales consuetudines ordinabit. Eius directioni voces singulorum acquiescant: ipsius est eos, qui de cantandi arte minus habent, beneuolè erudire, ea quæ intonanda sunt intonare, Fratribus cantanda

ordinare & vniuersaliter in singulis superintendere, vt debitè & perfectè diuina Officia persoluantur. Denique vnusquisque Sacerdotum in ordine vicis suæ hebdomadam suam in Choro faciat.

Caput x. De Infirmario. Infirmarum curam Rector committat vni ex Fratribus benigno & patienti. Is prouidebit infirmis quæ necessaria sunt, & sedulum eis exhibebit pietatis obsequium. Consulendus autem est Medicus, si videbitur oportunum; infirmis tamen Eucharistiæ Sacramento primum munitis. Ad Infirmarium spectat, ægritudine ingrauescentem, ea quæ ad infirmorum communionem, inunctionem & sepulturam necessaria sunt procurare. Si opus fuerit excubijs circa infirmos, vicissim distribuuntur, & bini & bini simul vigilent, lectioni & orationi insistentes.

Caput xi. De Hospituario seu Hospitalario. Hospitalarius ordinabitur vnus ex Fratribus, moribus & disciplina eruditus, qui superuenientes hospites deuotè suscipiens, & omnibus honorem congruum impendens, maximè Religiosis, sciat singulis deferre obsequium. Si vesperti hospes pedester venerit, pedes eius abluit: vtenilia quæque munda conferuet. Caueat sumere, ne de negotijs secularibus aut rumoribus externis cum hospitibus conferat.

Caput xii. De Tonfore. Tonforis officium vni ex Fratribus committatur; sub eius respectu erunt omnia instrumenta ad rasuram pertinentia.

Caput xiii. De Rubricatore. Deputetur vnus Frater pro Rubricatura & Floratura, qui habeat lazurium & alios colores pro suo officio necessarios: aureas tamen litteras, absque speciali licentia, non faciat. Scripturarij directionibus, in illuminandis libris sibi per eum traditis, obtemperabit.

Caput xiv. De Ligatore. Colligandis libris deputabitur vnus à Rectore, sub cuius respectu erunt omnia instrumenta ad ligaturam requisita. Hic erit, cum Procuratore, sollicitus pro asseribus, corio & orichalco, & ceteris ad officium necessarijs: vt scilicet debito tempore emanant & dispenantur. Libros ligandos à Scripturario recipiet, ligatosque eidem restituet, qui pretium laboris, pro eisdem receptum, Procuratori representabit.

Caput xv. De Cellario. Committatur vni Cellarium cum suis attinentijs, qui panem & cereuisiam, ampullas & vtreolos & cetera vasa in locis suis diligenter custodiat. Ad Cellarium spectat, panem & potum Refectorio Fratrum inferre, & post refectionem eadem atque vasa munda ad propria loca reponere.

Caput xvi. De Piscatore. Deputetur etiam vnus qui pinfendi officio præsit, sub cuius respectu sint omnia frumenta Domus, & instrumenta quæque ad braxandum & pinfendum necessaria.

Caput xvii. De Coquo. A Rectore ad coquinam ordinabitur Frater patiens atque benignus, prouidus & coquendi arte, quantum fieri potest, industrius. Sub cuius respectu erunt carnes, pisces, butyrum, casei, vtenilia coquing, & alia quæcumque ad coquendos cibos necessaria. Ad Procuratoris directionem singula ordinabit: quem & maturo tempore, vt necessaria procurèt, sollicitabit.

Caput xviii. De Hortulano. Rector instituat Hortulanum aliquem ex Fratribus, qui curam horti gerat, & olerum: quatenus suis omnia temporibus serantur, plantentur, purgentur & conferuntur. Provideat de diuersis seminibus omnium plantularum, ad vsum Fratrum congruentium: & singula tempore suo serat & plantet.

Parti iii. Statutorum. Caput 1. De seruanda perpetua castitate. Statuimus vt nullus in domos habitationis nostræ feminis pateat ingressus. Caveantur sumere, in cogitationibus, verbis, gestu, tactu nedum alieni, sed etiam proprii corporis, quæcumque aliquo modo peccandi occasionem excitare possent. Nec vquam soli inuerecundè stent, quæ ab alijs sciri nollent; sed per animum voluentes, quod etiam quæ latent homines, oculis diuinæ Maiestatis patent & aspectibus Angelorum.

Caput ii. De concordia mutua seruanda. Fratres simul benignè, dulciter & humiliter conuersentur: non sint presumptuosi, audaces, nimis liberi ad inuicem; potissimum cau-

cauentes verba dura & aspera, quibus caritas fraterna lædi possit. Si quid per Fratrem aliquem fieri desiderat, non imperando sed rogando obtineat. Si Frater à Fratre corripitur, piè suscipiat, non replicet, non excuset, sed recognita culpa veniam petat, emendam promittendo. Singularitates noxias velut venenum fugiant: communibus vestitu, cibo, semino, exercitijs, moribus singuli sint contenti. Vnusquisque omnium vltimus esse velit; omnibus etiam benefacere studeat.

Caput 111. De proprietatis abdicatione. Quia secundum Apostolicam traditionem, proprietati quorumcumque temporalium renuntiauius, ac communi nos dedimus vitæ, eorum imitantes exemplum, quibus *cor vnum & anima vna, omniaque communia* fuisse describuntur; caueant Fratres singuli, ne quisquam rei etiam minimæ proprietatem desideret, nec quidpiam tale possideat, vel suum esse dicat; contentus quòd sibi de communibus bonis Domus ministraretur prout opus habet. Pecuniam, Rectore & Procuratore exceptis, nemo habeat aut traheat; nisi alicui ex causa commissum fuerit: qui, cessante causa, quod superest Procuratori presentabit. Similiter de via vel foro reuertens intra triduum pecuniam superfluentem non detineat. Denique statuimus, quòd nullus beneficiatus in Fratrem recipiatur, neque Frater receptus beneficium aliquod ecclesiasticum acceptet, nisi paratus sit ipsum permutare aut resignare, quandocumque Rectori & Fratris Capituli visum fuerit expedire.

Caput 11. De Læctione mensæ & refectiōne Fratrum. Indignum est omnino vt refectio corpore anima famelcat. Statuimus itaque, quòd à principio refectiōnis vsque in finem læctio sacra, per Librarium ordinata, recitetur: quam omnes sub silentio auscultabunt. Læctiones ordinabuntur per vices hebdomadales: à senioribus descendendo: sitq; Læctor mensæ antè prouisus, vt debitè, distinctè & altè sententias ac verba pronuntiet. Inter legendum Correctori autem humiliter accommodabit, Historiæ & Sanctorum Passionibus legantur expeditius; Homiliæ verò & Sermones & SS. Patrum Moralia quæque attentius. Homilia de Euangelio diei primùm sibi in Læctione locum vindicat. In ministrando similiter vnusquisque hebdomadam suam faciet. Singulis diebus bis reficimur, in prandio decima hora, & in cœna post quintam: nisi ieiunandum esset. Tunc enim semel reficimur in die, hora vndecima. Extra horam debitæ refectiōnis nemo absque licentiâ comedat vel bibat; infirmis & ambulantiibus exceptis. Dominicis diebus, secundis, tertijs & quintis ferijs, nisi ieiunium obstitit, carnibus vescimur: sexta feria ieiunatur. Ante festa Communione, per triduum, vel ad minus per biduum, abstinentum erit à carnibus; ante summa tamen festa amplius.

Caput v. De Silentio. Ab hora seprima vespertina vsque ad horam septimam sequentis diei, similiter à primo signo prandij vsque ad signum laboris, & à signo cœnæ vsque ad Completorium læctum de Domina, Silentium strictè obseruetur. Quibus solitudo cellæ & silentium tardio sunt, etiam alijs gratia loquendi vtentibus, ad solitudinem restringantur. Diebus celebribus & ferialibus, dictis Vesperis, per mediam horam de Scriptura sacra mutuo conferendi, seu alias spirituales consolationes apud alterutrum quærendi Fratribus licentia conceditur. Si extra prædicta tempora alicui loquendum fuerit (nisi breui verbo expediri poterit) licentiam petat. In ecclesia, in calefactorio, in transitu publico ante cellas Fratrum, non solum silentij temporibus, verum etiam alijs temporibus quibuscumque silentium obseruetur.

Caput vi. De labore & requie Fratrum. Ab hora septima, post Missam, ferialibus diebus vsque ad horam prandij laborandum erit pro communi. Sacerdotes verò cum celebraverint, ab hora septima vsque ad octauam orationibus & sacre læctioni vacabunt, & postea vsque ad horam refectiōnis laborabunt. Prandio factò, indulgetur quies Fratribus per vnâ horam: quâ qui vti nolunt vel non indigent, sacra læctione vel aliquo vtili exercitio tempus occupent. Post horam quietis signo factò, iterum manuali operi instandum erit vsque ad Vesperas. Quibus finitis, pro solatio, conferendi aut deambulandi in horto, causa recreationis, media hora conceditur; & illâ transactâ iterum laboratur vsque ad cœnam. Post cœnam dicto Completorio, aut libros corrigendo aut

aliàs laborando, opus repetitur vsque ad horam septimam. Deinde Fratres sacre lectioni, studijs & recollectioni incumbant, & in cellis se cohibeant; donec post horam octauam, signo facto ad requiem, statim omnibus dimissis, ad lectum vel culcitram festinent. Sequentie die manè hora tertia vel paulò post excitati, iterum ad diuinas laudes & exercitia solita summà alacritate confugiant.

Caput VII. De diuinis Officijs & ceremonijs. Ad diuina Officia celebranda, manè hora tertia vel paulò post, signo facto, ad ecclesiam conueniant. Quicumque in cantu vel lectione choralì fallitur, terram manu tangat. Cantante Choro, nemini priuatim aliquid legere, aut libris incumbere conceditur.

Caput VIII. De primarijs Fratrum exercitijs. Quotidianum in cellis studium in hoc est adhibendum, vt ex continuato labore studij aliquid resideat in conscientia, resplendeat in vita, traducatur in vsum. Expletis manè orationibus, reformando interiori homini tota impendatur intentio & in vincendis passionibus, domandis concupiscentijs, mortificandis proprijs voluntatibus, emendandisque paulatim moribus cura quotidiana defudet. Matutino tempore certa vnique præfigenda est regula, & singulæ materiæ singulis diebus reuoluendæ. In operibus, quæ in cellis sunt, vnusquisque singulares orationes, quamuis breuiores, habeat præfixas, quibus deuotio continuato vigore perduret. Transacta die, post septimam horam, iterum recollectioni & studijs sacrarum litterarum vacabitur. Expletis omnibus, fiet vesperi peractæ diei supputatio. Singulis hebdomadis Clerici & Familiars semel confitebuntur, & de quindena in quindenam communicabunt: nisi propter festa occurrentia aut alias causas legitimas, ad dictamen Rectoris, anticipandum foret.

Caput IX. De Capitulo particulari & colloquio mensuum. Capitulum particulare domesticum representabitur per Rectorem & eos qui in Canonicos recepti sunt: quod toties celebrandum erit, quoties pro quotidianis emergentibus causis fuerit oportunum. Præterea in principio cuiusque mensis seruabitur colloquium per Rectorem & Concipitulares: in quo moneat vnusquisque libere sed humiliter, si quid considerauit vtile pro communi statu Domus & conuersationis nostræ; præsertim an Statuta & consuetudines Domus diligenter obseruentur, &c.

Caput X. De Capitulo culparum. Ne impunitas vitiorum ansem præbeat delinquendi, statutum quoddam semel ad minus in quolibet hebdomada celebretur Capitulum culparum, feria sexta vel alia. Ad Librarium spectat, post septimam horam vesperi signum facere, vt Fratres ad Capitulum culparum conueniant. Seditibus singulis, recitetur breuis lectio per Lectorem mensæ, de institutis Patrum, vel ex his statutis, vel de alia conuenienti materia. Surgat postea iunior, & flexis genibus culpam suam dicat; si contra Statuta vel consuetudines Domus aliquid fecerit &c. Ultra duas culpas nemo exaggerare præsumat; nullus suam vel alterius culpam pertinaciter defendat. Productis in medium culpis, veniam petens, satisfactionis qualitate accepta à Rectore, emendam promittat, & in locum suum iussus reuertatur: aliusque in ordine succedat, & ita consequenter.

Caput XI. De differentijs culparum. Quia pro modo excessuum mensura est moderanda poenarum, & vnaquæque culpa in gradu suæ qualitatis emendanda est censurâ debite satisfactionis, vt malum cognitum melius euitetur, quidam etiam culparum gradus sunt assignandi: vt est levis culpa, grauis, grauior & grauissima, &c.

Hic finiunt Statuta Fratrum vitæ communis in vrbe Monasteriensis, Colonienfis & Velsalienfis. Quæ porro viuendi ratio apud Fratres olim Dauentrienses seruata fuerit, suprâ pag. 3. & sequentibus explicui. Siluiducenses seu Buscoducenses in Brabantia Fratres ad nostra vsque tempora habuerunt Statuta ab *Henrico Diest* in scriptum reducta, suprâ pag. 135. à nobis memorata. De aliarum Domorum Constitutionibus in particulari quod dicam, non habeo: videntur autem si non singulæ, saltem pleræque suas habuisse leges, ab Episcopis seu Ordinarijs locorum approbatas.

Cap. IV. *Origo, progressus & priuilegia Widebacensis Domus Fratrum in vrbe Colonienſi.*

THEODERICVS, Dei gratia ſanctæ Colonienſis eccleſiæ Archiepiſcopus, S. R. Imperij per Italiam Archicancellarius, vniuerſis ſalutem in Domino. Nouerit vniuerſitas veſtra, quòd præſentiam noſtram accedentes venerabiles viri, *Ioannes Roſſenit & Henricus de Alwis*, Presbyteri Monaſterienſis diœceſis, in noſtra ciuitate Colonienſi, cum nonnullis Clericis, deſiderantes Domino Deo ſeruire, ſtudio frequenter, & de beneficijs ſuis ſimul ſtare & viuere in comuni, quædam exercitia Presbyteris & Clericis in comuni viuentibus congrua & honeſta, & per Doctores Vniuerſitatis Colonienſis admiſſa, & vt ex eorum patet litteris, approbata, nobis humiliter propoſuerunt, ſuper eisdem noſtram ordinariam auctoritatem requirentes. Nos verò eorum bono propoſito & pietatis exercitijs huiusmodi congaudentes, iſſis Ioanni & Henrico, & ſi qui bonæ famæ, laudabilis vitæ, & honeſtæ conuerſationis Presbyteri vel Clerici ſe eis in tali propoſito adiunxerint, noſtra ordinaria auctoritate damus licentiam ſpecialem; approbantes ipſos poſſe ſimul in vna domo, vt Deo melius ſeruiant & ſtudij diligentius intendant, catholicè & canonicè viuere in cōmuni: quòdque aliquē ex eis Presbyterum, ad hoc magis idoneum, in ſuum poſſint eligere Confeſſorem, qui, toties quoties opus fuerit, aliorum ſic in comuni viuētium, per ſe vel per aliquem ſuorum ſociorum Presbyterorum, cui hoc pro tempore duxerit committendum, confeſſiones audire valeat, eoſque ſalutari, pro modo culparum, iniuncta poenitentia abſoluere, & ſimiliter iuriſdictionis auctoritate qualicumque curam Domus & ipſorum, ſicut bonus pater familiæ, gerere ſpecialem: iure parochialis eccleſiæ & cuiuſlibet alterius in alijs ſemper ſaluo &c. In quorum omnium firmitatem præſentes litteras ſigilli noſtri fecimus appenſione commuiri. Datum anno milleſimo quadringenteſimo decimo ſeptimo, die 7. menſis Martij.

1417.

IOANNES miſeratione diuina, S. Argeli, S. R. E. Diaconus Cardinalis, in Germania & nonnullis alijs partibus Apoſtolice Sedis de Latere Legatus ſpecialiter deputatus, vniuerſis ſalutem in Domino. Deſiderantes ſtatim humilium perſonarum Deo in ſinceritate cordis ſeruientium, & ſimul viuentium, dirigi & adaugeri, ea quæ pro quiete & ſalute earum providè facta ſunt, vt illibata perſiſtant, libenter volumus noſtræ Legationis præſidio communitate. Exhibita nobis ſiquidem, pro parte dilectorum in Chriſto Presbyterorum & Clericorum domus in *Wydenbach*, in comuni vita, in ciuitate Colonienſi, commorantium petitio continebat, quòd reuerendiſſimus in Chriſto Pater dominus *Theodericus* Archiepiſcopus Colonienſis præſatis Presbyteris & Clericis, eorumque Domus ac perſonis inibi pro tempore degentibus, nonnulla priuilegia, indulta & quædam alia conceſſit: prout in litteris ipſius domini Archiepiſcopi, 20. menſis Aprilis datis, plenius continetur. Quare pro parte eorundem Presbyterorum & Clericorum nobis fuit humiliter ſupplicatum, vt litteris huiusmodi & contentis in eis robor noſtræ confirmationis addere dignaremur. Nos igitur litteras huiusmodi, ac omnia & ſingula eis contenta rata ac grata habentes, illa confirmamus & approbamus. Inſuper indulgemus, quòd diſti Presbyteri & Clerici in eorum capella, quoties ad id deuotionem habuerint, inſimul diuinum Officium cantare & celebrare poſſint &c. Datum Coloniz anno Domini milleſimo quadringenteſimo quadrageſimo nono, Indiſtione XII. die 14. 1449. menſis Martij, D. N. Nicolai Papæ V. anno ſecundo.

FREDERICVS Romanorum Imperator ſemper Auguſtus ad futuram rei memoriam &c. Ad vos deuotos fidelesque noſtros, Rectorem atque Presbyteros & Clericos, totumque cœtum Domus in *Wydenbach*, ciuitatis noſtræ Colonienſis (de quorum vita cœm endabili, deuotione ſincera, conuerſationis honeſtate ac morum ornatu non ſolum famæ flagrantem recepiſimus odorem, quin & experientia ipſa didicimus veritatem) noſtræ clementiæ Imperialis liberalitatem extendentes, vos qui in ſimplicitate, inque

communi vsu bonorum vestrorum, absque proprietate, sine tamen mendicitate, ex opere etiam vestro manuali, alijs Presbyteris & Clericis, secundum formam ab Apostolo doctrina & exemplo traditam, licito, honesto & decenti, castè, concorditer, debitaque sub obedientia, & alijs ritè & legitimè transigitis, vestrosque in eadem vita successores, de corpore eiusdem Domus pro tempore existentes, in *nostros* & *S. R. Imperij Vicarios* & *Capellanos* in perpetuum recipimus & inuestimus: necnon ecclesiam vestram, ad honorem S. Trinitatis, gloriose semper Virginis Mariæ & SS. Angelorum dedicatam, Collegialemque dudum auctoritate Apostolica consecratam, & insignijs collegialibus decoratam, in nostrum & S. R. Imperij Collegium acceptamus, eamque necnon totam domum prædictam vnà cum suis attinentijs & prædijs, quæ de præsentì possidetis, & in futurum vos continget adipisci, ab oneribus & seruitijs laicalibus quibuscumque eximimus & liberamus: easque & ea ac vos vestrosque successores in nostram & Imperialis Celsitudinis singularem protectionem perpetuò suscipimus & c. Datum in ciuitate nostra Coloniaensi, anno Domini millesimo quadringentesimo septuagesimo quinto, die 23. mensis Septembris.

Caput v. Posteriorum seculorum Familia religiosa, & à quibus Pontificibus approbata.

VT hodie singulis ferè Canonicorum collegijs in orbe Christiano sua sunt Statuta, ac iura veluti municipalia, sic primis Ecclesiæ seculi singulorum ferè cœnobiorum peculiare Regulæ exstiterunt: vt suprà pag. 127. & sequentibus docui, Quin imò ex antiquis Scriptoribus constat, in vno eodemque cœnobio plures easque varias in vsu quondam Regulas fuisse, Vnius Gregorij Turonensis testimonium lib. 10. cap. 29. Hist. Francorum hic suffecerit. Is de S. Aredio Abbate agens; *Cœnobium*, inquit, *fundauit, in quo non modo Cassiani, verum etiam Basilij & reliquorum Abbatum, qui monasterialem vitam insueverunt, celebrantur Regula; beata muliere (Aredij matre) vitium atque vestium singulis ministrante.* Quid simile de monachis Turenribus, suprà pag. 129. & de S. Philiberto Abbate apud Surium 20. Augusti narratur: *Legebat studiose Basilij præclaras constitutiones, Macarij regulam, Benedicti decreta, Columbani instituta sanctissima: atque ita vnusq; virtutum aromatis, sectatoribus suis egregia de se exempla praebebat.* Huc facit & magni illius Cassiodori, ex Consule Romano monachi, monitum: *Omnes* (inquit, cap. 32. de diuinis Institutionibus) *quos monasterij septa concludunt, tam Patrum Regulas, quam præceptoris proprii iussa seruare.* Ceterum vt dies diem docet, posteriorum seculorum Pontifices Romani tollendæ confusione, religiosa castrorum Ecclesiæ agmina in varias quodammodo legiones ac turmas prudenter distribuerunt, & suam singulis viuendi formulam præscripserunt.

Alexander II. Papa anno 1061. *Camaldulense* institutum; Urbanus II. anno 1090. Congregationem *Valis Umbrosæ*; Paschalis II. monachorum *Cisterciensium* ordinem anno 1100. approbarunt; scriptis diplomatibus, quæ apud Laërtium & Cherubinum, in Bullario Romæ 1617. edito, tomo 1. exstant. De singulis consule, si voles, Origines nostras Monasticas, Coloniz anno 1620. editas. Idem Paschalis II. Lateranensem basilicam anno 1106. Rocio Priori, eiusque Fratribus regularem vitam professis concessit & confirmauit: *tomo 1. Bullarij.*

Alexander III. 1164. *Bernardum* Abbatem Clareuallensem Diuis adscripsit; *militem S. Iacobi* in Hispania 1175. & *Cartusiam* maiorem, aliasque eiusdem ordinis Domos 1176. suis tabulis stabiliiuit. Idem Onuphrio S. Saluatoris Messanensis Archimandrita 1175. commisit regimen monachorum ordinis *S. Basilij*, in XVIII. monasterijs partim Siciliæ partim Calabrię degentium: *tomo 1. Bullarij.*

Urbanus III. Hospitalem domum Bononiensem in vsum pauperum excitatam, cum ecclesia ab Alexandro III. prædecessore suo constructa, Magistro & Fratribus *Cruciferis*

vi, communem vitam ducentibus, ab eodem Alexandro commissam, tabulis 1187. scriptis firmavit: *tom. 1. Bullarij.*

Cælestinus III. Ioannem Gualterum, ordinis Vallis Vmbrosæ conditorem, 1193. Diuinus annuerat: & Congregationem *Montis Virginis*, sub Regula S. Benedicti, 1197. approbat: *tom. 1. Bullarij.*

Innocentius III. Fratribus S. *Trinitatis*, & Redemptionis captiuorum 1198. speciale Regulam præscribit: quæ exstat 10. 1. Bullarij. Idem de eum Hospitalariæ S. Mariæ in Saxia apud Romanos & domum Hospitalariam S. Spiritus in Monte Pessulano apud Gallos 1204. vnit, eidem quæ Magistro subiicit: *tom. 1. Bullarij.* Hinc origo ordinis Hospitaliariorum S. *Spiritus*: quæ gloria Domui Montis Pessulani debetur.

Honorius III. ordinem Prædicatorum sub S. Augustini Regula 1216. & ordinem FF. Minorum 1221. sub propria Regula approbat. Carmelitarum Regulam, ab Alberto Patriarcha Hierosolymitano scriptam, 1226. confirmat: *tom. 1. Bullarij.* Vide supra pag. 132.

Gregorius IX. Franciscum Assisiatem 1228. Antonium Paduanum 1232. Dominicum 1234. & Elisabethâ Hungarâ 1235. Sanctis adnum erat, Pro *Cluniacensis* ordinis reformatione 1233. nouas Constitutiones edit: quæ *tom. 1. Bullarij* recitantur. Ceterum Cluniacensis monasterij prima fundamenta circa annum Christi oðingentesimum vicesimum posuit *Gnarinus*, Comes Matisconenfis & Criblonensis: quod ab Hungaris vastatum *Gnilelmus Pius*, Aruerniæ Comes & Aquitanix Dux, anno 910. instaurauit ac dotauit, primo Abbate Bernone ibi constituto. Huic ex ordine in regimine successerunt *Odo*, Cluniacensis ordinis seu Congregationis conditor, *Maiolus*, *Odo* & *Hugo*, omnes Martyrologio Rom. adscripti, Plura qui volet, Andreæ Quercetani Bibliothecam Cluniacensem, & Origines nostras Monasticas lib. 2. cap. 2. & sequenti consulat. Ad Gregorium IX. redeat oratio. Is Magistro & Fratribus B. Mariæ de Mercede & Redemptione captiuorum anno 1235. Regulam S. Augustini præscripsit: *tom. 1. Bullarij.*

Innocentius IV. *Siluesterinorum* Congregationem sub S. Benedicti instituit 1247. & Regulam à S. Francisco traditam S. Clare approbat. Carmelitarum Regulam mitigat: Petrum martyrem, ex ordine Prædicatorum, in cælies anno 1253. refert: *10. 1. Bullarij.*

Alexander IV. Hospitaliariorum S. *Lazari* sodalitium sub signis S. Augustini 1255. militare iubet, Eremitarum diuerlas Cõgregationes, anno proximè sequenti, vnum in corpus redigit, & titulo *Eremitarum S. Augustini* donat.

Vrbanus IV. *Clarissarum* regulam 1262. Clemens IV. *Cisterciensium* Chartam caritatis 1265. & *Trinitariorum* regulam viuendi 1267. mitigant.

Nicolaus IV. tertiam S. *Francisci* regulam 1289. approbat: Pessulanam S. *Spiritus* domum hospitalariam Romanæ in Saxia subiicit. Cælestinus V. sodalium *Cælestinorum* Statuta 1294. comprobant. Bonifacius VIII. ex Priore S. *Antonij* Viennensis in Gallia 1297. creat Abbatem.

Benedictus XII. *Cisterciensem* 1335. *Benedictinum* 1336. & *Canonicorum regularium* 1339. Ordines reformat; Constitutionibus pro bono singulorum regimine editis, quæ *tom. 1. Bullarij* recitantur.

Gregorius XI. Fratribus S. *Ambrosij* ad Nemus Officium seu ritum Ambrosianum & regulam S. Augustini 1339. præscribit.

Innocentius VII. Regulam Fratrum & Sororum de poenitentia, ordinis S. *Dominici*, 1405. suo diplomate firmat.

Gregorius XII. Congregationem Canonicorum S. *Georgij* in *Alga* prope Venetias 1406. & Canonicorum regularium S. *Saluatoris* 1407. instituit. Pessulanos S. *Hieronymi* Eremitas approbat: his Eugenius IV. Regulam S. Augustini 1413. præscribit: *10. 1. Bullarij.*

Martinus V. *Lateranensem* Congregationem Canonicorum regulatam, varijs Congregationibus in vnum redactis, 1421. instituit: ordinem *Isauatorum* S. *Hieronymi* approbat.

probat: Regulam S. Francisci pro Conventualibus 1430. & Carmelitarum mitigat.

Eugenius IV. Fesulanis S. *Hieronymi* Fratribus 1441. dat Regulam S. Augustini: Congregationem S. Ambrosij ad Nemus, & licitatem Eremitarum S. Augustini instituit. Statuta pro monachis S. Basilij, in Capitulo generali concepta, 1446. laudat: Clarissarum regulam mitigat.

Sixtus IV. ordinem *Minimorum* 1474. approbat. Pro bono regimine Canonico-rum congregationis *Lateranensis* edit Constitutiones. Innocentius V. monachos *Vallis Umbrosæ* in vnam societatem, sub vno Abbate, 1484. redigit; scriptis Constitutionibus, quæ tomo 1. Bullarij leguntur.

Alexander VI. Fratres Apostolicos sub S. Augustini signis 1496. militare mandat. Vide quæ suprà pag. 53. diximus. Congregationem reformatam monachorum ord. Cisterciensis in Tuscia, Insubria, alijsque Italix provincijs, titulo S. *Bernardi* coho-nestatur, & suis tabulis 1496. firmat.

Iulius II. *Casimense* monasterium cum Patavino S. Iustinæ cenobio 1503. vnit: *Minimorum* Regulas 1505. & Ordinationes monachorum Montis Oliueti 1507. confirmat. Clemens VII. pias Clericorum familias, *Theatinorum* & *Paulinorum*, itemque Congregationem *Capucinorum* 1528. suis diplomatibus confirmat. Paulus III. anno 1540. & Iulius III. anno 1550. *Societatem Iesu* approbant. Horum omnium Pontificum diplomata tomo 1. Bullarij exstant. De reliquis Ordinibus suprà pag. 135. & sequenti-bus egimus.

Pius IV. militiam S. *Stephani* 1562. confirmat. Pius V. *Cruceseros* in Italia 1568. *Cistercienses* & *Servitas* 1570. reformat: editis Constitutionibus pro singulis familijs, quæ tomo 2. Bullarij exstant. Humiliatorum Ordinem 1571. exstinguit. Gregorius XIII. mili-tiam S. *Mauritij* 1572. approbat, & cum militia S. *Lazarj* coniungit. Basilianos 1579. in Congregationem redigit: Carmelitas discalceatos in Hispania 1580. approbat.

Sixtus V. duas Clericorum regularium, videlicet *Ministrantium infirmis* & *Minorum* familias; & Fulientem ord. Cisterciensis in Gallia Congregationem sua auctoritate sta-biliuit. Clemens VIII. *Trinitarios*, *Mercenarios*, *Basilianos*, *Eramitas Augustinianos*, *Hie-ronymianos* & alios ad strictiorem viuendi formulam reduxit; scriptis legibus, quæ tomo 3. Bullarij recitantur.

Paulus V. militiam B. *Mariæ de Monte Carmelo*, in Gallia excitatam, 1608. ratificat. Instituta Oratorij in Italia 1612. & Institutionem *Oratorij* in Gallia 1615. suis litteris fir-mat. Gregorius XV. Congregationem Clericorum *Doctrinæ Christianæ*, à Paulo V. ad-missam, in classe Religionum 1621. collocat, & eorundem Constitutiones suo diploma-te bullato firmat. Urbanus VIII. militiam *Christianam*, titulo B. *Mariæ Virginis* immacu-latæ, sub Regula S. Francisci, 1624. approbat. Ordinis huius militaris Statuta tomo 4. Bullarij recitantur.

Addenda, corrigenda vel mutanda.

Pagina 9. linea 13. *Offendens eos (Fratres vite communis) non minus esse Religiosos alijs, qui Reli-giosis nominibus inscripantur.* Hæc sunt comode accipienda: quia, vt hodie vulgo loquimur, Reli-giosi propriè dicuntur ij, qui tribus votis solènis sunt adstricti. Pag. 10. lin. 11. & 32. *add.* *Bruxellæ Domus Fratrum vite communis à V.N. Philippo Heetveldio, & Cameraci à Iacobo Croyo Episcopo ibidem, agente Ioanne Standonco, Doctore Sorbonico, fuerunt fundatæ.* Pag. 21. lin. 18. *add.* Carmelitæ Paulopoli in Artesia similiter scholas aperiuunt; Benedictini itè Onatæ in Castellâ Academiam habent. Pag. 51. lin. 1. *lege.* Ioannem Bap. Tufum Aceræ (non *Aræ*) Episcopum, qui Historiam sui ordinis Theatini Italicè conscripsit. Pag. 51. sub finem, Domibus Theatinorum *add.* Bononiensem, Panormitanam, & alias. Pag. 55. lin. 36. *Anef-siaci* in Sabaudia Collegium, *add.* fundatum à V.N. Eustathio Chapuy, qui & Louenij Col-legium Sabaudie à fundamentis excitauit ac dotauit, ibidem in sacello domesticio sepulchus. Pag. 98. ad marginem ponatur numerus 1578. non 1598. Pag. 136. lin. 1. *lege.* Benedictus XII. varias & fufas Constitutiones edidit. Gregorius XII. Cõstitutiones Canonico-rum S. Georgij in Alga &c. Pag. 145. lin. 48. *lege.* aut secundum prædicta Statuta expelli. Pag. 151. lin. 44. & 46. ponantur hi numeri 1575. non 1575. Pag. 131. lin. 18. S. Lanfranci, *dele* S.

I N D E X R E R V M

M E M O R A B I L I V M.

A.

A La milites in Hispania. 132.
 Alcantara milites. 133.
 Alexander Saulus. 16.
 Aloysius Lipomani. 47.
 Ambrosiani ad Nemus. 53.
 Amoris Divini sodalitas. 47.
 Anacletus Succus. 52. 56.
 B. Andreas Avellinus Theatinus. 50.
 Aganensis Regula. 130.
 Angelica moniales. 56.
 Annuntiata in Francia & Belgio. 135.
 Annuntiata Germanenses. 135.
 S. Antonij ordo. 134.
 Antonius Agellius. 49. 50.
 Antonius Caracciolus. 47.
 Antonius Gallonius. 97.
 Antonius Maria Zacharias, fundator Paulinorum. 53. 56.
 S. Augustini Regula. 53. 132. 134.
 Augustinianorum schola. 20.
 Augustinus Tornellus. 56.
 Augustinus Turtura. 71.
 Ausij milites in Hispania. 132.
 S. Aureliani Regula. 129.

B.

B Arnabita, alias Apostolici. 53.
 Barnabita, al. Paulini Clerici. 52.
 Bartholomaeus Ferrarius. 53.
 Bartholomaeus Ganantius. 57.
 S. Benedicli Regula. 129.
 S. Basilij Regula. 128.
 Benedictinorum schola. 20.
 Benedictini Abbas, scriptor Concordiae Regulatum. 131.
 S. Bernardus. 133.
 Bernardinus Ochinus hereticus. 49.
 S. Birgitta. 134.
 Boni Iesu Clerici. 70.
 Burisfeldensis Congregatio. 136.

C.

C Alesimi. 133.
 Caesar Baronius. 96.
 Caesar Busius. 117.

S. Casarij Regula. 129.
 B. Caietanus Thienens, auctor Congregationis Theatinae. 23. 47. 51.
 Calatrava milites. 132.
 Camaldulenses monachi. 131.
 Camillus Lellius, insinuator Clericorum Ministrantium infirmis. 101.
 Canonici regulares. 133. eorum schola in Belgio. 21.
 Capucinorum ordo. 135.
 Capucina Neapoli. 50.
 Caritatis B. Maria ordo. 134.
 Carmelitarum ordo. 132.
 S. Carolus Borromeus. 54. 73. 98.
 Carolus à Basilica Petri. 57. 99.
 Carolus Magnus Imp. 21.
 Cartusianorum ordo. 131.
 Casinensis Congregatio. 133.
 Cassianus. 129.
 Cistercienses. 131.
 Chorus non obest scholis. 57.
 Christi milites in Lusitania. 132.
 Christianus Massani. 7. 18.
 Celitatum Congregatio. 134.
 Clericorum regul. Congregationes. 135.
 Clarissarum Regula. 132.
 Clementinum collegium Roma. 76.
 Cluniacensis Statuta. 133. 153.
 Cimiteria Romana. 97.
 Colonia ad Corpus Christi multa Regulae manuscripta. 127.
 S. Columbani Regula. 130.
 Communis vita Fratres. 1. 144.
 Conradus Goclenius. 19.
 Constitutiones in quo differat à Regula. 64.
 Corfica Apostolus Alexander Saulus Paulinus. 56.
 Crucis insigne in vestibus Ministrantium infirmis. 102.
 Cruciferi in Italia. 131. 152.

D.

D Auentia Domus Fratrum viae communis. 2. 3. 19.
 Dini.

INDEX RERVM

Olgiatus Prasellus Bibliotheca Ambrosiana Mediolani. 101.131.
Onuphrius Panninius. 132.
Oratorij Congregatio in Italia. 78. in Gallia. 117. in Belgio. 126.
Oratorij instituta. 79. Schola eiusdem in Gallia. 123.
Ordo seu Rituale Benedictinorum. 136.
Orientalis Regula. 128.
Orieſij Regula. 128.
Orphanorum curam in primis habens Somaſceni. 137.142.
Osnaburgi ſchola. 21.

P.

Parochialibus eccleſijs praſunt Paulini. 54. Somaſceni. 138. Patres Oratorij. 78.
S. Pachomij Regula. 127.
Papia & Mediolani collegia Borromaeana. 76.
Paphnutij Regula. 128.
S. Patricij Regula. 129.
Paula Antonia, fundatrix Angelicatum. 56.57.
Paulini Clerici. 52. eorum gymnafia publica. 54.57.
S. Pauli Eremita' ordo. 134.
Paulus III. Papa. 58.72.
Paulus IV. Papa. 50.
Paulus V. Papa. 77.
Paulus Conſtitutarius. 49.
Paulus Juſtinianus. 137.
Paulus Metaxellus. 123.
Pauli & Stephani Regula. 130.
Petrus Bernellius, inſtitutor Oratorij in Gallia. 117.
Petrus Caniſius Soc. Jeſu. 19.
S. Petri de Monte Corbulo Congregatio in Italia. 134.
Petrus Damiani. 134.
Petrus Honeſtius. 134.
Petrus Juſſanus. 134.
Petrus Martyr Felinus. 117.
Petrus Martyr Vermilius haereticus. 49.
B. Petrus Piſanus. 134.
Petrus Ribadeneyra. 20.
Petrus Sutor. 132.
Petrus Teſtanius, ſanctor Theatinorum

Neapoli. 51.
Petrus Venerabilis. 133.
Petrus Vega. 128.
Petrus Waſſelinus. 129.
Philippus II. Hiſp. Rex, ſanctor Clericarum Minorum. 109.
Philippus Ferrarius. 76.
S. Philippus Neri, fundator Oratorij. 78.96.
Philippus Winghamus. 97.
Pij II. Palatinum Roma incolunt Theatinum. 51.
Pius V. Papa. 73.
Portuſenſes Conſtitutiones. 134.
Prædicatorum Conſtitutiones. 132.
Præmonſtratenſium Statuta. 131.136.
Promiſſio à Fratribus vita communis fieri ſolita. 145.146.
Psalmodia ſtudijs non obeſt. 57. eius uſus in Choro antiquus. 53.57.

Q.

Quadrageſima horarum præces à quo & quando inſtituta. 56.
Quatuor Spernere beati. 50.

R.

Recellum Domus pro Clericis Minoribus. 109.
Regula deſinitio. 64. diſcrimen à Conſtitutionibus. 64.
Regula Canonicoꝝ & Canoniſſarũ. 131.
Regula IV. communes. 53.65.
Regula propria in ſingulis olim cenobijs. 127. Plures ſæpe in uno cenobio. 152.
Regula communes Soc. Jeſu. 67.
Regula denotarum. 130.
Raimundus Podienſis. 133.
Regula Patrum varijs in locis miſi. 127.
Reyners Benedictinus. 131.
Ritus Ambroſianus. 134.53. Roman. 57.
Robertus Bellarminus. 128.
Roberta Carafa. 105.
Roma ſubterranea. 79.
S. Romualdus conditor ord. Camaldulenſis. 131.
Rufus Marchio de Eſſiat. 125.

S.

Sabellica curia Roma. 105.
Seculares Oblati. 101.

Sampſon

MEMORABILIVM.

<i>Sampson Hains.</i>	<u>133.</u>
<i>Santilius Cicatellus.</i>	<u>102.</u>
<i>Schola Canonum, Roma à Gregorio</i> <i>instituta.</i>	<u>1.</u> <u>22.</u>
<i>Schola in claustris Canonorum.</i>	<u>21.</u>
<i>Schola publica Fratrum vite communis,</i> <i>Soc. Iesu, Augustinianorum, Benedi-</i> <i>ctinorum, Canonorum regularium,</i> <i>Dominicanorum, Paulinorum, Pa-</i> <i>trum Oratorij, Clericorum Mino-</i> <i>rum.</i>	<u>21.96.108.110.123.</u>
<i>Scholarum piarum Clerici.</i>	<u>113.</u>
<i>Scriptio sibi visum paratam Frates</i> <i>vite communis.</i>	<u>147.</u>
<i>Sedulius Franciscanus.</i>	<u>19.</u>
<i>Senator Castiodorus.</i>	<u>22.</u>
<i>Seminarium Episcoporum est Ordo Thea-</i> <i>linorum.</i>	<u>51.</u>
<i>Seraphinus Firmanns.</i>	<u>70.</u>
<i>Serapionis Regula.</i>	<u>128.</u>
<i>Servatius de Lantzel.</i>	<u>136.</u>
<i>Seweranns editor Roma substantia.</i>	<u>97.</u>
<i>Servi B. Maria.</i>	<u>134.</u>
<i>Sfortia Dux Mediolani.</i>	<u>71.</u>
<i>Silmannus Rastius.</i>	<u>131.</u>
<i>Silvester Manolicus.</i>	<u>71.106.</u>
<i>Silvestrinorum ordo.</i>	<u>133.</u>
<i>Sirmondus Soc. Iesu.</i>	<u>129.</u>
<i>Simon Vercapans.</i>	<u>20.</u>
<i>Sixtus V. Papa.</i>	<u>154.</u>
<i>Societas Iesu. 58. Regula eiusdem.</i>	<u>67.</u>
<i>Solitariorum Regula.</i>	<u>130.</u>
<i>Sollus Cancellarius ord. Teutonici.</i>	<u>133.</u>
<i>Somasceus Clerici. 71. Constitutiones co-</i> <i>rum. 137. Collegia. 142. Schola.</i>	<u>143.</u> <u>76.</u>
<i>Somasceus.</i>	<u>76.</u>
<i>S. Spiritus, Roma. 134. Venetij.</i>	<u>134.</u>
<i>Stella Somasceus.</i>	<u>76.</u>
<i>Stellatus Augustinianus.</i>	<u>127.</u>
<i>S. Stephani militia.</i>	<u>133.</u>
<i>Strudis non obest Chorus.</i>	<u>57.</u>
<i>Synopsis ms. Anacleti Sicci de Congrega-</i> <i>tione S. Pauli.</i>	<u>56.</u>
<i>S. Syrus Ep. Papiensis.</i>	<u>57.</u>

T.

T <i>Arnantensis Regula.</i>	<u>130.</u>
<i>Tauralla Comitissa.</i>	<u>56.</u>

<i>Templarj milites.</i>	<u>132.</u>
<i>S. Titisia, ordinis Carmelitarum refor-</i> <i>matrix.</i>	<u>132.</u>
<i>Teutonici milites.</i>	<u>133.</u>
<i>Theatini Clerici. 23. 47. vivunt ex elec-</i> <i>tionis sponte oblati. 48. ut et Cle-</i> <i>rici Minores</i>	<u>108.</u>
<i>Theodorus Sinaites.</i>	<u>133.</u>
<i>Thomas Bozins.</i>	<u>97.</u>
<i>Thomas Goldwellus, Theatinus.</i>	<u>50.</u>
<i>Thomas Kempensis.</i>	<u>18.19.</u>
<i>Thomas à Iesu.</i>	<u>129.</u>
<i>Thomas Waddingus.</i>	<u>132.</u>
<i>Trenetis ad S. Maximinum, plurima</i> <i>Regula mis.</i>	<u>127.</u>
<i>Trenisini Doctor Medicus.</i>	<u>127.</u>
<i>Trinitariorum Regula.</i>	<u>133.</u>
<i>Typographia inuentio.</i>	<u>147.</u>

V.

V <i>Aleria de Alerij.</i>	<u>56.</u>
<i>Valerij Regula.</i>	<u>130.</u>
<i>Valerius Andreas.</i>	<u>19.</u>
<i>Vallis Caulum.</i>	<u>133.</u>
<i>Vallidella, Roma.</i>	<u>78.96.</u>
<i>Vallis-Scholares.</i>	<u>134.</u>
<i>Vallis Umbrose ordo.</i>	<u>133.152.</u>
<i>Vallisoletana Congregatio.</i>	<u>133.</u>
<i>Vassalla Principatus.</i>	<u>56.</u>
<i>Venantius Fortunatus.</i>	<u>129.</u>
<i>Venetij sex domicilia habent Clerici So-</i> <i>masceus.</i>	<u>143.</u>
<i>Visitationis B. Maria ordo.</i>	<u>135.</u>
<i>Villanorum palatium Gandavi.</i>	<u>20.</u>
<i>S. Viti Congregatio.</i>	<u>133.136.</u>
<i>Vitor Ep. Boloniensis.</i>	<u>124.</u>
<i>S. Victoris Congregatio.</i>	<u>133.</u>
<i>Vigilij Abbatis Regula.</i>	<u>129.</u>
<i>Vincencius IV. Dux Mantua, sanctor</i> <i>* Ministrantium infirmis.</i>	<u>106.</u>
<i>Virginia de Negrj.</i>	<u>130.</u>

W.

W <i>Alpotius Magister ordinis Teu-</i> <i>tonici.</i>	<u>133.</u>
<i>Windesimensis Congregatio.</i>	<u>19.134.</u>

Z.

Z <i>Acharius Bouerius.</i>	<u>135.</u>
<i>Zametius Ep. Lingonensis.</i>	<u>125.</u>

FINIS.

